

orant ut Christus qui aperit et nemo claudit, qui salvat et nemo condemnat, veniat et eos de carcere exterioribus inferni deducat. In quinta clamant ad Filium Dei, qui est splendor lucis æternæ et Sol justitiae, ut veniat et illuminet sedentes in interioribus et in umbra mortis. In sexta sub persona gentilis populi affectuose clamant et rogant, ut duos populos quasi duos parietes in uno lapide angulari convenire et eos salvare dignetur. In septima humili jubilatione supplicant, ut qui a Deo Patre per Isaiam vocatus est Emmanuel, id est *nobiscum Dominus*, tanquam rex noster et legifer nobis a Deo missus veniat et salvet nos. Denique quia plerique illorum Deo inspirante prænoverant quod salutis humanæ mysterium per filium Virginis impleretur, octavam antiphonam, quam ex certa causa incidenter præmisimus, ad Virginem virginum dirigunt, ut ipsa virtutibus cœli et sanctis animabus annuntiet divinæ sapientiæ salutare mysterium.

Hæc de canticis veterum et antiphonis vespertinis, quæ Nativitatem Domini antecedunt, succincta brevitate transcurri, non propter hoc omisi vel distuli, quin scriberem et cantarem quæ ad honorem Dei et Ecclesie atque ædificationem populi Christi pertinere credebam. Scio quod longe dulcius et fructuosius est cogitare et scribere quæ operantur ad salutem animæ, quam ea quibus venamur pompam mundi et gloriam sœcularem. Est autem inter hæc duo quoddam medium, ut scribentes reverenter Deum habeamus præ oculis, atque populum Christianum ad ædificationem animæ salutaribus monitis instruamus. Eapropter juxta sacram Scripturam, et hæc oportet facere et illa non omittere, etenim cum non habeam vasa aurea vel argentea vel lapides pretiosos, quæ offeram in opus tabernaculi, duo tamen minuta offeram cum paupere vidua, honorem Deo et ædificationem populo Christiano. Nec enim in Dei facie vacuus apparere præsumo cantico; novum canticum cum modernis cantaverunt veteres canticum modo vetus, Christum scilicet incarnandum. Cantamus et nos eundem cantum, sed novum;

²² Marc. 11. ²³ Judic. 16.

A quem enim cantabant incarnandum, nos canimus incarnatum. Scriptum est enim: *Et qui præbant et qui sequebantur cantabant: Hosanna in excelsis*²⁴! Umbra veterum nobis in lucem conversa est, figura in veritatem, spes in certitudinem, promissio in plenariam hæreditatis possessionem. Si arguendus, imo quia multiplicitate arguendus sum, et de canticis et de rhythmis culpam meæ levitatis agnoscens, me ipsum reprehendo; vos quoq[ue], qui spirituales estis, corripite hujusmodi levitatem in spiritu lenitatis. Humanis tamen vocibus et musicis instrumentis prophetæ usi sunt, metriceque scripserunt: metra enim et cantica hominum corda fortius movent et ubi sermo communis inutilis est, exquisita sententia verbis vestita elegantibus quandoque efficaciter ædificat ad salutem. Habetam pro amore vestro in votis de oneribus, quæ Isaías proponit et disponit octo excipere et eadem octo beatitudinis quadam proportione quasi contraria mutuo coaptare. Ulterius etiam proficisciens fixeram in animo meo octo antiphonas, quæ incipiunt per *O!* quasi octo vias ad octo beatitudines, quasi osculo et consensu prædulcissimo couuire, atque per Christum virgam exactoris et jugum operis ejus offerre, sicut in die Madian. Christus enim panis ille est subcinerosus qui in figura Gedeonis subvertit castra Madian²⁵. Ipse quidem sub cinere nostræ mortalitatis in cibano erucis tortus et coctus est, sed reservatus est ille panis, qui de cœlo descendit per gloriam resurrectionis, per quam a carne sua cinerem passibilitatis excussit, cumque voluntas hæc in corde ferventius æstuaret, dictum est milii a quodam magno et prudentissimo viro se vidisse et legisse tractatum quemdam magistri Acardi de sancto Victore super octo Isaiæ oneribus, et ibi per preces et desideria antiquorum auferebantur onera, et octo beatitudines succedebant. Ego autem in ea veneratione et reverentia quam Statius in sine Thebaidos exhibet Virgilio, magistro Acardo defero, dicens aninæ mee:

*Non tu divinam exæquare Aeneida tenta,
Sed longe sequere, et restigia semper adora.*

PETRI BLESENSIS SERMONES.

(Opp. edit. J. A. GILLES, Oxon. et London. 1846, in-8, tom. IV.)

SERMO PRIMUS

DE ADVENTU DOMINI.

Cum medium si eniūm tenerent omnia et nos in

²⁴ Sap. 18

B suo cursu medium iter ageret, omnipotens sermo a regalibus sedibus venit²⁶.

A diebus antiquis postquam clamaverat Dominus

primo prævaricatori : *Adam ubi es?*⁴⁵ clamavit et sanguis Abel de terra, ex tunc siluit genus huma-
num, quia in ipsum mors intravit per peccatum. Silebat homo mortificatus in gratiis, in natura-
libus vulneratus; adeo erat Iesus et insirmus homo,
ut non esset in eo vox neque sensus. Et hoc intel-
ligo primum silentium fuisse. Venit Moyses, et data
est lex. Lex quidem modum infirmitatis ostendit;
sed remedium infirmitatis non ostendit. *Nesciebam,*
dicit Apostolus, *quid esset peccatum, nisi esset lex?*⁴⁶
Ex quo igitur homines sua vulnera cognoverunt,
cooperunt clamare et querere medicinam: et sic
ruptum est primum silentium. Porro considerantes
agroti, quod in lege non erat salus, quia neminem
iustificabat lex, neminem ad perfectum ducebat:
tandem post clamorem affecti longa expectatione
et tædio siluerunt. Et hoc est medium silentium.
Hoc autem silentium ruptum est tripliciter: per
vocem, per verbum, per canticum. Per vocem, quia
per eum qui dicit: *Ego vox clamantis in deserto:*
*Parate viam Domini, etc.*⁴⁷ Per verbum; nam *omni-
potens sermo a regalibus sedibus renit.* Per canti-
cum: nam in ortu Verbi incarnati, *Gloria in excel-
sis Deo angeli cecinerunt*⁴⁸. Multos sermones de-
derat Moyses; sed nullus eorum omnipotens fuit.
Defecerunt enim in sua promissione, et quod dice-
bant non potuerunt efficere. Verbo autem Domini
cœli firmati sunt: et omnipotens sermo non solum
promisit aut dixit, sed quæcumque voluit fecit.
Tertium silentium erit in regeneratione, cum sede-
rit *Filius hominis in sede majestatis sua*⁴⁹. Cum
abstenserit Dominus lacrymas ab oculis sanctorum
suorum: et iam non erit amplius clamor neque do-
lor⁵⁰. Cum obtinuerit justus ut requiescat a la-
boribus suis⁵¹: et in pace factus fuerit locus eius⁵².
Et quibus, juxta verbum Isaiae, in silentio et spe
fuit fortitudo⁵³, erit gaudium et pax in æterno si-
lentio. Sicut ergo Salomon ait: *Est tempus tacendi
et tempus loquendi*⁵⁴: tempus tacendi, dum medium
silentium tenerent omnia; tempus loquendi, dum clama-
mat Joannes in deserto: *Parate viam Domini, rectas
facite semitas Dei nostri*⁵⁵. Elongaverat Joannes,
et fugerat in solitudinem. Præferebat solitudinem
sollicitudini, pacem turbationi, quietem tumultui,
cremum civitati. Clamat in deserto, sciens quod
quanto remotior esset a frequentia hominum, tanto
immunior esset a contagio peccatorum.

Notata, fratres, quod a temporibus Eliæ et alio-
rum prophetarum, desertum dedicatum est sancti-
tati, ut esset in eo quasi secretior Dei thalamus in
terra, et familiare auditorium Spiritus sancti. Suc-
cessit prophetis Joannes propheta, et plus quam
propheta: ex cuius inhabitacione plurimum reveren-
tia et honoris deserto accrevit.

Accessit Jesus, qui desertum per quadraginta

A dies jejunio consecratum poenitentiae dedicavit. Ibi tentatus tentatoris malitiam confutavit, ut quicun-
que in solitudinem fugeret, iam non timeat insidias inimici, sed in loco horroris habeat locum secu-
ritatis, et in solitudine inveniat civitatem habita-
tionis. Qui in deserto jejunavit, in deserto pavit
turbas, et ibidem manna, panem scilicet angelorum
copiose largitus est, ut consteantur Domino misericordiae ejus, ut jam non desperent qui Christum in deserto sequuntur, et dicant: Quid comedimus aut quid bibemus? Ille etiam qui animam inanem et animam esurientem satiat bonis, qui dat jumentis escam ipsorum, et pullis corvorum invocan-
tibus eum⁵⁶, animam illam quæ se Christo per voti obligationem et professionis vinculum desponebat,
non deseret in deserto desertam, sed ei in abun-
dantia misericordiae suæ ministrabit et dicet:
*Recordatus sum tu, miserans adolescentiam tuam et
charitatem desponsationis tuæ, quando secuta es me
in deserto*⁵⁷. In terra ergo salsuginis, in terra hor-
roris et vastæ solitudinis, in terra quæ non ger-
minavit haec tenus nisi spinas et tribulos, germinabit
Dominus gratiam et benedictionem. Pingue-
scens illi animæ speciosa deserti, ponet ei Do-
minus desertum quasi delicias, et solitudinem quasi
hortum irriguum. In hoc deserto, in hac solitudine
quidam sedent solitarii, sed non silent: quos sol-
licitudinem mundanarum turba circumstrepit cum
de religioso scriptum sit: *Sedebit solitarius, et le-
vabit se super se*⁵⁸. Supra se levat se qui viam Do-
minò parat intra se. Ideo in hoc deserto, fratres,
audit vox illa clamantis: *Parate viam Domini,
rectas facite semitas Dei nostri*⁵⁹. Utinam in de-
serto cordis mei, audiatur vox ista, et rumpatur
silentium in quo sum tanquam vulneratus dor-
miens in sepulcris! Utinam non solum vocem poen-
itentiam prædicantis, sed ipsum audiam Verbum,
et audiam quid loquatur in me Dominus Deus!
Utinam loquatur ipse in corde meo, et loquar ad
Dominum meum! *Diu sili, et humiliatus sum, et
sili a bonis*⁶⁰. Utinam siluisse a malis! Sed non
sum qui dicere possim: *Ut non delinquam in lingua
mea*⁶¹. Frequenter accepi opprobrium adversus
proximos meos, et cum deberem disponere ser-
mones meos in judicio ad observantium æquitatis,
sermo meus versuti viri præstigio subornatus erat in
calumniam et subversionem justitiae, et in mortifi-
cationem animæ meæ quasi gladius acutus, et lingua
mea concinnabat dolos. Nunc autem sileo a Deo,
a sæculo, a meipso. A Deo, cuius laudem in corde
et ore non habeo; a sæculo, cuius malitiam nec
verbo nec opere damno; a meipso, quia peccata mea
confessione non arguo, nec satisfactione redimo, nec
bonis operibus recompenso. Hoc est silentium, in
quo libenter audio sapientiam hujus sæculi, quæ

⁴⁵ Gen. 3. ⁴⁶ Rom. 7. ⁴⁷ Matth. 3. ⁴⁸ Luc. 2.
75. ⁴⁹ Isai. 30. ⁵⁰ Eccl. 3. ⁵¹ Matth. 5. ⁵² Psal. 146.
58. ⁵³ Ibid.

⁵⁴ Matth. 19. ⁵⁵ Apoc. 21. ⁵⁶ Apoc. 14. ⁵⁷ Psal.
7. ⁵⁸ Jer. 2. ⁵⁹ Thren. 3. ⁶⁰ Luc. 3. ⁶¹ Psal.

stultitia est apud Deum ¹, quam verbum Dei et legem Altissimi. Et hoc forte est quod Salomon insinuat, dicens: *Verba sapientium audiuntur in silentio plus quam clamor principis inter stultos* ². Clama, queso, tu qui es vox clamantis. Clama, ne cesses, sicut tuba exalta vocem tuam ³, clama, tona, corusca, et fulgura, si forte exsurget qui dormit, si forte adjiciat ut resurgat, qui contra Dominum fere totus obsurdiuit. Multi etiam imbecilles sunt et dormiunt multi, atque, ut verbo Jeremiæ utar: *In circumeisæ sunt aures eorum, et audire non possunt* ⁴. Clama, queso, præco Domini, ut præparent viam Domini, et rectas faciant semitas Dei nostri ⁵.

Et quid est, fratres? Nonne a sæculo quod Joannes nos admonet parare vias Domini, et rectas facere semitas Dei nostri? Nonne a sæculo et usque in sæculum rectæ sunt viæ ejus? De viarum quarum rectitudine cum impio disputat; nam, teste propheta, dixit impius in corde suo: *Non est recta via Domini* ⁶: sed eum Dominus constantissime redarguit et confutat: *Nunquid non viæ meæ rectæ sunt: et non magis viæ vestræ pravæ sunt, dicit Dominus?* Scimus equidem, nec possumus diffiteri, quia viæ Domini, pulchrae et omnes semitæ ejus pacificæ ⁷. Hoc nobiscum fatebatur qui dicit: *Via Domini immaculata Deus meus, impolluta via ejus* ⁸. Via Domini adeo directa est, sicut propheta testatur, *ut stulti non errant per eam* ⁹. Sane multos sapientes vidi in hac vita errantes. Nam cum sapientia hujus mundi sit *terrena, animalis et diabolica* ¹⁰; non est mirum si illi qui ita sapiunt, errant; et viam æternæ civitatis ignorant. Illa vero stultitia per quam placuit Deo salvos facere credentes ¹¹, illa est quæ non errat; illa est quæ viam novit, quam Deus abscondit a sapientibus et prudentibus hujus sæculi, stultisque et parvulis revelavit ¹². O Domine, tu parasti directiones viam justificationum tuarum, dirige in conspectu tuo viam meam. Et quid est dirigere Domini semitam, nisi corrigere suam vitam? Viam vero Domino parat, qui cor suum coram Deo humiliat, et peccata in quibus offendit per pœnitentiam purgat. Cum omni ergo diligentia considerandum est, ne quid pravum inveniatur in voluntatibus nostris, ne quid asperum in moribus, vel tenebrosum, vel lubricum, aut distortum: pravum per malitiam, asperum per impatientiam, tenebrosum per ignorantiam, lubricum per inconstantiam, distortum per discordiam et vitæ inæqualitatem. Quidam semper sunt asperi, lubrici et distorti: et sunt inter alios fratres quasi angues inter anguillas, quasi corvi inter columbas, quasi spinæ inter lilia, et tribuli inter rosas. *Contritio et infelicitas in viis eorum, quia viam pacis non cognoverunt* ¹³. *Via talium tenebrae et lubricum, et angelus Domini per-*

A sequens eos ¹⁴. Frequentissime siquidem vidi homines hujusmodi inquietos, et litigiosos graviter a Domino flagellari. Nam contra talium malitiam Dominus immittit immissiones per angelos malos ¹⁵. Ut quid Deo et fratri suo contrarius et contumeliosus fuit? tradatur Satanæ in interitum carnis; et qui aliis gravem et importabilem se exhibuit, sibi metu fiat gravis. Et hoc est quod legitur in Proverbii: *Semper jurgia querit malus* ¹⁶: Angelus autem crudelis mittetur contra eum.

Si quid ergo in nobis tenebrosum est, per confessionem illuminetur; si quid lubricum, in amore Christi stabiliatur; si quid distortum, ad æquitatem divinæ regulæ dirigatur; si quid asperum, ad levitatem spiritualis gratiae complanetur. Sic dirigit mansuetos Dominus, docebitque mites vias suas ¹⁷. Quod si alieui videntur angustæ viæ Domini, non admiretur. Viæ Domini viatores exigunt graciles et expeditos, nec mole terrenæ sollicitudinis oneratos. Ideo angustæ sunt propter angustiam pauperum: sed amplissimæ videntur his qui diligunt Dominum, et aspiciunt, juxta verbum Apostoli, in remuneratorem salutis æternæ ¹⁸. Talis erat Moyses de quo scribit Apostolus: *Quia reputavit majores divitias thesauris Ægyptiorum impropterum Christi. Aspiciebat enim, dicit Apostolus, in remuneratorem* ¹⁹. Et hoc quod in Ezechiele legitur, quod duo cherubim utraque facie aspicerent in palmam ²⁰. In omnibus enim quæ agimus, sive temporalia, sive spiritualia sint, debemus in remuneratorem viæ oculos nostræ intentionis dirigere. Nam si attendat justus, qui ex fide vivit, quanta præparet Dominus diligentibus se; si consideret omnis consummationis finem, clamabit et dicet: *Dilatasij, Domine, gressus meos* ²¹; et: *Latum mandatum tuum nimis* ²². Dilatatur enim via Domini, ex quo delectatur anima in magnitudine præmii, et brevitate laboris. Eat ergo homo ad exitus viarum; nam ibi assumuntur qui jubentur ad nuptias introduci ²³. Fines siquidem et exitus viarum hic recipiet, pro mundanis cœlestia, pro transitoriis æterna, pro temporali labore quietem et gloriam sine fine. Gaudeatis ergo, fratres, et cantetis in viis Domini: *Quoniam magna est gloria Domini* ²⁴. Gaudeatis expectantes beatam spem; et adventum gloriæ magni Dei ²⁵. Nam in proximo est ut reddat vobis Dominus mercedem laborum vestrorum; et qui custodivitis pro Christo vias duras, a Christo recipietis coronas inmarcescibiles et æternas. Quas vobis præstare dignetur Christus Jesus, qui cum Patre et Spiritu sancto vivit et regnat, per omnia sæcula sæculorum! Amen.

SERMO II.

DE EODEM ADVENTU.

Aspiciebam in visione noctis: et ecce in nubibus

¹ I Cor. 3. ² Eccle. 9. ³ Isa. 58. ⁴ Jer. 6. ⁵ Matth. 3. ⁶ Ezech. 48. ⁷ Prov. 3. ⁸ Psal. 47. ⁹ Isa. 38. ¹⁰ Jac. 3. ¹¹ I Cor. 21. ¹² Matth. 11. ¹³ Psal. 43. ¹⁴ Psal. 34. ¹⁵ Psal. 77. ¹⁶ Prov. 17. ¹⁷ Psal. 24. ¹⁸ Hebr. 11. ¹⁹ Ibid. ²⁰ Ezech. 41. ²¹ Psal. 17. ²² Psal. 118. ²³ Matth. 22. ²⁴ Psal. 137. ²⁵ Tit. 2.

*cæli quasi Filius hominis veniebat, et usque ad Antiquum dierum pervenit, et in conspectu ejus obtulerunt eum. Et dedit ei potestatem et honorem et regnum, et potestas ejus potestas æterna, et regnum ejus quod non corrumpetur*²⁷.

Daniel Dominicæ adventus inflammatus desiderio (unde et *Vir desideriorum* ab angelo vocatus est²⁸) effudit in se animam suam, ut transiret in locum mysterii admirabilis, et videret sacramentum Incarnationis Dominicæ absconditum a sanctis, sicut Apostolus dicit²⁹. Unde et in visione noctis aspicebat. Est enim visio noctis, est et visio diei, et est visio lucis: visio nocturna ante gratiam, visio diei sub gratia, visio lucis in gloria. Videbant prophetæ et patriarchæ in visione noctis. Unde legitur: *Locutus es in visione sanctis tuis et dixisti: Posui adjutorium, etc.*³⁰ De secunda visione qua in apostolis sub tempore gratiæ facta est, dicit Paulus: *Speculantes gloriam Domini in eamdem imaginem transformamur a gloria in gloriam tanquam a Domini Spiritu*³¹. Nunc spiritualiter videamus quasi per speculum in ægniate, sed cum venerit visio lucis, fulgebunt justi sicut sol in conspectu Dei, et tunc videbunt lumen in lumine, et purisfatis oculis videbunt lucem, quam non posset mortalis oculus sustinere.

Et ecce in nubibus cæli quasi Filius hominis veniebat. Tres sunt nubes: obscuritas in prophetis, profunditas in divinis consiliis, occulta et inaudita fecunditas virginitatis. De nube prophetarum scriptum est: *Tenebrosa aqua in nubibus aeris*³². De nube consiliorum Dei legitur: *Rorate, cæli, desuper, et nubes pluant justum*³³. De nube virginitatis et fecunditatis absconditæ dicit propheta: *Super nubem levem et candidam ingredietur Dominus Ægyptum*³⁴. In istis nubibus veniebat quasi Filius hominis. Bene dicit, quasi Filius hominis, quia temporaliter, Filius hominis ab æterno erat Filius Dei. Nondum erat Filius hominis; sed qui in proximo erat Filius hominis futurus, jam quasi Filius hominis censebatur. Si quis verba Danielis diligenter attendat, manifestissime in eis deprehendet Christi incarnationem, in eo quod Filius hominis veniebat, Christi passionem, in eo quod obtulerunt eum; Christi resurrectionem, in eo quod data sunt ei honor et potestas æterna et incorruptibile regnum; ejus ascensionem, in eo quod pervenit ad Antiquum dierum: nam regressus ejus ad Patrem. Verumtamen quia cætera sacramenta sua tempora habent, de adventu quem habemus præmanibus aliqua prosequemur. Non solus Daniel, sed etiam omnes alii cum eo prophetæ de Domino clamant unanimiter: *Quoniam venit*³⁵. Et quid ergo restat, nisi ut occurramus ei, Apostolo teste?³⁶ *Iste est qui ingreditur ad salvandas gentes.* Occur-

A rannus ergo Salvatori nostro. Salutemus eum de longe, qui mandat salutes Jacob, qui dat salutem regibus. Non enim voluit salutare nos tam de longinquæ, sed salvare de proximo. Scio quia veniens benedictionem daturus est legislator, et prosperabitur in his ad quæ missus est, et *omnia quæcumque faciet prosperabuntur*³⁷. Eamus ergo, et *præoccupemus faciem ejus in cōfessione*³⁸. Si quis inter fratres infirmus est, levet se super se; et posteriorum oblitus ad anteriora se extendat, gestiens in occlusu Domini venientis: Ita omnes unanimiter occurrentes dicamus: *O Domine, bene prosperare*³⁹, *intende, prospere procede, et regna*⁴⁰. *Benedictus qui venit in nomine Domini, rex Israel salvator*⁴¹. Solent equidem infirmi venire ad medicos, egeni ad divites, servi ad dominos: Quid ergo, Domine, Dominator dominantium? *Quid est homo, quod memor es ejus, aut filius hominis quoniam visitas eum?*⁴² Quid est homo quod magnificas eum: aut quid apponis erga eum cor tuum?

Movit, fratres, miseria hominis misericordiam Dei. Considerans enim pius et misericors Deus quia inimicus hominem dolose subvertisset, erga hominem cogitavit cogitationes pacis. Nam ab alio impulsus eversus est ut caderer. Quia vero inimicus malitia propria cecidit, inventa est iniquitas ejus ad odium. Movebant Patrem misericordiarum angustias hominis incarcerati, suam deplorantis misericordiam, et misericordiam implorantis; dicentes assidue: *Educ de carcere animam meam*⁴³, *complaceat tibi, Domine, ut eruas me*⁴⁴; *quoniam de terra mea furtim sublatus sum, et hic innocens in lacum missus sum*⁴⁵. *Nocentem me quidem fateor; sed innocens sum respectu illius cuius fraudulentia me seduxit.* Adjuvet me gratia tua, cui nocuit aliena malitia; misericordia et veritas tua mihi sint in subsidium, quem aliena impietas et mendacium subverterunt. O Domine Christe Jesu, ego qui in carcere isto jam totus computrui, quando video faciem tuam? quando venies, *o salutare vultus mei et Deus meus?*⁴⁶ O Domine Deus salutis meæ: fac citius, quæso, propter quod venis. Veni, Domine, et noli tardare: *veni, et ostende faciem tuam et salvi erimus*⁴⁷. Te enim exspectamus, *esto brachium nostrum in tempore tribulationis*⁴⁸, certe tribulatio proxima est, et non est qui adjuvet. Verbum Salomonis est: *Mementote quia mors non tardat*⁴⁹. Et quid facimus, fratres? quare Domino non occurramus gressibus devotionis et humilitatis? Eamus et salutemus eum, et ad commandum in nostro hospitio invitemus. Alioquin lamentabitur propheta super civitatibus austri, quæ nullo introeunte clausæ sunt⁵⁰. Talis est qui præ nimia benignitate sua, antequam voce-

²⁷ Dan. 7. ²⁸ Dan. 9. ²⁹ Ephes. 3. ³⁰ Psal. 88. ³¹ II Cor. 3. ³² Psal. 17. ³³ Isa. 45. ³⁴ Isa. 49. ³⁵ Psal. 95. ³⁶ I Thess. 4. ³⁷ Psal. 1. ³⁸ Psal. 94. ³⁹ Psal. 117. ⁴⁰ Psal. 44. ⁴¹ Psal. 117; Matth. 21. ⁴² Psal. 8. ⁴³ Psal. 44. ⁴⁴ Psal. 39. ⁴⁵ Gen. 40. ⁴⁶ Psal. 41. ⁴⁷ Psal. 70. ⁴⁸ Isa. 33. ⁴⁹ Eccli. 14. ⁵⁰ Jer. 13.

tur, se offert; bonus est animæ quærenti se, et occurrenti sibi, antequam invitetur hilaris et festinus occurrit. Non ignorabat hoc Isaías qui de tali oecurso loquens: *Occurristi, inquit, lætanti et facienti justitiam, in viis tuis recordabitur tui*¹¹. Sicut autem invitanti sponte se offert, ita invitatus hospitium rogantis intrare sæpe dissimulat. Ideo violentia precum et devotæ humilitatis obsequio est trahendus. Incedens cum duobus discipulis, licet cum eis et ab eis vellat in hospitio recipi, se tamen longius ire fixit¹². Duo etiam angeli adorante et supplicante Lot ut intrarent domum ejus, dissimulabant, et dicebant: *Nequaquam, sed manebimus in platea*¹³. De discipulis autem legitur: *Et coegerunt eum*¹⁴; de Lot vero scriptum est, quia angelos oppido coegit intrare¹⁵. O coactio sancta! o violentia commendabilis quæ Christum et angelos hospites facit!

Si ergo, fratres, ad supplicationem nostram dissimulatione aliqua usus fuerit, quasi velit longius ire nostrumque declinare hospitium, violenter instemus. Nulla enim violentia major potest inferri, quam si eum confessionibus, vigiliis, disciplinis, arcanis jubilationibus, compunctionibus ignitis, genitibus et suspiriis invitemus. Hoc modo vincetur, et quidquid dissimulaverit prius, nostris tandem desideriis acquiescat. Noverunt experti qualiter anima contemplantis aut orantis quando in deliciis cuiusdam suavitatis et gloriæ quodam beato stupore et celestium desiderio tracta suspenditur, omnia C hominis interiora Deo venienti assurgunt¹⁶; et sic, juxta doctrinam Apostoli, raptur in nubibus obviam Christo, et sic cum Domino est¹⁷; sed tempore brevi nec hora dimidia: cum enim existimat eum tenere, sicut secreto accessit, ita secreto elabitur. *S, iritus enim ubi vult spirat, et nescis unde veniat aut quo vadat*¹⁸. Unde Salomon ait: *Quomodo tu ignoras viam spiritus?*¹⁹ Et Job: *Semitam ignoravit avis*²⁰. Has ipsis dilationes sponsa in Cantico amoris manifeste declarat, dum Sponso pulsante ad ostium animæ: *Vox*, inquit, *dilecti mei pulsantis: Aperi mihi, soror mea, amica mea, columba mea, quia caput meum plenum rore, etc.* Surrexi, inquit, *aperire dilecto meo. At ille declinaverat atque transierat; quesivi et non inveni illum; vocavi et non respondit mihi*²¹. Et beatus Job: *Si venerit ad me, non videbo eum*²². Ideoque cum mulier Chananea diu vocasset eum, non respondit ei; tandem dedit ei desiderabile et salubre responsum²³: insinuans quod cum amore et instantia sit vocatus, et in hospitium animæ humili devotione fortiter attrahendus. Sic respondebit hospes misericors hospiti supplicanti, Chananeæ precanti: *Mulier, magna est fides tua; fiat tibi sicut petisti*²⁴. Omni ergo cau-

B A tela, fratres, præparandum est hospitium corporis nostri, ne quid in eo reperiat, quod oculos suæ majestatis offendat. Non sit in eo uxor litigiosa, sumus, aut stillicidium; nam hæc tria hospitem de domo ejiciunt, concupiscentia scilicet carnis, et concupiscentia oculorum et superbia vitæ. Quare, fratres, dedignaretur divertere ad vos, si devote et humiliter tractus fuerit, qui dominum Zachæi non vocatus intravit? Si Zachæus dimidium suorum bonorum dedit pauperibus; si frandat, quadruplum restituit²⁵: certe multos Zachæos hic video, qui non solum quadruplum restituerunt, non solum dimidium bonorum pro Christo, sed omnia bona temporalia reliquerunt. Non dedignabitur cum hominibus habitare, quia Filius hominis est. Ipse ad nos veniat et mansionem apud nos faciat, ut nos de hac mansione educat ad illius æternæ beatitudinis mansionem, in qua est pax quæ non deficit, lux quæ non extinguitur, et gloria quæ non transit! Quam nobis præstare dignetur, qui cum Patre et Spiritu sancto, vivit et regnat Deus, per omnia saecula saeculorum! Amen.

SERMO III.

DE EODEM ADVENTU.

*Saluatorem exspectamus Dominum nostrum Iesum Christum, qui reformabit corpus humilitatis nostræ configuratum corpori claritatis suæ*²⁶.

Scriptum est, quia *exspectatio justorum latitia*²⁷. Unde et justus divinæ miserationis exspectatione suspensus dicebat: *Et nunc quæ est exspectatio mea, nonne Dominus?*²⁸ O exspectatio gentium, omnes qui te exspectant non confundentur²⁹. Te exspectaverunt patres nostri, in te speraverunt, et non sunt confusi³⁰. Erant inter antiquos, qui increduli prophetarum oraculis, ironica illusione Isaiae et cæteris prophetis insultando dicebant: *Manda, remanda; manda, remanda: exspecta recspecta; modicum ibi, modicum ibi*³¹. Sicut talibus idem propheta gravissime comminatur: *Erit, inquit, eis ut vadant, et cadant retrorsum, et illaqueantur, et capiantur*³². Isti enim et talium consumiles incidunt in tentationes et laqueos diaboli. Laqueos si quidem et pedicas et decipulas habet: *Absconderunt, inquit, peccatores laqueum mihi*³³. Et Job: *Abscondita est in terra pedica ejus, et decipula ejus super semitam*³⁴. De hac captione Salomon ait: *Ne sit homo finem suum; sed sicut pisces humo, et aves laqueo, sic homines capiuntur in tempore malo*³⁵. Exspectemus itaque cum fiducia, fratres, Salvatoris adventum. *Certus sum, inquit, quia apparebit in fine, et non mentietur. Si moram fecerit: exspectabo eum*³⁶. Sed et ille qui mandat salutes Jacob, salutat per Oseam prophetam amicam suam Ecclesiam, quam sibi despontavit in fide, et consolatur eam:

¹¹ Isa. 64. ¹² Luc. 24. ¹³ Gen. 19. ¹⁴ Luc. 24. ¹⁵ Job. 28. ¹⁶ Cant. 5. ¹⁷ Job 9. ¹⁸ Matth. 15. ¹⁹ Psal. 38. ²⁰ Psal. 44. ²¹ Psal. 21. ²² Isa. 28. ²³ Iacob. 2.

²⁴ Gen. 19. ²⁵ I Thess. 4. ²⁶ Joan. 3. ²⁷ Eccl. Ibid. ²⁸ Luc. 19. ²⁹ Philipp. 3. ³⁰ Prov. 10. ³¹ Ibid. ³² Psal. 141. ³³ Job 18. ³⁴ Eccl. 9.

et ut confidat in ea cor viri sui, docet qualiter eum debeat expectare : *Dies multos, inquit, exspectabis me, non fornicaberis : et non eris cum amatore alieno*⁷⁶. Ab antiquis diebus dicta sunt haec, fratres. Unde et Isaías dicit : *Nonne Dominus venit de longinquō?*⁷⁷ Nos autem sumus, in quos fines saeculi devenerunt⁷⁸. Ideoque in proximo est ut veniat : Sponsus, ut veniat rex noster, legifer noster. Cito enim veniet, et non tardabit. Et nos ergo similes hominibus exspectantibus dominum suum, faciamus quod præcipit, ut non fornicemur, ut non sequamur alios amatores. Fallax amator est mundus ; animabus proditoria deceptione illudit. Illic est Sichem filius Hemor, qui Dinam filiam Jacob raptam et corruptam blanditiis lenit⁷⁹. Misera enim anima abstracta et illecta a concupiscentiis suis, dum mundo et diabolo consentiens fornicatur a Domino, primam fidem irritam facit, atque in passione desideriorum et peremptoria voluptate seipsum Deo abnegat. Dolosos amatores, quia presentialiter se offerunt, sequitur ; et Dominum gloria Christum Jesum sponsum et salvatorem suum iuste, pie et sobrie non exspectat.

Nos itaque, juxta consilium Apostoli, sobrie, et *juste, et pie viramus in hoc saeculo, exspectantes beatam spem, et adventum gloriae magni Dei*⁸⁰. Est pietas hominis ad Dominum, justitia ad proximum, sobrietas ad seipsum. Perniciosus est nobis Adventus Domini, nisi ipsum cum pietate et sobrietate et justitia exspectemus. Tres sunt adventus Domini : primus in carnem secundus ad animam, tertius ad judicium. Primus in media nocte fuit, secundus in mane, tertius in meridie. Ut de primo adventu verba veritatis evangelice prosequamur : *Medianocle clamor factus est : Ecce sponsus venit*⁸¹. Medianam noctem fuisse intelligo, cum in medio silentio cursum suum nox ageret. Nox apud Iudeos erat, quorum oculos obscuraverat malitia, ne viderent. Sicut et populus gentium, ambulabat in tenebris. Venit Sponsus, et factus est clamor.

Ruptum est silentium noctis. Venit enim qui illuminat abscondita tenebrarum; abstulit noctem, et fecit diem. *Nox, inquit Apostolus, processit, dies autem appropinquavit*⁸². Et quid est quod media nocte clamor factus est, nisi quod in medio silentio omnium, dum cursus suum nox ageret, atque omnipotens sermo a regalibus sedibus descendere destinasset, prophetæ cognoscentes adventum Christi, in vocem clamoris et gaudii proruperunt, et medium silentium ruperunt? Magnus si quidem clamor erat, ubi per se clamabant prophetæ singuli, et insimul universi. Clamabat David : *Inclina caelos tuos, et descende*⁸³. Et Isaías : *Utinam, Dominus, dirumperes caelos! Emitte Agnum, Domine,*

A *dominatorem terræ*⁸⁴. Et ad consolationem populi fortius inclamabat : *Sperate in Dominico, ipso est Justus theus, egressus est Salvator meus, non elongabitur salus mea : et non immorabitur ultra horam*⁸⁵. Et in persona Domini : *Dabo in Sion salutare meum, et in Jerusalem gloriam meam*⁸⁶ : Jeremias etiam de lacu misericordie et de compede clamabat : *Ecce dies renunt, et suscitabit Dominus David scem justi*⁸⁷. Novum faciet super terram, mulier circumdat virum⁸⁸. Joel etiam in vocem clamoris et exultationis erumpens : *Filiæ Sion, exsultate, inquit, et letamini, quia dedit vobis Dominus doctorem justitiae*⁸⁹. Miseræ nihilominus cum cordis exultatione et vocis exaltatione dicebat : *Veniet Dominus, et egressus ejus a diebus æternitatis*⁹⁰. Si vellemus de lucere in medium diversas voces, diversa oracula et orationes prophetarum lamentabili desiderio et devotione clamosas, prius desiderent narrandi tempora quam narrandi materia. Porro unum est necessarium. Si volumus quod Christi adventus sit nobis ad remedium, preparemus nos in ejus adventu. Sicut enim propheta nos in persona Israel docet : *Paratus, inquit, esto, Israel, in occursum Domini, quoniam venit*⁹¹. Et vos, fratres, estote parati, quia qua hora non putatis *Filius hominis veniet*⁹². Primus adventus jam præteriit. Christus enim inter homines visus est, et cum hominibus conversatus est⁹³. Christus venit ut legem in se pro nol is implaret ; et quod, juxta Apostolum, testamentum in morte consuminatur⁹⁴ : ipse testamentum nostræ relementionis in cruce voce spiritu et opere consummavit. In secundo adventu sumus, si tamen tales sumus, ut ad nos venire dignetur ; securi, quod si cum diligimus, ad nos veniet, ac nobiscum moram faciet. Iste adventus nobis incertus est. Quis enim novit quae in Deo sunt, nisi spiritus Dei? Noverunt qui quandoque in extasi coelestium desiderio rapiuntur, quando veniat; nesciunt tamen unde veniat, aut quo vadat, sicut Job dicit : *Si venerit ad me, non video eum ; et si abierit, non intelligam eum*⁹⁵. De tertio adventu certissimum est quod veniet ; incertissimum tamen quando veniet. Et quid est certius morte? nil tamen incertius hora mortis. Sapiens dicit : *Cum disserint : Pax et securitas, tunc repentinus superveniet interitus et dolor, sicut in utero habentis, et non effugient*⁹⁶. Nonne illi homini evangelico adventus Domini terribilis imminebat, cui a Domino dictum est : *Stulte, in hac nocte repeatent animam tuam a te : quæ præparasti cuius erunt*⁹⁷? In hac vita de hoc solo securi esse possumus, quod securi non sumus. Modo sani sumus, modo infirmitur, modo prospera blandiuntur, modo adversis affligimur, modo sumus, modo non sumus : mors enim nec ætati nec sexui parcit. Quidquid congregamus, dicimus, cogitamus, aut facimus, to-

⁷⁶ Ose. 3. ⁷⁷ Isa. 30. ⁷⁸ I Cor. x. ⁷⁹ Gen. 34. ⁸⁰ Tit. 2. ⁸¹ Mauth. 25. ⁸² Rom. 13. ⁸³ Psal. 143. ⁸⁴ Isa. 16. ⁸⁵ Isa. 54. ⁸⁶ Isa. 46. ⁸⁷ Jer. 23. ⁸⁸ Jer. 31. ⁸⁹ Joel. 2. ⁹⁰ Mich. 5. ⁹¹ Amos 4. ⁹² Luc 12. ⁹³ Barueh. 3. ⁹⁴ Hebr. 9. ⁹⁵ Job. 9. ⁹⁶ Prov. 29. ⁹⁷ Luc 12.

tum ad nihilum deveniet tanquam aqua decurrentis. A scecumus, et quem judicem exspectamus: Cui est honor et gloria in saecula saeculorum. Amen.

SERMO IV.

IN FESTO S. ANDREÆ.

*. Salve, crux pretiosa, suscipe discipulum ejus qui
pependit in te, magister meus Christus.*

Homo vanitati similis est: ideoque appetit vanitates et insanias falsas. Unde et ex quadam depravatione naturæ in reprobum sensum datus, terrena et cœlestia vilipendit, atque oblectamenta corporis sequens, perditionis æternæ laqueis se involvit. Unde ergo homini infelici et venundato sub peccato, ut possit erigere caput, carnemque reprimere, et fluctibus maris in corde suo graviter æstuantibus imperare?

Non est hoc hominis, sed illius qui operatur in nobis et velle et perficere pro bona voluntate¹⁸. Sanc Andreas homo erat similis nobis passibilis. Ipse autem quasi suæ conditionis oblitus summopere prædicabat suavitatem et dulcedinem crucis, Christique devotissimus æmulator, ita in Christo crucem Christi amabat, ut omnium suorum desideriorum et affectuum summam poneret in doloribus et tormentis. Vehementer erat in eo accensus ignis, quem venit Dominus mittere in terram, adeo ut in suppliciis exsultaret, atque tormentum damnatissimum mortis sibi ad cumulum summæ jucunditatis ascriberet. Mihi quidem misero et insirmo videtur terrible et horrendum in tam horribili surcarum, aut crucis patibulo querere, aut quæsitas invenire delicias. Quis querit in tormentis quietem, in morte vitam, sanitatem in morbis, in doloribus voluptatem? Andreas vero præ nimio ardore fidei et amoris crucem salutat, et dicit: *Securus et gaudens venio ad te*¹⁹. Andreas præcipuum reputat voluptatem, si dimittatur in patibulo, donec in eo consuminetur; et quod omnem fortitudinem facultatis humanae transcendit, quasi jam a corpore peregrinans cruciatum in cruce non sentit. Sic enim Christum diligit, sic ejus affectat consortium, ut longum ei videatur quod non acceleratur patibulum, quod jam non pendet, quod mors non ingeritur, quod protrahitur vita, quod pœna differtur. Ejus itaque passioni jam potius nos congaudere quam compati deceat. Quare enim ei patienti non congaudeamus, qui convertit in gaudium passionem? O lignum benedictum! o lignum fructiferum! o arbor pretiosissima, quæ de pretio mundi quod in te tulisti, adhuc etiam in morte germinas pacatissimum fructum vitæ, oleum lactitiae fundis, et eos qui lignum vitæ apprehendunt facis inter crudelissimæ mortis angustias degustare primitias suavitatis æternæ!

Crux quæ olim instrumentum damnationis exquisitæ et vilissimæ mortis extiterat, hodie amatori-

¹⁸ Amos 4. ¹⁹ Psal. 17. ¹⁰ Psal. 107. ¹ Psal. 118. ² Psal. 85. ³ II Cor. 3. ⁴ Isai. 42. ⁵ Ibid. ⁶ Jean. 14. ⁷ Psal. 67. ⁸ Isai. 66. ⁹ Isai. 61. ¹⁰ Apoc. 18. ¹¹ Apoc. 22. ¹² Philipp. 2. ¹³ In Vit. ap. Boll.

bus suis pro morte vitam, pro timore securitatem, pro confusione gloriam recompensat. Vere quod *stultum est Dei, sapientius est hominibus*¹³; nam cum sapientia humana non invenisset in cruce, nisi amaritudinem mortis, turpitudinem et horrorem, Petrus et Andreas manna absconditum in cruce, compererunt, et thesaurem summiæ voluptatis invenerunt. Ipse primogenitus mortuorum Christus Jesus istarum crucis deliciarum non immemor, jam passus, jam sepultus, jam glorificatus, occurrens Petro vadit Romam iterum crucisigi. Nonne sufficiebat semel satiatum esse opprobrium crucis, nisi adhuc esuriret et esuriendo appeteret crucem suis nobilioribus membris? Non miror, si Christus crucem dilexerit, in qua exaltatus omnia ad se traxit¹⁴, ad se dico; ad diligendum, ad imitandum, ad communicandum. Per hanc illi homini data est omnis potestas in cœlo et in terra¹⁵. Per hanc datum est ei nomen quod est supra omne nomen¹⁶. Per hanc *factus est principatus ejus super humerum ejus*¹⁶. Sed unde hoc Andrea, viro insirno et fragili, quod ita gloriatur in cruce, quod sic in tormentis exsultat, et præ gaudio se non capit? Certe Elias ad comminationem unius mulierculæ animo consternatus projicit se subter umbram juniperi, et petit animæ suæ ut moriatur. *Suffici, inquit, mihi, tolle animam meam*¹⁷. Paulus apostolus inter tentationum angustias coactatus clamare compellitur, suumque dolorem clamore testatur: *Inservi ego homo! quis me liberabit de corpore mortis hujus?*¹⁸ Ille Job, cuius tolerantia adeo solemniter prædicatur, suam infirmitatem suumque defectum considerans: *Quæ est, inquit, fortitudo mea ut sustineam? Non est fortitudo lapidum fortitudo mea; nec caro mea area est*¹⁹. Jonas etiam a facie Domini fugiens, et aresfactione hederae conturbatus: *Irascor, inquit, ad mortem*²⁰. Quid mirum de Jona? Ipse etiam Christus timuit. *Ecce plus quam Jonas hic*²¹, id est Christus qui cœpit tædere et turbari usque ad mortem. Christus dicit: *Anima mea turbata est*²²; et: *Pater, si fieri possit, transeat a me calix iste*²³. Andreas clamat: *Salve, crux speciosa! securus et gaudens ad te venio, suscipe discipulum ejus qui pendit in te magister meus Christus*²⁴. Nunquid magistro major est discipulus, aut domino servus?

Attendite, fratres ineffabilem et inæstimabilem abundantiam suavitatis, et exuberantiam charitatis in Christo. Compatitur medicus et confirmatur infirmo, infirmatur gallina cum pullis, ut plenum fieret holocaustum, ut opus misericordiae consummate impleretur in Christo; sicut patiebatur pro nobis in carne, sic animæ passiones voluit sustinere. Mihi trepidat, mibi turbatur, mihi tædet, mihi toti patitur, et toti compatitur. Ideoque compatiendo

A patitur ut trepidatio ejus mihi vertatur in fortitudinem, tristitia in latitiam, ledium in alacritatem, desolatio in consolationem, turbatio in quietem. Patitur servus sibi providerens, Domino suo serviens. Patitur Dominus se exinanitus, et servo compatiens. *Suscipe, inquit, discipulum ejus qui pendit in te*²⁵. Ardentissime affectat Andreas ascendere crucem, ut inde mundum et principem mundi despiciat, ut inde quasi de eminentissima turre jacula inimici securus excipiat. Quid est enim crux, nisi specula Sion, turris David, *turris fortitudinis a facie inimici*²⁶, unde tanquam de alto et eminenti loco omnis inimici malitia confundatur? *Altissimum posuisti, Domine, refugium tuum*²⁷. Qui ascendit in speculam crucis, *nil proficiet inimicus in eo, et filius iniuritatis non apponet nocere ei*²⁸. *Cornu crucis, inquit propheta, in manibus ejus*²⁹: *cujus, ejus?* nisi Christi, qui cornibus crucis ventilans inimicum, et debellans aerias potestates dicebat: *Ego vici mundum*³⁰. Non amisit crux sue potestatis officium vel effectum. Adhuc exaltat cornua justi, et confringit cornua peccatorum. Si crucifixum diligitis, fratres, diligite crucem Christi, cui vos clavis humilitatis et obedientiae affixistis. Tria crucem amabilem faciunt: timor, spes, charitas. Timor incipit, spes provehit, charitas perficit; nam *plenitudo legis est charitas*³¹. Qui incipit in timore, crucem Christi sustinet patienter. Qui proficit in spe, portat eam libenter. Qui consummatur in charitate, eam amplectitur ardenter. Iste cum beato Andrea dicere potest: *Amator tuus semper fui, et desideravi amplexi te, o bondæ crux!*³²

B Crux in qua tantam dulcedinem beatus Andreas invenit, quibusdam perditis amara et onerosa est. Eam enim in angariam portant miserabiliores omnibus hominibus, quia de præsenti cruce ad æternos transituri sunt cruciatus: quam infatuati sunt, et in reprobum sensum dati non percipiunt dulcedinem ligni vite. *Animalis enim homo non percipit ea quæ sunt Spiritus Dei; nam stultitia est ei, et non potest intelligere.*³³ Porro si quis hoc lignum in corde suo, tanquam fasciculum myrræ humifiter ac devote collegerit, habebit fructum refectionis, balsamum suavitatis, oleum unctionis. Duo ligna crucem faciunt. Ex quo vidua duo hæc ligna collegit, apud illam et suos, nec oleum, nec farina defecit³⁴. Hæc sunt illa duo ligna, quibus sub Moyse aquæ amarae³⁵, sub Eliezer³⁶ aquæ salsa dulcoratae sunt. Et quid salsius, quid amarius lacrymis Christi in suscitatione Lazari, in futura subversione Jerusalem? quid amarius aqua illa quæ de Crucifixi latere emanavit? Ut minus sapiens dixi, judicans ibi esse amaritudinem, ubi amoris summa et gratiae dulcedo, et incomprehensibilis benevolentia plenitudo consistit. Quid enim dulcior aut amabilius

¹³ I Cor. 1. ¹⁴ Joan. 12. ¹⁵ Matth. 28. ¹⁶ Philipp. 2. ¹⁷ Isa. 9. ¹⁸ III Reg. 19. ¹⁹ Rom. 7. ²⁰ Job 6. ²¹ Jonas 4. ²² Luc. 14. ²³ Joan. 12. ²⁴ Matth. 26. ²⁵ Ibid. ²⁶ Psal. 60. ²⁷ Psal. 90. ²⁸ Psal. 88. ²⁹ Habac. 3. ³⁰ Joan. 16. ³¹ Rom. 13. ³² In Vit. ap. Boll. ³³ I Cor. 2. ³⁴ III Reg. 17. ³⁵ Exod. 15. ³⁶ I. Eliseo. IV Reg. 2.

aquis illis quæ de latere et oculis fluunt, quasi de fontibus Salvatoris? Hæ sunt aquæ in Ezechiele, qui sanavit aquas mortui maris²²: duritiam lapidum scidit hæc aqua. Unde plus quam lapideus est, cuius cor devotione et compassione non scinditur ad memoriam crucis Christi. In cruce posuit Dominus mysterium reconciliationis; eam prins in se, postea in apostolis et martyribus commendavit. Hanc nobis proposuit misericordia propitiatorium, virtutum ascensorium, et sealam per virtutes ad fecunditatem cœlestium gaudiorum. Quam nobis præstare dignetur, qui cum Patre et Spiritu sancto, vivit et regnat Deus, per omnia sæcula sæculorum. Amen.

SERMO V.

IN NATIVITATE DOMINI.

Puer natus est nobis, et filius datus est nobis²³.

Non miremini, fratres, si Christus per Isaiam pueri nomine designetur. Nam et Pater de ipso loquens: *Hic est, inquit, puer meus quem elegi²⁴.* Quare non dicetur puer, qui defectus et miseras puerilis impotentiae sua bonitate et nostra necessitate suscepit? *Puer, inquit propheta, natus est nobis.* Ille qui parvulum coram discipulis statuens puerilem, in eo innocentiam commendavit, maluit puer apparere amabilis quam terribilis, volens provocare amorem, non inferre timorem. Ei namque gratior est filialis affectio quam servilis, voluntaria quam coacta. Si volumus ut reformet et configuret nos sibi, configuremur infanti, ut simus quasi modo geniti infantes, humiles, rationabiles, sine dojo²⁵. Nemo ingressus est regnum ejus, nisi humiliaverit se sicut parvulus iste. *Ego, inquit, sum ostium.* Per me si quis introierit, salvabitur²⁶. Væ illis qui non humiliantur, qui superbæ elationis giganteam magnitudinem non deponunt: quomodo sine offensione capi. is ingredientur? propterea conquassabit Dominus in terra capita multorum²⁷. Imo humiliemur sub potenti manu ejus. Maxime dum puer est, utamur beneficio pueritiae ejus. Puer Jesus raro irascitur; iratus vero de levi placatur. Quæramus et conservemus nobis gratiam pueri, et non timebimus in futuro iram et fuorem judicis et terribilis et tremendi. Puer natus est nobis de Judæis: natus nobis, non eis natus est. Ideo autem nohis natus, ut qui damnabiliter nati fueramus, per eum feliciter renascamur. Nam quotquot receperunt eum, dedit eis potestatem filios Dei fieri per gratiam²⁸. Qua mediante, teste Apostolo, stamus et gloriamur in spe gloriae filiorum Dei²⁹. Ille qui docet hominem scientiam, qui linguas angelorum erudit et informat, Dei verbum, et Dei virtus, et Dei sapientia, infantiam simplicem et elinguem elegit. Parum erat ei quod esset minoratus ab angelis, nisi minor etiam

A fieret hominibus: et ut nos reformaret ad gloriam immortalitatis, non solum mortalis corporis, sed fragili et infantuli conformat ætati. Videte, fratres, Dominum immensem, redemptionem justorum, ruinam superborum, judicium impiorum, infantium tenerum et infirmum.

Puer natus est nobis. Non sufficeret esse natum, nisi et datus esset. In eo quod datus est nobis, e ïam omnia cum eo data sunt nobis, sicut Apostolus dicit: *Pater qui eum donavit, quomodo etiam omnia non donavit nobis cum eo³⁰.* Hic est puer, qui, juxta verbum Isaiae, antequam sciret vocare patrem aut matrem suam, auferetur fortitudo Damasci et spolia Samariae³¹. Hic est puer de quo Ecclesiastes ait: *Melior est puer pauper et sapiens rege sene et stulto, qui nescit sibi providere in posterum³².*

Christus puer pauper est: pauperavit enim se, ut nos ditaret; exinanivit se, ut nos impleret. Ideo enim ut oleum effusum est nomen ejus, ut de effusa ejus plenitudine omnes acciperemus. Et quæ major exinanitio quam ut splendor gloriae, figura substantiae Del, imago divinae majestatis, Unigenitus Dei appareret in servili forma, non habens speciem neque decorem? Magna et plus quam magna exinanitio est, quæ infatuat sapientiam, infirmat virtutem, humiliat majestatem, et tam in nativitate quam in passione reddit omnino abjectum et vilem. Iste tamen puer adeo vilis et pauper, incomparabiliter melior est rege sepe et stulto. Quis est iste rex senex et stultus, nisi hostis antiquus inveteratus dierum malorum? *Ipse est rex super omnes filios superbie³³,* qui sibi usurpans solium in lateribus aquilonis, sibi et suis male providit in posterum. Hunc debellavit hic puer pauper et sapiens, quem Apostolus Dei virtutem et Dei sapientiam vocans³⁴: *Tradidit, inquit, principatus et potestates confidenter, palam triumphans eos in semetipso³⁵.* Hunc in pueritia magnus Herodes ad mortem quæsivit: hunc in adulta ætate secundus Herodes sibi oblatum sprevit. Ad vocem istius, qui in cunabulis vagit, tremunt angelicae potestates. Hinc Isaias et omnes prophetæ perhibentes testimonium clamant: *Hic est Deus noster; et non aestimabitur alius ab eo³⁶.* *Hic est Deus noster in æternum et in sæculum sæculi; ipse reget nos in sæcula³⁷.* Omnes reges adorabunt parvulum nostrum. Omnes gentes servient ei; omne regnum quod non serviet ei, peribit. Quærunt aliqui magis curiose quam studiose quæ necessitas fuit, quod Christus nostræ miseriæ necessitates assumperit; non attendentes ineffabile sacramentum dispensationis in Christo, sine quo nec oportuit nec decuit nos salvari. Et, ut talibus recisiore verbo respondeam, Deus ideo factus est homo, ut homo fieret Deus, ut is cui quondam dictum est: *Terra es,*

²² Ezech. 47. ²³ Isa. 9. ²⁴ Isa. 42; Matth. 12. ²⁵ I Petr. 2. ²⁶ Joan. 10. ²⁷ Psal. 109. ²⁸ Joan. 1. ²⁹ Rom. 5. ³⁰ Rom. 8. ³¹ Isa. 8. ³² Eccl. 4. ³³ Job. 41. ³⁴ I Cor. 1. ³⁵ Coloss. 2. ³⁶ Baruch. 3. ³⁷ Psal. 47.

*et in terram ibis*⁴⁹: amodo audiat: Cœlum es, et in A cœlum ibis. O admirabile commercium! accepit humanitatem ut conferret deitatem; accepit misericordiam, ut daret gloriam. Apparuit ergo benignitas et humanitas Salvatoris nostri Dei⁵⁰; apparuit nobis humanitas, quia non eramus digni ut appareret nobis divinitas. Et qui cum Patre idem erat per ineffabilem unitatem, unum cum homine factus est per incogitabilem unitatem.

Ut ergo homo assumeretur in Deum, suscepit hominem susceptor noster Deus Jacob, quia Domini est assumptio nostra, et sancti Israel Regis nostri⁵¹. Sic de nostra miseria rex eum nostræ miserice cogitavit. Nam sicut quodam artificio charitatis cœlestis divitias et indigentias nostras, ita beatitudinem suam et nostram miseriam temperavit in se Deus et homo simul in unum dives et pauper; ut, operante ineffabili sacramento dispensationis, beatitudo miseriam absorbeat, vita mortem deglutiat, et totus homo beneficio resurrectionis in gloriam vitæ cœlestis assurgat. Ille qui dixit: *Cœlum et terram ego impleo*⁵², in utero virginali totus, in panniculis totus clauditur in præsepio. Erat iuxta vera, ideoque ut illuminet tenebras nostras, in nocte nascitur et in miseriis, ut sit nativitatis suæ illuminatio in deliciis nostris. De nocte nascitur custos Israel, Samaritanus noster, qui interpretatur *custos*; cui propheta olim clamaverat: *Custos, quid de nocte? custos, quid de nocte?*⁵³ Et attende diligenter quod altissimus Altissimi Filius, qui tempora habet in sua potestate, tempus suæ nativitati elegit, quod molestius esse poterat parvulo tenero et filio pauperis mulieris, quæ vix haberet panniculos unde puer posset involvi.

Sed ipse est parvulus, ille de quo Isaías prædixerat quia reprobaret malum, eligeret bonum⁵⁴; confundens in hoc mundi judicium et prudentiam carnis quæ inimica est Deo. Ipsa est quæ dicit malum bonum et bonum malum, amplectens voluptates hujus sæculi, et in eis reputans summum bonum. Porro parvulus noster ab ipso suæ nativitatis exordio in frigore et nuditate, in diversorio, in præsepio, vitæ asperitatem, vilitatem et abjectionem omnemque formiam humilitatis et religionis primitiare et conseguere dignatus est in seipso. Ille qui est terribilis apud reges terræ, invisibilis et inaccessible, et in splendoribus sanctorum amictus lumine sicut vestimento, Dei virtus et Dei sapientia. Ideo parvulus nascitur ut nos magnificet. Ideo in diversorio ut sciamus nos esse peregrinos et hospites super terram. Ideo in præsepio reclinatur, ut ejus exemplo novissimum locum eligere doceamus. Ideo lacte pascitur, et pannis involvitur, ut habentes alimenta et quibus tegamur, his contenti simus. Pauper et pannosus esse voluit,

ut pauperes et pannosos reciperet in participium et hæreditatem gloriae sui regni. Audite, cœli, et auribus percipe, terra, quantum magnificaverit Dominus misericordiam suam nobiscum, omnipotens sermo pro nobis a regalibus sedibus descendit in stabulum Verbum quod erat spiritus, factum est caro⁵⁵, Verbum quod erat invisibile, factum est visibile et tractabile. Unde et quidam dicere potuerunt: *Et manus nostræ tractaverunt de Verbo vitæ*⁵⁶. Factum est gustabile et odorabile et audibile, ut sicut mores inficerat et corruperat omnes sensus in nobis, ita Christus vita nostra omnes sensus nostros reformaret, factus omnia in nobis. Pannis involvitur, nec sicut vetus Adam novus Adam pellibus operitur. Video Jesum sacerdotem magnum sordidis vestibus vestitum, sicut Zacharias prædicterat⁵⁷. Unde angelus ad pastores loquens, dedit in pannis significationem. *Et hoc, inquit, vobis signum: Intenietis puerum pannis involutum*⁵⁸. Panni tui, Jesu, a tempore infantiae positi sunt in signum; sed in signum cui contradicebant, et assidue contradicuntur. Cum Petrus apostolus dicat: *Non in veste pretiosa*⁵⁹. Cum Elias et Joannes de vestiis aspergeantur, et testimonio illius qui jacet in præsepio, *hi qui in domibus regum sunt mollibus vestiuntur*⁶⁰, tamen adhuc a plerisque vestimenta mollia et delicata queruntur. Nunquid in solis vestibus contradicimus Christo? Sane ex aliis pluribus causis positus est in ruinam et resurrectionem multorum, et in signum cui contradicetur⁶¹. Nonne contradicimus ei fete in omnibus? Appetebat enim humilitatem, nos sublimitatem; appetebat miseriam, nos gloriam. Cibus ejus erat facere voluntatem Patris sui, cibus noster est facere desideria carnis nostræ, per omnia Patri erat obediens, quidam jugum obedientiae detrectantes singulis fere horis rumpunt vinculum sui voti, regulam claustræ, legem silentii. Silebat puer Jesus, silebat sermo omnipotens, Verbum Altissimi, et poterat dicere: *Non est sermo in lingua mea*⁶². Ideoque silebat, ut virtutem silentii commendaret in nobis. Quidam saepè in unum convenientes et rumpentes silentium, cum de lege Dei et salutis suæ negotio loqui deberent, narrant fabulas et figmenta rumorum. *Narraverunt iniqui fabulationes, sed non ut lex tua*⁶³. Sciant quia sine salutis dispensio diu loqui non possunt; nam *in multiloquio non deerit peccatum, teste Scriptura*⁶⁴. *In manu lingue est vita et mors*⁶⁵. Evolat verbum leve, improvidum et incautum. Illud tamen tam leve verbum facit te homicidam, dum vulneratam in fratre tuo perimit charitatem. Gravissime Iesus est frater tuus, et tu propter vilitatem et levitatem verbi forte non reputas. Et quid est vilius musca morienti? Illa tamen unguentum suavitatis exterminat⁶⁶. Vide

⁴⁹ Gen. 3. ⁵⁰ Tit. 3. ⁵¹ Psal. 88. ⁵² Jer. 23. ⁵³ Isa. 21. ⁵⁴ Isa. 7. ⁵⁵ Joan. 4. ⁵⁶ I Joan. 1.
⁵⁶ Zachar. 3. ⁵⁷ Lue. 2. ⁵⁸ I Tim. 2. ⁵⁹ Matth. 11. ⁶⁰ Lue. 2. ⁶¹ Psal. 158. ⁶² Psal. 118. ⁶³ Prov. 10.
⁶⁰ Prov. 18. ⁶³ Eccl. 10.

quomodo te invitat ad obedientiae humilitatem, qui cum esset Filius Dei fabro et feminæ obediens erat.

Et erat, inquit evangelista, subditus illis ⁶⁶. Attende diligenter universa, quæ in Christi charitate concurrunt; et nisi pertinaciter volueris contradicere, videbis in omnibus signum et formam obedientiæ, exemplum humilitatis, legem vite et disciplinæ. Apostolus dicit de Christo, quia *factus est nobis a Deo justitia, et sanctificatio et redemptio* ⁶⁷. Et jam flores justitiae et sanctificationis apparent in eo; jam compleetur in Christo quod de apostolis suis erat quandoque dicturus: *Ego pro eis sanctificavi me ipsum* ⁶⁸. Procul dubio jam effloruit super ipsum sanctificatio nostra, quia nobis regulam sanctitatis ubique præscribit Salvatoris infantia. Diligamus hunc, fratres, qui natus et datus est nobis, a quo omnes datum optimum, et omne donum perfectum est ⁶⁹. Ipse est dilectus et unigenitus Patris, de quo dicit: *Hic est Filius meus dilectus in quo mihi complacui* ⁷⁰. Et ipse de Patre dicit: *Ego quæ placita sunt ei facio semper* ⁷¹. Quicunque hunc non dilexerit, melius esset ei si natus non fuisse homo ille, maxime cum Apostolus dicat: *Qui non diligit Dominum nostrum Jesum Christum, sit anathema, maranatha* ⁷². Diligamus eum qui dilexit nos, et lavit nos in sanguine suo, qui in sua dilectione et benefactione prævenit nos Jesus Christus. Cui sit benedictio in sæcula sæculorum. Amen.

SERMO VI.

IN EADEM NATIVITATE DOMINI.

In sole posuit tabernaculum suum, et ipse tanquam sponsus procedens de thalamo suo ⁷³.

A diebus æternitatis latuerat et absconditum fuerat verbum Patris, sicut scriptum est: *Posuit tenebras latibulum suum* ⁷⁴. Et alius propheta dicit: *Vere Deus absconditus tu es, Rex Israel salvator* ⁷⁵. Et illud alterius prophetæ: *Brachium Domini cui reuelatum est* ⁷⁶? Venit enim de monte condenso et umbroso. Nam sacramentum hoc, sicut Apostolus dicit, non est agnitionis aliis generationibus ⁷⁷. Ideo antiquis patribus videbatur quia nimis esset Christus elongatus ab eis. Unde cum Isaías de Verbi incarnatione loqueretur: *Verbum, inquit, veniet de longinquo* ⁷⁸. Et hoc est quod in Numeris legitur: *Auditor sermonum meorum, video eum, sed non modo; intuebor eum, sed non prope* ⁷⁹. Concluserat Dominus omnia sub peccato, ut omnium misereretur ⁸⁰. Omnes peccaverant, et egebant gratia Dei ⁸¹. Ideoque erat Dominus elongatus ab eis, quia *longe a peccatoribus salus* ⁸². Sed egressus est verus Isaac noster, ut meditaretur in agro, sicut ipse dicit: *Exiri a*

A Patre, et veni in mundum ⁸³, ex utero Patris ante Luciferum genitus venit in uterum Virginis matris: *A summo equidem caelo egressio ejus* ⁸⁴. Et testimonio Michælæ prophetæ: *Egressio ejus ab initio a diebus æternitatis* ⁸⁵.

De illius egressu et regressu evangelista testimonium ferens: *A Deo, inquit, venit, et ad Deum vadiit* ⁸⁶. Egreditur Isaac in agrum ut meditetur ⁸⁷. Quis est iste ager, nisi uterus Virginis qui producit gerumen Domini in magniscentia et gloria? Hic est ager cui benedixit Dominus, et de quo scriptum est: *Pulchritudo agri mecum est* ⁸⁸. Et quid cogitat Dominus? *Cogitavi*, inquit, *cognitiones pacis* ⁸⁹: hic est verus Joseph, qui mittitur a patre ut videat fratres suos et pecora. Nonne missus est qui dicit:

B Spiritus Domini super me, eo quod unxerit me? ad evangelizandum pauperibus misit me ⁹⁰. Ipse est qui dicit: *Dominus misit me et Spiritus ejus* ⁹¹. Missus est Joseph ad fratres suos. Fratres Christi omnes sunt qui Christi fidem recipiunt. *Quotquot enim, inquit, receperunt eum, dedit eis potestatem filios Dei fieri, his qui credunt in nomine ejus* ⁹². Si filii Dei sunt, ergo et fratres Christi; heredes quidem Dei, coheredes autem Christi. Ut sit ipse primogenitus in multis fratribus, hunc fratrem dedit nobis benedicta Virgo. De hoc fratre dicit Salomon: *Quis mihi det te fratrem meum sugentem ubera matris meæ* ⁹³? Non solum fratres, sed et pecora visitat Joseph noster, homines enim et jumenta salvabit Dominus. Ipse est qui dicit: *Ego visitabo oves meas, sicut pastor visitat gregem suum* ⁹⁴. Vide, fratres, rotam in rota, alam in ala. Attendite quod mutantur vultibus duo cherubim sese respiciunt. Pastores erant ad quos figurativus Joseph mittebatur; et hodie noster verus Joseph, noster Jesus pastorebus revealatur. Jesus dico, non Joseph; Salvator, non somniator; Dominator cœli, non Ægypti. Ex quo semel nominatus est Jesus, non curio audire Joseph: et in fastidium mihi veniunt omnia nomina vetustatis. Dulcissime sapit nomen Jesu, nomen novum, nomen illius qui dicit: *Ecce nova facio omnia* ⁹⁵. Illud nomen necessitatis est, quod Rachel imposuit; hoc est nomen novum, quod os Domini nominavit. Supervenerunt nova, et ideo vetera transierunt. *Vetusissima veterum, dicit Dominus per Moysen, comedetis, et supervenientibus novis, vetera projicietis* ⁹⁶.

Et quæ sunt vetera, quæ vetustissima, vel quæ nova? Tu, Domine, doce nos, qui doces hominem scientiam; tu cognovisti omnia novissima et antiqua. Vetustissima credo esse, quod in principio erat Verbum, quod Christus genitus est a Patre, quod Patri coæqualis, coæternus et consubstantialis. Vetustissima etiam sunt quæ erant ante legem,

⁶⁶ Luc. 2. ⁶⁷ I Cor. 4. ⁶⁸ Joan. 17. ⁶⁹ Jac. 1. ⁷⁰ Matth. 47. ⁷¹ Joan. 8. ⁷² I Cor. 16. ⁷³ Psal. 48. ⁷⁴ Isa. 30. ⁷⁵ Num. 24. ⁷⁶ Rom. 11. ⁷⁷ Rom. 5. ⁷⁸ Joan. 13. ⁷⁹ Gen. 26. ⁸⁰ Psal. 49. ⁸¹ Jer. 29. ⁸² Isa. 61; Luc. 4. ⁸³ Isa. 48. ⁸⁴ Joan. 1. ⁸⁵ Cant. 8. ⁸⁶ Ezech. 34. ⁸⁷ Psal. 21. ⁸⁸ Levit. 26.

sicut oblatio panis et vini facta a Melchisedech. Vetera sunt ritus sacrificiorum, cæmoniarum obervantiae, et oracula prophetarum. Nova sunt quod hominem in unitate personæ sibi Deus univit, quod mulier in utero suo virum circumdedit, quod Virgo concepit et peperit. *Novum*, dicit Jeremias, faciet Dominus super terram : *Mulier circumdabit virum*¹¹. Projiciantur ergo vetera, quia nova supervenerunt; casset figura, quia veritas venit; cesserent promissa, quia facta est solutio promissorum. Erraverunt veteres in solitudine, in invio et in aquoso¹²: sed, testimonio Isaie, *vetus error abiit*¹³. Veritas et error simul esse non possunt. Abiit ergo error, quia *veritas de terra orta est*¹⁴. Quia vetera transierunt Apostolus testatur : *Si qua, inquit, innovata in Christo facta creatura est, vetera transierunt, et ecce facta sunt ei omnia nova*¹⁵. Comedamus vetustissima, ut qui adoramus parvulum in cunabulis, eundem credamus, et adoremus Patrem coeternum et coæqualem, universitatis Creatorem et Dominum majestatis. Comedamus panes Melchisedech; nam ipsi sunt vetustissimi, et ideo suavissimi; et projiciamus panes propositionis, qui sunt veteres, quia supervenit panis novus qui de cœlo descendit. Hunc panem mulier evangelica de tribus saccis farinæ commiscuit¹⁶. Beatissima enim Virgo tres substanzias, divinitatem scilicet, carnem et animam, unitas in unius hominis persona concepit. Hæc est tunica Joseph polymita, quæ naturarum admirabili varietate præfulgens talaris est, quia *attingit a fine usque ad finem, fortiter et suaviter omnia disponens*¹⁷. Panis iste quem Virgo consecit, in cibano crucis confessus est, et in resurrectione divisus. *Sapientia enim abscondita, et thesaurus insipitus, et panis non divisus aut fractus, quæ utilitas in his tribus*¹⁸? Sed fractus est panis, apertus est liber, conscius est saccus, et spiritus Christi descendens ad inferos tanquam inter mortuos liber eduxit *vincos de domo carceris, sedentes in tenebris et umbra mortis*¹⁹. Caro vero moriens mortem perimit, et vita hominum cum ea resurgit, regenerata in spem vitæ per resurrectionem Jesu Christi ex mortuis. Sic itaque panis noster quotidianus et supersubstantialis ex tribus saccis farinæ compactus est in conceptione, coctus in passione, fractus in resurrectione. Hic est panis subcinericias, qui subvertit castra Madian²⁰. Benedictus Deus in donis suis, qui animam inanem et animam esurientem satiat bonis, panem et carnem dedit nobis Dominus. Nam Filius Dei panis factus est, Et *Verbum caro factum est*²¹. Habeimus panem et carnem : panem, quem dat mundo; carnem, quam qui comedenter, testimonio Veritatis, habet vitam æternam²².

Igitur edant pauperes et lætentur, et qui in su-

A dore vultus sui comedebant panem doloris, jam comedant panem vite et jucunditatis. Legitur quod tempore legis corvus afferebat Eliæ panes in mane, et carnes in vespera²³. Moyses etiam dicit : *Mane comedetis panes, et vespera carnis saturabitimini*²⁴. Hæc equidem ciborum dispensatio minus congrua videtur, et vere corvina est, nisi edantur carnes sine panibus, et panes sine carnis. Si quid ad nos de panibus et carnis illis est, projiciatur. Sunt enim veteres observantiae, et jam fetent. Si sale nostro fuissent conditæ, nunquam forsitan putruissent. Nunc autem sunt quedam rancidæ, quedam fetidæ. Panes etiam duri et mucidi, ita quod possint frangere dentem masticantis. Nonne mucidus et durus panis ille : Oculum pro oculo, dentem pro dente? Nos autem carnes Agni novelli comedamus; carnes Agni immaculati, cuius sanguis liberat Israel de Ægypto, qui prædictus est in lege et prophetis, qui, testimonio Joannis, tollit peccata mundi²⁵. Hic est cuius adventum desiderans Isaías : *Emitte, inquit, Deus Pater, Agnum dominatorem terræ de petra deserti*²⁶. Deseruin est gentilitas, quæ in suo errore obduraverat, et ille petra deserti. Sed convertit Dominus desertum in delicias, et solitudinem in hortum Domini, quia de petra deserti emissus est Agnus dominator terræ. Vos, qui estis excisi de petra, vultis videre petram deserti? videite Ruth Moabitidem. Booz siquidem Judæus genuit Obeth ex Ruth gentili, patrem Jesse C patris David. Christus autem filius David secundum carnem. Christus ergo, qui veniebat querere quod perierat, de fidelibus et infidelibus, de justis et peccatoribus nasci voluit. Nam et ille agnus qui immolabatur in lege, juxta editionem Septuaginta, de ovibus et capris assuinebatur. Sed revertamur ad puerum, quem dimisimus in cunabulis vagientem; eamus et videamus cum pastoribus illuc festinantibus hoc verbum quod factum est, quod Dominus fecit et ostendit nobis²⁷. O infelices divites hujus mundi, quoniam habetis hic consolationem vestram, ut in futuro sit vobis stridor dentium et fletus, recepti pro deliciis tormenta et luctum!

Ea hora qua Christus nascebatur, erant multi divites dormientes, multi etiam lascivientes in D delicatis et mollibus stratis. Sed qui in labore hominum non sunt, non merentur de angelica visitatione solatium. Erant fortasse aliqui vigilantes, et solliciti circa sapientiam hujus mundi. Sed Christus, qui mundanam sapientiam infatuavit, et per stultitiam prædicationis salvos facere voluit credentes²⁸, aspectum angelorum, et canticum gloriæ et laudis; atque multiplicem suæ nativitatis gloriam non sapientibus, nec philosophis, sed pastoribus, hominibus rusticis, simplicibus et humilibus revela-

¹¹ Jer. 31. ¹² Psal. 106. ¹³ Isa. 26. ¹⁴ Psal. 81. ¹⁵ II. Cor. 5. ¹⁶ Matth. 13. ¹⁷ Sap. 8. ¹⁸ Eccli. 20. ¹⁹ Isa. 42. ²⁰ Judic. 7. ²¹ Joan. 1. ²² Joan. 6. ²³ III Reg. 17. ²⁴ Exod. 16. ²⁵ Joan. 1. ²⁶ Isa. 16. ²⁷ Luc. 2. ²⁸ I Cor. 1.

vit. *Confiteor tibi, Pater cœli et terræ; quia abscondisti haec a sapientibus et prudentibus, et revelasti ea parvulis*¹⁵. Fratres, etsi non sitis pastores, illum parvulum tamen nostrum, quem multi reges et prophetæ desideraverunt videre, hodie videbitis in præsepio altaris positum, non in fornax gloriæ, sed in panniculis involutum. Sicut autem tempore suæ nativitatis erat illo operamento vera, sed abscondita fortitudo ejus; ita adhuc abscondita est in sacramento majestas ipsius. Erit autem quando apparebit non iam pannis opertus, sed amictus lumine sicut vestimento, sicut Unigenitus a Patre, sicut rex in decore suo habens tabernaculum suum in sole, in splendoribus saeculorum, in lumine quod non deficit, in gloria quæ non transit. Quam nobis præstare dignetur Parvulus noster qui est benedictus in sæcula sæculorum. Amen.

SERMO VII.

IN DIE CIRCUMCISIONIS.

*Masculus, cuius præputii caro circumcisa non fuerit, peribit anima illa de populo suo*¹⁶.

Satis abbreviatum fuerat Verbum Domini super terram, minoratum paulo minus ab angelis. Adhuc tamen hodie de illa parvitate lex circumcisionis immunit. Absciditur de carne, quam accepérat Christus in forma hominis, ut sit in eo quasi signum latronis, et cauterium transgressoris. Quid est enim pedis, vel auris, vel alterius membra abscessio, nisi manifestum iudicium quod quis deprehensis fuerit in delicto? O bone Iesu! o sapientia Dei! o justitia et sanctificatio nostra! Nonne tu es in quo non est inventus dolus, nec inventa est in corde tuo iniquitas, nec inventum est in ore tuo mendacium? Nonne tu es verus Deus de vero Deo Patre! Nonne tu es innocens, impollutus ex impolluta et Virgine matre? Et tu, quid facis, benedictissima inter mulieres, quæ conséria es virginitatis tue et illius innocentiae? Quid facis, Joseph, qui per angelum cognovisti quia de Spiritu sancto est quod concepit Maria? Non oportet Christum, qui sine peccato est, signari cauterio peccatorum. Ipse est enim, quem Pater signavit, et misit in mundum. Putatis, quæso, vos, Maria et Joseph, quod per hoc signum fias manifestior Patri suo? inio certe, si posset Pater oblivious Fili sui, aut illum ignorare, qui est ejus sapientia, aut si quid dubitationis posset in eum cadere, inspectione hujus signi quod solis peccatoribus convenit, posset Pater de Filio dubitare. Vos, quæso, qui puerum vulnis circumcidere, cessate a talibus: nil, quæso, abscidatur de carne illa, quæ tota debetur in usum nostræ redēptionis, quæ tota servanda est in plenitudine holocausti. Nam, etsi lex Moysi dicat: *Anima, cuius præputii caro circumcisa non fuerit, peribit de populo suo*, sententia quæ contra

A peccatum lata est, non facit eum sibi obnoxium qui immunis est a peccato. Quod non contraxi peccatum probat Patris divinitas, attestatur matris integritas, quod peccatum non fecerit ipsa ætas, et divina natura confirmat. Sicut mibi videtur, præ-propere et præmature, o Judæe, festinas. Scriptum est enim: *Non coques hædum in lacte matris suæ*¹⁷. Tu vero hædum adhuc lactentem, qui futurus est hircus emissarius, doloris igne circumcidendo iam coquis. Quod enim circumcidendo jam coquis. Quod enim circumcidendo dolorem ingerat probant Emor et Sichem filius ejus et populus civitatis: quos, tertio die, quando vulnerum dolor solet esse gravissimus, Levi et Simeon occiderunt¹⁸. Domine, quid est homo quod reputas eum, aut quid apponis erga eum cor tuum, ut pro homine iniquo tot et tanta sustineas? O quanta erat plaga iniquitatis nostræ pro qua te oportuit tanta pati. Nonne poteras carnem tuam integrum conservare, et a circumcisione illæsam, qui uterum matris tuæ conservasti illæsum et integrum; et postquam mortuus fueras, corpustuum conservasti penitus incorruptum?

B Porro duo notanda sunt in hoc opere, fratres: quod sicut Dominus majestatis viro et feminæ obedienter et humiliter se subjicit, ita Dominus legis qui venerat legem implere, non solvere, se legi subjecere non abhorruit. Circumciditur ergo ut nobis sit forma humilitatis. Circumciditur etiam, ut qui per triginta annos operatus erat salutem in medio terræ, jam ab ipsis cunabulis negotium nostræ salutis incipiat ab uberibus matris suæ, degustans primicias passionis. Ideo multipliciter sanguinem suum fudit et in infantia et in senectute pro nobis: qui matutino sacrificio decreverat superaddere vespertinum, ut qui de sanguinibus nati erant, et innocentiae stolam peccato polluerant, lavarent stolam suam in sanguine Agni. Circumciditur ergo caput Ecclesie Christus Jesus, non pro se, sed pro membris. Sic enim frequenter nobis evenit, ut uni membro patienti per alterum medeamur. Dolent latera, et de brachio sanguis extrahitur. Dolent oculi, atque humeri stupa et incisione torquentur. Sic ergo pro totius corporis nostri corruptela caput nostrum hodie cauteriatum est, nec ddesignatur signum accipere Circumcisionis, qui positus est in signum contradictionis¹⁹, in signum ad sagittam²⁰. Et sicut pro nobis voluit circumcidiri, sic pro nobis decrevit flagellari, crucifigi et mori. Hodie itaque factus est sub lege qui legem fecit. *Misit enim Deus*, dicit Apostolus, *Filium suum in mundum, natum ex muliere, factum sub lege*²¹. Ligaturam suscepit qui vulnus non habuit; nec est opus sano medicina, sed male habentibus. Tu vero, domine, pro injustis venisti implere omnem justitiam: plena justitia est se subjicere minori. Hanc imple; qui cum essemus

¹⁵ Matth. 11. ¹⁶ Gen. 17. ¹⁷ Exod. 23. ¹⁸ Gen. 34. ¹⁹ Luc. 2. ²⁰ Thren. 3. ²¹ Gal. 4.

octo dierum, legis observantiae te subjiciis, ut cum esses trinita annorum, ad baptismum veniens, servi tui manibus te supponis. Sufficient ea nobis, Domine, quæ dignatus es sustinere pro nobis, mutata sunt tempora; mutentur, quæso, pro tempore sacramenta. Olim misisti Abramam, postea Moysen cum cultello circumcisionis, ut oves tuas et cauteriendo signarent, et signando curarent. Verumtamen, quia tu es, Domine, suavis et mitis, aufer, obsecro, durum et crudele istum et lapideum cultrum circumcisionis. Populo enim duræ cervicis et lapideo, cultellus lapidens et duritia legis merito apposita est; nobis vero quibus carneum cor dare pollicitus es, appone aquam regenerationis. Nonne tibi durum videtur, quod in infantulo recenter nato et tenero tanta exerceatur inhumanitas, ut cum venerit in valorem plorationis et doloris, dolor super dolorem apponatur? Aufer, aufer, quæso, cultellum, et alium purgationis alibi molcum. Quare cum cultello raditur, vel absciditur putredo vulneris originatis, cum per aquam baptismalem melius et suavius possit ablui et gratiae unctione sanari? Domine, non solum circumcision, sed et sermo tuus sanctificat ad emundationem. De sermone tuo tu ipse testimonium perhibes dicens: *Et vos, inquit, mundi estis propter sermonem quem locutus sum vobis*²². De baptismo dicit apostolus tuus Paulus: *Abstergit Deus corda nostra a conscientia mala, et abluit corpora aqua munda*²³. Fratres, non fraudavit nos Dominus a desiderio cordis nostri; et qui prius per servum suum præceperat, dicens: *Omnis anima cuius præputii ebro circumcisus non fuerit peribit de populo*, postmodum per se dicit: *Nisi quis renatus fuerit ex aqua et Spiritu sancto, non habebit partem in regno cœlorum*²⁴. Ipse tamen tanquam utriusque legis in se sacramenta suscepit; et utraque unum faciens, utrumque parvete in se lapide angulari conjunxit. Ipse utrobique dedit benedictionem legislator, legem non solvens, sed adimplens; et in utraque lege nobis hæreditatem benedictionis acquirens. Cui sit benedictio et claritas et gratiarum actio in sæcula sæculorum. Amen.

SERMO VIII.

IN EADEM CIRCUMCISIONE.

*Et vocatum est nomen ejus Jesus, quod vocatum est ab angelo priusquam in utero conciperetur*²⁵.

Loquendum est de nomine isto, quia cum cætera omnia ab hominibus imponantur ad placitum, hoc est nomen quod os Domini nominavit²⁶. Non est aliud nomen sub cœlo in quo oporteat nos salvari²⁷. Scribat qui voluerit characteres, nomina barbara, nomina etiam, quæ sicut plerique asserunt, nominare non licet. Nomen tunisi, Jesu, semper sit in corde et ore meo, in memoria et in lingua: quod non

A minus est utilitate quam auctoritate. Loquitur Gabriel ad Mariam: *Et vocabis, inquit, nomen ejus Iesum*²⁸. Ad Joseph etiam dicit: *Et vocabis nomen ejus Iesum*; atque subjungens causam et effectum nominis, dicit: *Ipse enim salutem faciet populum suum a peccatis eorum*²⁹. Pastoribus etiam loquens: *Annuntio vobis gaudium magnum, quia natus est hodie Salvator qui est Christus Dominus*³⁰. Magnæ fiduciae materia est nomen Jesu, nomen tam desiderabile, tam amabile, tam dulce, tam salubre. Si diceretur: *Deus venit*, nomen hoc terrible est apud reges terræ: conscius iniquitatis et malitiæ meæ, ad terrorem hujus nominis fugerem a facie ejus, sicut fugiebat Adam et non effugiebat. Ille qui respicit terram et facit eam tremere, qui tangit montes et B sumigabunt, qui aufert spiritum principum, qui terribilis est apud reges terræ, mihi et consimilibus quos accusat conscientia, quos iniquitas gravat, importabilis et intolerabilis videretur, nisi terrem suæ majestatis non solum in forma hominis, sed in salutaris nomine temperasset. Quid jam igitur timeamus? Venit Jesus, venit Salvator querere et salvare quod perierat. Venit non ut judicet, sed ut salvet; non ut perimat, sed ut redimat. Sicut scriptum est: *Venit Filius hominis non ut judicet mundum, sed ut salvet mundus per ipsum*³¹. Jesus itaque est qui salvat, Christus qui sanat. Sanat enim oleo misericordiæ, et computrescere facit jugum a facie olei; neque sine salute est Jesus, neque sine unctione est Christus. Gaudeant perditi, quod venit Jesus quædere et salvum facere quod perierat; respirent ægroti, quia venit Jesus, quia sanat contritos corde unctione misericordiæ suæ. Utrumque proposita breviter comprehendit, dicens: *Sana me, Domine, et sanabor: salvum me fac et salvus ero*³²: quod Christus est sanat, quod Jesus est salvat.

Duo simul in Christo video, carnis circumcisionem et nominis impositionem: in carnis circumcisione est filius Abraham, in nominis impositione, Filius Dei et hominum Salvator ostenditur. Ante nativitatem vocat eum angelus Salvatorem; homo vero vocat eum Salvatorem post nativitatem. Nam qui angelos ab initio salvaverat, a tempore incarnationis hominem salvat. Habemus testimonium salutis nostræ angelum et hominem. In ore duorum testium stat omne verbum³³. Simul concurrunt circumcidendi, et nomen salutis accipere, ut circumcidamur non carne, sed spiritu, Christi exemplo, quibus ad formam vivendi præscripta est nobis Christi circumcisione. Judæus circumciditur in uno duntaxat corporis membro, in quo concupiscentia sedes est. Verumtamen quia corrupti et abominabiles facti sumus, atque a planta pedis usque ad verticem non est in nobis sanitas, ex toto nos oportet corpore

²² Joan. 15. ²³ Hebr. 92. ²⁴ Joan. 3. ²⁵ Luc. 2. ²⁶ Isa. 62. ²⁷ Act. 4. ²⁸ Luc. 1. ²⁹ Matth. 1.
³⁰ Luc. 2. ³¹ Joan. 3. ³² Jer. 17. ³³ Matth. 18.

circumcidì. Christus purgationem peccatorum faciens, atque triginta annis operans salutem in medio terræ, prius in portiuncula modici membra circumcisus est; postea cum jam triginta esset annorum, baptismō, qui est secunda circumcisio, ablatus est; tandem sacramentum teretiæ circumcisionis explevit toto corpore distentus in cruce, jam non circumcisus tantummodo, sed occisus.

SERMO IX.

IN DIE EPIPHANIA DOMINI.

Apertis thesauris suis, obtulerunt Domino aurum, thus et myrrham²⁴.

Beati sunt qui thesauros habent, de quibus possunt proferre quæ offerantur Domino. Sed nunquid soli divites hujus sæculi thesauros habent, ut faciant oblationem Domino? *Ecce peccatores et abundantes in sæculo obtinuerunt divitias²⁵.* Nunquid acceptiores sunt Domino qui thesaurizant in terra? Quid facient ergo pauperes et pannosi discipuli Christi, filii Petri, quorum vox est: *Aurum et argentum non est mecum²⁶*? Porro paupertatem suam summas divitias reputant: qui nihil habentes et omnia possidentes, Christum nudum nudi secuti sunt. Isti et sequaces eorum, licet mendici et inopes essent, licet opprobrium et abjectio plebis essent, erant tamen honorati et divites apud Dominum et sanctos illius; nam de illis Apostolus dicit: *Gratias ago Deo meo quod in omnibus divites facisti estis justitiæ, et in omni verbo, et sanctitate, ita ut nihil desit vobis in ulla gloria²⁷.* Est qui gloriatur et divitem se reputat; dives etiam ab aliis reputatur propter affluentiam substantiæ temporalis. Sed propheta subiungit et corrigit dicens: *Beatus populus cuius Dominus Deus ejus²⁸.* Angelus in Apocalypsi loquitur ad eum qui confidebat in pecunia thesauris, et arguendo reprobat divitias ejus dicens: *Tu dicis quod dives sum, et nullius egeo; et tu miser es, et miserabilis, et pauper, et nudus²⁹.* Et quis, quæso, miserior aut miserabilior est quam qui modo validus est, modo æger, modo vivit, modo moritur, modo prosperatur, modo adversa patitur, modo est, modo non est? O dives paupertas, o nuditas honorabilis, quæ in celo inæstimabiles thesauros abscondis, de quibus potes incessanter capere et de his nihilominus abundantiter offerre. Hic est thesaurus, quem qui inventi vadit et vendit universa quæ habet: per ipsum eunt, per hos thesauros illi decem Israelitæ, quos Ismael in articulo mortis concluserat, homicidæ gladium evaserunt. Obtulerunt reges aurum, thus et myrrham. Evangelista aurum tanquam dignius thuri præponit et myrræ. Thus vero myrrha excellenter. Pensata vero significatione munerum quantum ad processum virtutum et sanctorum operum, primo

loco myrrha offertur, secundo thus, tertio aurum. Per myrrham quæ amarissima est et medicinalis, atque vermium mortificativa, penitentia designatur, cum quis in amaritudine animæ suæ recognitat annos suos, et de peccatis suis amarissime dolet accusans se, et per confessionem dimittens adversum se eloquiū suum. Illic Domino offert myrrham: myrrha vermes mortificat, et carnes a putrefactione conservat. Nonne vermis est libido blande ingrediens, dulciter mordens, suaviter transodiens, et voluptuose occidens? Vermis etiam est acedia cor hominis latenter quasi tinea rodendo corrumpens. Verbum enim sapientis est: *Ut vermis ligno, ita tristitia nocet cordi³⁰.* Sed et mundana desideria vermes sunt. Unde et testimonio Salomonis, *Desideria rodunt pigrum³¹*; non est otium sine desideriis. Legitur quia in desideriis est omnis otiosus: vulgariter autem scitur et dicitur quia otiositas inimica est animæ.

Vis videre virtutem et efficaciam myrræ? Religiosus aliquis est qui nuper jugo regulæ se subjecit: huic myrrha sive myrræ amaritudo, sunt ieiuniorum frequentia, labor quotidianus, ciborum tenuitas, somnus brevis, censura silentii, austeritas disciplinæ. De his omnibus non myrrham, id est amaritudinem, sed myrræ fasciculum sibi facit pro amore illius, de quo sponsa in Canticis dicit: *Dilectus meus sicut fasciculus myrræ inter ubera mea commorabitur³².* Amara quidem sunt quæ sustinet, sed comparatione illius amaritudinis, quam habet de suorum peccatorum et excessuum recordatione et dolore, dulcescunt. Sic amaritudinem cholerae amaritudo absynthii vel aloes purgat, et humores, qui ex deliciis excreverunt. Horror medicinæ abominabilis, et urentis cauterii dolor frequentissime sanat. Est myrrha incipientium, thus proficientium, aurum est perfectorum. Quod myrrha thus preventiat habes ubi dicitur: *Sicut virgula sumi ex aromatibus myrræ et thuris³³.* Et illud: *Ibo mihi ad montem myrræ, et ad collem thuris³⁴.* Utrobius thus sequitur, et myrrha præcedit. Postquam quis per contritionem et penitentiam de suis excessibus satisficerit, deinceps de processu virtutum sollicitus postulat perseverantiam, cumque videat se de mortis laqueo liberatum, reliquæ cogitationis diem festum agunt, ubi et tunc offert thus: quæ quidem oblatio festiva est. Sciunt qui frequenter hæc experiuntur quomodo devotæ orationis oblatio solemniter in animo lætitiam faciat, dum, sicut incensum, sicut virgula sumi ex aromatibus in conspectum divinæ majestatis ascendunt. Qui prius offerebat sacrificium cordis contriti et humiliati, jam offert thus devotionis; qui prius compungebatur, jam suo Redemptori congratulans dicere potest: *Convertisti planctum meum in gaudium mihi; et circumdedisti me*

²⁴ Math. 2. ²⁵ Psal. 72. ²⁶ Act. 3. ²⁷ 1 Cor. 1. ²⁸ Psal. 143. ²⁹ Apoc. 3. ³⁰ Prov. 20. ³¹ Prov. 21. ³² Cant. 1. ³³ Cant. 3. ³⁴ Cant. 4.

Iactitia, ut cantem tibi gloriam, et non compungar⁴⁵. Sic reddit Dominus lugentibus Sion, juxta verbum Isaiae, coronam pro cinere, oleum gaudii pro luctu, pallium laudis pro spiritu mæroris⁴⁶. Tunc potest psallere et cantare: *Gaudens gaudebo in Domino, et exsultabit anima mea in Deo meo, quia induit me vestimenta salutis, et indumento justitiae circumdedidit me⁴⁷.* Aurum charitas est, quæ dum perfecta est, nihil in se palloris habet; quæ timorem foras misit, ut jam sint posteriora ejus non in pallore auri, sed in fulgore auri purissimi. Nam et Joannes angelum qui ei loquebatur, ad mammillas cinctum zona aurea vidit⁴⁸, quia charitas temporalium cogitationum fluxa restringit. Offert itaque aurum qui Christum ex toto corde diligit. Offert aurum qui divinitatem in Christo homine recognoscit. Sicut in Canticis legitur: *Caput ejus aurum optimum⁴⁹; caput enim Christi Deus; sed et aurum sapientia est.* Unde et aurum Christo offert, qui Christum Dei virtutem et Dei sapientiam confitetur.

Magi, stella prælucente et præducente, veniunt ab oriente ad illum verum Orientem, cui nomen Oriens. Perhibet testimonium stella de Sole, lumen de Lumine; et reges in splendore ortus sui splendorem æternum in tenebrosa et obscura infantuli paupertate cognoscunt. Stella non sicut stella, sed sicut rationalis creatura præcedit, ubi subsistendum fuerat, subsistit, atque radio quasi digito ubi parvulus jacebat ostendit. Gratias tibi, Deus, qui dixisti de tenebris lumen splendescere: et illuxisti cordibus nostris ad illuminationem scientiarum in faciem Christi Jesu⁵⁰. Non miremini si ducatum stellæ sequentur, quorum cordibus stella ex Jacob illuxerat, et lucifer ille qui nescit occasum. Bone Jesu, salus mea, et misericordia mea, et pars mea in æternum, quanto gaudio exsultant hodie Magi in tua hereditate coelesti, in conspectu Patris tui, in splendoribus sanctorum, dum te adorant in palatio cœli, in throno majestatis: quasi unigenitum a Patre gloria et honore coronatum diadematè Patris tui: quem prius viderant in Bethlehem, in diversorio, in præsepio parvulum, pauperculum, vagientem in cunis.

Et intrantes domum, etc. O Magi! mihi ad vos sermo est: De terra longinqua venistis videre Regem regum, et Dominum universitatis; quid, quæso, invenistis? quid facitis? quem adoratis? Adoratis lactentem puerum, filium pauperculæ mulieris in iugurio vili et vilibus pannis. Estue Deus cui exhibetis nunc honorem? Certe Dominus in templo sancto suo, Dominus, in cælo sedes ejus⁵¹: et vos eum queritis in stabulo et in feno, quem proni adoratis. Quare aurum et species pretiosas offertis? Quæratis Regem regum: ergo Rex est ipse. Ubi est aula regia, ubi frequentia curialis, ubi pompa magnatum? Non video nisi stabulum, et præsepium, et Mariam cum

A Joseph. Regnum ejus quod queritis, non est de hoc mundo. Certe manifeste video quod infatuata est sapientia Chaldeorum: nam et isti Chaldei erant. Sane insipientes facti sunt viri sapientes, ut adorarent parvulum despicabilem tam in sua ætate quam in sua paupertate. Porro, insipientes facti sunt, ut fierent sapientes: quod tunc docebat eos Spiritus sanctus, postea prædicavit Apostolus, dicens: *Qui vult esse sapiens, fiat stultus ut sit sapiens⁵².* Quia enim per sapientiam mundus Dominum cognoscere non poterat, placuit Deo per stultitiam salvos facere credentes. Nolite, quæso, scandalizari, o Magi. Ille qui in cunabulis plorat, ipse est qui in cœlis tonat; ipse est cui omnes prophetæ testimonium perhibent, quia ipse est *Dominus Deus noster⁵³*, et non æstimabitur aliud ab eo, ipse omnipotens et salvator. Omnes dicunt: *Quoniam hic est Deus Deus noster in æternum, et in sæculum sæculi: ipse reget nos in sæcula⁵⁴.* Sed quare illos moneo? Illi contra Jerusalem veniunt sancto ducente, stella ducente in Bethlehem villam exiguum, villam parvulam, et invenientes parvulum pannis involutum non abhorrent stabulum, sed procidunt et lactentem venerantur regem, et adorant ut Dominum. Et nos, fratres, adoremus et procidamus ante Deum; adoremus Deum in spiritu et veritate. Nam et ipse tales querit, qui adorent eum in spiritu et veritate⁵⁵. Veniant nunc saltem veri adoratores! adoremus et ploremus cum eis coram Domino, qui fecit nos; quia magna fecit nobiscum, qui potens est et sanctum nomen ejus. Cui sit honor et gloria in sæcula sæculorum. Amen.

SERMO X.

DOMINICA INFRA EPIPHANIAM.

Venit Jesus a Galilea in Jordanem ad Joannem, ut baptizaretur ab eo⁵⁶.

Venit Sponsus ad paronymphum, ad vocem Verbum, Magister ad discipulum, Dominus ad ministrum. Solent infirmi venire ad medicum; sed ecce nova faciens omnia, innovat signa, immutat mirabilia, et per omnia nobis exhibit summae humilitatis exempla. Fons a rivulo petit aquam: nam a mari exeunt flumina, et ad mare revertuntur ut iterum fluant⁵⁷. Hic est fons cui testimonium perhibet Zacharias, quia fons de domo David egressus est in ablutionem peccatoris et menstruatæ⁵⁸. De hoc fonte nobis fontes misericordiae emerguntur, aquæ salientes in vitam æternam, ut hauriamus aquas de fontibus Salvatoris⁵⁹. Venit circumcisiois Dominus et baptismi, ut qui se circumcidì dignatus fuerat, ad exhibitionem plenæ humilitatis sustineat baptizari. Sic, inquit, oportet nos implere omnem justitiam. In justitia designans humilitatem, quæ est plenitudo justitiae. Venit ad aquas Jordanis, non ut aquis lavari indiget, qui mundus est totus, non ut laveretur, sed et ut aquas lasset, et ut clementio vim

⁴⁵ Psal. 29. ⁴⁶ Isa. 61. ⁴⁷ Ibid. ⁴⁸ Apoc. 1. ⁴⁹ Cant. 5. ⁵⁰ II Cor. 4. ⁵¹ Psal. 10. ⁵² I Cor. 4. ⁵³ Baruc. 3. ⁵⁴ Psal. 47. ⁵⁵ Joan. 4. ⁵⁶ Matth. 3. ⁵⁷ Eccles. 1. ⁵⁸ Zachar. 13. ⁵⁹ Isa. 12.

mundationis ac regenerationis per virtutem sui nomine, et ablationem sui corporis potenter infundat. Cum autem per spiritum regeneremur in spem vitæ, per baptismum conteritur caput antiqui serpentis in aquis. Sed repulsum lat caput venenatum, radix amaritudinis et peccati. Infelix ego homo! semel baptismi ablatus sum, sed et vulnera primæ transgressionis ibi plene abluta et sanata sunt. Verum, quia primam fidem irritam feci, putruerunt cicatrices meæ a facie insipientiæ meæ⁶⁰. Ideo ad meipsum anima mea conturbata est⁶¹, et in amaritudine animæ meæ recogito dies meos: nec est mibi remedium aut solatium. Recolens tamen, bone Jesu, quia propter nos, non propter te, descendisti in Jordaniem, tuæ humilitatis memor, humiliabo me et descendam. Jordanis enim descendens interpretatur: *Propterea memor ero tui de terra Jordanis, descendens a monte modico*⁶², a superbia vitæ, quæ brevis est et transitoria, et momentanea est. Descendit Naaman de curru superbiorum in aquas Jordanis, et sanatus est. Descendit superbis ad aquas humilitatis et pœnitentiæ, et mundatur. Septies lavit se Naaman in Jordane⁶³: mihi misero et plusquam leproso non nisi semel baptizari permisum est, quoniam unus spiritus, et una fides, et unum baptisma⁶⁴. Semel baptismi ablatus sum; sed ex quo pollui vestimenta mea, ut verbo beati Job utar, si lavero me aquis nivis⁶⁵, si mundavero me nitro, aut herba Borith⁶⁶, tu me, Domine, intingis sordibus; nam omnes justitiae nostræ in conspectu tuo sicut pannus menstruatae⁶⁷. *Et quis potest facere mundum de immundo conceptum semine?* Nonne tu qui solus es⁶⁸? Si autem aliquo modo mundatus fuero, facile recidivabo; nec observabo me ab iniuitate mea. Duo enim me in præcipitium trahunt: inde conditio corrupta; hinc voluntas infirma. Ergo, quia virtus baptismi in me semel officio suo functa est, nec repeti potest, sola ablutione pœnitentialis mihi ad remedium superest.

Nam et pœnitentia est baptismus, non quod in ea sit baptismi iteratio; sed quia sepulturam criminum facit, et nos humilitati Christi consepiens, complantans morti ejus in spem vitæ æternæ nos regenerat, ut simus quasi modo geniti infantes. Unde et caro Naaman, cuius ablutione nobis posita est in signum sapientiæ, in ætatis puerilis munditiam reparata est. Quidam pœnitentialibus aquis semel immersi, statim putant ab omnibus iniuitatibus esse mundi: sed non sufficit, nisi cum Naaman septies in Jordane laventur. Jejuna usque ad oris fetorem, flagella, contunde, ure corpus tuum ita ut ardeat, nihil agis, nisi pœnitentiæ spiritus septiformis assistat. Divites hujus sæculi, qui cœidunt in bonis et deliciis dies suos, qui pœnitentiam vilipendunt, nonne videntur dicere quia me-

Aiores sunt fluvii Damasci Abana⁶⁹ et Pbarphar omnibus aquis Israel, ut laventur in eis? Hæc est medicina unica post baptismum. Medicinam, dicit Salomon, creavit Deus hominibus, et stulti despiciunt eam⁷⁰. Hæc est secunda tabula post naufragium. Christus nec indigebat pœnitentia, nec baptismus: tantum ut mundaremur baptizari voluit; et ut peccata nostra tolleret, more pœnitentium jejunavit et flevit, post jejunium venit ad Jordaniem ad Joannem, ut baptizaretur ab eo. In baptismo Christi tota Trinitas innotescit. Pater auditur in voce, Filius in carne, Spiritus in columba specie. *Et vox, inquit, in cœlo facta est: Hic est Filius dilectus in quo mihi, etc.* — *Vox Domini super aquas, Deus majestatis intonuit*⁷¹; sed et Filius hodie suis discipulis innotescit. Unde et triplex apparitio sive revelatio in Ecclesia hodie celebratur. Apparet Chaldaicæ novæ stellæ indicio, et per eos hodie in gentibus nostræ fidei primitiæ consecrantur. Apparet Judæis non solum Joannis, sed Patris et Spiritus sancti testimonio, vim regenerativam ab aquis incipiens, divinam potentiam mutatione aquæ in viuum discipulis hodie manifeste declarat. Sicut Evangelium dicit: *Hoc est initium signorum ejus, et manifestavit se*⁷². Erat natus, sed non notus: *in mundo erat, et mundus per ipsum factus est, et mundus eum non cognovit*⁷³. Et notandum quod mirabili consideratione divinæ sapientiæ stella testimonium perhibet soli ei qui est sol justitiae, vox Verbo, columba Agno. Sicut agnus inter animalia, sic est inter aves columba simplicior; optimeque sibi convenient columba et agnus: ipse testimonio prophetæ, est *Agnus mansuetus qui portatur ad victimam*⁷⁴; ipse est columba, sicut scriptum est: *Dissipata est terra a facie iræ columba*⁷⁵. *Hic est*, inquit, *Filius meus dilectus in quo mihi complacui;* ipsum audite⁷⁶. Vere complacet Patri in eo quod dicit: *Ego quæ placita sunt Patri meo, facio semper*⁷⁷. Ipsum audite. Dei Filius, Verbum Dei, sermo omnipotens, qui sub muliere diu tenuerat silentium, accepta a Patre licentia, tandem loquitur: superbiam nostram suæ humilitatis exemplo confundens, qui tardi sumus ad audiendum, velocius ad loquendum, dum prius volumus docere quam doceri; prius esse magistri quam discipuli, prius esse quam coesse. Descendamus itaque de curru superbiorum cum Naaman in Jordaniem, ut lavemur septies pœnitentialibus aquis. *Septies enim cadit justus in die*⁷⁸.

SERMO XI.

II. IN DIE PURIFICATIONIS B. MARIE.

Hodie templi Dominus defertur ad templum: hodie mater offert Filium Patri suo. Hæc est prima processio et non parva; quia puer noster adhuc parvulus est. Hic est Maria, Simeon justus, et

⁶⁰ Psal. 37. ⁶¹ Psal. 41. ⁶² Ibid. ⁶³ IV Reg. 5.
⁶⁴ Job. 14. ⁶⁵ IV Reg. 5. ⁶⁶ Eccli. 38. ⁶⁷ Psal. 28.
⁶⁸ Matth. 17. ⁶⁹ Joan. 8. ⁷⁰ Prov. 24.

⁶⁹ Ephes. 4. ⁷⁰ Job. 9. ⁷¹ Jer. 2. ⁷² Isa. 64.
⁷³ Joan. 2. ⁷⁴ Joan. 1. ⁷⁵ Jer. 11. ⁷⁶ Jer. 25.

Anna prophetissa, et Christus in medio qui offeruntur, qui recipitur, qui prophetatur, omnes justi, nullus peccator. Nunquid omnes peccatores renunt Deus? *Nolite timere, pusillus gress, quia complacuit Domino in vobis*⁷⁰. Et quid est quod sancta, quod immaculata, quasi aliquid muliere passa sit vel in conceptu, vel in partu muliebris infirmitatis querit remedia, et legi subjicitur? Sed Filius pro matre respondet. *Sic, inquit, decet nos implere omnem justitiam*⁷¹. Prima mulier mater omnium, et criminum, cum ad excusandas excusationes in peccato suo, culpam propriam in alium retrosisset, Mater Dei, mater misericordiae ad exemplum filii sui quae non rapuit solvit. Cumque extra necessitatem legis esset, quae sine seminis susceptione filium pepererat, legis necessitatibus se subjicit. Venerant ambo legem implere, non solvere. Hodie sistitur Creatori fructus terrae sublimis. Christus purgationem peccatorum faciens, matrem Virginem legem aliarum subire sustinet, ut nos exemplo humilitatis informet. Hodie per manus maternas et virgineas offertur in templo, per manus Iudaicas et sacrilegas offrendus in cruce. Hodie suscipiunt eum brachia Simeonis justi: erit quando suscipient eum brachia diræ crucis, et tunc erit secunda processio. Hoc sacrificium matutinum, illud vespertino. Utrobius oblatus est, quia ipse voluit. Quæcumque enim voluit fecit. O quam beatum reputare se potest, qui diem suæ purificationis implevit! Simeon non solum dies purgationis, sed expectationis implevit, ut jam mereatur videre Christum Dominum, ut dimissus in pace, in id ipsum dormiat, et in pace illa quiescat, quæ exsuperat omnem sensum. Purgatio nostra est in aqua et sanguine, in spiritu et igne. Per aquam et sanguinem, sicut Joannes testatur: *Hic est*, inquit, *qui venit per aquam et sanguinem*⁷². Et idem: *I, se baptizabit in spiritu et in igne*⁷³. Est et alia purgatio terribilior *in spiritu judicii et spiritu ardoris*⁷⁴. Vis audire de aqua? In aqua baptizavit, in aquis pedes lavit, aquas ab oculis fudit. De sanguine non est dubium, quem multiplicitate fudit, ut lavaremus stolas nostras in sanguine Agni. De spiritu legi quia gratia Dei diffusa est in cordibus nostris per Spiritum sanctum qui datus est nobis⁷⁵. Datus est etiam ignis ad purgationem, sive Spiritus sanctus in igne linguis⁷⁶. Purgat ergo Dominus aqua ablutionis, sanguine passionis spiritu sanctificationalis, igne perfectionis; sed et igne tribulationis. *Transivimus*, inquit, *per ignem et aquam, et eduxisti nos in refrigerium*⁷⁷. Hic est cereus, haec est candela super candelabrum ponenda; adhuc tamen sub modo constituta, sufficiens ad illuminationem Iudeorum, ad revelationem gentium, ad salutem omnium populorum. Huic cereo mater ceram con-

A tulit; lumen vero Pater lumen ministravit. Iste est qui illuminat omnem hominem venientem in hunc mundum⁷⁸. Accedite ad eum, et illuminamini⁷⁹, ut videatis figuram in imagine, spectem in splendori, lumen in lumine. Ipse est splendor, figura et substantia Dei. Ipse de tenebris nos eduxit in admirabile lumen suum, ut filii lucis simus, qui eramus filii tenebrarum. Testimonium perhibet lumen de Lumine, stella de Sole. Gratias tibi, Dens, qui dixisti lumen de tenebris splendescere, et illuxisti cordibus nostris ad illuminationem scientiae, in faciem Christi Jesu⁸⁰.

Quanto gaudio! quanta exultatione putatis hodie gratulari animas Magorum in conspectu Dei, in splendoribus sanctorum, dum vident in palatio cœli, et adorant in throno majestatis quem olim viderunt in Bethleem modica civitate in diversorio, in praesepio parvulum vagientem in cunis! Quem prius viderant parvulum et infirmum, modo vident perfectum in omni majestate et potestate, in diadema Patris sui gloria et honore coronatum, quasi Unigenitum Patris. Vide in istis modis profectus et ordinis processum. Procedunt a visione sideris ad visionem matutinæ lucis: inde ad videndum solem in meridi virtutis suæ. Sie proficiunt a conspectu pueri usque ad conspectum Dei. Hic est profectus justi, et progressus nascentis Ecclesiae. Sicut Salomon dicit: *Justorum semita quasi, lux splendescens procedit, et crescit usque ad perfectum diem*⁸¹. Quid mirum, si venerunt ad ipsum Luciferum? Stella enim orta ex Jacob illucebat cordibus eorum, et Lucifer ille qui nescit occasum.

Hodie non una sola stella, sed multæ, ad hujos pueri agnitionem nos dicit. Quot enim sunt eruditores justitiae, tot sunt stellarum testimonio Danielis: *Qui ad justitiam, inquit, erudiant multos quasi stellæ in perpetuas æternitates*⁸². Ideo et Paulus vocat eos luminaria quæ lucent in medio nationis prævæ ne perversæ⁸³. Dominus etiani lumen, cum disponeret lunam et stellas in potestate noctis: *Vos, inquit, estis lux mundi*⁸⁴. Et illud: *Sic luceant opera vestra bona coram hominibus, ut glorificant Patrem vestrum qui est in cælis*⁸⁵. Teste Salomone: *Dulce et delectabile est oculis videre solem*⁸⁶. Ego autem credo quod omnia desiderabilia, et omnia quæ ex cogitari possunt oblectamenta transcendere solem justitiae nequeunt; sed non est datum Ippentibus oculis in illud admirabile lumen posse conspicere. Si non possumus in rotam solis, nec in illud lumenosum justitiae corpus oculum mentis infligere (scrutator enim majestatis opprimetur a gloria), nec altiora nobis et fortiora debemus inquirere, dirigatur saltem oculus noster in lucem fidelium, et delectetur in splendoribus sanctorum. Sancti enim sunt montes, a quibus nos illuminat Deus testimonio.

⁷⁰ Luc. 12. ⁷¹ Matth. 3. ⁷² I Joan. 5. ⁷³ Matth. 3. ⁷⁴ Isa. 4. ⁷⁵ Rom. 5. ⁷⁶ Act. 4. ⁷⁷ Psal. 65. ⁷⁸ Joan. 1. ⁷⁹ Psal. 33. ⁸⁰ II Cor. 4. ⁸¹ Prov. 4. ⁸² Dan. 12. ⁸³ Philipp. 2. ⁸⁴ Matth. 5. ⁸⁵ ibid. ⁸⁶ Eccl. 11

Prophetæ dicens : *Illuminans tu mirabiliter a montibus aeternis*⁹⁶. Et tu, frater, leva oculos tuos in montes, unde veniat auxilium tibi. Qui in tenebris es sis ad illum montem magnum accedite et illuminamini, et facies vestrae non confundentur⁹⁷. Inter cæteros montes, per quos nos illuminat, montem magnum reputo iustum senem Simeonem qui non solum in Christi fide nos illuminat, sed illuminando confirmat. O senex fidelis, cuius laus in Evangelio, cuius senectus in misericordia Verbi, cum unicum portes qui portat omnia verbo virtutis, aperi nobis quam salubriter insinuabat se visceribus tuis, qui delectabiliiter infundebat se animæ tuæ, suumque spiritum pectori tuo influebat ille quem tu gestabas in ulnis. Nonne poterat Simeon respondere et dicere : *Acceperam responsum a Spiritu sancto non viderum me mortem donec videbam Christum Dominum?* Diu exspectaveram; jam deficerant oculi mei in eloquium tuum dicentes : *Quando consolaberis me?* Factus eram sicut ute in pruina⁹⁸: frigidus, aridus, marcitus, et despectus. Sed tandem memor fuisti, Domine, verbi tui servo tuo, in quo mihi spem dedisti⁹⁹. Jam in carne mea video Dominum Salvatorem meum : nec solum video, sed teneo et amplector. Jam me sentio calere de senectute mobida in salutem.

*Renovata est ut aquila juventus mea*¹⁰⁰. Jain irreverberata acie solem justitiae contemplor. *Fidelis Dominus in omnibus verbis suis*¹; viderunt oculi mei salutare meum. Video te in vultu meo, in carne mea; video te in vultu tuo et gloria tua, ubi erit plena iucunditas, et plena in iucunditate satietas, quia vultum tuum, Domine, requiram, satiabor cum apparuerit gloria tua¹. Vidi Dominum, et salva facta est anima mea. Vidi et video; nec dimittiam te donec dimittas me in pace. *In pace in idipsum dormiam et requiescam*². Non solum Simeoni datum est videre et portare, et amplecti Dominum, sed omnibus his, qui in veritate diligunt Spiritum. Qui Christum tenent, amplectuntur, et sovent in desiderio animæ sue in sancta, atque devota et optabili servitute. Qui cum sponsa dicere possunt : *Dilectus meus sicut fasciculus myrræ inter ubera mea commorabitur*³. Hic est de quo praedixerat Malachias : *Ecce veniet ad templum sanctum dominator Dominus, et Angelus testamenti quem vos vultis*⁴. Quæritis, o Judei, et non quæritis; vultis et non vultis. Si quæritis, querite; convertimini, et venite. Quæritis, qui vos liberet a servitute hominum, non dæmonum; qui terrena confusat, non æterna. Ecce hic est quem quæritis, cui omnes prophetæ testimonium perhibent : *Hic est Deus noster, et non æstimabatur aliis ab eo*⁵, ipse reget nos in sæcula⁶. *Suscepimus hodie, Deus, misericordiam tuam in medio templi tui*⁷. Templum

A Dei est habitatio gloriæ ejus, templum est uterus virginalis, templum est corpus Christi, templum est illud ædificium Salomonis, quod destruendum Christus quandoque predixit, quia merito destruendum erat; nimis enim angustum fuerat et modicunum, et ideo cultu tantæ majestatis indignum. Æditiret tibi, Domine Jesu, templum amplioris gratiarum populus acquisitionis ab ortu solis usque ad occasum; palatum tuæ majestati ædificet, Ecclesie Redemptor, ut sit secundum nomen tuum, Deus, ita est laus tua in fines terræ⁸. Tu vero, qui hodie offerris in templo, Christe Jesu, qui es templi Dominus, illuminatio mea et salus mea, qui illuminas lucernam meam per fidem, et agnitionem veritatis tuæ, illumina tenebras meas; nec enim video, aut intelligo omnes excessus meos : nam delicta quis intelligit? Circumdederunt me mala, quorum non est numerus, et non potui ut viderem. Illumina nos, Domine, quo mundi hujus tenebris carere valeamus, et pervenire ad patriam claritatis æternæ. Exaudi nos, Pater luminum et illuminator cordium; illumina tenebras nostras ut placeamus coram te in lumine viventium, qui es figura et splendor substantiae Dei Patris, Jesu Christe, cui est honor et gloria in sæcula sæculorum. Amen.

SERMO XII.

IN EADEM PURIFICATIONE.

*Suscepimus, Deus, misericordiam tuam in medio templi tui*⁹.

Hodie, dilectissimi fratres, susceptus est Dominus, et oblatus in templo: hodie debitum suæ purificationis implevit purissima Christi mater. Moyses enim in lege præceperat quod si mulier concepto semine filium peperisset, septem diebus immunda esset, et octavo die circumcidetur puer; postea triginta tribus diebus mulier a templi abstineret ingressu, et quadragesima die puerum cum hostiis offerret in templo¹⁰. Notate verba, et in verbis mysteria. Videte quanta cautela et circumspectione usus est Moyses in his verbis. Si dixisset, Mulier quæ peperit masculum septem diebus immunda erit, ergo beatissimam quæ paritura erat masculum indicasset immundam. Ideo præmisit, Mulier quæ, suscepto semine, peperit masculum. Igitur beatam Virginem manifeste exceptit. Ipsa enim sola est quæ virgo peperit, quæ non de semine, sed gratia et sanctificatione concepit. Nonne ergo poterat dicere sanctissima Virgo, cum duceretur ad templum: Quid mihi est opus sanctificatione, quæ semine polluta, aut partu immunda non fui? Quid mihi opus est ingressu templi, quæ facta sum templum Spiritus sancti? Quid opus est mihi vel Filio meo bis oblationibus, qui se oblaturus est in ara crucis ut redimat universos? Noli

⁹⁶ Psal. 75. ⁹⁷ Psal. 53. ⁹⁸ Psal. 118. ⁹⁹ Ibid.
¹ Cant. 1. ² Malac. 3. ³ Baruch. 3. ⁴ Psal. 47.

¹⁰⁰ Psal. 102. ¹ Psal. 144. ¹¹ Psal. 16. ¹² Psal. 4.
⁵ Ibid. ⁶ Ibid. ⁷ Psal. 47. ⁸ Levit. 12.

hæc dicere, mater sancta: esto in mulieribus si ut una ex illis. Memento quia et Filius tuus, qui sine peccato erat, voluit circumcidiri. Venit enim legem adimplere, non solvere. Ingredere templum, Virgo benedicta, offer benedictum fructum ventris tui, offer primitias nostræ benedictionis, offer fructum terræ sublimem, hostiam sanctam, Deo placentem, reconciliationem nostram. Erit quando non offeretur in templo, nec in Jerusalem, sed extra Jerusalem. Erit quando non offeretur inter brachia Simeonis, sed inter brachia crucis. Veniet d'es, quando non redimet avibus, sicut hodie, sed ipse nos redimet in sanguine suo, quia ipsum redemptionem misit Dominus populo suo. Illud enim erit sacrificium *vespertinum*: istud est sacrificium *matutinum*. Gaudes, mater, in sacrificio matutino, quia in vespertino dolebis, et tuam ipsius animam pertransibit gladius¹⁰; ad vesperum demorabitur fletus, et ad matutinum laetitia¹¹. Et in hoc, et in illo sacrificio oblatus est, quia ipse voluit. Gaudete, mater, et exulta satis filia Sion, gaudie et canta virginitatis epithalamicum canticum novitatis. Audi, Virgo, et inclina aurem tuam, quia Anna et Simeon cantant tecum: Simeon justus canticum iustitiae: *Nunc dimitis, Domine, servum tuum*, etc., ¹² Anna canticum continentiae. Canta et tu canticum pudicitiae, canticum novum, canticum inauditum, canticum virginitatis et secunditatis, canticum humiliatis, canticum gloriae et beatitudinis. Ecce, inquit, *ex hoc beatam me dicent omnes generationes*¹³. Vere omnes generationes, quia sicut unguentum effusum est nomen tuum¹⁴, et memoriale tuum in omni generatione et generationem. Nusquam est hodie, fratres, d'es salutis, nisi per Virginem. Hæc est enim unica mediatrix nostra, et interventrix ad Filium. Peccatores eramus, et ad Patrem verebamur accedere. Terribilis est enim super reges terræ, qui auferit spiritum principum¹⁵: respicit terram et facit eam tremere; tangit montes et sumigant¹⁶, dedit nobis Christum Filium suum. Quid non obtineat apud Patrem talis Filius? Exaudiatur pro reverentia sua: sed ipse cum sit Deus, intercessione opus est apud eum. Habetus autem beatam Virginem, in qua nil terribile est; nam in ipsa est plenitudo gratiae, et puritas humanae vitae. Exaudiatur pro nobis matrem Filii; offeret mater Filio suo preces nostras. Filio, inquam, suo, quem hodie obtulit in templo, ut et nos suscipiamus misericordiam ejus in medio templi sui.

Quæ est, fratres, hæc misericordia, quam hodie suscepimus; nam inquit sunt misericordiae ejus, et miserationum ejus non est numerus. Si recognoscitem communem nostræ redemptionis processum, septem misericordias invenio. Si considerem quotidianam et singularem uniuscujusque redemptio-

A nem, septem miserationes invenio. Opus enim misericordiae quod Deus creavit hominem, ut eum sue gloriæ faceret participem et consortem. Peccavat homo et æterna morte se dignum constituit; inventa est enim iniquitas ejus ad odium; eum tamen Deus aeternaliter non damnavit. Et hæc est secunda misericordia. Tertia misericordia fuit, quod nobis qui eramus sub maledictione, benedictionem in semine Abraham repromisit. Quarta misericordia fuit, quia nobis sine lege vagantibus, ad disciplinam et ad correctionem per Moysen legem delit. Quinta, quia cum essemus in multa desolatione, et penderemus sub incertitudine spei, nos per prophetas suos variis consolationibus confortavit. Sexta, quia non angelicam naturam, sed conformitatem nostræ miserice nostræ deformatis elegit. Septima est, quia ipsum incarnatum suscepimus in medio templi sui. Hæc est misericordia illa magna de qua dicitur: *Miserere mei, Deus, secundum magnam misericordiam tuam*¹⁷, quia ipsa est complementum omnium aliarum. Quia enim Christus sitiuit, quod esuriuit, quod opprobria, quod clavos, quod lanceam, quod mortem in cruce sustinuit: hæc omnia procedunt de nativitate ipsius; hæc omnia sunt bujus misericordia accessio et sequela. Secundum singularem uniuscujusque statum septem alias miserationes invenio. Prima est, quia cum dæmones opportunitate peccandi offerunt, Dominus impedit ne mala voluntas veniat ad effectum, tollitque *Dominus virgam peccatorum desuper sortem justorum, ut non extendant justi ad iniuriam manus suas*¹⁸. Secunda misericordia est, quod nos continue peccantes offendimus Dominum, et peccata peccatis adjungimus, et tamen Dominus patienter sustinet, et ad penitentiam nos exspectat. Juxta David: *Hæc fecisti et tacuit*¹⁹. Et in Isaia: *Non cogitasti in corde tuo, quia ego vir tacens, et quasi non audiens*²⁰. Tertia misericordia fuit, quia commovit Dominus ad penitentiam cor nostrum, ut penitentes recognoscimus in amaritudine dies nostros, secundum quod legitur: *Commovisti terram et conturbasti eam: sana contritiones ejus, quia commota est*²¹. Quarta misericordia est, ut cupiamus desiderare et velle quod ex humana infirmitate desiderare non possumus. Concupivi, dicit Psalmista, *desiderare justifications tuas in omni tempore*²². Quinta, stabilire in proposito sanctitatis, juxta illud: *Spatulisti supra petram pedes meos*²³. Sexta misericordia est oblivisci omnium mundanorum, et proficere, et proficisci in obedientiam et observantiam mandatorum Dei. Sicut Apostolus dicit: *Eorum quæ retro sunt oblitus ad anteriora me extendo*²⁴. Septima est, cum Christum suscipimus in medio templi sui, immo cum ipse nos suscipit in medio templi sui, tunc Christi templum efficiuntur. Sicut Apostolus dicit:

¹⁰ Luc. 2. ¹¹ Psal. 29. ¹² Luc. 2. ¹³ Ibid. ¹⁴ Cant. 1. ¹⁵ Psal. 75. ¹⁶ Psal. 105. ¹⁷ Psal. 50.
¹⁷ Psal. 124. ¹⁸ Psal. 49. ¹⁹ Isa. 57. ²⁰ Psal. 59. ²¹ Psal. 118. ²² Psal. 39. ²³ Phil. 3.

*Templum Dei sanctum est, quod estis vos*²⁴. Si enim sic eum suscepimus in corde nostro, in medio templi nostri, securi sumus, quia cum venerit *Judex vivorum et mortuorum, ipse nos suscipiet in medio templi sui, in splendoribus sanctorum, in jucunditate quae non deficit, in gloria quae non transit.* Quam nobis prestare dignetur qui cum Patre et Spiritu sancto vivit et regnat Deus per omnia saecula saeculorum. Amen.

SERMO XIII.

IN SEPTUAGESIMA.

*Simile est regnum caelorum homini parvis familias, qui exiit primo mane conducere operarios in vineam suam*²⁵.

*Quanta audivimus et cognovimus, ea et patres nostri annuntiaverunt nobis*²⁶. Quanta mandavit Deus patribus nostris nota facere ea filii suis. Vineam Domini Sabaoth populus Dei est qui propter varias iniquitates suas Deum saepe ad iracundiam provocavit. Dedit itaque in conculationem vineam suam, et ideo frequenter occurrit nobis in lectione divina a quibus vastata est vinea Domini. Nunc enim permittit populus Israel sub Pharaone jugo gravissimae servitutis; sed multae sunt misericordiae Domini. Clamat ad Dominum populus, et per Moysen liberatur. Cœpit iterum populus deviare a viis Domini, deditque illos Dominus in manus Chusan Rassahaim, et clamaverunt ad Dominum, et per Othoniel fratrem Calephi liberati sunt²⁷. Iterum deviantes a viis Domini dati sunt in manus Eglon regis Moab, et Ammonitarum: et clamaverunt ad Dominum: et suscitavit eis Aioth filium Gera filii Gemini, qui liberavit eos²⁸. Item oppressi sunt a Jabin rege Chanaan, et liberavit eos per Delboram uxorem Barach²⁹. Iterum erraverunt coram Domino, et tradidit eos Dominus in manus Madian et Amalech, sed ad penitentiam revertentes, per Gedeonem liberati sunt a Domino, in lampadibus, et tubis et hydriis³⁰. Quare loquerer de Jephte, de Samsone, de David, et de ceteris per quos Dominus magnificavit misericordiam suam cum populo, et cum vinea sua, quoties populus voluit reverti ad cor, et agere penitentiam de commissis? Nihil est quod ita emolliat et mitiget indignationem omnipotentis Dei sicut humilitas penitentis. Quid enim faciet summus *Judex*, cum viderit peccatorem in seipsum exercere iudicium, et punire proprium in seipso delictum? Evacuate sunt partes iudicis; nec jam exsequetur vices judicantis, sed officium advocati: et qui peccanti intentabat penitentiam, penitenti statim accumulabit gratiam. Ideo mittit Dominus hodie operatores in vineam suam, ut doceatur populus ejus dignos fructus penitentiae agere, et sic flagella Domini decinare. Ita in Evangelio circa infruitiosam scilicet

A neam stercora jubentur apponi, et cultura pertinet adhiberi, ut fructum faciat per vilitatem penitentiae et sarculum disciplinae³¹. Apostolus dicit: *Si nos ipsos dijudicaremus, non utique judicaremur: cum autem judicamur, a Domino corripimur*³². Ut ergo populum suum corriperet Dominus, ut ad humilitatem penitentiae provocaret, permisit eum septuaginta annis sub rege Assyriorum servitute gravissima detineri. Tempus istud septuagenarium illam servitutem manifeste designat; nam et tota vita haec quae per septenarium dicitur, vix septuaginta annos excedit: *si enim octoginta anni, amplius labor et dolor*³³: tota, inquit, vita haec servituti deputata est. Sicut liberatus Job dicit: *O quam grave jugum servitutis super filios Adam a die exitus de retra matris eorum, usque in diem reversionis in matrem omnium*³⁴.

Simus itaque et nos memores servitutis nostræ, humiliantes nosmetipsos sub potenti manu Dei, captivantes omnem intellectum nostrum in obsequium Christi. Filii Israel suspenderunt organa sua in sacrificiis; nec enim decebat cantare canticum Domini in terra aliena³⁵. Nos in istis septuaginta diebus *Gloria in excelsis Deo, Alleluia*, et cætera novitatis cantica subtilcemus. Completis siquidem septuaginta annis, redierunt in Jerusalem sub Jesu sacerdote magno: et nos post illos septuaginta dies resurrectionem Domini nostri Jesu Christi, et in ejus resurrectione nostræ liberationis gratiam exspectamus. Tunc redibunt cantica novitatis, quia peccati vetustate per penitentiam deposita, resurgens in spem vitæ æternæ. Tunc de vinea Domini Sabaoth dabitur nobis vinum novum, quod in utribus novis reponendum est, non in veteribus, ne ruantur. Invitamus ad vineam Domini, et in ea præcipimus laborare. Qui singlit labore in præcepto, mercedem constituit in labore. Nulla ætas excipitur, non est personarum acceptor Dominus: et eos qui mane veniunt, et eos qui tarde accedunt, recipit. Denarius enim, id est vita æterna, unicuique laboranti redditur³⁶. Et haec est merces sanctorum, quam Dominus fidelibus suis a saeculo repromisit. Quam nobis et vobis conferre dignetur, cui est honor et gloria in saecula saeculorum! Amen.

D

SERMO XIV.

IN QUADRAGESIMA.

*Convertimini ad me in toto corde vestro in jejunio et fletu, et scindite corda vestra, et non vestimenta vestra*³⁷.

Seit nos esse aversos a se, qui ad se converti nos admonet. Sed quo convertemur? quocunque me vertam, sive ad dexteram, sive ad sinistram, sive ascendam in cœlum, sive descendam ad infernum, Domine, tu ubique es, qui omnia imples; sed con-

²⁴ I Cor. 3. ²⁵ Matth. 20. ²⁶ Psal. 77. ²⁷ Judic. 3. ²⁸ ibid. ²⁹ Judic. 4. ³⁰ Judic. 7. ³¹ Luc. 43. ³² I Cor. 10. ³³ Psal. 89. ³⁴ Eccli. 40. ³⁵ Psal. 136. ³⁶ Matth. 20. ³⁷ Joel. 2.

verti præcipimur corde, non corpore. De hac conversione loquitur Osea, et dicit : *Convertere, Israel, ad Dominum Deum tuum, quoniam corruisti in iniuitate tua; aufer iniquitatem, et accipe bonum*⁴⁸. Quoniam aversi et perversi fuimus, converti præcipimur et reverti. Sicut animæ dicitur in persona sponsi : *Revertere, revertere, Sunamitis; revertere, revertere, ut intueamur te*⁴⁹. Bonum est converti a malitia ad innocentiam, a gudio peremptorio ad luctum salubreum, a superbia et inflatione vento a ad spiritum mansuetum et humilem. *Convertimini*, inquit, *in toto corde vestro*. Ingredienti enim pœnitentiae viam primo necessaria est cordis contriti et humiliati devotion; quia vero ciborum affluentia erexit in superbiam et lasciviam carnem nostram, ne cesset ut in jejunio convertamur. Qui enim pro Christo jejunat, reficietur a Christo in illa mensa cœlesti, quam preparavit Deus diligentibus se. Est otiam conversio facienda in fletu, ut aquis pœnitenti alibus lavetur facies deformata peccatis. Quantæ enim virtutis et efficaciae sint lacrymæ pœnitentis, declarat Petri reconciliatio, Lazari resuscitatio, et sanctificatio illius nominatissime peccatricis.

Converti etiam nos oportet in planctu, et nos a gaudio suspendamus; et in amaritudine anime nostræ recogitemus dies nostros, tempora quæ perdidimus peccando, per pœnitentiam redimamus. Nam in his tribus, jejunio, fletu et planetu, notantur cordis contritio, confessio et satisfactio. De primo dicitur : *Sacrificium Deo spiritus contribulatus*, etc⁵⁰. De secundo dicitur : *Dixi, Confitebor Domino; et tu remisisti*⁵¹. De tertio dicitur : *Laboravi in gemitu meo*⁵². Jejunio carnis petulantia refrrenatur, fletu et planetu purgatur anima se in eis mortificans, et quasi complantata similitudini mortis Christi, convertitur in ærumna sua, et æruina ejus vertitur in gratiam et in gloriam, quia *gratiam et gloriam dabit Dominus*⁵³. His modis possumus sanctificare jejunium, sicut Dominus adnuinet per prophetam : *Sanctificate, inquit, jejunium*⁵⁴. *Jejunium sanctificare est jejunare in sanctitate et justitia coram Deo, non coram hominibus, sicut hypocrite tristes*⁵⁵. Formam et modum jejunii Dominus nobis aperit, dicens : *Hoc est jejunium quod elegi : Dissolve colligationes impietatis, humiliiter constiendo, solve fasciculos deprimentes, devote satisfaciendo; dimitte eos qui contracti sunt, liberos, misericorditer indulgendo; frange esurienti panem tuum, et egenos ragosque induc in domum tuam*, etc, peccata eleemosynis redimendo⁵⁶. Da pauperi panem terrenum, ut habeas cœlestem; communia terram, ut possideas cœlum. Per hoc quod dicit : *Solve, dissolve, disrumpe, vocat peccata quædam levia, quædam gravia, quædam gravissima:*

A nam et quidam suscitantur extra portam, quidam in lecto, quidam in monumento, in voluntate, in actu, in consuetudine, in ultimo Dominus infremet spiritu, turbat se, lacrymatur, et clamat : *Lazare, veni foras*⁵⁷.

*Nolite, inquit, fieri sicut hypocritæ tristes*⁵⁸. Non reprobat Dominus tristitiam cordis, sed oris; non tristitiam pœnitentialem, sed hypocriticam et superficialem, quia, juxta verbum Salomonis : *Cor sapientis ubi tristitia*⁵⁹. Quia nos invitat per confessionem, per jejunium, per fletum et planctum, ne absorbemur a tristitia, et ne a superficiali moestitia meritum jejunii perdamus sicut hypocritæ, ad spirituale gaudium nos hortatur : *Hilarem datorum diligit Deus*⁶⁰; *omnisque adeps Domini est jure perpetuo*⁶¹: in quo notatur quia nullum sacrificium Deo acceptum est, nisi ex hilari devotione procedat. Unde et ungi præcipitur caput nostrum⁶². Caput nostrum Christus est; licet hoc caput unctum esset a Patre oleo lætitiae præ participibus suis⁶³, Maria tamen Magdalenæ illi uincioni suum unguentum superaddidit. Cumque discipuli murmurarent, ille qui hodie caput ungi præcipit, excusat et commendat unguentum⁶⁴. In capite est plenitudo spiritualis unguenti descendens non solum in barbam, sed in oram vestimenti⁶⁵; nam *de plenitudine ejus omnes accepimus*⁶⁶. Caput itaque ungere est omnes affectiones nostras cum gratiarum actione in ipsum refundere; ille enim jejunat et ungit caput suum, qui delectatur in afflictione corporis propter Christum. Ille autem seipsum et non caput suum ungit, qui secularis auro favorem ex operibus suis quærit, qui dum jejunat et venatur jejunio suo populares jactantias, caput suum oleo peccatoris impinguat. Procedit ulterius propheta, et dicit :

Scindite corda vestra, et non vestimenta restra. In vestimentorum scissione Judaicæ superstitionis diuinita designatur; qui enim scindere corda non poterant, vestimenta scindebant. Nos autem scindere, id est dividere corda nostra oportet, ut secundum divisiones gratiarum susceptibilia sint divinum charismatum. Servet unusquisque, et non scandat vestimenta sua, ne ambulet nudus in via. Servet, obsecro, vestem illam quæ operit multitudinem peccatorum, charitatem dico, per quam remissæ sunt iniuriantes, et multorum tecta sunt peccata. Scindamus corda nostra per misericordiam, compatiendo afflictis, quoniam, juxta verbum Apostoli, nisi compatiuntur, non conregnabimus⁶⁷. Scindantur per pœnitentiam et confessionem, ut excurrat putredo de vulnere cordis, et superveniens novitas auferat saiuu vetustatis. Toties corda nostra scindimus quoties per compassionem proximo condolemus. quoties eleemosynam ex affectu largimur. Est autem

⁴⁸ Ose. 14. ⁴⁹ Cant. 6. ⁵⁰ Psal. 1. ⁵¹ Psal. 31. ⁵² Psal. 6. ⁵³ Psal. 83. ⁵⁴ Joel. 1. ⁵⁵ Matth. 6. ⁵⁶ Isa. 58. ⁵⁷ Joan. 11. ⁵⁸ Matth. 6. ⁵⁹ Eccle. 7. ⁶⁰ II Cor. 9. ⁶¹ Levit. 3. ⁶² Matth. 6. ⁶³ Psal. 44. ⁶⁴ Matth. 26. ⁶⁵ Psal. 52. ⁶⁶ Joan. 1. ⁶⁷ Rom. 8.

eleemosyna et spiritualis, et corporalis. Spiritualis, quæ proximum peccantem corrigit, odientem diligit, et in se peccanti dimittit. Est et corporalis eleemosyna, quæ in sex operibus misericordiæ consistit. Hæc opera sunt sex hydræ nuptiales, sex filii Liæ, sex fratres David, sex gradus in lectulo Salomonis, per quos Salomon verus pacificus in nos ascendit, cum a nostra pravitate conversos, et ad se reversos, ad amorem et contemplationem suam ascendere facit. Cui sit honor et gloria in sæcula sæculorum. Amen.

SERMO XV.

IN EADEM QUADRAGESIMA. — DE FACIENDA PÖENITENTIA.

Christus hodie in schola eruditionis evangelicæ per filium prodigum ⁴⁸ nobis competentissime proponit pœnitentia et humilitatis exemplum. Qui cum afficeretur gravissima fame, cogitavit redire ad patrem, et inter mercenarios unus esse. Quis est qui dilapidat omnia bona vivendo luxuriose, nisi peccator quilibet, qui bona gratuita et naturalia peccando corrumpt et perdit? Sed reversus ad cor, et justitiam incipiens esurire, humiliat se in oculis suis, et de filiali dignitate ad mercenarii sortem devota humilitate descendit. Benti quidem sunt, qui esuriunt justitiam, quoniam ipsi saturabuntur ⁴⁹. Esurientes, inquit, implexit bonis ⁵⁰. Qui enim di-vitias temporales appetunt, non satiabuntur eis. Hæc est aqua de puteo Samariæ, de qua qui biberit, dissipiet iterum ⁵¹. Hæc aqua non resicit, quia non sufficit. Divites eggerunt, et esurierunt: inquirentes autem Dominum non minuentur omni bono ⁵². Cibus autem justitiae dum plus appetitur, plus dulcescit. Unde et ille qui factus est nohis a Deo sapientia et justitia dicit: Qui edunt me, adhuc esurient; et qui bibunt me, adhuc sient ⁵³. Non est tamen ita insatiabilis appetitus justitiae, sicut amor pecuniae; nam in istis est appetitus sine satieta, in illa est satietas sine attædiatione. Unde Propheta: Ego in justitia apparebo in conspectu tuo: satiabor, cum apparuerit gloria tua ⁵⁴. Qui ergo esurit in præsemi, satiabitur in futuro. Sed nunquid omnes illi esuriunt justitiam qui desiderant esse justi? nequaquam. Sunt enim plerique mali, qui desiderant esse justi; sed vici et vinci peccandi consuetudine adhuc pascunt porcos, nec revertuntur ad Patrem, desiderant et suspirant non amare quod amant: et compuncti ad justitiam, delectationem peccati amplectuntur, nec recedunt a malo qui ad bonum desiderio servent. Quod compunguntur ad bonum, quedam gratia est vocationis, non justificationis. Justitia enim non affectu æstimanda est, sed effectu et consensu. Quæ, inquit Apostolus, participatio est justitiae cum iniuitate, aut quis consensus tem-

A pro Dei cum idolis ⁵⁵? Si quis deplorat vitam quam perdidit, et justitiae consentit, jam justitiam esurit, jani ad Patrem reverti proponit, jam pedem in viam rectam posuit, et a meliora suspirans dicit: Utinam dirigantur viæ meæ ad custodiendas justificationes tuas ⁵⁶. Et licet desideret, amplius tamen appetit dicens: Concupivit anima mea desiderare justificationes tuas in omni tempore ⁵⁷. Laborat ad profectum, ut veniat ad perfectum. Videl enim Pater suus a longe, quoniam longe a peccatoribus salus ⁵⁸: sed venienti et lastabundus accedenti occurrit. De tali cursu loquitur Isaias: Occurristi, inquit, lætanti, et facienti justitiam, in viis tuis recordabitur tui ⁵⁹. Pius Pater, si juxta meritum responderet, oculos suos declinaret ab eo, ad preces illius obsurdesceret, et ei turpitudinem præteritæ conversationis oljiciens, ipsum graviter objurgaret. Sed humilitate filii fractus et virtus, deponit duritiam, induit misericordiam et rigorem, quem meruerat filius, convertit in gratiam. Tardius est patri misericordiam impendere filio, quam filio patris misericordiam obtinere. Prævenit et anticipat preces filii reverentis, accelerat et occurrit, et cadens super collum filii, eum osculatur, et dicit:

Cito proferte stolam primam, et induite illum: et date annulum in manum ejus, et calceamenta in pedes ejus: et adducite vitulum saginatum, et occidite, et manducemus, et epulemur, quia filius meus mortuus fuit, et revixit ⁶⁰. Stola est sanctificationis spiritus; annulus, fides; calceamenta, documenta doctrinæ. Vitulus, sacrificium altaris: solemnes epulæ, gaudium angelorum super peccatoris conversionem. Osculatur et amplectitur pater filium, insinuans per osculum et amplexum, quod eum in viscera paternæ pietatis recipit, quod ei se totum aperit, totum se inspirando effundit, ut sit unus spiritus cum eo, qui unum fuerat membrum cum meretricibus luxuriose vivendo. Eum suis inserit et complantat membris, qui membrum fuerat meretricis. Quid animi, obsecro, erat illi misero, imo illi beato et superbeato pœnitenti inter amplexus et oscula pii patris, cum recalesceret, et respiraret cor afficti, et pene desperati; cum ei cor mundum et spiritum rectum atque lætitiam salutaris Pater infunderet? Cor hominis angustum est, et anima humana gaudium cœlestis plene capere non sufficit. Ideo liquefit anima ejus, et scinditur cor in seipsum contritione ac gemitu, et ignitas compunctiones de recordatione primæ miseriae et improvisæ lætitiae concipiens, quia eas interius continere non potest, in diluvio aquarum multarum niesta cum dolore lætitia anima sese non capit: et in tantæ gratiæ dono liquefacta diffundit. Peccator igitur sive filius hinc pudore, et inde dolore, hinc gaudio et non amore in diversa distractus, lætitia

⁴⁸ Luc. 15. ⁴⁹ Matth. 5. ⁵⁰ Luc. 1. ⁵¹ Joan. 4. ⁵² Psal. 35. ⁵³ Eccle. 24. ⁵⁴ Psal. 16. ⁵⁵ II Cor. 6. ⁵⁶ Psal. 118. ⁵⁷ Ibid. ⁵⁸ . 5. Ibid. ⁵⁹ Isa. 64. ⁶⁰ Luc. 15.

quæ illi offertur, non sufficit, et patrem non solum misereri, sed miserando gaudere compellit. O bone Iesu! o benigne! o amabilis! o amor Deus! o charitas Deus! si tanta sint solatia tua circa pœnitentes, quanta erunt gaudia tua circa regnantes? Hanc Patris affectionem vitæ suscitat humilitas filii, ipsa sola reconciliat Alium suum Patri: nam, juxta Sapientis verbum, *custodia pacis est humilitas*⁷¹. Noli homo superbire, quoniam superbis resistit Deus, et cum humiliibus sermocinatio ejus. Humilia te ergo sub potenti manu Dei ut cum filio pœnitenti dicas Patri: *Pater, peccavi in cœlum, et coram te*: Pater, jam non sum dignus vocari filius tuus: *sac me sicut unum de mercenariis tuis*⁷². Nihil adeo te Patris gratia dignum facit, quam si gratia illius indignum te judices. Peccatum itaque tuum coram te sit semper. Et sicut Sapiens dicit: *De indulto et propitato peccato noli esse absque metu*⁷³. Cum habueris gratiam filii, et cum omnia bene feceris, judica te iniuriam servum. Sola enim humilitas est innocentiae fundamentum; profectus atque professus, custodia et disciplina virtutum. Ipsa est condimentum omnis justitiae, et sine illa omnes justitiae meæ quasi panus menstruatæ. Si quis in homine defectus est virtutum, humilitas totum supplet; si quid quod displiceat, humilitas totum redimit et excusat. Hæc est quæ laqueos ostensos Antonio sola pertransit, sola ei nos conciliat et commendat: qui pro nobis factus mitis et humiliis corde ad humiliatem et pœnitentiam nos invitat Christus Jesus, cui est honor et gloria in secula sæculorum. Amen.

SERMO XVI.

IN EADEM QUADRAGESIMA.— DE LUCTU.

*Moror viri humiliabit eum, et sermone bono lœficabitur*⁷⁴.

Sapiens fructum et effectum mœroris insinuat; sed et uberrimam merendi gratiam et plangendi materiam habemus in nobis. Lugere possumus et debemus bona quæ amisimus, et mala quæ commissimus: ecce primum testimonium; pericula quæ sentimus, ecce secundum, tribulationes quibus urgemur, ecce tertium; terrorem futuri judicii, ecce quartum. Istam lugendi quadripertitam materiam Psalmista distinguit dicens: *Circumdederunt me dolores mortis, et torrentes iniquitatis conturbaverunt me. Dolores inferni circumdederunt me, præoccupaverunt me laquei mortis*⁷⁵. Dolores mortis persecutions sunt, et pressuræ quas patimur: et sunt quædam præambula mortis. Responsum enim mortis habemus in nobis. Torrentes iniquitatis sunt impetus peccatorum; dolores inferni per se patent,

A laquei mortis tentationes sunt et retiacula inimici. De malis commissis luget Propheta: *Multiplicatae inquit, sunt iniquitates meæ super capillos capitis mei*⁷⁶. De bonis vero omissis admonuit: *Desecrerunt in vanitate dies mei, et anni mei in genitibus*⁷⁷. Si aperiantur catarractæ capitis mei, et effundantur in lacrymas; si disrumpantur fontes aquarum, ut de abyso cordis mei per lacrymas inundet diluvium aquarum multarum, non potero lugere ad plenum mala quæ feci, dies quos perdididi, qui iniquitatem quasi aquam ab adolescentia mea bibi. Sed et pro imminentibus mihi malis, et tentationibus importunis luctus mihi est, et dolor continuus cordi meo⁷⁸: quoniam repleta est malis anima mea⁷⁹, et circumdederunt me malo quorum non est numerus⁸⁰. B *Defixus sum in limo profundi*⁸¹, quoniam iniquitates meæ supergressæ sunt caput meum; *sicut onus grave gravatae sunt super me*⁸². Tu autem, Domine Deus Sabaoth, libera me ab iniquitate mea, et a peccato meo munda me⁸³. Exitus aquarum deducant oculi mei⁸⁴. Da mihi luctum et lacrymas Petri, quibus apostasia ejus deleta est. Da mihi lacrymas Mariæ peccataricis, quibus ipsa mundata, et Lazarus resuscitatus est. Lacrymas dico, quæ vitæ Auctorem ad lacrymas compulerunt. Secunda lugendi materia est pressura tentationum, quæ nos circumquaque angustiant; alia supra nos, alia infra nos, alia circa nos, et omnes contra nos. In omnibus quæ cogitamus, quæ agimus, quæ dicimus, quæ acquirimus, quæ amittimus; in omnibus quæ placent, quæ displicant, quæ aijuvant, vel quæ nocent; in omnibus tentamur et affligimur. Denique totum tentatio est, quod sumus, quod vivimus. Sicut legitur: *Tentatio est vita hominis super terram*⁸⁵. Et hoc est quod beatus Job dicit: *Homo natus de muliere brevi vivens tempore repletur multis miseriis*⁸⁶. Revera multæ sunt hominis miseriae, qui in miseria nascitur, in miseria nutritur, in miseria consumitur. Miseria sumus intus pleni, foris miseria circumdati.

D Inter has temptationum angustias, Paulus clamare compellitur: *Infelix ego homo! quis me liberabit a corpore mortis hujus?*⁸⁷ Et alibi: *Supra modum gravi sumus; ita quod iadent etiam nos vivere*⁸⁸. Sed et Jonas dicit: *Irascor usque ad mortem*⁸⁹. Elias etiam inter varias temptationes et pressuras petivit animæ suæ ut moreretur: *Suffici, inquit, mihi; tolle animam meam*⁹⁰. David quoque temptationum pondus prostrabatur cum lacrymis, dicens: *In increpationibus propter iniquitatem corripuisti hominem. Exaudi orationem meam, Domine, auribus percipe lacrymas meas*⁹¹. Terrere nos potest exspectatio futuri judicii, ubi erit in judice severa æquitas, in tortoribus severa et inaudita crudelitas, in pœnis

⁷¹ Prov. 44. ⁷² Luc. 13. ⁷³ Eccli. 5. ⁷⁴ Prov. 12. ⁷⁵ Psal. 22. ⁷⁶ Psal. 39. ⁷⁷ Psal. 30. ⁷⁸ Rom. 9. ⁷⁹ Psal. 87. ⁸⁰ Psal. 39. ⁸¹ Psal. 68. ⁸² Psal. 57. ⁸³ Psal. 50. ⁸⁴ Psal. 118. ⁸⁵ Job 7 *juxta LXX.* ⁸⁶ Job 14. ⁸⁷ Rom. 7. ⁸⁸ II Cor. 4. ⁸⁹ Jonas 4. ⁹⁰ III Reg. 19. ⁹¹ Psal. 58.

intolerabilis et æterna anxietas. *Et quis poterit A sustinere diem adventus ejus, aut quis stabit ad videndum eum*⁸⁵? *Quis enim habitare poterit cum igne devorante? aut quis habitabit cum ardoribus sempiternis*⁸⁶? *Justus dicit: In me, Domine, transierunt iræ tuæ, et terrores tui conturbaverunt me*⁸⁷. *Hoc ultimum ad pœnam referunt æternam.* Job etiam dicit: *Sagittæ Domini in me sunt; quærum in lignatio ebilit spiritum meum, et terrores militant contra me*⁸⁸. *Quod dicit, sagittæ Domini in me sunt; hoc est in me transierunt iræ tuæ.* Quod dicit, *terrores mili aut contra me; hoc est terrores tui conturbaverunt me.* Sunt tamen lacrymæ suaves et dulces, quæ de futuri gaudii exspectatione procedunt. Unde Propheta: *Posuisti lacrymas meas in conspectu tuo, sicut et in promissione tua*⁸⁹. *Quando reniam, et apparebo ante faciem Domini?* fuerunt mihi lacrymæ meæ panes die ac nocte⁹⁰. *Hoc est vinum lætitiae, de quo dicitur: Date vinum mærentibus, et siceram his qui amaro sunt animo*⁹¹. *Hoc vinum necessarium est nobis, ob frequentes infirmitates.* Temperandum est tamen, ne ebrietatem inducat, et spiritum vertiginis, quem miscuit Dominus in medio Ægypti⁹². *Expedit ergo ut poculum nos rum cum fletu misceatur, ut mœror viri eum humiliet.* Patientia etiam atria grandescit, et virtus in infirmitate perficitur. Sunt lacrymæ quæ de charitate hauriuntur, quasi de fontibus Salvatoris, quando animus ex desiderio cœlestium, quodam spirituali gudio resolutus, in lacrymas diffinit et liqueficit, et recordatione desiderabilium suorum mirabiliter interius se effundit, ut possit dicere: *Hac recordatus sum, et effudi in me animam meam, quoniam transibo in locum tabernaculi usque ad domum Dei*⁹³. Harum lacrymarum dulcedinem experimento cognoverat, qui languido amore dicebat: *Anima mea liquefacta est, ut dilectus locutus est*⁹⁴, scriptum est enim: *Emittet verbum suum et liquefaciet ea; flabit spiritus ejus et fluent aquæ*⁹⁵. Dilecto ergo loquente, et Spiritu sancto flante, fluunt aquæ, quibus rigatur hortus deliciarum, ut fluant aromata illius. Haec sunt aquæ mellisœ, quibus secundatur ager, cui benedixit Dominus; etenim cœli distillaverunt stillicidia super terram, quibus lætabitur germinans pluviamque voluntariam segregabit Deus hereditati sue, ut eunes et flentes mittamus semina nostra. Venientes autem veniemus cum exsultatione, portantes manipulos nostros, habentes de mœrore solatium, et de dolore plenitudinem gaudiorum, præstante Domino nostro Iesu Christo, cui est honor et gloria in secula sæculorum. Amen.

SERMO XVII.

IN EADEM QUADRAGES. DE OBEDIENTIA, CRUCE,
ET PASSIONE CHRISTI.

*Christus factus est pro nobis obediens Patri usque ad mortem*⁹⁶.

⁸⁵ Malach. 3. ⁸⁶ Isa. 53. ⁸⁷ Psal. 87. ⁸⁸ Job 6. ⁸⁹ Psal. 55. ⁹⁰ Psal. 61. ⁹¹ Prov. 31. ⁹² I a. 19. ⁹³ Psal. 41. ⁹⁴ Cant. 5. ⁹⁵ Psal. 147. ⁹⁶ Philipp. II. ⁹⁷ Baruch. 3. ⁹⁸ M. iiii. 8. ⁹⁹ 148. ¹⁰⁰ Psal. 148. ¹ Sap. 5. ² Sap. 16. ³ Psal. 56. ⁴ Rom. 5. ⁵ Exod. 12.

A Quanta sit obedientiae virtus prius declarat Altissimus in universis quæ ab eo creata sunt. Postea in seipso, qui universitatis creator est. Cœlum et terra, mare et omnia quæ in eis sunt, eum audiunt, et obediunt voci ejus. Terra ad nutum ipsius protulit herbam virentem, et lignum pomiferum juxta genus suum, etc.; quæ longum est dicere. Cœli divisorunt aquas ab aquis, et luminaria suscepunt; sed et luminaria vocata, juxta verbum prophetæ, dixerunt: *Adsumus*⁹⁷. Et luxerunt ei eum jucunditate. *Mare et venti obediunt ei*⁹⁸. *Ignis, nix, glacies, spiritus procellarum, quæ faciunt verbum ejus*⁹⁹. Verbum ejus facit omnia, quia verbo ejus facta sunt omnia. Omnia obediunt Altissimo et conservantur. Sicut scriptum est: *Ordinatione tua perseverat dies, quoniam omnia serviant tibi*¹⁰⁰. Solus homo qui ad hoc spiritualiter creatus erat, ut suo Creatori serviret, servire contemnit: ergo omnis creatura merito insurgebat pro Domino in accusationem et damnationem hominis, juxta illud Sapientie: *Pugnabit pro illo orbis terrarum contra insensatos*¹. Et Ecclesiasticus: *Omnis facies tibi Factori deserviens, excandescit in tormentum adversus injustos*². Sed Filius Dei vincens in sapientia malitia, in humilitate superbiam: *Si horis, inquit, mihi servire detrectat, ego ei serviam, et pro eo ut eum a servitute redimam, faciam me servum, ut ejus onera portem, faciam me iumentum.* Et ad Patrem loquens: *Paratum, inquit, cor meum; paratum cor meum*³. Si vis hominem quidquam pati, paratum est cor meum pati. Si vis hominem flagellari, ecce pro eo in flagella paratus sum. Heu mihi! quis non timeat, quis non contemnet, attendens pondus iniquitatis nostræ, cuius redemptio tantum pretium exigebat? Vere insanabilis plaga, et horrenda erat hominis damnatio, pro qua oportebat Filium Dei mori! O quam damnabilis erat iniquitas nostra, pro qua Christus toties sanguinem suum sudit! Sudit in circumcisione, sudit quando in agonia factus est, quando sudor ejus erat quasi guttæ sanguinis decurrentis in terram; sudit quando ligatus ad stipitem dorsum posuit ad flagella; sudit pedibus et manibus crucis affixus, sudit spinis in capite multipliciter punctus, sudit et lancea perforatus. Christus equidem ideo sanguinem suum multipliciter sudit, ut hi, qui de sanguinibus nati erant, qui stolam innocentiae peccato polluerant, lavarent stolas suas in sanguine Agni. Alter enim purgari non poterant, sicut Apostolus dicit: *Quem posuit Deus propitiationem per fidem, in sanguinem ipsius*⁴. Sic Agnus paschalis quarta decima luna vespere immolabatur⁵. Quod dicitur *luna quarta decima plenilunium notat*. Quod dicitur *ad vesperum, occasum solis insinuat*. Sol justitiae Christus est; luna Ecclesia. Tendit sol, id est Christus ad mortis occasum; luna id

est Ecclesia a soe justitiae illuminata, consurgit in A ortum. Factus est ergo obediens non solum usque ad beneplacitum Patris, sed usque ad mortis angustias, et ignominiam crucis. Ut enim de inferno ascenderet homo, Christus de cœlo descendens ascendit in crux. Et hoc est quod in Cantico sponsæ quandoque prædixerat : *Ascendam in palam, et apprehendam fructus ejus*⁶. Crux Christi, sive fides; crucis palma est, victoria est. *Hæc est victoria quæ vincit mundum*⁷, quæ triumphat principem hujus mundi. Plane mors destructa est; et qui habebat mortis imperium, victus et ejectus est: Hanc palmam ascendit qui in cruce suspensus est, Christus Jesus, de quo Esdras propheta prædixerat : *Unxerat me, non sicut Patrem, qui liberavit nos de terra Ægypti stantes ante tribunal judicis, humiliasti me suspensum in ligno, et morti tradidisti me*. De hoc eodem Moyses legislator : *Erit, inquit, vita tua pendens ante oculos tuos*⁸. Crux cum esset olim patibulum damnatorum, fructus illius erant timor, horror, ignominia et mors. Ex quo vero Christus ascendit in palam, ex quo Agnus innocens ascendit victoriose in crux, mutati sunt fructus ejus. Et ubi prius erant timor, horror, dolor, ignominia et mors, ibi hodie apprehendi possunt pax, honor, jucunditas, vita et gloria. Crux, quæ olim fuerat extremæ vilitatis et exquisitæ damnationis supplicium, hodie elevata est in magnificientia et gloria. Et de tormentis latronum translata est ad frontes imperatorum et regum; et ad capita summorum pontificum. Multi et admirabiles sunt fructus crucis : *Venite ad eam omnes qui laboratis et onerati estis*⁹, qui lapsi et contracti et collisi estis. Quid etiam ita lapsos reparat? quid ita fractos consolidat? quid ita hominum morum sanctitatem et devotionem conservat? Quid tam pium, tam fidele, tam salubre, aut medicinale sicut memoriae crucis Christi? quid ita peccatum interficit? quid ita potentiam hostis evanescat? quid ita omnem in homine malitiam crucifigat? Nihil dulcior, nihil acceptius, nihil amabilior aut suavius est illis, Christe, qui te diligunt, et qui pro amore tuo mortificationem crucis in sua carne circumferunt. O altitudo divitiarum sapientiae et scientiae Dei, quam incomprehensibili et ineffabili artificio charitatis Christus in cruce cruciatus æternos extinxit! De morte et miseria humana, vitae et salutis confecit antidotum, ut miseria miseriam absorbeat, ut mors mortem deglutiat, et tetus homo beneficio passionis Christi in gratiam et gloriam impossibilitatis assurgat. Hæc sunt mysteria: hæc sunt beneficia crucis; hæc est quæ eduxit filios Israel de Ægypto, quæ nos ab æterna captivitate redemit. Hæc est virga quæ devoravit dracones Pharaonis: hæc est quæ aquas de petra eduxit, quæ de corde lapideo pœnitentiales lacrymas effluere facit: hæc est ouæ dulcoravit aquas

B Marath, quia omuem dolorem suavissimum facit Domini memoria passionis. Crux equidem nobis est arca testamenti. Hæc est nobis propitiatorum exauditionis, vexillum salutis, titulus sanctitatis. Spes victoriae fœdus et arca divinæ gratiæ, character Christianæ militiae, fundamentum fidei, subversio inimici, spoliatio inferni, scala cœli, janua paradisi, relevatio lapsorum, clausorum apertio, consolatio afflictorum, tutela corporum, armatura spirituum, salus viventium, vita mortuorum, liberatio captivorum, humilium consolatio et dejectio superborum, turris David, specula Sion, generalis omnium salus, unicum omnium et commune refugium. Super omnia, Christe Jesu, te nobis amabilem facit passio tuæ crucis, hic ostendisti quantum nos dilexeris. *Majorem enim charitatem nemo habet, ut animam suam ponat quis pro amicis suis*¹⁰. Passio tua omnes evacuans passiones, propitiata est omnibus iniquitatibus nostris. Nihil adeo, fratres, ad mortem est, quod mors Christi non sanet. Ipse redemit per misericordiam suam Israel ex omnibus iniquitatibus suis. *Quoniam apud Dominum misericordia, et copiosa apud eum redemptio*¹¹.

C Sed quid faciet Christus inter lacrymas matris suæ, et discipulorum dolentium et suspirantium, inter opprobria exprobantium et dicentium: *Alio salvos fecit, se ipsum non potest salvum facere; si Filius Dei est, descendat nunc de cruce et, credimus ei*¹²? Petrus dicit: *Propitius sis tibi, Domine*¹³. Et discipuli: *Nos sperabamus quia ipse esset redempturus Israel*¹⁴. Judæus exsultat et insultat ei, atque cæteris discipulis fugientibus, Petrus desperat et negat. *Usquequo peccatores Domine, usquequo peccatores gloriabuntur*¹⁵? Tu qui respicias terram, et facis eam tremere, ostende potentiam tuam, ut sciant gentes quoniam est nomen tibi Dominus, tu solus altissimus es in omni terra. Porro dum venditur et dum traditur, dum ligatur, dum flagellatur, dum consupitur, dum damnatur, dum cruci affligitur, dolorum et misericordiarum suarum oblitus, sed misericordiarum recordatus: *Pater, inquit, ignosce illis, quia nesciunt quid faciunt*¹⁶. Jesu, Jesu! volat irrevocabile verbum tuum: non revertetur ad te vacuum, sed faciet ad quod misisti illud. O quam multus es ad ignoscendum, Domine! Judæi clamant: *Crucifige*¹⁷; tu clamias: *Ignosce*. O quam magna est multitudo dulcedinis tuæ, Domine!¹⁸ O quam confirmata est super nos misericordia tua, Domine!¹⁹ O bone Jesu, o benigne, o amabilis, o desiderabilis, o suavis, o dulcis, o amor Deus, o charitas Deus! quam dulci, quam desiderabili torrente voluptatis potabis eos qui te diligunt, qui sic audientes et crucifigentes te perfundis oleo misericordia! Sane non est a seculo facta oratio ita opportuna, ita temperata, ita tempore et necessitatibus accommodata. Nam in ipsa elevatione

⁶ Cant. 7. ⁷ I Joan. 5. ⁸ Deut. 28. ⁹ Matth. 11. ¹⁰ Joan. 45. ¹¹ Psal. 129. ¹² Matth. 27. ¹³ Matth. 16. ¹⁴ Luc. 24. ¹⁵ Psal. 93. ¹⁶ Luc. 23. ¹⁷ Joan. 19. ¹⁸ Psal. 50. ¹⁹ Psal. 116.

manum tuarum Jesu, cum sacrificium matutinum in vespertinum transiret, in ipsa virtute incensi quod cœlos ascendebat, terram operiebat, inferos respergebat, exaudiendus pro reverentia tua clamas : *Pater, ignosc eis, quia nesciunt quid faciunt.* In ira plebis Judaiceæ sœvientis suam Dominus avertit iram, et effudit gratiam. Hoc verbum gratiæ, verbum misericordiæ semper habendum in corde, semper habendum in ore. *Pater, ignosc eis,* etc. *Animæ meæ liquefactæ est ut dilectus locutus est*¹⁷. *Nonne Deo subjecta erit anima mea?* ab ipso enim salutare meum¹⁸. Et jam sapiens et intelligens misericordias Domini, securus sum, quia quem habebam judicem, habeo advocationem. *Pater,* inquit, *ignoscere.* Quid, anima mea, mœrore consumeris? *Quare tristis es, anima mea, et quare conturbas me?*¹⁹ Nunquid consiliarius non est tibi? Nunquid resina non est in Galaad, et medicus non est tibi, tu qui tam pacifice locutus es crucifixoribus suis: *Loquere, Domine, quia audit servus tuns*²⁰: Loquere pacem in plebem tuam. Da voci tue vocem virtutis. *Sana animam meam, quia peccavi tibi*²¹. *Dic animæ meæ:* *Salus tua ego sum*²², tu qui es summe bonus, sine quo nullus bonus; qui es, sicut Apostolus dicit, *imago Patris, forma pulchritudinis, signaculum sanctitatis*²³: signa cor meum sub custodia tua, Deus cordis mei, et pars mea in æternum. Signa omnes qui signum crucis adorant, et te adorando honorant, qui es honor, virtus, et sapientia Dei, justitia, et redemptio et sanctificatio nostra²⁴, Jesu Christe, qui es benedictus in sœcula sœculorum. Amen.

SERMO XVIII.

IN COENA DOMINI.

*Cum surrexit Jesu a cœna, misit aquam in pelvis, etc.*²⁵.

Initio Quadragesimæ nobis a Domino datum est in mandatis, ut jejunando lavaremus facies nostras²⁶. Hodie idem Dominus in schola evangelicæ disciplinæ verbo et exemplo nos docet invicem pedes nostros abluerem. Nam cum ad imaginem suam Creator nos fecerit, per priuam prævaricationem deformata est in nobis imago cœlestis. Ideoque lacrymis pœnitentialibus ablunda est, ut sicut per culpam terreni hominis imaginem portavimus, ita per pœnitentiam ad cœlestis imaginem reformemur. Apostolus ait: *Primus homo de terra terrenus; secundus homo de cœlo cœlestis; si autem portavimus imaginem terreni, portemus imaginem cœlestis*²⁷. Terreni hominis imaginem Psalmista exprimens: *Homo, inquit, vanitati similis factus est*²⁸, imago primi est Veritas, imago secundi est vanitas; nam in vanitate transeunt dies ejus sicut umbra pereunt

A Nihil adeo in nobis deformatum est quod pœnitentia non abluit, et reformat. Apostata erat Petrus; sed apostasiam ejus lacrymæ deleverunt. Beata illa peccatrix septem possessa dæmoniis, lacrymarum beneficio liberatur²⁹. Lacrymæ Samuelis veniam impetraverunt. Lacrymæ oculos Tobiae aperuerunt, et ab ejus nuru dæmonium expulèrunt. Lacrymæ universitatis auctorem ad lacrymas compulerunt, atque suscitationem Lazari meruerunt. Hæ sunt aquæ calidæ quas invenit Ana filius Seteon, cum custodiret asinos patris sui. De quibus Propheta dicit: *Exitus aquarum deduxerunt oculi mei, quia non custodierunt legem tuam*³⁰. Quia tamen non possumus evitare quin de pulvere humanæ conversationis aliquid contrahamus, præcipimus pedes abluerem, ut post tempus pœnitentiae jam peractæ non solum a criminalibus, sed etiam a venialibus omnino purgetur finis, et consummatio vitæ nostræ, quæ per pedes significatur, sicut propheta commemorat: *Sordes, inquit, in pedibus suis, nec recodata est finis sui*³¹. Jesus ergo purgationem faciens, cum jam discipulos suos gratia, et sermone mundasset, sicut ipse dicit: *Mundi estis propter sermonem, quem locutus sum vobis*³². Alibi etiam quoniam Judas cum eis adhuc erat, dixit: *Mundi estis, sed non omnes*³³. Surgens ergo a cœna, et præcinctus se linteo, misit aquam in pelvis, etc. Cœna hæc mensa Domini est, quæ nobis apponitur ad custodiæ et defensionem adversus malitias iuicini. Posuisti, inquit, in conspectu meo mensam adversus eos qui tribulant me³⁴. Triplex mensa est. Prima Moysi in deserto, de qua dictum est: *Facies mihi mensam de lignis setim, et inaurabis eam auro purissimo*³⁵. Secunda est Christi in sœculo, de qua Apostolus: *Non potestis communicare mensam Christi, et mensæ dæmoniorum*³⁶. Tertia est tolius Trinitatis in cœlo, de qua Veritas dicit: *Ut edatis et bibatis super mensam meam in regno Dei*³⁷. Illic mensæ non communicat, nisi qui a cunctis criminalibus sunt abluti. Unde et Apostolus dicit: *Habemus altare de quo non habent potestatem edere, qui tabernaculo deserviunt*³⁸. Tabernaculum carnis nostræ domus est. Tabernaculo itaque deserviunt fornicatores, adulteri, ebriosi, gulosi, et cæteri qui curam carnis in desideriis agunt. Summa equidem cautela utendum est, ut digne accedamus ad mensam, sicut scriptum est: *Cum sederis ad mensam divitis, diligenter attende quæ tibi apposita sunt, et appone cultrum gutturi tuo, et scito quia te eadem oportet præparare*³⁹. Et hoc est quod propheta tangit, dum dicit: *Pone mensam contemplare in specula, comedentes et bibentes*⁴⁰.

Discreta speculatione, et diligent consideratione

¹⁷ Cant. 5. ¹⁸ Psal. 61. ¹⁹ Psal. 41. ²⁰ I Reg. 3. ²¹ Psal. 40. ²² Psal. 34. ²³ Hebr. 4. ²⁴ I Cor. 4. ²⁵ Joan. 13. ²⁶ Matth. 6. ²⁷ I Cor. 15. ²⁸ Psal. 143. ²⁹ Luc. 7. ³⁰ Psal. 118. ³¹ Thren. 1. ³² Joan. 15. ³³ Joan. 13. ³⁴ Psal. 22. ³⁵ Exod. 25. ³⁶ I Cor. 10. ³⁷ Luc. 22. ³⁸ Hebr. 13. ³⁹ Eccli. 31. ⁴⁰ Isa. 21.

pensanda est hujus dignitas sacramenti, de quo Apostolus dicit : *Magnum est sacramentum pietatis, manifestatum in carne, justificatum in spiritu, apparuit angelis, prædicatum est gentibus, creditum mundo, assumptum in gloria*⁴¹. Nil hic simulatum, nil vilificatum, nil fictum, nihil penitus obumbratum. *Magnum est hoc sacramentum* dicit Apostolus. Vere magnum, quia magnum pretium mundi, pretium imprestabile, super omnem estimationem, super omnem intelligentiam super omnem eminentiam. Quidquid in eo est, veritas est, et quidquid in eo patet, est quidquid patet. Nam sub specie visibili totus Christus absconditus est, posuit tenebras latibulum suum. Unde et ad eum propheta loquens : *Vere Deus absconditus, tu es Rex Israel Salvator*⁴². Prius absconditus fuit in sinu Patris, a quo descendit; postea absconditus in forma servi quam suscepit; nunc absconditus in sacramento, quod ipse hac eadem die instituit. Veritatem ergo rei percipimus sub quodam velamento speciei, sub quodam cortice sacramenti. Et hoc est forte quod Isaias dicit : *Pulli asinorum, qui operantur in terra, mistum nigra comedent*⁴³, id est hordeum cum palea, veritatem scilicet sub figura. Nunc quasi paleis pascimur, et non satiamur, sed erit cum videbimus eum facie ad faciem. Sicut scriptum est : *Satiabor, cum apparuerit gloria tua*⁴⁴. Christus est qui quasi pignus et arrham suæ dilectionis, et obsidem charitatis suæ sacramentum illud saluberrimum instituit et reliquit. *Hoc est*, inquit, *corpus meum*. Nullus, quæso, hic dubitet, audiat quid loquatur, credat potius Christo quam sibi, ut sit cum Deo creditus spiritus ejus⁴⁵. *Abneget semetipsum*⁴⁶: nec sequatur oculum rationis humanae, quia lippus est. Sequatur Christum fide et spe qui est veritas et vita. *Si oculus tuus scandalizat te, erue eum, et projice ab te*⁴⁷. Spiritus sanctus in simplicitate fidei, non in argumentis rationis humanae vult nos salvos fieri, sicut scriptum est : *Et cum humiliis sermocinatio ejus*⁴⁸. Propheta dicit : *Nisi credideris, non intelliges*⁴⁹; sed et fides scientiam habet, quod manifeste habes in Job : *Scio quia Redemptor meus vivit, et in novissimo die de terra surrecturus sum*⁵⁰. Scio dicit Martha, quia quodcumque poposcis a Deo, dabit tibi Deus⁵¹. Et de fratre loquens : *Scio, inquit, quia resurget in resurrectione in novissimo die*⁵². Et Paulus : *Scio cui credidi, et certus sum quia potens est depositum meum servare in illum diem*⁵³. Passionem Christi evacuant, totumque negotium nostræ redempcionis irrident qui cum summa humilitate, et diligentia non attendunt cum quanta reverentia caro et sanguis Christi debeat confici, quam devote tractari, quam sancte suscipi, quam industrie dispensari. Si enim, ut verbo Apo-

A stoli utar, *sanguis hircorum, aut taurorum, et cinis vitulæ aspersus inquinatos sanctificat ad emundationem carnis, quanto magis sanguis Christi, qui per Spiritum sanctum semetipsum obtulit Deo, emundabit conscientiam nostram ad serviendum Deo viventi!*⁵⁴ Hæc vero de sacramento altaris, et de missa proposui, quia hodie hujus sacramenti institutione facta est : hodie, ut ita dicam, missa nata est. Unde et quasi in die sui Natalis missa elegantiore cultu, et cum multitudine, et diversitate sacerdotum circumstantium celebratur, sicut scriptum est : *Constituite diem solemnum in condensis usque ad cornu altaris*⁵⁵, id est in multitudine sacerdotum usque ad virtutem et efficaciam sacramenti. Qui ergo lavatis hodie pedes, facite ut lota sit facies prævaricationis antiquæ. Alioquin vobis judicium mortis æternæ manducatis et bibitis, si non dijudicantes corpus et sanguinem Christi, ad eum accedatis. Sed nec desperetis, habetis Petrum, habetis Paulum, habetis publicanum et Chananiam, habetis et illam nominatissimam peccatricem, exempla pœnitentiarum : habetis Christum exemplum misericordiæ, fontem gratiæ, inexhaustum fontem positum in ablutionem peccatoris et menstruæ, qui nos abluat, qui nos ad mensam suam recipiat, et seipsum nobis in sua mensa eommunicet in hac vita viaticum et in futuro plenitudinem desideriorum, Christus Jesus, cui est honor et gloria in sæcula sæculorum. Amen.

SERMO XIX.

DE EADEM COENA DOMINI.

*Spiritus oris nostri Christus Dominus captus est in peccatis nostris; sub umbra ejus vivemus*⁵⁶.

Verba sunt Jereiniæ prophetæ. *Declaratio sermonum tuorum illuminat et intellectum dat parvulis*⁵⁷. Passionem enim Christi quam Moyses nunc in serpente æneo, nunc in agno paschali, nunc in vitula rufa typice præsignaverat, Jeremias apertissima verborum insinuatione demonstrat. Spiritus oris nostri, per quem speramus, per quem loquimur, per quem vivimus, per quem sumus, *captus est in peccatis nostris*: Nostris, non suis, quia quæ non rapiuit, exsolvit. Et hoc est quod alias propheta dicit : *Laborare me fecistis in iniquitatibus vestris*⁵⁸. Et in cruce pendens poterat dicere homini : *Vix tuæ et iniquitates tuæ fecerunt hæc mihi, ut jumentum factus sum apud te*⁵⁹. Si oneratus es, allevabo te; et portabo onus tuum, ut in meipso impleam legem meam, sicut scriptum est : *Alter alterius onera portate: et sic adimplebitis legem Christi*⁶⁰. Ponam dorsum ad onera et flagella. Si venundatus es super peccato, ego tanquam vile mancipium, aut vile jumentum vendi me permittam, ut habeas pretium

⁴¹ I Tim. 3. ⁴² Isa. 45. ⁴³ Isa. 30. ⁴⁴ Psal. 16. ⁴⁵ Psal. 77. ⁴⁶ Luc. 9. ⁴⁷ Matth. 5. ⁴⁸ Prov. 3. ⁴⁹ Isa. 7. ⁵⁰ Job. 19. ⁵¹ Joan. 41. ⁵² Ibid. ⁵³ II Tim. 1. ⁵⁴ Hebr. 9. ⁵⁵ Psal. 117. ⁵⁶ Thren. 4. ⁵⁷ Psal. 118. ⁵⁸ Malach. 2. ⁵⁹ Psal. 72. ⁶⁰ Gal. 6.

redemptionis tuae. Si per lignum perditus es, per lignum te redimam. Si per peccatum perditus es, aut damnatus, ego faciam me peccatum, ut dampnum de peccato peccatum. O quanta superbia viri! o quanta humilitas Dei! In humilitate, inquit, *judicium ejus sublatum est* dicit Isaías ⁶⁰. Et subjungit: *Sicut ovis ad occisionem duximus est; et sicut*, etc. Sic ergo e converso modo figurativo, oblatum est unum pro omnibus holocaustum. Holocaustum sanctum et rationabile, in quo odor vitae, sapor gratiae, rectitudo gloriae. Ablata est ab homine omnis materia ingratitudinis. Dicebat homo creatus et non redemptus: Quare serviam Creatori meo? Quid pro me fecit? Si me creavit, creavit boves et asinos, et cetera universa. Quid pro me fecit? Dixit, et factus sum. Jam non potes haec dicere, serve nequam. Sustinuit enim pro te insidiatores in factis, exprobratores in verbis, sputa, flagella, lanceam, et ad ultimum mortem crucis. Jam obstructum est os loquuntur iniqua ⁶¹, nec certiora potuit Dominus argumenta ostendere charitatis. Majorem, inquit, charitatem nemo habet, ut animam suam ponat quis pro amicis suis ⁶². Finalem et consummatissimam charitatem exhibuit et Patri et nobis, et nos salvans et mandatum Patris observans. Sicut scriptum est: *Omnis consummationis vidi finem: latum mandatum tuum nimis* ⁶³. Ideo legalia consummans, et imperium mortis terminans dicit: *Consummatum est* ⁶⁴. Super omnia te nobis amabilem facit, Jésu Christe, crucifixio tua. Si ad negotium nostrae redemptionis aliud mortis genus elegisset, minus sufficiens videbatur. Illic totus homo redimitur, dolet caput spinis spissum, dolent manus clavis infixae, dolet latus in ligno dure extensum et lancea perforatum, dolent tibiae, dolent pedes, ut possit dicere: *O vos omnes, qui transitis per viam attende si est dolor sicut dolor meus* ⁶⁵. Mors Christi opus sine exemplo, charitas sine modo, donum sine pretio, gratia sine merito. Gloriatur gentilis in desiderio animae suae, glorietur Christianus in Domini sui cruce. *Absit mihi gloriari, nisi in cruce Domini nostri Jésu Christi* ⁶⁶! Paulus rerum optimus estimator se nihil existimat scire, nisi *Jesum Christum et hunc crucifixum* ⁶⁷. Et quid tam pium, tam salubre, tam memorie insigendum sicut crucifixio Christi? Quid est quod sic peccatum interficiat, virtutem corroboret, et omnem malitiam crucifigat? Christus enim in manibus propriis peccata nostra cruci affixit: et ut redimeret hominem miserum, post multitudinem miseriarum seipsum sacrificium obtulit vespertinum. Crucifixus crucifigebat veterem hominem cum actibus suis; crucifigebat mundum in electis suis. Crucifigebat Paulum mundo, et mundum Paulo. Vos autem quibus mun-

A dus crucifixus est, et vos mundo, vos, inquam, decet, et ad professionem vestram spiritualiter spectat, nihil penitus scire, nisi *Jesum Christum et hunc crucifixum: gentibus quidem stultitiam: nobis autem et aliis qui salvi sunt Dei virtutem et Dei sapientiam* ⁶⁸.

Aliqui sunt forte qui crucem Christi in habitu bajulant, sed eam in corde, vel in corpore non portant. Isti sunt qui luxuriantur in cruce Domini, et isti non habent Thau in frontibus suis, nec circumferunt steminata in corporibus suis. Qui autem sunt Christi, crucifixerunt carnem suam cum vitiis et concupiscentiis ⁶⁹. Isti non timent adventum angelii percussoris. Vera scientia et summa haec nobis sit scire Christum crucifixum, qui factus est nobis a Deo non solum sapientia, sed justitia, et sanctificatio et redemptio. Vere redemptio, et adeo copiosus, ut et ipse redimat Israel ex omnibus iniquitatibus suis. Passio enim propitiata est omnibus iniquitatibus nostris. Sanguis Abel clamat ultiōrem, sanguis Christi clamat redēptionem. Hic est enī sanguis Agni immaculati, cum quo semel ingressus est summus pontifex sancta, æterna redēptione inventa ⁷⁰. Conscissus est hodie saccus, in quo erat pretium nostræ redēptionis; conscius est gacus nostræ immortalitatis in Christo, ut misericordia circumdat nos misericordia et lætitia circumdat. Concidisti, inquit, saccum meum et circumdesti me lætitia ⁷¹. Hunc saccum sapientia texuit novem mensibus in aula Virginis, hunc in Jordane lavit, in Passione torsit, in cruce siccavit. Et sic de sacco vestem gloriosam sine macula et ruga composuit. In hoc sacco latuit Christus triginta duobus annis, ut operaretur saltem in medio terræ ⁷². Semper posuit tenebras latibulum suum, certe non solum in latibulo, sed etiam in patibulo, ibi abscondita est fortitudo ejus; nam si Christum cognovissent, nunquam Dominum glorie crucifixissent ⁷³. Filii hominum usquequo gravi corde ⁷⁴? O tardii! o cæci! o omnium bestiarum bestialissimi! non fuga dæmonum, non languorum sanatio, non suscitatio mortuorum, non obtenebratio solis, non scissio lapidum, non prædictio futurorum duritiam Judæorum ad fidem convertit. Sed nec multorum corda, qui Christum profiteruntur, contritione ad poenitentiam secidit.

Judæi crudelissimi homicide, imo, ut loquar expressius, deicidæ, qui in Christum Dominum manus sacrilegas injecerunt, non sunt ea contenti malitia, ut affligant Dominum in patibulo crucis, nisi contumeliis affligatur et saturetur opprobriis. Ipse autem quasi homo, sine adjutorio nunc de Caiphæ ad Pilatum, nunc de Pilato ad Herodem ductus, et ab eo contemptus irridetur, conspuitur,

⁶⁰ Isa. 53. ⁶¹ Psal. 62. ⁶² Joan. 15. ⁶³ Psal. 118. ⁶⁴ Joan. 9. ⁶⁵ Thren. 1. ⁶⁶ Gal. 6. ⁶⁷ 1 Cor. 2.
⁶⁸ Ibid. ⁶⁹ Gal. 5. ⁷⁰ Hebr. 9. ⁷¹ Psal. 29. ⁷² Psal. 73. ⁷³ 1 Cor. 2. ⁷⁴ Psal. 4.

flagellatur, crucifigitur, et crucifixo impropertatur : *Vah ! qui destruis templum Dei*, etc. Si Rex Israel est, descendat nunc de cruce, et credimus ei⁷⁴. Quid potest, aut quid debet facere Christus? Timendum est ne descendat. Videt ex una parte matrem suam flentem, cuius animam pertransivit gladius passionis; videt ex alia parte discipulum stante, quem diligebat; videt mulieres illas plangentes, quae seculæ erant a Galilæa; videt et audit Petrum suggestum ei, et dicentem : *Propitius esto*⁷⁵ tibi, Domine. Audit adversarios exprobrantes et dicentes : *Si Filius Dei es, descend nunc de cruce*, etc⁷⁶. Quomodo non descendat, ut ostendat se esse Filium Dei, et satisfaciat universis. Propitius esto tibi Domine, dicit Petrus, noli te morti exponere, non detet te sicut hominem peccatorem mori cum sis Deus et Filius Dei vivi. Adversarius noster es, Petre. *Vade retro* : *Non sapis quæ Dei sunt*⁷⁷; non impeditias beneficium ex dispensatione redemptionis humanæ. *Nisi granum frumenti cadens in terram mortuum fuerit, ipsum solum manet*⁷⁸. Sed et tu, bone Jesu, non acquiescas consilio Petri. Desperat, et negat; ideo consulit ut crucem ascendas. Imple mensuram charitatis, imple debitum obedientiæ. Non est plena obedientia, nisi sit usque ad mortem. Non est holocaustum, nisi totum incendas. Non bene offers hostiam, nisi caudam hostiæ offeras. Ubi est, Christe, quod de te legitur, quia cum dilexisses tuos, usque in finem dilexisti eos⁷⁹. Si prius deponis crucem quam animam, ubi est charitas quam prædicasti? *Majorem hac nemo habet*, etc.⁸⁰. Non te movent opprobria exprobrantium; adhuc respondebis exprobrantibus verbum, adhuc videbunt in quem pupugerunt, adhuc implebis facies eorum ignominia, et querent te, et non inventient. Si Rex Israel es, dicunt impii, descend nunc de cruce, etc. Generatio hæc prava signum descensionis querit, et non dabitur ei, nisi signum Iouæ, id est, signum resurrectionis. Majus signum est quia inter mortuos liber de monumento exivit clauso, quam si de patibulo descendisset.

Imple igitur magnum hoc sacramentum pietatis, sicut Apostolus dicit, quod absconditum fuit a sæculis,⁸¹ imple promissiones Patrum, imple Patris obedientiam, imple legem; non est aliud qui redimat, non est qui salvum facial⁸²; turpe tibi esset incipere et non consummare: jam incœpisti, jam emanat de fixura clavorum, et de apertura laterum sanguinis uvæ, meracissimum mustum habens probatum, pretiosum de vinea Sorece torculari passionis expressum. Jam emanat oleum misericordiæ, emanant aqua et sanguis, ut ex his fiat collyrium oculorum nostrorum. Per foramina clavorum video quia Deus est in Christo, mundum reconcilians sibi.

A *Ferrum*, inquit, *pertransivit animam ejus*⁸³, et appropinquavit cor illius, ut jam videamus quia in corde ipsius patent arcana cordis; per foramina corporis patent viscera misericordiæ Dei nostri, in quibus visitavit nos oriens ex alto⁸⁴. Propheta qui nondum per rimas et fixuras clavorum introspexerat, miratur et dicit : *Quis novit sensum Domini*: aut quis consiliarius ejus fuit⁸⁵? Lancea mibi aperuit secretum Domini, de quo prædixerat per Isaianum : *Secretum meum : secretum meum mihi*⁸⁶. Aperit mibi lancea, aperit mihi clavis, quam suavis est Dominus. Sub umbra ejus vivemus inter gentes, umbra Christi, caro est Christi. Umbra Christi, fides Christi est, fides obumbrat mihi, caro obumbrat Virgini matri. Sed et caro ipsa mihi obumbrat quodammodo, dum suscipio veritatem carnis in sacramento. Nunc in umbra ejus vivimus inter gentes; erit quando in luce ejus vivemus inter angelicas potestates. Prius sumus in umbra mortis; nunc sumus in umbra vitæ. Sicut sponsa in Canticis dicit : *Sub umbra illius quem desideravi, sedi*⁸⁷. Erit quando spes transibit in rem, fides in veritatis certitudinem, umbra vitæ in lucem. Tunc poterimus dicere : *Si cognovimus Christum secundum carnem, sed jam non novimus*⁸⁸: tunc enim videbimus eum non in diademate quo coronavit eum noverca, aut mater ejus⁸⁹, sed in diademate quo coronavit eum Pater suus in splendoribus sanctorum, quasi Regem in decore suo, quasi Unigenitum a Patre, quia, in Patris æqualitate; ad cuius visionis gratiam nos perducat, qui *captus est in peccatis nostris*⁹⁰, ut nos ab æterna captivitate redimeret Christus Jesus cui sit honor et gloria in sæculorum. Amen.

B C *SERMO XX.*
IN DIE RESURRECTIONIS.

*Nuntiaverunt filii Jacob Patri dicentes : Joseph filius tuus vivit, et dominatur in tota terra Ægypti. Jacob vero quasi de gravi somno evigilans : Ibo, inquit, et videbo filium meum, antequam moriar*⁹¹.

Multorum viscera sæpe concussit et commovit ad lacrymas historia de Joseph: sed historia jam nimis trita est, et præ nimia vetustate multis versa est in tedium. Tota hac Quadragesima audivimus de Abraham, de Isaac, de Jacob, de Esau, et ceteris antiquis patriarchis. Unde et aures nostræ tinniunt; sed longe gratior est novitas quam vetustas. Accedat novus ut veterem redimat; novus Tobias ut veterem illuminet; novus Joseph, imo novus et omnia innovans Jesus, ut veterem Joseph de Ægypto educat. Dulcius mibi sapit Jesus quam Joseph. Resurgit hodie Christus a mortuis vitam in nobis suscitans, et destruens regnum mortis. Hic est Jonas qui a cœlo absorptus, et vitæ iterum redditus

⁷⁴ Matth. 27. ⁷⁵ Luc. 18. ⁷⁶ Ibid. ⁷⁷ Matth. 16. ⁷⁸ Joan. 12. ⁷⁹ Joan. 13. ⁸⁰ Joan. 15. ⁸¹ Coloss. 1. ⁸² Psal. 7. ⁸³ Psal. 104. ⁸⁴ Lyc. 1. ⁸⁵ Isa. 40, Rom. 11. ⁸⁶ Isa. 24. ⁸⁷ Cant. 2. ⁸⁸ II Cor. 5. ⁸⁹ Cant. 3. ⁹⁰ Thren. 4. ⁹¹ Gen. 45.

pœnitentibus prædicationis verbum annuntiat⁹⁰. Hic est Nehemias qui muros Jerusalem reparaturus nocte rimas ejus visitat⁹¹. Hic est Samson qui media nocte surgens, portas Gazæ civitatis asportat⁹². Hic est Elisens qui mortuus mortuum tactu resuscitat⁹³. Hic est Elias, qui cum de torrente in via bibisset, exsiccatus est torrens⁹⁴, quia cum Christus de torrente in via bibisset, absorpta est mors in victoria. *Ubi est, mors victoria, tua?*⁹⁵ Deo autem gratias, qui dedit nobis victoriam a peccato et morte, ut sicut Christus resurgens a mortuis jam non moritur⁹⁶, ita Christianus a morte peccati resurgens et peccato, iterum non moriatur, sed sit vita ejus abscondita cum Christo in Deo.

O quam vera, quam magnifica comminatio illius qui dicebat : *Ero, mors tua, o mors*⁹⁷, mortem pro omnibus gustans omne imperium mortis absorbut. Nam sicut Apostolus dicit : *Si Spiritus Christi habet in nobis, qui suscitavit Christum a mortuis, vivificabit et mortalia corpora nostra propter inhabitantem Spiritum in nobis*⁹⁸. *Mortuus est*, inquit, *Apostolus, Christus propter delicta nostra, et resurrexit propter justificationem nostram*⁹⁹. Resurrexit, sed semel et simpliciter, ut nos dupliciter resurgamus. Prima resurrectio nostra est a peccato, ut jam peccatum non dominetur in nobis. Secunda erit in corpore, cum corpus hoc mortale, animale, ignobile, terrenum et luteum configurabitur corpori claritatis Christi. De prima resurrectione scriptum est : *Exsurge qui dormis, exsurge a mortuis, et illuminabit te Christus*¹⁰⁰. Prima quidem desiderabilis est; sed desiderabilius est secunda, in qua dabitur duplex stola. Ideo Propheta dicit : *Silivit in te anima mea, quam multipliciter tibi caro mea*¹⁰¹! Verbum Joannis est : *Beatus et sanctus est qui habet partem in resurrectione prima*¹. Ille qui dicit: *Ego sum resurrectio et vita*², hodie resurgens a mortuis nos erigit in spem vitæ et certain exspectationem gloriæ filiorum Dei. Exsultabo igitur, quia haec est dies in qua exultare præcipimus. *Hæc es*, inquit, *dies quam fecit Dominus, exsultemus et latemur in ea*³. Erani nudiustertius tristitia et nœrore confectus; et aspiciens Christum mortuum, eram quodam desperationis frigore congelatus, et quodammodo mortuus; sed recaluit cor meum intra me. Et auditio quia resurrexit Dominus, *cor meum et caro mea exsultaverunt in Dominum vivum*⁴: quem prius plangebam crucifixum et mortuum.

Exsultemus ergo in Deo Jesu nostro, nec obdormiamus in morte. Nimirum enim mortuus est somnoque lethali sepultus qui non vigilat orto jam sole: oculos enim peccati sopore gravatos reverberat

A sol novus resurgens ab inferis. Haec est dies, quæ non vesperascit, quia non occidet ultra sol ejus. Hic est qui nobis diem æternitatis reserat, qui ideo semel occidit, ut semel super occasum ascendat, et ut oriatur in cordibus nostris, nec sit qui se a calore ejus abscondat. Calor siquidem desiderii et amoris sui, qui sanctorum corda Christus illuminando vehementer accendit, eos vigilare et excubare ad imperium suum facit; et tales sunt qui inveniunt eum. *Ego enim diligentes me diligere: et qui mane vigilaverint ad me, invenient me*⁵. Maria Magdalena invenit Jesum, quia ut inveniret excubabat ad monumentum, *cum adhuc tenebræ essent*⁶. Nonne merito illi conveniunt verba illa prophetæ : *Anima mea desideravit te in nocte, sed et spes et mens in præcordiis meis de mane vigilavit ad te*⁷. Et illud : *Deus Deus meus, ad te de luce vigilo*⁸. Qui vigilanter et sollicite querunt Dominum, dum adhuc tenebræ sunt, invento Domino dicent in jubilo cordis : *Deus Dominus, et luxuit nobis*⁹. *Repleti sumus mane misericordia; exsultavimus et delectati sumus*¹⁰. Procul dubio exsultabant et delectabantur se invenisse Dominum qui dicebant : *Nonne cor nostrum ardens erat in nobis, cum loqueretur et aperiret nobis Scripturas*¹¹? Invenerat illos Christus igne fidei destitutos; invenerat eos quasi carbones desolatorios fumantes potius quam flammantes. Nonne sumus erat quod dicebant : *Et nos sperabamus quia ipse esset redempturus Israel*¹². Verumtamen ille qui venit illummittere in terram, et voluit ut arderet, cor ardens faciebat in istis, et quasi gestans lumen in manibus suis, eis aliquantulum innotescere permittit, dum eum cognoscunt in fractione panis, et statim ab eorum oculis evanescit. Sunt aliqui vestrum quibus frequenter accedit, quia, dum ad mensam altaris accedunt, ad sepulcrum Christi cum Maria Magdalena Christum desiderio ac devotione inveniunt tenentes pedes ejus; sed quia in corde eorum nondum plene ascendit, eum tangere non presumunt. Sæpe etiam accedit vobis, dum de loco ad locum procedebatis: cor vestrum erat ardens in vobis de Jesu cum loqueretur, et aperiret vobis Scripturas. Scripturas enim quæ prius obscuræ fuerant in legendō, vobis ex inopinato sæpe Christus revelavit. Sic occurrit et aperit se Christus his qui diligunt eum, et qui de ejus resurrectione lætantur. Et hoc est fortasse quod Isaías dicit : *Occurristi lætanti et facienti iustitiam, in viis tuis recordabuntur tui*¹³. Ideo et non ambulemus in via mandatorum Dei, et in viis iustitiae delectemur. Hodie namque Dominus ambulantibus in via gloriam suæ resurrectionis aperuit, et nos hodie ambulemus, et captemus in viis Do-

⁹⁰ Jon. 2. ⁹¹ Esdr. 2. ⁹² Jud. 16. ⁹³ IV Reg. 13. ⁹⁴ III Reg. 17. ⁹⁵ I Cor. 15. ⁹⁶ Rom. 6. ⁹⁷ Osee. 15. ⁹⁸ Rom. 8. ⁹⁹ Rom. 4. ¹⁰⁰ Ephes. 5. ¹⁰¹ Psal. 62. ¹ Apoc. 20. ² Joan. 11. ³ Psal. 117. ⁴ Psal. 83. ⁵ Prov. 8. ⁶ Joan. 20. ⁷ Isa. 9. ⁸ Psal. 62. ⁹ Psal. 117. ¹⁰ Psal. 89. ¹¹ Luc 24. ¹² Ibid. ¹³ Isa. 64.

mini, quoniam magna est gloria Domini ¹⁴. *Gloriam dico quam nobis communicare dignetur, qui hodie de mortis ignominia in gloriam resurrexit, Christus Jesus! Cui sit benedictio et claritas et gratiarum actio in sæcula sæculorum!* Amen.

SERMO XXI.

IN EADEM RESURRECTIONE.

Dignus est agnus qui occisus est aperire librum, et solvere septem signacula ejus ¹⁵.

Flebat Joannes in Apocalysi, quia non inveniebat qui solveret septem signacula signati libri. Cum enim Joannes Baptista, qui major erat inter natos mulierum ¹⁶, jam se publice judicasset indignum solvere corrigiam calceamenti ¹⁷: perinde erat ac si diceret: Non sum dignus solvere signaculum libri. Nihil est aliud signaculum libri quam ligatura calceamenti. Unus autem de senioribus dixit ei: *Ne fleveris. Dignus est Agnus, qui occisus est, accipere librum, et solvere septem signacula ejus. Hic est liber involutus, sicut in propheta legitur* ¹⁸, scriptus digito Dei, in pergameno uteri virginalis. Liber iste in quo legunt angeli delectationes æternas. Septem fuerunt hujus libri signacula. Deus enim gloriam suæ majestatis in carne abscondens, pretium nostræ redēptionis quasi in sacculo consignavit. Nonne saccus fuit carnis mortalis assumptio? Posuisti, inquit, vestimentum meum cilicum ¹⁹. Et iterum: *Concidisti saccum meum et circumde-disti me laetitia* ²⁰. In hoc sacculo attulit species pretiosas, veniam peccatorum, profectum virtutum, præmium meritorum. Hunc saccum texuit divina sapientia novem mensibus: nam de illa legitur: *Manum suam misit ad fortia et digitum ejus apprehenderunt eum* ²¹. Ille saccum in Jordane lavit, in passione torsit, in cruce siccavit. Humanitas Christi vocatur liber, quia in eo est scientia vitæ et disciplinæ. Vocatur saccus, quia in eo absconditus et signatus thesaurus vitæ æternæ. Fuit ergo vivum signaculum, ut non posset ejus divinitas comprehendendi, dispensatio Virginis, corporis infirmitas, circumcisio, fuga in Ægyptum, famæ in deserto, humilitas crucis, sepultura. Quæ licet sit ultimum signaculum, multum tamen clausit et abscondit de gloria divinæ majestatis. Hæc omnia Christus hodie solvit, non rupit; nam omnibus quæ addispensationem carnis assumptionæ pertinebant, obedienter impletis, hodie de miseria humanitatis resurgit in gloriam deitatis. *Opporebat* siquidem Christum pati, et *resurgere a mortuis, et sic intrare in gloriam suam* ²². *Suam di o, ino et nostram.* Non enim per aliud ostium intrabat caput, et per aliud membra. *Volo*, inquit, *ut ubi ego sum, illuc sit et minister meus* ²³. Ex quo dicit, *volo*, securus sum, quod p. o voluntate *liberum ejus non derelat eum Pater.*

A Suæ igitur resurrectionis gloriam communicabit nobis. Sicut enim propter justificationem nostram mortuus est, ita resurrexit propter nostram glorificationem. Christus semel mortuus, semel resurrexit. Nos autem qui mortui sumus, anima et corpore dupli indigemus resurrectione. *Et beatus qui habebit partem in resurrectione prima* ²⁴. Prima resurrectio est partim in corpore, partim in anima: secunda perfecta est in utroque. Cum autem venerit ²⁵ quod perfectum est, tunc evacuabitur quod ex parte est. Tunc enim reformabitur corpus humiliatis nostræ, quod modo deformatum est; tunc, inquam, reformabitur corpus claritatis suæ. Prima specialiter est animæ, secunda corporis. Propheta utramque desiderans, sed plus resurrectionem carnis quam animæ (nam in illa est perfectio gloriæ), dicit: *Sitivit in te anima mea quoniam multipliciter tibi* (quod multum placuit tibi) *caro-meæ* ²⁶. Prima resurrectio significatur ibi: *Veniet hora, et nunc est: quando veniet, audiunt Filii Dei: et qui audierint, vivent.* ²⁷ Quasi diceret: Qui modo mortui sunt Christo, et vivunt mundo, audient verbum Evangelii; et credendo et bene operando, suscitabuntur a morte peccati. De secunda habes: *Venit hora, quando mortui qui in monumentis sunt, audiunt vocem Filii Dei* ²⁸. Quod siquidem erit in voce archangeli in novissima tuba, quando Christus ad judicium veniet, dabitque voci suæ vocem virtutis. Mali tunc resurgent in resurrectionem judicii. Boni vero qui per primam resurrectionem, judicaverunt et justificaverunt se, resurgent in resurrectionem vitæ. Justi nunc judicant se: et sic resurgunt a morte animæ per justificationem. Impii non timentes terrible judicium, adhuc in immunditiis suis jacent. Sicut scriptum est, quia non resurgent impii in judicio, neque peccatores in consilio justorum ²⁹. Et quod est consilium justorum? Verbum Prophetæ est: *Consilium meum justificationes tuæ* ³⁰. Si nosmetipsos dijudicaremus, non utique judicaremur. Cum autem judicamur, a Domino corripimus ³¹. Ita ut non absque ejus cura in hoc mundo damnemur. Ex hac clausula patet quia correctio alia est voluntaria, alia divina. Voluntaria consistit in jejunio et fletu, et planctu, in vigiliis, et disciplinis, in humilitate obedientiæ, et observantia disciplinæ. Aliam diffinire: sed hic labor est ante me. Percutit et flagellat Dominus, nunc blande et misericorditer: nunc justus et intolerabiliter: *O altitudo divitiarum sapientiæ et scientiæ Dei, quam incomprehensibilia sunt judicia ejus, et investigabiles viæ ejus!* Quis enim novit sensum Domini; aut quis consiliarius ejus fuit? ³² *Judicia Domini abyssus multa* ³³, quia in eis obscuritas et profunditas in infinita. Quis posset comprehendere causam cur Jacob elegerit Dominus, et Esau reprobaverit? Unde hoc quod Judæi a Christo vocati,

¹⁴ Psal. 157. ¹⁵ Apoc. 5. ¹⁶ Luc. 7. ¹⁷ Luc. 5. ¹⁸ Ezech. 2. ¹⁹ Psal. 68. ²⁰ Psal. 29. ²¹ Prov. 31. ²² Luc. 21. ²³ Joan. 12. ²⁴ Apoc. 20. ²⁵ I Cor. 13. ²⁶ Psal. 62. ²⁷ Joan. 5. ²⁸ Joan. 5. ²⁹ Psal. 1. ³⁰ Psal. 118. ³¹ I Cor. 11. ³² Rom. 11. ³³ Psal. 35.

enim quidem non sunt secuti, sed persecuti? Tyrii autem et Sidonii vocati quidem non sunt, et tamen eum secuti sunt. Semen bonum jecit in terram malam, ubi prænoverat semen conculandum et suffocandum. Et e diverso de terra sterili fructum eccliegit centuplum. Unus pro Christi amore se jejunis, vigiliis, disciplinis a pueritia usque in senectutem continue maceravit: et subito in peccato mortali deprehensus et mortuus, sententiam perpetuam damnationis incurrit. Est alius, qui omni concupiscentia satisfaciens, et se ad omnia desideria effundens inimicus Dei et contemptor animæ suæ, postquam in stercore suo computruit, tandem vas electionis consicitur, alisque sanctitatis exemplum et vivendi forma proponitur. Licet judicia Dei justa sint, tamen abscondita est nobis eorum justitia; et ipse tam mirabiliter quam ineffabiliter, tanquam circumspectus et prudens medicus, infirmitatem quandoque vertit in medicinam. Vidimus enim aliquos qui cum essent pigri et tardi in via mandatorum Dei, et quasi retrogradi, dispensante prudentia illius magni medici, multiplicati sunt infirmitates eorum, postea acceleraverunt⁴⁴. Quia ergo viæ illius exaltatæ sunt a viis nostris, et cogitationes ejus a cognitionibus nostris, jactemus cogitationes nostras in eum; ut sit in eo conditus spiritus noster. Nam qui adhæret Deo, unus Spiritus est cum eo⁴⁵. Nemo timeat se deserere, et Christo committere; sciat quia is cui credit, potens est depositum ejus servare, et cum augmento restituere. Ipse est qui recipit fractum, et restituit integrum, reformans diminutum in plenum, humilem in sublimem, corruptum in incorruptibilem, temporalem in æternum, terrenum in cœlestem, miserum in beatum. Timeo judicium ejus, et propter iniuriam meam ejus justitiam reformatio. Cum sit tamen justus et misericors, ejus misericordia superexaltatur iudicio. Ideoque ejus misericordiae nos universi et singuli commendemus, orantes, ut qui pro nobis judicari sustinuit, in die tremendi iudicii nos in sinu misericordiae suæ recipiat, et participes æternæ resurrectionis efficiat Christus Jesus, cui est honor et gloria in sœcula sœculorum. Amen.

SERMO XXII.

DOMINICA IN ALBIS. — *De tribus testimoniis.*

Omne quod natum est ex Deo, vincit mundum⁴⁶.

Postquam Filius Dei factus est filius hominis, et habitu inventus ut homo, merito præsumit homo de divina generatione, nec abhorret Deus corum fieri Pater quorum Christus factus est frater. Adoptione siquidem filii Dei sumus; sicut Joannes cujus verba

A hæc sunt dicit: *Quotquot, inquit, receperunt eum, dedit eis potestatem filios Dei fieri⁴⁷.* Pugna est inter nos et mundum: Nam sicut mundus odit Christum, sic odit et eos qui Christi sunt. *Nolite, ait, mirari, si odit vos mundus: scitote quia me priorem odio habuit⁴⁸.* Confidenter ergo credendum est quod qui ex Deo sunt nati Dei sunt, et vincunt mundum. Nam ipse dicit: *Confidite, quia ego vici mundum⁴⁹.* Adoptamur quidem a Deo, ut sit primogenitus in multis fratribus, ut sicut mundum vici, et nos vincamus, ut sit argumentum cœlestis generationis victoria tentationis. Conformes facti imagini Dei per adoptionem mundum vincimus, sicut ille qui Filius est per naturam. Nam de sanctis scriptum est: *Sancti per fidem vicerunt regna⁵⁰.* Sane ex fide est vita et victoria. *Justus, inquit, ex fide vicit⁵¹.* Petrus pastor ovium Christi loquens de diabolo tanquam de leone rugiente: *Resistite, inquit, ei fortes in fide⁵².* Vide quomodo sibi concinunt testimonia Scripturarum. Paulus dicit sanctos fide vincisse regna. Petrus principi mundi resistendum in fide. Joannes: *Hæc est, inquit, victoria quæ vincit mundum, fides nostra.* Sequitur: *Quis est qui vincit mundum, nisi qui credit quoniam Jesus est Filius Dei?* Nonne mundus universus hoc credit? Nonne dæmones credunt et contremiscunt⁵³? Sed non est fides in eo qui fatetur se nosse Dominum, factus autem negat. *Fides enim sine operibus mortua est⁵⁴:* nec intelligenda est fides, nisi sit in cordibus nostris per eum qui vita nostra est. De quo dicitur: *Cum autem Christus apparuerit vita nostra, tunc et nos apparebimus cum ipso in gloria⁵⁵.* Sequitur: *Hic est qui venit per aquam et sanguinem Jesus Christus: et adhuc viam supereminentiorem ostendens: Spiritus est, inquit, qui testificatur, quoniam Jesus est Filius Dei.* Moyses venit in aqua, a qua et nomen accepit. Sed hic est plus quam Moyses, qui non venit in aqua tantum, sed in aqua et sanguine. Perhibet Joannes sanguinem et aquam de Christi latere profluxisse⁵⁶. Tertium dat testimonium, spiritus veritatis, in aqua baptismalis, in sanguine martyrum; in spiritu intellige charitatem, quæ diffusa est in cordibus nostris per Spiritum sanctum qui datus est nobis⁵⁷. Licet quis baptismo vel martyrio vincat mundum, nisi charitatem habeat, nil est. Hæc tria testimonia eredibilia facta sunt nimis⁵⁸; et beneficio charitatis, quæ omnia ad unitatem redigit, et non solum tria, sed omnia unum facit. *Hæc tria, inquit, unum sunt, quia sicut per charitatem Christus est omnia in omnibus, ita per charitatem omnia in Christo unum sunt.*

Et notandum, antequam loquatur de tribus testimoniis, quæ sunt in cœlo, præmittit et dicit: *Tres*

⁴⁴ Psal. 15. ⁴⁵ I Cor. 6. ⁴⁶ I Joan. 5. ⁴⁷ Joan. 1. ⁴⁸ I Joan. 3. ⁴⁹ Joan. 16. ⁵⁰ Hebr. 11. ⁵¹ Hebr. 10. ⁵² I Petr. 5. ⁵³ Jac. 2. ⁵⁴ Ibid. ⁵⁵ Coloss. 3. ⁵⁶ Joan. 19. ⁵⁷ Rom. 5. ⁵⁸ Psal. 92.

sunt qui testimonium dant in terra, *Spiritus, aqua, et sanguis*: et tres unum sunt ⁴⁴. Ut ergo singula suo ordine prosequamur: Pater dat testimonium in cœlo, qui olim loquens patribus in prophetis, novissime locutus est nobis in Filio suo ⁴⁵. Pater testimonium dat, cum Filium suum revelat nobis. De hac revelatione dicit Paulus: *Qui me segregavit ab utero matris meæ, et vocavit per gratiam suam, ut revelaret Filium suum in me* ⁴⁶. De hac ipsa revelatione loquens ad Petrum Dominus ait: *Beatus es, Simon Bar-Jona; quia caro et sanguis non revelavit tibi, sed Pater meus qui est in cœlis* ⁴⁷. Dat testimonium Pater, cum, Jesu baptizato et ascidente de aqua, aperti sunt cœli, et vox de cœlis auditæ est dicens: *Hic est Filius meus dilectus, in quo mihi complacui* ⁴⁸. Et in transfiguratione: *Hic est Filius meus dilectus, in quo mihi bene complacui* ⁴⁹. De hac voce Petrus in canonica Epistola dicit: *Voce delapsa ad eum hujuscemodi a magnifica gloria: Hic est Filius meus dilectus in quo mihi complacui: ipsum audite.* Et *hanc vocem nos audivimus de cœlo allatam, cum essemus cum ipso in monte sancto* ⁵⁰. In Evangelio Joannis de Patris testimonio Christus dicit: *Qui me misit Pater, ipse testimonium perhibuit de me* ⁵¹. Et Joannes in canonica Epistola dicit: *Si testimonium, inquit, hominum accipimus, testimonium Dei majus est. Et hoc est testimonium Dei quod majus est, quoniam testificatus est de Filio suo* ⁵²: Perhibet Filius testimonium, dum signis et operibus quis esset ostendit. Et cum diceret: *Ego sum lux mundi* ⁵³, dicentibus Pharisæis: *Tu de te ipso testimonium perhibes; testimonium tuum non est verum, respondit et dixit: Et si ego testimonium perhibeo de me ipso, testimonium meum verum est, quia scio unde venio, et quo vado* ⁵⁴. Et item: *In lege vestra scriptum est: Quia duorum testimonium verum est. Ego sum qui testimonium perhibeo de me ipso, et testimonium perhibet de me, qui me misit, Pater* ⁵⁵. Iten: *Est Pater meus qui glorificat me, quem, vos dicitis quia Deus noster est, et non cognovistis eum* ⁵⁶. Quod autem dicit: *Si ego testimonium perhibeo de me, testimonium meum non est verum, subintellige, sine testimonio Patris. Unde statim subjungit: Alius est qui testimonium perhibet de me. Testimonium dat Filius in monte veritatem non negando.* Unde Paulus in prima Epistola ad Timotheum: *Principio tibi coram Deo, qui rivisit omnia, et Christo Jesu, qui testimonium reddidit sub Pontio Pilato bonam confessionem, ut serves mandatum sine macula irreprensibile* ⁵⁷. Dat testimonium Filius resurgendo, et post resurrectionem se in multis argumentis manifestando; perhibuit testimonium ascendendo in conspectu eorum, cum quibus erat con-

A versatus. Sicut scriptum est: *Et videntibus illis, elevatus est, etc.* ⁵⁸: Reddidit et testimonium suum Spiritus sanctus a diebus antiquis, quando ferebatur super aquas, eas tunc sanctificans; ut nos postea sanctificaret in eis. Testimonium reddebat prophetas inspirans, futura prænuntians, viamque sanctorum, quæ nondum fuerat propalata demonstrans. Sed et tempore visitationis nostræ Deus testimonium perhibet, cum beatam Virginem superveniens visitat et secundat, dum linguas igneas dispergit, dum in unitate fidei et in unius Dei præconium linguas unit.

B *Dant ergo testimonium Pater, Verbum, et Spiritus sanctus. Et hi tres unum sunt* ⁵⁹. Unum unius essentiae natura uniusque contestationis concordia. *Tres autem sunt qui testimonium dant in terra: spiritus, aqua, et sanguis. Juxta opinionem acutius videntium, omnis qui spiritualiter vivit, spiritus appellatur. Sicut Paulus in prima Epistola ad Corinthios inquit: Qui adhæret Deo unus spiritus est cum illo* ⁶⁰. Et Joannes in Epistola sua: *Nolite omni spiritui credere; sed probate spiritus si ex Deo sint, quoniam multi pseudoprophetæ exierunt in mundum. In hoc cognoscitur spiritus Dei. Omnis spiritus qui confitetur Iesum Christum venisse in carne ex Deo est: et omnis spiritus qui solvit Iesum ex Deo non est* ⁶¹. Ille autem solvit Iesum qui verbis confitetur et operibus negat ipsum. Aqua perhibet testimonium, cum quis post baptismum spiritualiter vivens, servat innocentiam quam in regeneratione suscepit, vel post baptiſmum lapsus, aqua pœnitentiali se abluit. Iste testatur et sanctificatur; quoniam Christus est veritas. Sed et Christum sanguis martyrum publice confitetur. Sic ergo spiritus justorum, aqua pœnitentium, sanguis martyrum testimonium dant in terra Christum esse veritatem, una voce et una confessione clamantia. Ipsi etiam dæmones, velint nolint, testimonium reddit Christo. Clamant enim in Matthæo et dicunt: *Quid nobis et tibi, Jesu Fili Dei? Venisti hic ante tempus torquere nos* ⁶². Et in Marco clamant immundi spiritus: *Tu es Filius Dei* ⁶³. Et vehementer Dominus communibatur eis, ne manifestarent illum. Et item in eodem Marco alias dæmon: *Quid mihi et tibi, Fili Dei altissimi? Adjuro te per Deum ne me torqueas* ⁶⁴. Et in Luca: *Exibant dæmonia a multis clamantia et acentia: Quid nobis et tibi est, Jesu Nazarene? scimus quia tu es Filius Dei. Et increpatus non sinebat eos loqui, quia sciabant ipsum esse Christum* ⁶⁵. In Actibus etiam apostolorum cum septem filii Scevæ principis tentando nomen Jesu super dæmoniacos invocarent, et dicebant singuli: *Adjuro vos per Jesum quem Paulus prædicat, immundus spiritus dixit eis: Jesum novi*

⁴⁴ I Joan. 5. ⁴⁵ Hebr. 4. ⁴⁶ Gal. 1. ⁴⁷ Matth. 16. ⁴⁸ Matth. 3. ⁴⁹ Matth. 17. ⁵⁰ II Petr. 1. ⁵¹ Joan. 5. ⁵² I Joan. 5. ⁵³ Joan. 8. ⁵⁴ Ibid. ⁵⁵ Ibid. ⁵⁶ Ibid. ⁵⁷ I Tim. 6. ⁵⁸ Act. 1. ⁵⁹ I Jean. 5. ⁶⁰ I Cor. 6. ⁶¹ I Joan. 4. ⁶² Matth. 8. ⁶³ Marc. 3. ⁶⁴ Marc. 5. ⁶⁵ Luc. 6.

*et Paulum scio : vos autem qui estis ?*⁶⁷ Ecce dæmones reddentes testimonium Christo, non solum Paulum, sed Christum se scire profiteruntur. Nos autem Christiani nominis professores fidem quam profitemur verbis, operibus diffitemur. Qui per fidem mundum vincere debebamus, per infidelitatem a mundo vincimur. Et quid putas facturus est Iudex ille terribilis in die tremendi judicii, cum viderit nos qui per baptismum ex Deo nati sumus, degenerantes a Patre nostro ? Nonne dicturus est nobis : *Vos ex patre diabolo estis*⁶⁸ ? Nonne dicturus est : *Ite, maledicti, in ignem æternum, qui paratus est diabolo et diabolis sive filiis ejus*⁶⁹ ? Caveamus ergo, fratres, ab hac auditione mala. Vincamus mundum, ne vincamur ab eo. Redeamus ad Christum per pœnitentiam in fide et veritate, ut quos sibi adoptavit in filios, facial participes et hæredes vitæ æternæ Christus Jesus, cui est honor et gloria in sæcula sæculorum. Amen.

SERMO XXIII.

IN ASCENSIONE DOMINI.

*Videntibus illis elevatus est, et nubes suscepit eum ab oculis eorum*⁷⁰.

Hodie factum est germen Domini in magnificientia et gloria, et fructus terræ sublimis, fructus terræ fructus est uteri virginalis. Hodie impletum est verbum illud quod prædixerat Dominus per Prophetam : *Nunc exsurgam*⁷¹, et nunc sublimabor. Exsurgam a mortuis, sublimabor in cœlum⁷². Hodic consummatur et perfecte clauditur tua inconsutilis tunica, Christe Jesu, id est integritas fidei Christianæ, quia post prædicationem, post tentationes, post miracula, post laborem, post mortem et ignominiam crucis, post gloriam resurrectionis, postquam operatus fuisti salutem in medio terræ⁷³, tandem ostendisti te Deum et Dominum cœli, ponens nubem ascensum tuum, et ambulans super pennis ventorum⁷⁴. Caro itura ad Patrem, quæ non erat a Patre prius, per gloriam resurrectionis omnem insinuitatem exiit. Accinxit se potentia amicta lumine sicut vestimento⁷⁵. Decebat enim ut Filius hominis, impleta obedientia propter quam venit, se in ornatu plenioris gloriæ paternis aspergitibus præsentaret. Hoc Daniel quandoque præsenserat dicens : *Aspiciebam in visione noctis, et ecce Filius hominis veniebat in nubibus cœli : usque ad Antiquum dierum perrenit, qui dedit ei potestatem et honorem et regnum ejus quod non corruptetur*⁷⁶. Caro Christi prius mole nostræ mortalitatis aggravata, postquam gloria et honore coronata est, postquam decorum et fortitudinem induit, cœlos potenter ascendit. Descendit in carnem, ut carnales in carne doceret, ut eos de carne transferret ad

A spiritum. Unde et Apostolus dicit, innuens glorificationem carnis : *Et si cognovimus Christum secundum carnem ; sed jam non novimus*⁷⁷, quod aeris et cœli Dominus per aerem libere et potestate ascendit, qui de aere ejecerat principem hujus mundi, et aerias potestates suæ cruci affixerat. *Nemo ascendit in cœlum, nisi qui de cœlo descendit*⁷⁸. Ideo enim descendit ut ascenderet, et ut secum ascendendo nos traheret. *Cum exaltatus*, inquit, *fuero a terra, omnia traham ad me ipsum*⁷⁹. Deus immensus erat, neque crescere, neque ascendere poterat. Ut ergo cresceret, minoratus est paulo minus ab angelis. Ideo autem ascendit, ut in sua ascensione angelicam transcederet dignitatem. Apparuit quidem humanitas et benignitas Christi in nativitate ipsius, apparuit potentia et gloria ipsius in resurrectione ejusdem. Sed in ejus ascensione præcipue nobis gaudendum est : in qua nobis aperta est via virtutæ, roborata est fides, firmata est fiducia nostra, ut illuc eamus quo transiit caput nostrum, sine membris suis caput esse non potest. *Volo*, inquit, *Pater ut ubi ego sum, illic sit et minister meus*⁸⁰. Oh reverentiam suam exauditus est filius, et voluntate labiorum suorum non fraudavit eum Pater. Ubique nobis ministrat, ubique salutis nostræ negotium benigne procurat. *Vado*, inquit, *parare vobis locum ; et si abiero, iterum veniam ad vos, et assumam vos ad me ipsum*⁸¹. Ubi enim corpus, ibi aquilæ congregabuntur⁸². Verbum Christi est : *Nemo venit ad me, nisi Pater meus traxerit eum*⁸³ : sed et nemo venit ad Patrem, nisi traxerit eum Filius.

D Resurrectionem Christi probat ejus ascensio : et inde nobis potentissime gaudendum est, quia per unam firmatur alterius fides. Quis enim crederet resurrectionem, nisi eam probasset ascensio ? In multis argumentis apparuit post resurrectionem : sed validissimum argumentum resurrectionis fuit ascensio. Nunquam caro Christi in cœlum ascendere potuisse, nisi eam virtus resurrectionis glorificasset, atque illam ab omni mortalitatis onere immunem et liberam reddidisset. In resurrectione quatuor conferuntur, subtilitas, agilitas, claritas et immortalitas. Subtilitatem exhibuit Christus, ubi clausis januis ad discipulos intravit⁸⁴; agilitatem, ubi super aquas pedibus ambulavit⁸⁵; claritatem, ubi in monte Thabor facies ejus sicut sol resplenduit⁸⁶; immortalitatem, cum mortuus a mortuis resurrexit⁸⁷. Ista quatuor simul in se demonstrat, dum ad Patrem redit, dum ad cœlos adeo potestative ascendit. Hodie elevatus est sol, et luna stetit in ordine suo, quia Christo hodie ascidente, luna, id est Ecclesia secundum ordinem Dei in sanctitate

⁶⁷ Act. 19. ⁶⁸ Joan. 8. ⁶⁹ Matth. 25. ⁷⁰ Act. 1. ⁷¹ Psal. 107. ⁷² Isa. 33. ⁷³ Psal. 73. ⁷⁴ Psal. 103. ⁷⁵ Ibid. ⁷⁶ Dan. 7. ⁷⁷ II Cor. 5. ⁷⁸ Joan. 3. ⁷⁹ Joan. 12. ⁸⁰ Ibid. ⁸¹ Joan. 14. ⁸² Matth. 24. ⁸³ Joan. 6. ⁸⁴ Joan. 20. ⁸⁵ Matth. 14. ⁸⁶ Matth. 17. ⁸⁷ Matth. 28.

et religione firmata est. Omnes antiqui ad inferos descendebant, descendit Christus ad nos, et docuit vias innocentiae et munditiae, ut per ipsum et ad ipsum omnes qui vixerint mundo, innocenter ascendant. Verbum Prophetæ est : *Quis ascendet in montem Domini : aut quis stabit in loco sancto ejus? Innocens manibus et mundo corde*⁸⁸. Secundum diversitatem meritorum, est et diversitas præmiorum his qui ascendunt in montem Domini, et in tabernaculum Dei nostri. Verbum Christi est : *In domo Patris mei mansiones multæ sunt*⁸⁹. Nam et in arca Domini mansuetae erant et tristega. Exoneramus, quæso, fratres, corda nostra ad Deum cum manibus, imaginemur et formemus in cordibus nostris celsitudinem throni, thronum Dei et Agni, ministerium assistantium angelorum, hominum, patriarcharum, prophetarum cuneos, senatum apostolorum, martyrum choros, coronas virginum. Hæc omnia formantes desiderio aspiremus cum eo, qui circuibat immolans in tabernaculo Domini nos iam vociferationis cantans et psalmum dicens : *Quam dilecta tabernacula tua, Domine virtutum, concupiscit et deficit anima mea in atria Domini*⁹⁰. Si apud Christum thesaurus noster est, sicut Apostolus dicit : *Scio cui credidi et certus sum, quia potens est depositum meum servare in illum diem*⁹¹ : sit ibi cor nostrum, ubi est thesaurus noster. Disponamus ascensiones in corde nostro, et si non possumus corporaliter ascendere, saltem recordatione et desiderio cœlestium spiritualiter ascendamus, sicut ille qui dicit : *Hæc recordatus sum et effudi in me animam meam, quoniam transibo in locum tabernaculi usque ad domum Dei*⁹². Et : *Memor sui Dei et delectatus sum, exercitatus sum, et deficit spiritus meus*⁹³. Quid est quod dicit, concupiscit anima mea? Et iterum : *Memor sui Dei et delectatus sum, et deficit spiritus meus?* Quia in hac vita mortali aut potius in hac morte vitali comprehendere, aut cogitare non sufficiimus gloriam illam, quam nec oculus vidit, nec auris audivit, nec in cor hominis ascendit quæ, Deus, præparasti diligentibus te⁹⁴. Porro cum reformaverit Deus corpus humilitatis nostræ configuratum corpori claritatis suæ⁹⁵, tunc omnia implebit in nobis, qui omnia fecit pro nobis. Et hoc est quod Apostolus ait : *Christus qui descendit, ipse est qui ascendit, ut adimpleret omnia*⁹⁶ quæ adimplere voluit : nativitatem scilicet, resurrectionem, ascensionem, ut renascentes a peccato, resurgentem a morte animæ resurgamus de virtute ad virtutem, donec videatur Deus deorum in Sion. *Benedictionem dabit legislator*⁹⁷, cum implebit omne animal benedictione⁹⁸, cum dicet : *Venite, benedicti Patris mei, percipite regnum Dei, quod vobis paratum est ab origine mundi*⁹⁹. Christus a schola illa discipulo-

A rum suorum corporaliter recessurus ad tempus, quasdam primitias eis benedictionis æternæ largitur, sicut scriptum est : *Et benedicens eis serebatur in cælum*, ut omnia impleret benedictionibus suis : omnia opera sua in benedictione complevit, qui est benedictus in sæcula Christus Jesus Dominus Deus noster. Amen.

SERMO XXIV.

IN DIE PENTECOSTES.

*Charitas Dei diffusa est in cordibus nostris, per Spiritum sanctum, qui datus est nobis*¹⁰⁰.

Filius Dei prius legatione sua functus est, veniens ad nos, veniens querere et salvare quod perierat. Nunc autem Spiritus sanctus fungitur ad nos legatione sua, ut nos in salute confirmet. Datus est nobis Filius, datus est et nobis Spiritus sanctus. Quod datus sit Filius, testatur Isaïas : *Puer, inquit, natus est nobis, et Filius datus est nobis*¹. Quod datus sit nobis Spiritus sanctus, testatur Apostolus : *Gratia, inquit, diffusa est in cordibus nostris per Spiritum sanctum, qui datus est nobis*. Dedit itaque Deus nobis Filium, dedit et Spiritum sanctum. Et quid ei remansit? Si auderem dicere, nimis et plus quam nimis prodigus est sui Dominus Deus. O quam magnificus et vivificus! O quam mirabilis es, Deus, in donis tuis. Domine, quid est homo quod magnificas eum? quid est homo quod memor es ejus, aut filius hominis quia visitas eum²? Vere visitas; nam ad ejus visitationem et consolationem modo mittis Filium ; modo Spiritum sanctum, te ipsum reservans ei ad habendum, ad possidendum, et æternaliter persuendum. Misisti nobis, Domine, Filium tuum non ad dominandum, sed ad servendum. Veni, inquit, non ministrari, sed ministrare³, sed ut salva dignitate tua et Filii tui loquar, venit Filius tuus ut sordes nostras purgaret, ut tanquam servus abjectus et vilis manibus suis sordes nostras ablueret. Non abhorreat, quæso, Christianus hæc verba. Nam quæ stercora, quæ cloacæ, quæ putredo cadaverum, quis sanguis menstruatæ, aut quis vomitus canis immundior est quam conscientia peccatoris? Isaïas ait : *Os meum repletum est vomiti sordium*⁴. Sane de corde impii quasi de cœnoso lacu et scatenti putredine immundæ cogitationes exhalant, et peccatorum abominationes horrendæ scaturiunt. Nonne setent iniquitates nostræ coram quo immundæ etiam sunt justitiae nostræ? Si mili non creditis, audite Isaïam : *Omnes, inquit, justitiae nostræ sicut pannus menstruatæ*⁵. Ut ego verbo Apostoli utar : *Christus purgationem peccatorum faciens lavit nos ab immunditiis nostris in saugine suo*⁶. Quia verbo Filius nostram operatus est salutem in medio terræ⁷, et jam ad Patrem ascenderat, necessarium erat ut mitteretur Spiritus sanctus ut

⁸⁸ Psal. 23. ⁸⁹ Joan. 14. ⁹⁰ Psal. 83. ⁹¹ II Tim. 1. ⁹² Psal. 41. ⁹³ Psal. 76. ⁹⁴ I Cor. 2. ⁹⁵ Philipp. 3. ⁹⁶ Ephes. 4. ⁹⁷ Psal. 83. ⁹⁸ Psal. 144. ⁹⁹ Matth. 25. ¹⁰⁰ Rom. 3. ¹ Isa. 9. ² Psal. 8. ³ Matth. 20. ⁴ Isa. 28. ⁵ Isa. 64. ⁶ Hebr. 1. ⁷ Psal. 73.

confirmaret quod operatus fuerat *a templo suo quod est in Ierusalem*⁷, quia fides inde habuit initium et processuum.

Erant siquidem adhuc teneri et parvuli filii adoptionis, quos Christus in carne sua verbo vitæ generat, ut essent aliquod initium creaturæ ejus⁸. Ecclesia militans in terris, adhuc tenera et novella plantatio erat. Unde sponsa, id est Ecclesia cœlestis in Canticis dicebat: *Soror nostra parvula est, et ubera non habet*⁹. Adhuc apostoli erant, quibus lacte opus erat. Ideoque, mittitur Spiritus sanctus qui eos in fide ex qua justus vivit nutriat, quo usque crescat in virum perfectum, donec Christus formetur in eis¹⁰. Missus est Spiritus paracletus, qui interpretatur *advocatus*, tanquam parvorum nutritor et tutor, tanquam advocatus eorum in causa pupillari, ut in omni consistorio, in omni prætorio pro illis ante reges et tyrannos sæculi constanter et efficaciter allegaret. Sic enim Pater orphanorum et Judex viduarum quandoque eis prædixerat: *Cum steteritis ante reges et præsides, nolite cogitare quid aut qualiter respondeatis. Dabitur enim vobis, etc.* Adjungit: *Non enim vos estis, qui loquimini, sed spiritus Patris vestri qui loquitur in vobis*¹¹.

Jam sane adversus electos Dei super hæreditate illorum, quæ sui Patris sanguine rubricata eis erat, et regali privilegio confirmata, tyranni gentiles et principes Judæorum calumniam suscitabant. Judæus limites hæritarios decurtabat dicens; quia tantummodo notus esset in Judæa Deus¹². Gentiles autem de quibus Filio suo prædixerat Deus: *Postula a me, et dabo tibi gentes hæreditatem tuam, et possessionem tuam terminos terræ*¹³, Christum Dei Filium et hæredem, Christianos hæredes Dei, co-hæredes autem Christi¹⁴, faciebant exhæredes. Hodie itaque venit iste legisperitus et legislator, et in manu ejus ignea lex¹⁵. Venit in igne et in linguis, ut legem igneani linguæ igneæ loquerentur. Spiritus sanctus ignis est; amor enim ignis est. Sicut autem ignis non potest non ardere, sic Spiritus sanctus non potest non ardere, et calefacere: *Nec est qui se abscondat a calore ejus*¹⁶. Ille magnus artifex cui ignis in Sion, et caminus ejus in Ierusalem¹⁷, hoc igne probat et confirmat vasa sua, quæ compositi ad decorum domus suæ. Petrus prius erat vas molle et luteum; nec reddebat sonum integrum; sonus vasis minime cocti erat in Petro, dum ad vocem ancillæ Christum tertio abnegabat¹⁸. Postquam vero virtute induitus est ex alto, tanquam vas perfectissime coctum reddebat sonum integrum et perfectum. Prohibentibus enim principibus sacerdotum et Romanis imperatoribus ne annuntiaret verbum Dei, pulsatus dicebat: *Oportet nos magis obedire Deo quam hominibus*¹⁹. Ecce quomodo ignis

A Spiritus sancti roboraverat Petrum. Ignis iste accedit, confirmat, et erudit. Ignis ex communicatione non minuitur: dividens, prout vult, non minuitur: divisiones enim gratiarum sunt, divisiones ministracionum et divisiones operationum, sed hæc omnia operatur unus atque idem²⁰ semper immutabilis apud quem non est transmutatio, nec vicissitudinis obumbratio²¹. Ignis iste devorat et consumit ligna, fenum, stipulam, id est peccata in nobis. Aurum vero et lapides pretiosos ardore suo probat, et probando purificat. Hic est ignis altaris, de quo legitur in Apocalypsi, quod cum angelus accepisset thuribulum aureum, et implevisset illud de igne altaris, et misisset in terram, facta sunt tonitrua, et sonitus, et voces, et fulgura²². Angelus enim magni consilii aureum thuribulum immaculatissimi corporis sui hoc igne complevit; assumptusque in cœlum fecit quod prædixerat: *Veni ignem mittere in terram: et quid volo nisi ut ardeat*²³.

B Misit itaque ignem in terram et facta sunt tonitrua in comminationibus, fulgura in miraculis, pluviae in doctrinis, sonitus et voces in prædicati- bus. Sic ergo factus est repente de cœlo sonus. Hic est sonus de quo scriptum est: *In omnem terram exivit sonus eorum*²⁴. Sed unde veniebat hic sonus? de cithara Domini propter quam dicitur: *Exsurge, gloria mea, exsurge, psalterium et cithara*²⁵. Estne ibi aliquis sonus? imo multiplices soni. Septem ibi sunt. Octavus autem qui complet diapason beatorum in octava est, quando per omnes vicos Ierusalem cantabatur *Alleluia*²⁶. Vultis audire septem chordas citharæ, sive septem sonos in chordis? Magister hujus cœlestis musicæ per organum sancti Spiritus Isaiam, omnes has septem voces una descensione continuat dicens: *Et requiescerit super eum spiritus sapientia et intellectus, spiritus consilii et fortitudinis, spiritus scientiae et pietatis, et repletus eum spiritus timoris Domini*²⁷. Prima corda, id est spiritus timoris gravem sonum reddit, quia testimonio apostoli: *Timor pœnam habet*²⁸. Secunda corda est spiritus pietatis; cuius sonus dulcissimus est. De hoc sono dicit Sapientia: *Spiritus meus super mel dulcis*²⁹. Chordam timoris pietas temperat, ne desperet. Chorda scientiae sequitur: quæ acuta est et pietatis chordam dirigit, ne aberret. Sequitur corda fortitudinis, quæ quidem robusta est, et confirmat chordam scientiae, ne vacillet. Et ne fortitudo aliquid immoderantius aut intemperantius agat, apponitur corda consilii, quæ quidem subtilis est. Et ne consiliorum deliberationes in suis subtilitatibus evanescant, chorda intellectus apponitur, quæ plurimum discreta est. Septimum sonum reddit sapientiae chorda, quæ stabilis est et longa, suavis et fortis. Sapientia enim attingit a fine usque ad finem fortiter, et dispo-

⁷ Psal. 63. ⁸ Jac. 1. ⁹ Cant. 8. ¹⁰ Gal. 4. ¹¹ Rom. 8. ¹² Matth. 10. ¹³ Psal. 75. ¹⁴ Psal. 2. ¹⁵ Isa. 31. ¹⁶ Matth. 26. ¹⁷ Act. 5. ¹⁸ Cor. 12. ¹⁹ Jac. 1. ²⁰ Apoc. 8. ²¹ Luc. 12. ²² Psal. 18. ²³ Psal. 56. ²⁴ Heb. 13. ²⁵ Isa. 11. ²⁶ Joan. 4. ²⁷ Eccl. 24.

*nit omnia suaviter*²⁰. Sicut autem Spiritus sanctus habet harmoniam suam, et exercet psalterium jucundum cum cithara, sic et spiritus malignus habet sonos et voces in Dei offendit, et animæ perditionem. Vis audire perditionem? Vis audire septem voces aut chordas, et octavam pœnis interminabilibus et tormentis æternis? Voces in cithara diaboli sunt confusæ, discordes et rauçæ. Prima chorda est superbia, secunda invidia, tertia inanis gloria, quarta tristitia, quinta avaritia, sexta luxuria, septima acedia, diabolus olim citbarizare incipiens: *Ponam, inquit, sedem meam ab aquilone, et ero similis Altissimo*²¹. Nimis ab alto et abrupto incepit. Ideo chordæ ruptæ sunt et cithara effracta est, et cathedra pestilentia, in qua sedere propo-
suerat, eversa est.

Descendit itaque hodie Spiritus sanctus in igne et in sono. In igne, ut apostoli possent alios in Christi amore accendere; in sono, ut in spiritu vehementi possent Dei magnalia prædicare. Porro non est in nobis ignis hodie, non est sonus. Ignem altaris Domini convertistis in ignem alienum, id est amorem Dei in amorem terrenum. Hic est ignis malitiæ. Hic est ignis a quo devorantur Nadab et Abiu, filii Aaron²². Hic est ignis quo Abimelech succendebat oppidum Thebes²³. Hoc igne Amalecites succendebant Siceleg²⁴. Inimicus enim humani generis apponit assidue nobis ignem et stipulas tentationis, ut in nobis accendat et subruat domum Dei. De hoc igne pessimo scriptum est: *Supercedit ignis, et non viderunt solem*²⁵. Supercedit ignis malitiæ, et non viderunt solem justitiae. Adicti eramus obsequio Christi; nunc autem lentes-
simus in via ejus: imo nugis otioque vacamus. Certe otiositas inimica est animæ teste Hieronymo. Peccatum Sodomorum fuit otiositas et abundantia panis²⁶. Quæritur Ægisthus quare sit factus adulter.

In promptu causa est: desidiosus erat.

OVID. *De rem. amor.* 161.

*Cernis ut ignavum corrumpunt otia corpus,
Et capiunt vitium, ni moveantur, aquæ.*

Ibid., *De Pont. eleg.* 6.

De talibus legitur: *In labore hominum non sunt, et cum hominibus non flagellabuntur*²⁷: imo cum dæmonibus. Electi eramus in sortem Domini, ut meditaremur in lege Domini, et delectaremur in ea, ut possemus dicere cum Propheta: *Quomodo dilexi legem tuam, Domine? tota die meditatio mea est*²⁸. In capite libri scriptum est de beatitudine viri qui meditatur in lege Domini die ac nocte²⁹. Scriptum est: *Maledictus omnis qui facit opus Dei negligenter*³⁰. Vereor ne maledictio haec illos respiciat, qui Deo serviantur negligenter et sicut. Ubi enim est fictio, non est Deus, non est Spiritus sanctus. Legitur enim quia

A *Spiritus sanctus disciplinæ effugiet factum*³¹. Si charitas Dei diffusa esset in nobis, lex Dei omni mundo desiderio nobis esset acceptior. Nunc autem legis Dei oblii fabulosis narrationibus occupamur, currentes ad vanitates et insanias falsas. *Narraverunt, inquit, mihi fabulationes, sed non ut lex tua*³². Porro ex quo populus Israel cœpit negligere legem Dei, et lentescere in observantia mandatorum ejus, statim datus est in manus Chusan Rasathaim, in manus Eglon, Moab et Philisthiim. Ex quo enim cessamus ab instantia divini officii, statim jugo gravium vitiorum atque tyrannidi spirituum malignorum subjicimur. Dina, filia Jacob, egreditur ut videat ludos alienigenarum: et statim a Sichem filio Ilemor concupiscitur, rapitur, opprimitur, defloratur³³. B Sic et anima, quæ de domo Domini egreditur ad illecebras hujus mundi, a spiritu maligno rapta opprimitur, oppressa polluitur. Sedet Jacob domi, et gratiam paternæ benedictionis acquirit; venatur foris Esau, et cum patris benedictione primogenita sua perdit³⁴. Inveniuntur hodie clerici in plateis, non in ecclesiis. *Dispersi sunt, inquit propheta, lapides sanctuarii in capite omnium platearum*³⁵. Contra prohibitionem Domini vectes, quibus arca defertur, ab annulis extrahuntur. Vacemus ergo lectio, meditationi, et orationi, sine intercessione orantes, dicit Apostolus³⁶. Et in cantico Ezechie: *Sicut pullus hirundinis sic clamabo, et meditabor ut columba*³⁷. Diffundat charitatem suam in cordibus nostris charitas Deus, ut serviamus in sanctitate et iustitia coram ipso, omnibus diebus nostra vita³⁸. Amen.

SERMO XXV.

DE EODEM FESTO.

Nunquid poteris conjungere septem micantes Pleiades? Nunquid alligabis rhinocerota loro tuo, ne frangant glebas vallium tuarum?³⁹.

Verba sunt Domini loquentis ad beatum Job, et querentis utrum possit sibi jungere et counire dona Spiritus septiformis, quæ per septem pleiades designantur. Hunc spiritum Christus ab æterno habuit, et homo factus eundem sine mensura recepit, ipsumque aliis secundum mensuram donationis suæ distribuit. Quod spiritum septiformem acceperit, ostenditur verbo Isaiae qui dicit: *Apprehendent septem mulieres virum unum in die illa, etc.*⁴⁰; et ut nos declaratio sermonum ejus illuminet plenius et instruat apertius, de Christo loquens: *Reqniescerit, inquit, super eum spiritus sapientiae et intellectus, spiritus consilii et fortitudinis, spiritus scientiae et pietatis; et replebit eum spiritus timoris Domini*⁴¹. Iste sunt septem oculi super lapidem unum; septemque lucernæ in candelabro aureo, sicut Zacharias commemorat⁴². Cum Filius sit a Patre, et Spi-

²⁰ Sap. 8. ²¹ Isa. 14. ²² Num. 3. ²³ Judic. 9. ²⁴ 1 Reg. 30. ²⁵ Psal. 57. ²⁶ Ezech. 16. ²⁷ Psal. 72. ²⁸ Psal. 118. ²⁹ Psal. 1. ³⁰ Jer. 48. ³¹ Sap. 1. ³² Psal. 118. ³³ Gen. 34. ³⁴ Gen. 27. ³⁵ Thren. 4. ³⁶ 1 Thess. 5. ³⁷ Isa. 38. ³⁸ Luc. 1. ³⁹ Job 38, 39. ⁴⁰ Isa. 4. ⁴¹ Isa. 11. ⁴² Zach. 3.

ritus sanctus ab utroque procedat, postquam Filius A officium suæ legationis impleverat, decebat ut et Spiritus sanctus mitteretur. Prius siquidem dederat Christus apostolis Spiritum sanctum : quod patenter indicabat perfectio sanitatum. Sed hodie datus est ei Spiritus sanctus ad usum, ad auxilium, ad solatium, ad miraculum, ad acquisitionem gentium, ad salutem omnium populorum. Datur Spiritus sanctus, ad emundationem, ad innovationem, ad justitiam, ad exsultationem. *Cor mundum crea in me, Deus* : ecce cordis mundatio. *Spiritum rectum innova in visceribus meis* : ecce animæ sanctificatio. *Redde mihi lætitiam salutaris tui : et spiritu principali confirma me* : ecce cordis mundatio. *Spiritum rectum innova in visceribus meis* : ecce innovans rectitudo. *Spiritum sanctum tuum ne auferas a me*⁵³ : ecce animæ sanctificatio, quia templum Dei et templum dæmoniorum simul esse non possumus. Mundatus et lotus postulat ut ambulet vias rectas, ne ad actus extraordinarios iterum revertatur. Innovatur corde per rectitudinem, operatur lætitia salutaris, confirmanda spiritu principali. Custodi vas tuum in sanctificatione, et habes Spiritum. Non facias proximo quod tibi non vis fieri, et habes spiritum rectum. Exhibe te coram Deo et proximo devote humilem, et habes spiritum principalem. Spiritus rectus datur in catechismo, Spiritus sanctus in baptismo, spiritus principalis in confirmatione. *Quotquot ergo baptizati sumus in Christo, Christum induimus*⁵⁴; et induiti sumus virtute ex alto. Christus qui accepit Spiritum, non ad mensuram, dedit dona hominibus, et adhuc donare non cessat. *Omnis de plenitudine ejus accepimus*⁵⁵, nec est qui se abscondat a calore ejus⁵⁶. *Cujus ignis in Sion et caminus ejus in Jerusalem*⁵⁷. Hic est ignis quem Christus venit mittere in terram. Unde et in linguis igneis super discipulos suos hodie apparuit, ut legem igneam linguæ igneæ prædicarent. De hoc igne legitur in Apocalypsi : *Cum complevisset angelus thuribulum de igne altaris, facta sunt fulgura, voces et tonitrua*⁵⁸. De hoc igne dicit Jeremias : *De excelso misit ignem in ossibus meis et eruditivit*. In Christo siquidem Spiritus sanctus plene et corporaliter habitavit. Ipse autem de Spiritu suo super omnes effudit. *Effundam, inquit, de spiritu meo super omnem carnem*⁵⁹, effundit et infudit, alii plus alii minus. Verbum Apostoli est : *Unicuique datur manifestatio spiritus ad utilitatem*⁶⁰; et : *Unusquisque proprium donum habet ex Deo : alius quidem sic, alius vero sic*⁶¹. Et subiungit : *Divisiones gratiarum sunt, et divisiones ministracionum sunt, et divisiones operationum : unus autem et idem spiritus, dividens singulis, prout vult*.

B Propter has divisiones charismatum designatur Spiritus sanctus, nunc per ignem, nunc per oleum, nunc per vinum, nunc per aquam. Ignis est, quia semper ad diligendum accendit, quia semel eo accensus ardere, id est ardenter diligere non desistit. *Ignem, inquit, veni mittere in terram et quid volo nisi ui ardeat*⁶²? De hoc igne dicit Moyes : *Ignis semper ardebit in altari*⁶³. Et Jeremias : *Facias est in corde meo quasi ignis exstans, claususque in ossibus meis, et defeci non sustinens*⁶⁴. Spiritus sanctus oleum est ratione diversarum similitudinum. Natura enim olei est quod inter omnes liquores superiorem locum semper tenet. Sic et gratia Spiritus sancti, qui abundantia suæ pietatis merita supplicum excedit et vota, excellentior est omnibus donis et omnibus bonis. Oleum medicinale est, quia dolores mitigat, sed et Spiritus sanctus vere oleum est, quia consolator est, qui consolatur nos in omni tribulatione nostra⁶⁵. Oleum naturam habet immiscibilem : nam et Spiritus sanctus fons est, cui non communicat alienus. Oleum aquis omnibus superfertur; nam et *Spiritus sanctus ferebatur super aquas*⁶⁶. Antequam Petrus accepisset Spiritum sanctum, erat caro ejus infirma, ad vocem ancillæ timens et negans; sed postquam induitus est virtute ex alto, et unxit eum oleo Deus misericordiae suæ, immutata est caro propter oleum, atque, juxta verbum Isaiae, datum est ei oleum gaudii pro luctu, et pallium laudis pro spiritu mœroris. Ille est oleum lætitiae, quo Christus unctionis est præ participibus suis⁶⁷, abundanter et super effluenter insulsum est oleum capiti nostro, id est Christo; unguentum vero quod erat in capite descendit non solum in barbam, sed etiam in oram vestimenti⁶⁸. Hæc est unctionis de qua Joannes in canonica Epistola loquens, ait : *Uncio quam accepistis a Deo, maneat in vobis. Et non erit vobis necesse ut quis vos doceat, quia unctionis ejus docebit vos de omnibus*⁶⁹.

D Habemus itaque quia Spiritus sanctus nunc per ignem, nunc per oleum designatur. Bis enim est datus Spiritus sanctus apostolis : prius ante passionem, secundo post resurrectionem. Nam et David bis unctionis fuisse legitur, et in ueste sacerdotali coecus bis tinctus apponebatur. Vide quanta est ardoris materia in apostolis : non sufficit oleum infundere, nisi oleum calesiat; non sufficit ignem apponere, nisi ignis olei infusione accendatur. Hoc igne ardentes discipuli, ibant gaudentes a conspectu concilii, in tribulationibus gloriantes⁷⁰. Unde et vox Principis apostolorum hæc erat : *Si pro Christo patimini, beati*⁷¹. *Non solum, inquit, datum est vobis ut credatis in ipsum, sed ut patiamini pro*

⁵³ Psal. 50. ⁵⁴ Gal. 3. ⁵⁵ Joan. 4. ⁵⁶ Psal. 18. ⁵⁷ Isa. 31. ⁵⁸ Apoc. 8. ⁵⁹ Joel 2. ⁶⁰ I Cor. 42. ⁶¹ I Cor. 7. ⁶² Luc. 12. ⁶³ Levit. 6. ⁶⁴ Jer. 20. ⁶⁵ II Cor. 4. ⁶⁶ Gen. 8. ⁶⁷ Psal. 44. ⁶⁸ Psal. 452. ⁶⁹ I Joan. 2. ⁷⁰ Act. 5. ⁷¹ I Petr. 5.

*ipso*⁷². Ut ergo reddat Spiritus sanctus testimonium spiritui nostro, hodiernam solemnitatem Spiritus sancti toto spiritu veneremur. Si enim honorem impendimus sanctis, oportet sanctificatorem omnium diligentius et devotius honorare. Dulcis quædam natura est in Deo Spiritus sanctus, benignitas Dei, charitas Dei, et ipse Deus. *Charitas*, inquit, *Apostolus*, *diffusa est in cordibus nostris per Spiritum sanctum, qui datus est nobis*⁷³. Spiritus sanctus se ipsum dat nobis; nec designatur auctorem munieris se ipsum conferre in munere suo. Sane vasa nostra mundanda et evacuanda sunt a peccato; alioquin, oleum stare necesse est. *Non introbit sapientia in malevolam animam*⁷⁴; nec Spiritus sanctus aliquam in se recipit fictionem. Nulla est conventio lucis ad tenebras, cœli ad cœnum, balsami ad venenum, Spiritus sancti ad peccatum. Spiritus sanctus est *vinum quod lætitificat cor hominis*⁷⁵, nec mittitur hoc vinum in utres veteres. Spiritus sanctus est aqua : *Qui silit, inquit, veniat et bibat. Flumina de ventre ejus fluent aquæ vivæ*⁷⁶. Spiritus sanctus super mel dulcis : oremus ergo in spiritu humilitatis Spiritum sanctum, per quem hodie cœli firmati sunt, per quem hodie cœli distillaverunt a facie Dei Sinai, ut hodie immittat cordibus nostris rorem benedictionis, stillicidia spirituum donorum, pluviamque voluntariam ad ablendum conscientias nostras; infundat oleum lætitiae et ignem sui amoris in cordibus nostris Jesus Christus, quem unxit Pater, in quo posuit unctionis et benedictionis plenitudinem, ut de plenitudine ejus acciperemus; cui est honor et gloria in sæcula sæculorum. Amen.

SERMO XXVI.

IN DIE TRINITATIS.

*Qui est, misit me ad vos*⁷⁷.

Verba sunt Moysi loquentis ad populum. Nihil competentius convenit Deo quam esse, qui solus vere est, per quem solum est quidquid est. Quid tamen sit cogitari non potest. Unde et temerarium credo fari de ineffabili, de incogitabili cogitare. Testimonia Salomonis : *Scrutator majestatis opprimetur a gloria*⁷⁸. Quantumcunque studeas et labores comprehendere quid sit Deus, tanto amplius deficit in te ipso. *Ascendet homo ad cor altum, et exaltabitur Deus*⁷⁹ : humana conditio semper appetit alta sapere. Sic fecerunt de quibus Apostolus dicit : *Evanuerunt in cogitationibus suis*⁸⁰. Non enim caro et sanguis potest hanc scientiam revelare; sed Filius Dei potest cui voluerit revelare. Quæramus igitur ab eo dicentes : *Rabbi, ubi habitas : Domine, ostende nobis Patrem*⁸¹. Ipse autem cum sit in accubitu suo, respondebit et dicet : *Veni, et vide :*

Anescis quia ego in Patre et Pater in me est⁸²? Expediit nobis Dei notitiam implorare, non per nos, sed per eum qui est Dei virtus et Dei sapientia, ne vaga et temeraria libertate inania meditemur. Deus siquidem simplex est, purus est, integer et perfectus, constans sibi, nil trahens sibi de temporibus aut de locis, nil habens quod in numerum transeat, nihil habens quod ab æterna immutabilitate recebat : *magnus est, et magnitudinis ejus non est finis*⁸³. Inæstimabilis est, et incomprehensibilis est, et incogitabilis, quia non habet æternitas initium, nec infinitas terminum, nec immensitas modum. Si cogitamus eum, cogitamus non sicut est, sed ex parte, sicut cogitare sufficimus, qui a cogitatione deficiimus. Intelligentus est sine forma visibili, sine specie corporali, sine compositione partium, sine distinctione membrorum : omnino liber a lege temporis, ab omni mutabilitate et conditione quietis. Creatorem per creaturas quali modo possumus invenire. Omnia enim opera Dei subtiliter attendantur, quasi quædam verba et signa, quasi quædam certa documenta sint, quæ gloriam de nobis enarrant, atque in rerum ordinatione virtutem divinæ potestatis annuntiant. Sic venitur per notitiam creaturæ ad notitiam Creatoris, sicut Apostolus loquens ad Romanos dicit : *Quod notum est Dei, manifestum est illis. Invisibilia enim ipsius a creatura mundi, per ea quæ facta sunt, intellecta conspiciuntur : sempiterna quoque virtus ejus est divinitas*⁸⁴. Mens enim humana considerans cursum rerum et ordinem, invenit unum omnium esse rectorem, unum esse omnium principium. Illud etiam principium nititur comprehendere, cum sit ipsum incomprehensibile, priusque suum invenit defectum quam perveniat ad perfectum.

DHumana itaque ratio sumum imperfectum considerans, nec illud principium valens comprehendere, intelligit esse aliquid supra se quod non potest apprehendere, et certissime comprehendit ipsum esse incomprehensibile. Quædam itaque species est notitiae Dei, scire quod non possit sciri; quod non possit omnino Dei notitia comprehendendi. Expressa hujus rei similitudo est, quod aliquis stans in littore maris, et ejus latitudinem videns, latitudinis tamen finem videre non potest. Ulterius enim se mare diffundit in latum quam visus extendatur in longum. Seit itaque ille homo ex defectu proprii visus aliquid maris esse ultra, et supra quam videre valeat, cuius comprehensioni non sufficit.

Unde cum maris magnitudo appareat ex eo quod videtur, et ex parte comprehenditur; ejus tamen immensitas ex eo quod omnino videri non potest, amplius innotescit. Est equidem supra hominem, omnemque virtutem humani transcendent

⁷² Philipp. 1. ⁷³ Rom. 3. ⁷⁴ Sap. 1. ⁷⁵ Psal. 103. ⁷⁶ Joan. 2 ⁷⁷ Exod. 3. ⁷⁸ Prov. 25. ⁷⁹ Psal. 67. ⁸⁰ Rom. 1. ⁸¹ Joan. 1. ⁸² Joan. 14. ⁸³ Psal. 144. ⁸⁴ Rom. 1.

ingenii comprehendere naturam Divinitatis. *Donum autem optimum, donum perfectum est, descendens a Patre lumenum*⁸⁶, in Patre intelligere Filium, et in utroque Spiritum sanctum. Non potest haec scire aut alium docere, nisi ille solus qui docet hominem scientiam⁸⁷: cuius unctione de omnibus docet⁸⁷. Plato inter philosophos scientia et opinione praecepit, cum circa libros Moysi multam diligentiam adhibuisse, gloriatus est se invenisse unum quod omnia operatur; sed se non posse invenire tertium constitutur. Porro illi qui in schola Christi erudit sunt, venerantur et praedicant trinitatem in Deo, et unitatem essentiae quam philosophus somniavit quidem; sed quia evanuit in cogitationibus suis, eam non potuit invenire. Ideoque ille discipulus, qui de pectore Christi familiarius, et plenius cœlestis scientiae fluenta potaverat, sacramenta trinitatis et unitatis in Deo manifestissime declarabat, cum diceret: *Tres sunt qui testimonium dant in cœlo, Pater, Verbum, et Spiritus Sanctus: Et hi tres unum sunt*⁸⁸. *Confiteor tibi, Pater cœli et terræ, quoniam abscondisti hæc a sapientibus et prudentibus, et revelasti ea puerulis*⁸⁹. Vita siquidem æterna est nosse te, Deus Pater, et quem misisti Jesum Christum⁹⁰. Sacri tamen apices, tam generationem Filii quam processionem Spiritus sancti manifeste declarant. Nam de generatione Filii scriptum est: *Egressus ejus a principio a diebus æternitatis*⁹¹. Ipse etiam Dei Filius, cum sit Dei virtus et Dei Sapientia, de sua ineffabili nativitate satis evidenter loquitur dicens: *Nondum erant abyssi, et ego jam concepta eram: nondum fontes aquarum eruperant: nondum montes gravi mole substiterant: ante omnes colles ego parturiebar. Quando præparabat cœlos, aderam, Deus: quando appendebat fundamenta terræ, eram cum eo cuncta disponens*⁹². De generatione Filii dicebat Isaias: *Generationem ejus quis enarrabit?*⁹³ Et beatus Job: *Radix, inquit, sapientiae cui revelata est?*⁹⁴ Latet enim ab oculis hominum, et a volucribus cœli abscondita est, id est angelis Dei. De Spiritu sancto scriptum est: *Spiritus Domini super me eo quod unxerit me; ad evangelizandum pauperibus misit me*⁹⁵. Et beatus Job: *Spiritus Domini fecit me, et spiraculum omnipotentis vivificavit me*⁹⁶, et ut ostendat quod ille Spiritus sit factor omnium, subdit: *Ecce et me, sicut et te fecit Deus.*

Frequenter itaque in sacro eloquio pluralitatem invenis in personis, ut ibi: *Faciamus hominem ad imaginem et similitudinem nostram*⁹⁷. Unitatem etiam invenis in essentia, cum subjungitur: *Et creavit Deus hominem ad imaginem suam; ad imaginem Dei creavit illum.* Notatur in Genesi pluralitas personarum, ubi dicitur, quia pluit Dominus super Sodomitam et Gomorrham ignem et sulphur a Domino⁹⁸. Quis est ille Dominus, qui pluit a Domino, nisi

⁸⁶ Jac. 1. ⁸⁶ Psal. 93. ⁸⁷ I. Joan. 2. ⁸⁸ I. Joan. 5. ⁸⁹ Isa. 53. ⁹⁰ Eccli 1. ⁹¹ Isa. 61. ⁹² Job. 33. ⁹³ Gen. 1. ⁹⁴ Gen. 29. ⁹⁵ Psal. 109. ⁹⁶ Psal. 32. ⁹⁷ Isa. 48. ⁹⁸ I. Petr. 2. ⁹⁹ Rom. 11.

A Filius a Patre? De quo Psalmista: *Dixit Dominus Domino meo, etc.*⁹⁹. Vis totam Trinitatem vide in sacris apicibus manifestissime declaratam? Psalmographus dicit: *Verbo Domini cœli firmati sunt, et spiritu oris ejus omnis virtus eorum*¹⁰⁰. Item in Isaia loquitur Dei Filius dicens: *Ego sum primus et novissimus, manus mea fundavit terram, et dextera mea mensa est cœlos. Antequam fieren, ibi eram; et nunc Dominus Deus misit me, et Spiritus ejus*¹. Ecce fluvius egrediens de loco voluptatis ad irrigandum faciem terræ, Trinitatis videlicet scientia, per quam nos Deus educit de tenebris ignorantiae in admirabile lumen suum². Summum enim lumen, imo vita æterna est cognoscere Creatorem suum; in tribus personis cognoscere Trinitatem, et in Trinitate adorare unitatem. Sed quæris: Quomodo Trinitatem inveniam, ubi non est nisi unitas, ubi non est nisi simplex et unissima, ut ita loquar, identitas? Cum Trinitas sine numero esse non possit, et unitas numerum non admittat, quomodo est numerus? Nunquid est numerus sine numero, aut unitas numerosa? Nunquid unitas transit in numerum, aut ab unitate numerus absorbetur, ut quæ sunt tria sint unum? Porro tres personas in una substantia numeramus, et in tribus personis unam substantiam adoramus. Unum et trinum prædicamus Dominum, ita quod in Trinitate nulla confusio sit: et sic trinitatem consistemus in personis, ut nullum fiat præjudicium unitati. Tanta siquidem unitas est in Deo, ut nil invenias in eo nisi unum. Si bonum, si beatum, si sapientem, si omnipotentem, vel quid consimile Dominum esse dixeris, licet talia multiplices, nihil addis. Ipse omnia est, sicut dicit Apostolus³, ex quo omnia, per quem omnia, in quo omnia. Ex quo omnia creabiliter, non materialiter vel seminaliter. Per quem omnia, ut ipsum omnium auctorem intelligas. In quo omnia, non quasi in loco, sed in virtute et potentia. Sicut enim est quod in loco nou est: ita cogitandus est quod nusquam sit qui non clauditur loco et nusquam non sit qui non excluditur loco. Quodam autem sublimi et ineffabili modo, sicut omnia in ipso sunt, sic ipse in omnibus. Cum autem Christus reformaverit corpus humilitatis nostræ configuratum corpori charitatis suæ, cum aperuerit oculos cordis nostri, cognoscemus eum sicut cogniti sumus, non per corporalem visionem, ut Moyses in Sina, non per imaginariam, ut Joannes in Apocalypsi, non in ænigmate sicut Ezechiel in Lumbari, in Novacula, in Sartagine; sed videbimus lumen in lumine, Filium in Patre, Spiritum sanctum in utroque: et hæc est vita æterna. Hæc est beatitudo interminabilis, gloria indeficiens, et lætitia consummata. Quam nobis prestare dignetur Filius Dei Jesus Christus: cui

⁹⁹ Luc. 10. ¹⁰⁰ Joan. 17. ¹ Mich. 5. ² Prov. 30. ³ Gen. 1. ⁴ Gen. 29. ⁵ Psal. 109. ⁶ Psal.

est honor et gloria et benedictio in secula seculorum. Amen.

SERMO XXVII.

IN FESTO S. JOANNIS BAPTISTÆ.

*Inter natos mulierum non surrexit major Joanne Baptista*⁴.

Verbum Salomonis est: *Laudent te labia proximi tui, et non tua*⁵. Si laus expetenda est, non est expetenda a se ipso, sed ab ore proximi. Gloriosior tanen est laus procedens de ore Altissimi: *Non enim qui se commendat, ille probatus est, sed quem Deus commendat*⁶. Si linguis loquamur hominum et angelorum, non poterimus explicare ad plenum Joannis merita, atque in Joanne Christi præconia. Laus Joannis celebris est in Evangelio, quia, ubincunque occurrit mentio de Joanne, commendatur a Christo. Non ergo mendicat laudis humanæ suffragia, qui laudatur a Deo, qui dicere potest: *In Domino laudabitur anima mea*⁷. Commendat Noe Dominus dicens: *Vidi te justum coram me*⁸. Commendat Abraham faciens ei promissiones benedictionis in futuris generationibus⁹. De beato etiam Job loquens ad Satan, magnificat eum quod non sit similis ei in terra: *Vir simplex et rectus et timens Dominum*¹⁰. De Moyse etiam dicit: *Si quis fuerit inter vos propheta, loquar ei in visione vel per somnum*¹¹. At non talis servus meus Moyses, qui in omni domo mea fidelissimus est: *Ore ad os loquar ei*¹². David quoque cum ipse dicit: *Deus laudem meam ne tacueris*¹³; laudatur a Domino dicente: *Inveni virum secundum cor meum*¹⁴. Testimonio Dei magni fuerunt isti, et multi alii¹⁵. Sed ejusdem testimonio: *Inter natos mulierum non surrexit major Joanne Baptista*. Illi laudum et præconiorum congregaverunt divitias, iste supergressus est universos; cuius nativitas per Gabrielem archangelum annuntiata est, sicut et nativitas Christi, cuius nomen vocatum est ab angelo, priusquam in utero conciperetur; intra Sancta sanctorum preannuntiatur, in utero sanctificatur, ut dicere possit: *Ab infancia crevit tecum sanctitas, et ab utero matris meæ egressa est tecum*. Fuit itaque factus antequam natus, et ideo processu temporis plus quam sanctus. Joannem magnificant et extollunt apud Decum et homines, miraculum in conceptione, gaudium in nativitate, sanctitas in conversatione, humilitas in sublimitate, veritas in prædicatione, zelus in contradictione, constantia in passione. Joannes adhuc ætatis teneræ, vita tamen erat ætérna. Cumqne illi dignitate successoria, atque jure hereditario pontificales insulæ deberentur, stolas auro textas cilicio postibrabuit, et teneros artus zona pelicea, pilorum

A asperitate, ciborum austerritate cohibuit. Quis, cum esset sanctificatus ab utero, innocentissimum corpus suum multipliciter castigavit, extenuavit, afflixit, et in omnibus nobis formam sanctæ conversationis exhibuit Joannes; quasi quidam limes Novi et Veteris Testamenti. Sicut scriptum est: *Lex usque ad Joannem. Missus est a Deo ante Christum, quasi umbra ante lucem; vox ante verbum, servus ante dominum, angelus ante Deum, amicus ante sponsum, præco ante judicem, miles ante regem, præcursor ante redemptorem, aurora ante diem, lucifer ante solem, lucerna ante meridiem*. Missus est in Spiritu et virtute Eliae, ut converteret corda patrum in filios¹⁶. Ipse est Angelus Dei, *de quo scriptum est: Ecce ego mittio Angelum meum, qui præparabit viam ante te*¹⁷; huic paravit Dominus lucernam Christo suo, ut alios illuminans pararet Domino plebem perfectam. *Et tu, inquit, propheta Altissimi vocaberis; præibis enim ante faciem Domini parare vias ejus*¹⁸. Et subjungit: *Ad dandam scientiam salutis plebi ejus*¹⁹. Nos ergo magnificientiam gloriæ sanctitatis in Joanne loquamur, quam si non possumus imitari, studeamus tamen cum gaudio admirari. Si non possumus splendere ut lucerna quam præparavit Dominus Christo suo, ambulemus saltem in splendoribus hujus lucernæ. Quod Joannes lucerna sit perhabet ille cuius testimonia credibilia facta sunt nimis²⁰; Christus scilicet in Evangelio loquens: *Erat, inquit, Joannes lucerna ardens et lucens*²¹. Erat Joannes quasi lucerna submodio, dum adhuc in utero matris clausus, ardebat desiderio Domini sui venientis et in occursum suum gestiens exultabat²². Sed lucerna quæ tunc erat submodio, ponenda erat super candelabrum, ut luceret omnibus: qui in domo sunt²³; et quæ illuminabat tunc solum modium, totum mundum novis irradiatuera est fulgoribus. Nonne modium suum illuminabat qui matrì suæ, mediante Spiritu sancto, tanti sacramenti notitiam revelabat? *Et unde hoc mihi, dixit Elisabeth, ut reniat Mater Domini mei ad me*²⁴? Quis tibi indicavit, o mulier sancta, quod veniret ad te Mater Domini tui? *Ut facta est, inquit, vox salutationis tuæ in auribus meis; exsultarit infans in gudio, in utero meo*²⁵. Ardebat itaque Joannes, quia de excelso missus fuerat ignis per os Gabrieles in alvum Virginis, ut per os Virginis ad pavulum veniens sanctus Spiritus ardorem infunderet, ipsumque lucernam Domino præpararet. *Anima Joannis liquefacta est, ut Maria locuta est. Spiritus sanctus qui plenissime habitabat in Virgine, procedit de Virgine in Joannem, de Joanne in Elisabeth et Zachariam*. Ex quo exsultavit spiritus Marie in Deo salutari suo²⁶, statim ad ipsius adventum Joannes exsultavit in utero; exsultavit et mater. Prophetaverunt pater et mater; omnes repleti sunt Spi-

⁴ Matth. 11. ⁵ Prov. 27. ⁶ II Cor. 10. ⁷ Psal. 35. ⁸ Gen. 7. ⁹ Gen. 22. ¹⁰ Job. 2. ¹¹ Num. 12. ¹² Ibid. ¹³ Psal. 108. ¹⁴ I Reg. 13. ¹⁵ Act. 13. ¹⁶ Luc. 1. ¹⁷ Matth. 11. ¹⁸ Luc. 1. ¹⁹ Ibid. ²⁰ Psal. 92. ²¹ Joan. 5. ²² Luc. 1. ²³ Luc. 11. ²⁴ Luc. 1. ²⁵ Ibid. ²⁶ Ibid.

ritu sancto. De ventre Mariæ flumina fluunt; erat A stum, cui honor et gloria in sæcula sæculorum. enim fons aquæ vivæ saliens in vitam æternam ²⁶. Amen.

Ignis Spiritus sancti omnes, qui in domo erant, vehementer accendit; nec est inter eos qui se abscondat a calore ejus ²⁷. Omnes ardentes, omnes lucent. Vis videre Joannem ardentes? Ardebat et exsultabat in occursum Domini nondum natus. Non est auditum a sæculis, quod aliquis in utero exsultaret. Post nativitatem vero ardebat proposito et studio sanctitatis. Ardebat contra impios zelo, et constantia liberæ correctionis. Ecce quomodo ardebat; lucebat autem vitæ merito, lucebat verbo, lucebat exemplo. Nonne lux erat quod angelico promissus est oraculo, quod nominatus ab angelo: quod conceptus est miraculo: quod sanctis leatus in utero? Nonne lucebat vitam in terris angelicam ducens, propter carnem in carne vivens, et ab humanæ salutis ministerio nunquam cessans, nunc Ecclesiæ catechizans, nunc per pœnitentiam nuntians, nunc prædicando corrigen, nunc baptizando emundans, et in omnibus plebem perfectam Domino parans. Erat, inquit, Joannes lucerna ardens et lucens ²⁸. Quidam lucere appetunt, sed ardere non curant. Ardere enim, melius est quam lucere. Ignem, inquit, veni mittere in terram, et quid volo nisi ut ardeat ²⁹? Utrumque bonum est; sed ardere magis expedit. Qui ardet et non lucet, sibi et non aliis proficit. Qui lucet et non ardet, alii et non sibi proficit. Qui autem lucet simul et ardet quod debet Deo et homini simul in se perficit. Quia luna suum aliunde lumen vindicat: ideo nunc magna, nunc parva, nunc nulla est. Sol vero quia per se simul lucet et ardet, semper in sui luminis plenitudine perseverat. Stultus ergo merito lunæ comparatur, quia propriam conscientiam et famam ponit in labiis alienis. Ideoque Salomon dicit: Sapiens permanet ut sol; stultus autem ut luna mutatur ³⁰. Qui laudis alienæ beneficio lucet sicut luna nunc erigitur, nunc deprimitur, nunc magnus est, nunc modicus sive nullus, secundum quod circa eum blandiens adulatio, vel mordens detractio variatur. Non sic Apostolus, qui glorians de testimonio conscientiae suæ dicebat: Pro minimo mihi est ut ab homine judicer, aut ab humano die ³¹. Lucebat olim ille Olius iræ, ille filius perditionis, qui de cœlo corruit; unde et Lucifer vocabatur, nunc autem Noctifer sive Tenebrifer; qui si arsisset, nullo unquam in tempore cecidisset. Hujus vestigia sequuntur, qui potius eligunt lucere quam ardere, religiosi apparere quam esse: sed ardebunt igne illo, qui preparatus est diabolo et angelis ejus ³², cuius flamma non extinguetur, cuius fator occidit, cuius ardor mortificat; mori tamen eum, qui patitur, non permittit; a quo nos avertat Sanctus ille sanctorum, qui hodie mirificavit et magnificavit in terris sanctum suum Jesum Chri-

SERMO XXVIII.

DE SS. PETRO ET PAULO.

Vidi conjunctos viros, et angelus Domini locutus est dicens: Iste sunt viri sancti facti amici Dei.

Qui sunt isti viri conjuncti, nisi reverendi principes terræ, atque Ecclesiæ Petrus et Paulus, quos eadem fides conjunxit, quos eadem civitas, eadem conversatio, eadem dies sub eodem tyranno pati in martyrio coæquavit? Quia tamen multipliciter conjuncti sunt, dignum est ut sit eorum conjuncta solemnitas, ut cum ultius honore sit dignus per se, eis titulus honoris ad gloriam dupliceatur. Decet sane nos prosequi eos præconio, quorum patrocinio indigemus, si tamen tam honoratis principibus præconium aut honorem impendere digni sumus. Nimis enim honorati sunt amici tui, Deus: nimis confortatus est principatus eorum ³³. Christus Saulum in Paulum, Cepham convertit in Petrum: nam de ipsis quandoque propheta prædixerat: Et vocabit servos suos nomine alio ³⁴. Tu es, inquit, Petrus, et super hanc petram edificabo Ecclesiam meam ³⁵. Petrus siquidem erat Christus ³⁶, suumque nomen communicat Petro, ut Petrus petra sit: nam sicut a petra sicuti populo aqua in deserto profluxit, ita et a Petro aliis in fide arescentibus salutiferæ fidei confessio emanavit. Christus ascensurus in cœlum Petrus suas oves pascendas agnosque commisit; atque post parvæ naviculae regimen, eidem gubernaculum magnæ navis, id est, totius Ecclesiæ magisterium mancipavit. Petro tanquam optimo dispensatori claves domus suæ tradidit. Justitia Petri tantam judicandi obtinuit potestatem, ut de ejus arbitrio cœlestè judicium pendeat; nec a Petri sententia etiam angelus appellare præsumat. Interrogatus a Domino Petrus quem eum dicenter homines: brevi confessionis compendio divinæ majestatis arcanum declarat in Christo. Non revelavit tibi hoc, Petre, caro et sanguis: caro enim et sanguis non possidebunt regnum Dei, sed Spiritus Dei Patris, qui in cœlis est ³⁷. Mirabilis pescator, qui olim profunda æquoris scrutabatur, inscrutabile sacramentum deitatis in Christo fideliter constitutus. Interrogante Domino: Petre, amas me ³⁸? Petrus trinam negotiationem trina negotiationis confessione delevit. Cum Christus de sacramento suæ carnis et sanguinis loqueretur, quidam abierunt retro: multi enim cum Christo ambulant, donec ad edendum carnem ejus et sanguinem veniatur. Quærente Domino nunquid reliqui vellent abire, Petrus tanquam petra fidei, et publicæ veritatis assertor respondens pro omnibus: Domine, inquit, ad quem ibimus? verba vitæ æternæ habes ³⁹. Ac si diceret: Non in solo

²⁶ Joan. 4. ²⁷ Psal. 48. ²⁸ Joan. 3. ²⁹ Luc. 12. ³⁰ Eccli. 27. ³¹ 1 Cor. 4. ³² Matth. 25.
³³ Psal. 138. ³⁴ Isai. 65. ³⁵ Matth. 16. ³⁶ 1 Cor. 10. ³⁷ Matth. 16. ³⁸ Joan. 21. ³⁹ Joan. 6.

pans virit homo, sed in omni verbo quod procedit ex ore Dei ¹⁰. *Quam dulcia faucibus meis eloquia tua super mel ori meo* ¹¹. *Quid mihi est in cœlo, Domine, et a te quid volui super terram?* ¹² Cœlum et terra, aer et mare obediunt Petro : Simonem enim Magum ab aere præcipitat, Tabitham de terra suscitat, super aquas ambulat, Ananiam et Saphiram tanquam Dominus vitæ et mortis viventes mortificat ; cœlum vero potestate claudit et reserat. Audivimus de Petro, vultis audire de Paulo. Auditivimus de viro hoc quanta mala fecerit in Jerusalem, qui non solum per Jerosolymam, sed per totam Iudeam insaniam ferebatur, ut Christi membra lanariet in terris. Verum tamen spirans minarum et cœdis in discipulos Domini, a Domino in discipulum adoptatur ; toto pectore virus exhalans, et blasphemando nomen Domini, de vase blasphemiae factus est vas electionis ut nomen Domini portaret coram regibus. *Ubi ergo abundavit delictum, superabundavit et gratia* ¹³ : ideoque mutatus in alterum virum dicebat : *Fidelis sermo, et omni acceptione dignus, quoniam venit Dominus Jesus salvos facere peccatores, quorum primus ego sum* ¹⁴. Paulus dum adhuc conuersaretur in terra, raptus in tertium cœlum, in schola sanctæ Trinitatis didicit quod ei aliis communicare non licuit. Si ergo nobis aperuit quæ mens humana non potest comprehendere, quanta sunt ea quæ nobis prohibitus est aperire ? Quia Paulum schola cœlestis instruxerat, ei tanquam idoneo doctori Dominus magisterium ecclesiasticæ instructionis injunxit. Quod Elymam percussit ¹⁵, quod Eutychum morti abstulit ¹⁶, quod famem, quod nuditatem, quod sitim, quod omnia fere humanæ conditionis pericula pro Christo sustinuit, et cætera quæ in Actibus apostolorum leguntur Paulus cedunt ad cumulum gloriæ et honoris. Nulla erit Petri excusatio, qui post agnitionem veritatem retro abiit, post manum missam ad aratum, retrospergit, et ingratus acceptæ gratiæ crimen apostasiæ commisit. Paulus etiam post lapsum dicit : *Blasphemus fuī, sed misericordiam consecutus sum, quia ignorans feci* ¹⁷. Ignorantia Paulum excusat, secique ignorantia in Paulo, ut blasphemia bæc non esset in Spiritum sanctum, quæ est irremissibilis. Ille lapsus est, iste prostratus, uterque infirmatus, ut fortior surgeret et perfectus. *Pluviam voluntariam segregavit Deus hæreditati suæ, et infirmata est, tu vero perfecisti eam* ¹⁸ : nam virtus in infirmitate perficitur ¹⁹. Vere viri misericordiae sunt isti, tantam et tam inæstimabilem misericordiam consecuti. Petrus de sua stabilitate præsumens, ibi gravius cecidit, ubi fortius stare promiserat : tamen post detestabilem apostasiæ reatum magistrum fidei et ecclesiastice dignitatis obtinuit principatum.

A Paulus cœcitate percussus, et dejectus in terram ad tertium cœlum tollitur, ut ineffabilem cœlestis curiæ gloriam purgatiore mentis oculo contempletur. Credo, fratres, dum istorum gloriosam mortem recolimus, quod omnium apostolorum et martyrum gloriam promovemus ; istos enim tanquam martyres, et apostolorum apostolos veneramur. O beatum martyrium ! o gloria mors, quæ efficit immortales commorientes Christo, et complantati similitudini mortis ejus ei modo conregnant ! *Visi sunt oculis insipientium mori, et aestimata est afflictio exitus eorum* ²⁰ : sed beati qui in Domino moriuntur ²¹. Obdormierunt in Christo, ut Christi fuerent cohæredes. *Cum enim dederit dilectis suis somnum, ecce hæreditas Domini* ²². In pace in idipsum dormiam et requiescam ²³. Viriliter et usque ad mortem laboraverunt in vinea Domini Sabaoth : sed Amodo jam, dicit *Spiritus, ut requiescant a labores suis : opera enim illorum sequuntur illos* ²⁴. Quid est opera eorum sequuntur eos ? Dominus hoc exponens : *Date, inquit, eis de fructu operum suorum, et laudent eos in portis opera eorum* ²⁵ ; porta est exitus vitæ.

C Et quid est vitæ exitus homini justo, nisi porta mortis, et porta vitæ ? Scriptum est : *Non timebit justus, cum loquetur inimicis suis in porta* ²⁶. Non timebat B. Martinus, cum loqueretur inimico astanti in porta : Quid hic, inquit, astas, cruenta bestia, nil in me funestum repieres. Secure poterat psallere et dicere cum Propheta : *Converte, anima mea, in requiem tuam, quia Dominus beneficet tibi ; quia eripuit animam meam de morte, oculos meos a lacrymis, pedes meos a lapsu* ²⁷. Dicant ei apostoli nostri : *Animæ nostra, sicut passer, erepta est de laqueo venantium. Benedictus Dominus, qui non dedit nos in captionem dentibus eorum* ²⁸. O draco pessime, quem Dominus formavit ad illuminandum ²⁹, tu beatis apostolis machinabis interitum, sed interitus eis versus est in triumphum. Fecerunt sibi de necessitate virtutem : peccati meritum in præmium mutaverunt. Sic ergo reddit Dominus mercedem laborum sanctorum suorum ; ejusque pro meritis retribuit abundantiter Dominus potens, liberalis et dives. Amen dico vobis, super omnia bona sua constituet eos : bona scilicet, quæ nec oculus vidit, nec auris audivit, nec in cor hominis ascendit quæ præparavit Deus diligentibus se ³⁰. Hæc est mensura plena, et coagitata et supereffluens ; *pax* scilicet *Dei quæ exsuperat omnem sensum* ³¹. Ecce viri misericordiae, quorum justitia oblationem non receperunt, cum semine eorum permanenter bona ³². Justitiam hominis triplici ex causa delet oblivio. Si enim in justitia tepidus es, Dominus ex ore suo te evomit, et sic oblitiscitur justitiae

¹⁰ Matth. 4. ¹¹ Psal. 118. ¹² Psal. 72. ¹³ Rom. 5. ¹⁴ 1 Tim. 4. ¹⁵ Act. 13. ¹⁶ Act. 20. ¹⁷ 1 Tim. 4. ¹⁸ Psal. 67. ¹⁹ II Cor. 12. ²⁰ Sap. 5. ²¹ Apoc. 14. ²² Psal. 126. ²³ Psal. 4. ²⁴ Apoc. 14. ²⁵ Prov. 31. ²⁶ Psal. 126. ²⁷ Psal. 114. ²⁸ Psal. 125. ²⁹ Psal. 103. ³⁰ 1 Cor. 2. ³¹ Philipp. 4. ³² Eccli. 44.

tuæ. Si averteris a justitia tua, omnium justitiarum tuarum quas fecisti non recordatur, et sic justitia tua sub oblivione relinquitur. In hypocrisi justitiae tuæ receperisti mercedem tuam, et hæc justitia apud Deum in memoriam non meretur. Cum semine, inquit, eorum permanent bona. Exiit Christus seminare semen suum. Christi semen est justorum generatio in fide, sicut scriptum est : Potens in terra erit semen ejus : generatio rectorum benedicetur⁶³. Benedicetur hæc generatio, quia isti sunt semen cui benedixit Dominus. De senine rectorum iterum loquens dicebat : Semen servorum tuorum possidebit terram, et qui diligunt nomen ejus habitabunt in ea⁶⁴. Sane Christus, cum esset primogenitus in multis fratribus⁶⁵, quasi sine semine moriturus dicebat : Singulariter sum ego, donec transeam⁶⁶. Dicebat itaque (juxta legis observantiam) ut fratres semen fratris mortui suscitarent⁶⁷. Illi ergo quos Dominus vocat fratres, et de quibus dicit : Vade et dic fratribus meis, etc.⁶⁸. Et extendens manus in discipulos : Isti sunt, inquit, fratres mei⁶⁹. Nos pro Christo tanquam fratri suo, et non sibi per gratiam parvulos genuerunt. Nemo enim dicit : Ego sum Pauli, ego sum Cephae, ego sum Apollo⁷⁰, quia omnes sumus Christi. Semen et hæredes Christi per adoptionem ; filii et nepotes apostolorum per prædicationem. Porro filii degeneres, et omnino hæreditate indigni sumus : qui tanquam mulieres et parvuli imbelles patrum nostrorum bella triumphosque laudamus, et calicem verbi salutaris abhorrentes accipere, in temptationibus etiam modicis a pusillanimitate spiritus, et in tempestate subvertimur. Isti siquidem in suo sanguine fidei testimonium reddiderunt. Utinam nos salutem in aqua et spiritu testimonium perhibere possimus ! Moyses quidem venit in aqua tantum : isti venerunt in aqua et sanguine, in aqua pœnitentia, et sanguine passionis. Spiritus etiam sanctus tertius testis eis non defuit : nam Spiritus est qui testificatur⁷¹. Scriptum est autem : Qui Spiritum Christi non habet, hic non est ejus⁷². Sapientia Dei Christus Jesus est. Ipse est qui dicit : Spiritus meus super mel dulcis⁷³. Vere magnifice et multipliciter dulcis. O quam magna multitudo dulcedinis tuæ, Deus⁷⁴, per quam apostolis et martyribus etiam ipsa mortis amaritudo dulcescit. Quid agimus, fratres ? Videmus apostolos passione transisse in gloriam ; nos autem tepidi et remissi, sequimur vanitates et insanias falsas, sperantes obtinere sine pœnitentia veniam, sine labore præmium, sine tribulatione coronam. Unum precor. Si volumus intelligere patientiam Christi, per quam ad pœnitentiam misericorditer nos exspectat : sentiamus saltem flagella ipsius, in quibus nos eruditat, suæque saluberrimæ voluntati consentire compellat,

A et eveniat quod ipse loquitur per prophetam : In manu, inquit, sorti è brachio extento, et in flagello meo regnabo super vos, et subjiciam ros sceptro meo, et inducam vos in vincula fæderis mei⁷⁵. Quod ipse in his qui pœnitentiam differunt, implere dignetur Christus Jesus, cui sit honor et gloria in sæcula sæculorum. Amen.

SERMO XXIX.

IN EODEM FESTO.

Duo ubera tua sicut hinnuli capreæ gemelli qui pa-scuntur in liliis⁷⁶.

Sponsus in Cantico amoris sponsam alloquitur, comparans duo ubera ejus duobus hinnulis capreæ gemellis, etc. Hæc duo ubera, duo apostoli sunt, quorum hodie solemnitas celebratur : in qua potamur ab uberibus consolationis eorum. Isti sunt reges et principes terræ, de quibus scriptum est : Constitues eos principes super omnem terram⁷⁷. Et licet sint reges, tamen ubera sunt, quia lacte doctrinæ nos nutrunt, sicut legitur in propheta : Principes nutriti tui erunt, et mamilla regum lacaberis⁷⁸. Nonne novitios, et quasi parvulos in fide Petrus lactare videtur cum dicat : Quasi modo geniti infantes rationabiles sine do'o lac concupiscite⁷⁹? Et Paulus : Lac dedi vobis potum, non escam⁸⁰ : Et idem : Factus sum in medio vestri nutrix sedens, et nutriendi parrulos suos⁸¹. Parvulus dabat mammillam, dabat et animam, et lacte misericordiæ plenus non solum misericordiam Spiritus sancti Filius desiderabat immulgere, sed se totum impendere. Ubere uberat lacte misericordiæ plenum, in cuius decollatione est pro sanguine lac effusum, antequam isti essent virtute induiti ex alto, antequam repente sanctus esset de cœlo sonus : antequam hæc uera lacte gratiæ plena essent, compatiebatur Ecclesia beatorum spirituum. Ecclesiæ adhuc parvula dicitur quod in Canticis legitur : Soror nostra parvula est, et ubera non habet⁸². Christus equidem in diebus carnis suæ multos genuerat filios Verbo veritatis, sed adhuc infantuli erant, et tanquam initium aliquod creaturæ ejus⁸³. Incumbebat ergo apostolis, ut eos cum diligentia instruerent, donec adducerentur ad perfectum, et formaretur Christus in eis. In provectione istorum Ecclesia gloriatur se non solum adultam, sed etiam civitatem effectam. Ego, inquit, murus, et ubera mea turris⁸⁴. Isti sunt columnæ geminæ in tabernaculo Domini, duo montes ænei, duæ tubæ argenteæ quas fecit Moyses ad clangendum in neomeniis et bellis. Hi sunt duæ spicæ, sicut in Zacharia legitur, et duo filii olei splendoris, qui assistunt dominatori universæ terræ⁸⁵. Nonne bene sunt filii olei, qui in Christi charitate

⁶³ Psal. 111. ⁶⁴ Psal. 68. ⁶⁵ Rom. 8. ⁶⁶ Psal. 140. ⁶⁷ Deut. 45. ⁶⁸ Joan. 20. ⁶⁹ Matth. 42. ⁷⁰ 1 Cor. 1. ⁷¹ 1 Joan. 5. ⁷² Rom. 8. ⁷³ Eccli. 24. ⁷⁴ Psal. 30. ⁷⁵ Ezech. 20. ⁷⁶ Cant. 4. ⁷⁷ Psal. 44. ⁷⁸ Isai. 49. ⁷⁹ Petr. 2. ⁸⁰ 1 Cor. 13. ⁸¹ 1 Thess. 2. ⁸² Cant. 8. ⁸³ Zach. 4.

fundati et geniti, quasi olea fructifera in domo Domini⁴⁴ tam in se quam in aliis florent et fructificant? De Ecclesia justorum dicit Jeremias: *Olivam uberem, pulchram, fructuosam, speciosam vocavit Dominus nomen tuum*⁴⁵. Vere filii olei sunt, quos *unctio docet de omnibus*⁴⁶. Alteri, id est Petro, commissa est Iudea sterilis, scilicet et infructuosa, de qua per prophetam dicitur: *Mentietur opus olivarum*⁴⁷. Paulo commissus est oleaster, id est gentilis populus olivis pinguibus inserendus. Isti sunt viri misericordiae, tum quia misericordiam consequuntur, tum quia misericordia pleni sunt. *Blasphemus*, inquit Paulus, *sui, sed misericordiam consecutus sum*⁴⁸. *Ubi abundavit delictum superabundavit et gratia*⁴⁹. Ipse idem lugens eos qui peccaverunt, et paenitentiam non egerunt, nonne vir misericordiae erat? *Quis infirmatur et ego non infirmor? quis scandalizatur et ego non uror*⁵⁰? Isti viri misericordiae solliciti sunt de salute nostra, ut nos cum eis consummemur ad vitam. Sicut Apostolus dicit: *Deus providet nobis, ne sine nobis consummetur*⁵¹. Isti duo martyres, et plusquam martyres, quia martyrum duces quasi duo oculi in corpore Ecclesiae, quasi duo luminaria in firmamento cœli; quia usque hodie ad justitiam erudierunt multos, elevati sunt in perpetuas aeternitates⁵². Lætemur de honore, et glorificatione eorum, si tamen eos honorare possumus, aut digni sumus, quia *nimirum honorati sunt amici tui, Deus*⁵³. Sufficeret solemnitas unius ad totius Ecclesiae gaudium; sed conjuncta est amborum solemnitas ad cunctum gaudiorum. Hinnuli capreæ gemelli jam non hinnuli, sed cervi salientes in montibus; jam non discipuli, sed magistri, et pastorum principes. Gemelli tamen, quia gloriosi principes terræ, quomodo in vita sua dilexerunt se, ita et in morte quoque non sunt separati. Uno eodemque die, non revoluto anno, sicut quorumdam *mentita est iniquitas sibi*⁵⁴, Petrus a Nerone in Vaticano crucifigitur, Paulus in catacumbis, quasi morte digniori, tanquam Romanus civis gladio consummatur. Isti nos docuerunt legem tuam, Domine: non Platonis invisibles graphos, nec Aristotelis versutias inversare, nec præstigiosi juris contrarietates exponere, sed docuere nos vivere. Bene vivit qui ordinaliter vivit, socialiter, humiliiter: ordinaliter sibi, socialiter proximo, humiliiter Deo. Habemus eos, fratres, in memoria et reverentia, quia potentissimi sunt ut nos adjuvent apud Deum. Si mortales potentiam habuerunt, immortales potentiores effecti sunt. Et quis potenter Petro, cui terra mortuos suos reddidit, cui mare se calcabile præbuit, qui Simonem Magum levatum in aere dejicio allisit, qui claves cœli ita potestate accepit, ut sententia ejus præcedat

A sententiam cœli? Quis Petro sapientior, cui *caro et sanguis non revelavit*, sed *Spiritus Patris summi*⁵⁵? Quid Paulus, qui Elymam magum exercitate persecutiens, juvenemque lapsum de fenestra suscitans, ad tertium cœlum raptus, scholæ cœlestis arcana cognovit, nobisque vitæ scientiam attulit? Si miracula quæ Deus operatus est per eos recensere velimus, non sufficeret totus dies. Vere viri misericordiae, per quos misericordiam suam Dominus magnificavit, et mirificavit in nobis. Et quis gravius Petro in religione deliquerit? quis extra religionem gravius Paulo? Ambo tamen non solum sanctitatem adepti sunt, sed ministerium fidei et magisterium sanctitatis. O quam pretiosa est mors sanctorum, per quam datur æternæ salutis hereditas! B *Visi sunt oculis insipientium mori*⁵⁶, sed in pace dormiunt; nam et Lazarus qui amicus est dormit⁵⁷: Nam quum dederit Dominus *dilectis suis somnum*, ecce hereditas Domini⁵⁸. Isti sunt filii olei, viri misericordiae, hinnuli capreæ gemelli, duæ olivæ, duæ spicæ, duo ubera sponsæ, de quorum doctrina concupiscimus saepè lac, ut crescamus in salutem, donec Christus perficiatur in nobis, et nos cuim sanctis ejus consummemur ad vitam, ipse prestante, cui est honor et gloria in sæcula sæculorum. Amen.

SERMO XXX.

DE SANCTA MAGDALENA.

C *Gaudium est angelis Dei super uno peccatore paenitentiem agente, quam super nonaginta novem justis, qui non indigent paenitentia*⁵⁹.

Gaudiente peccatores, et maxime paenitentes, quia publica peccatrix, et beata paenitentrix hodie paenitentiae exemplum se nobis proposuit, et quanta sit circa paenitentes misericordia Salvatoris ostendit. Si quis peccatorem se sentit, devotus accedat ad memoriam peccatricis. Ut de beata Virgine taecam, quæ superabundanter et superafluentiter repleta est Spiritu sancto, Elias, Jeremias, Joannes Baptista, qui sanctificati fuerunt ex utero, nostras infirmitates passi non sunt. Melius novit misereri miseras nostras quandoque passa; et quæ beneficium quod a se peti videt, in alio est experta. Credo hanc existisse primipilariam, et magistram omnium paenitentium in negotio cœlestis gratiae acquirendæ. Exemplo et imitatione istius causam et initium habuerunt confessio latronis in cruce, supplicatio Chananæ, devotio Publicani, lacrymæ Petri, conversio Pauli, Cain post peccatum suum genuit, Esau flevit, Judas paenituit; sed quia nullus Mariæ contritionem habuerit, nullus eorum paenitentiae fructum fecit. Multi voluerunt placare Deum effundentes copiam lacrymarum, verum tamen in diluvio aquarum multarum, ad eum non approximabunt⁶⁰. Quid enim va-

⁴⁴ Psal. 51. ⁴⁵ Jer. 11. ⁴⁶ I Joan. 2. ⁴⁷ Habac. 3.
⁴⁸ Dan. 12. ⁴⁹ Psal. 138. ⁵⁰ Psal. 26. ⁵¹ Matth. 16. ⁵² Sap. 3. ⁵³ Joan. 11. ⁵⁴ Psal. 126. ⁵⁵ Luc. 15.
⁵⁶ Psal. 31.

⁵⁵ I Tim. 4. ⁵⁶ Rom. 5. ⁵⁷ II Cor. 4. ⁵⁸ Hebr. 11.

lent lacrymæ, nisi ex corde contrito, et humiliato procedant. In Mariæ siquidem anima magna commotio erat, quæ per cordis contritionem et poenitentiales lacrymas se diffundens, interiores motus animæ mirabiliter exhibebat. Vocavit Dominus terram et audivit eum cum tremore. Cum auditum fecit de cœlo judicium, terra tremuit, sed tremendo et poenitendo purgata quievit. Quæ prius fuerat sentina vitiorum, facta est Spiritus sancti sacrarium; quæ erat vorago flagitorum, facta est apotheca spiritualium gratiarum: cui posita erat securis ad radicem, et ignis ad combustionem, nunc fructifera facta est in domo Domini, ut possit dicere: Audite me, divini fructus, quia quasi rosa plantata super rivos aquarum fructificavi. Reminiscentia Maria peccatorum suorum, et judiciorum Dei terribilium vehementi dolore concussa est. *Abyssus abyssum invocat*⁸. Est enim abyssus judiciorum Dei, sicut scriptum est: *Judicia Dei abyssus multa*⁹. Est abyssus peccatorum de qua scriptum est: Peccator cum venerit in profundum, sive abyssum, vitiorum conuenit¹⁰. Abyssus ergo judiciorum invocat abyssum peccatorum, dum divini judicii terrore concutitur, a peccatorum recordatione turbatur: commota est ergo et contremuit terra. *Horrendum enim est incidere in manus Dei viventis*¹¹. A facie Domini mota est terra, a facie Dei Jacob. Qui convertit rupem in stagna aquarum¹², id est eam quæ in sua ma'itia obduruerat, liquefecit in copiam lacrymarum. Haec sunt aquæ, de quibus Propheta loquitur dicens: *Exitus aquarum deduxerunt oculi mei, quia non custodierunt legem tuam*¹³. Ista aquæ de timore et humilitate hauriuntur, quasi de fontibus Salvatoris. Maria diligebat Jesum, audiensque ab eo verba vitae et terrible judicium mortis æternæ, his qui non arripiunt poenitentiæ viam, terrore judicii et patriæ coelestis desiderio intabescens poterat dicere: *Anima mea liquefacta est, ut dilectus locutus est*¹⁴. Ad sermones dilecti liquefacta resolvitur in aquarum affluentiam. Scriptum est enim: *Emittet verbum suum et liquefaciet ea: flabit spiritus ejus et fluent aquæ*¹⁵. Sermo siquidem Domini vivus, et efficax, et penetrabilior est omni gladio ancipiti¹⁶. Quamvis enim verba Domini sunt dulciora super mel et favum, testimonio lamenti Jeremiæ sunt *sicut ignis, et sicut malleus conterens petram*¹⁷. Unde et Psalmista dicit: *Molliti sunt sermones ejus super oleum, et ipsi sunt jacula*¹⁸. Dilecto igitur loquente, et Spiritu sancto flante, liquecit quæ amat, et fluunt aquæ, quibus irrigatur hortus deliciarum, qui austro perlatur, ut fluant aromata illius. Et haec quidem lacrymæ mellifluæ sunt; etenim cœli distillaverunt stillicidia super terram, quibus letabitur germinans, et, pluviam voluntariam segregabit Deus hæreditati suæ¹⁹.

A Utrumque irriguum assecuta est haec mulier²⁰: inferius irriguum quod eam viviscaet et secundat. Irriguum etiam superius quod ei rorem divinæ contemplationis irrorat. Si ergo quæ plantata fuerat in terra salsuginis per Christi gratiam transplantata est super aquam refectionis, vere mutatio haec mutatio est dexteræ Excelsi. Sunt qui ad poenitentiam converti, et in melius poenitendo mutari differunt et contemnunt, quibus non convenit vox illa: *Hæc est mutatio dexteræ Excelsi*²¹. Non enim est illis commutatio, et non timuerunt Deum, ut saperent et inteligerent, et timendo ac poenitendo novissima providerent. Certum est autem quia *initium sapientiae timor Domini*²². Initium sapientiae idem quod initium viæ bonæ. Testimonio autem Salomonis: *Initium viæ bonæ facere justa*²³. Justitia siquidem poenitentia et confessione acquiritur. Quid est enim justitia, nisi remissio peccatorum? *Dixi, inquit, Confitebor, et tu remisisti*²⁴. Haec est justitia quæ ambulat ante Deum, sicut scriptum est: *Justitia ante eum ambulabit, et ponet in via gressus suos*²⁵. In hac beata peccatrice occurruunt sibi, et sese osculantur justitia et pax²⁶, justitia scilicet et peccatricis punientis se, et pax Dei indulgentis. In hoc osculo confirmatur fœdus reconciliationis. Quid enim faciet pius et misericors judex, cum viderit eorū contritum et humiliatum, spiritumque contribulatum, peccatricem poenitentem ac flentem, ac pedes ejus lacrymis irrigantem? Magnus est humiliatis fructus, nihil ea magis est in donis Dei, nihil pretiosius in thesauris Altissimi, nihil sanctius inter charismata divina largitionis. Vere apud te, Christe Jesu, est fons vitae, spes indulgentiae, expectatio venie, plenitudo misericordiae, qui filiam Babylonis, tam subito facis filiam Sion; filiam perditionis, filiam gratiae et salutis: nec solum filiam, sed sponsam et amicam Altissimi. Figura hujus rei est, quod filius prodigus, postquam luxuriose vixerat, revertitur ad patrem, et paterna lenitate suscipitur²⁷. Quaritur ovis centesima quæ perierat, et ad caulas reducitur²⁸. Everrit mulier domum suam et, accensa lucerna, drachma quæ erat perdita invenitur²⁹. Nonne erat lucerna accensa in corde Mariæ, per quam poenitentiæ lucebat exemplis, et desiderio diuinæ amoris ardebat. Quoniam ardenter amavit, ardores sempiternos evasit. O quam melius est ardere delectabili amore, quam igne horroris et mortis ardere! Inter poenitentiales lacrymas gehennale incendium extinguitur, et efficitur fornax Babylonius ventus roris. Heu mihi, si abluerit Dominus sordes filiarum Sion, et si sanguinem laverit de medio Jerusalem in spiritu judicii et spiritu ardoris³⁰! Infelix ego, quis poterit habere cum igne devorante, et cum ardoribus sempiternis³¹? Bonum esset cum Maria

⁸ Psal. 41. ⁹ Psal. 48. ¹⁰ Prov. 36. ¹¹ Hebr. 40. ¹² Psal. 54. ¹³ Psal. 67. ¹⁴ Psal. 51. ¹⁵ Psal. 48. ¹⁶ Psal. 84. ¹⁷ Luc. 45.

¹⁸ Psal. 113. ¹⁹ Psal. 118. ²⁰ Cant. 5. ²¹ Psal. 447. ²² Judic. 1. ²³ Psal. 76. ²⁴ Psal. 410. ²⁵ Prov. 46. ²⁶ Ibid. ²⁷ Ibid. ²⁸ Isai. 4. ²⁹ Isai. 33.

purgari per pœnitentiam, et sice evadere horribilem et interminabilem pœnam. Bonum esset ardere cum Maria per charitatem, et sic evadere sempiternum ardorem. Quid est enim charitas, nisi quidam ardor ignis? *Ignem, inquit, veni mittere in terram, et quid volo nisi ut ardeat?*²⁷ Accendatur in nobis, Jesu Christe, charitas tua, ut simus sinceri, et sine offensione in die Domini, eorum participes effecti per pœnitentiam, quibus reprobavit Dominus gloriam regni sui, cui est honor et gloria in sæcula sæculorum. Amen.

SERMO. XXXI.

IN FESTO SANCTI PETRI AD VINCULA.

Referunt Historiae quod secundus Herodes, Ille-
rodes Antipas, qui decollavit beatum Joannem, deportatus est a Caio Cæsare Lugdunum cum Herodiade, et ibi mortui sunt. Cui substitutus Herodes Agrippa, filius Aristoboli, nepos magni Herodis, et frater Herodiadis, factus est a Caio non solum tetrarcha, sed et rex totius Judææ. Illic volens gratificare et placere Judæis, cum occidisset Jacobum fratrem Joannis evangelistæ gladio, apposuit ut apprehenderet et Petrum, ut eum faceret spectaculum et ludibrium populo post Pascha, et tandem eum turpi morte afficeret; sed liberatus a vinculis per angelum, Herodis et Judæorum malitia, licet inter duos milites jaceret et a quatuor quaternionibus custodiretur, evasit.²⁸ Processu temporis cum filia cuiusdam principis Romanorum gutturnosa esset (et est morbus Campaniæ), consilio beati Alexandri papæ, qui a patre pueræ tenebatur in vinculis, quæsivit vincula quibus beatus Petrus olim ligatus in carcere fuerat, et tactu illorum liberata est. Propter quod et beatus Alexander liberatus a vinculis instituit hoc festum, et ædificavit ecclesiam Romæ, quam vocavit ad Vincula S. Petri. Jeremias et alii prophetæ leguntur suis in vinculis, sed et Paulus, et Joannes qui in Pathmos insula relegatus fuit, et Jacobus, et alii fere omnes. Verumtamen nullius vincula in tanta reverentia habita sunt sicut vincula Petri: quod forte accidit propter prædictum miraculum, aut (quod verius puto) vincula ejus in honore habenda sunt, quia ipse est dominus vinculorum. Ipsi enim singulare privilegio data est potestas ligandi atque solvendi.²⁹ Ut ergo aliquid de vinculis Petri dicamus, videamus qualiter et a quibus tenebatur in vinculis. Traditus siquidem erat quatuor quaternionibus militum, et jacebat in carcere tenebroso inter duos milites, vinctus catenis duabus. Hanc actualem incarcerationem Petri potest unusquisque nostrum in se spiritualiter contemplari. *Invisibilia enim Dei a creatura mundi per ea quæ facta sunt, intellecta conspicuntur.*³⁰ Habemus no-

A strum Herodeni, nostrum carcerem, nostros quaterniones. Nam quaternio nomen est officii, non numeri, sicut centurio, quinquagenarius, decanus, duumvir, triumvir. Habemus nostros milites, nostras catenas, nostrum angelum. Herodes pelliceus interpretatur, id est deceptor, quia versulus est et versipellis. Unde Apostolus: *Non ignoramus versatias Satanae*³¹. Herodes, quandiu perigrinamur a Domino, quasi in quadam carcere, imo in carcere mortis hujus, ut carcere corporis nos affligit. Unde Psalmista: *Possit me in obscuris sicut mortuos seculi*³². Et in carcere isto clausus Jeremias exclamare compellitur: *Circumædificavit adversum me in gyro, ut non egrediar, aggravavit super me pedem suum*³³. Et idem: *In tenebris collocavit me sicut mortuos sempiternos*³⁴. Apostolus sentiens ejusdem carnis angustias conquerendo exclamat: *Infelix ego homo! quis me liberabit de corpore mortis hujus?*³⁵ Quatuor sunt quaterniones militum, quorum unusquisque quatuor milites sub se habet. Primus quaternio superbia, secundus malitia, tertius luxuria, quartus avaritia. Superbia sub se habet inanem gloriam, arrogantiæ, præsumptionem, singularitatem. Inanis gloria est, cum quis de bono quod in eo est, intumescit, et ab ipsa gloria inani opprimitur, meliorem se reputans quam ipse sit. De isto dicit propheta: *Superbus est Moab, et elatio ejus plus quam fortitudo ejus*³⁶, sicut legitur de Eleazaro: qui cum elephantem occidisset, oppressus est ab eodem.³⁷ Arrogantia est, cum quis de honore et divitiis hujus sæculi gloriatur, sicut Nabuchodonosor dicit: *Nonne hæc est Babylon magna, quam ædificari in robore fortitudinis meæ, et in gloria decoris mei?*³⁸ Præsumptione est, cum dona quæ: Deo habet, sibi et non Deo ascribit, sicut philosophi gentium dicentes: *Labia nostra a nobis sunt, quis noster Dominus est?*³⁹ Qui cum Dominum gloriæ cognovissent, non tanquam Deum glorificaverunt. Singularitas est, cum quis dona spiritualia quæ habet a Deo recognoscens, alios in elatione conscientia sua vilipendit, sicut ille Pharisæus: *Gratias tibi ago, Deus, quia non sum sicut cæteri hominum, peccatores, raptiores, adulteri, sicut et hic publicanus*⁴⁰. Exemplum habes in Elia; sed familiarius in Pharisæo. Malitia sub se quatuor milites habet: sævitiam, impatientiam, audaciam, impudentiam. Sub luxuria sunt alii quatuor: ingluvies ventris, mollities vestium, immunditia carnis, resolutio otii et soporis. Sub avaritia sunt pusillanimitas, inhumanitas, contemptus Dei, et oblivio mortis. Duo milites inter quos jacet miser et incarcerated, sunt ignorantia boni et concupiscentia mali. Duæ catenæ, titillatio carnis, et anor mundi. Et quis est iste angelus, qui educit Petrum de carcere? ipse est qui educit vincitos in fortitudine, et eos qui habitant in sepulcris!⁴¹

²⁷ Luc. 12. ²⁸ Act. 12. ²⁹ Matth. 16. ³⁰ Rom. 5. ³¹ II Cor. 2. ³² Psal. 442. ³³ Thren. 3. ³⁴ Ibid. ³⁵ Rom. 7. ³⁶ Isai 16. ³⁷ Mach. 6. ³⁸ Dan. 4. ³⁹ Psal. 11. ⁴⁰ Luc. 18. ⁴¹ Psal. 67.

Corpora namque nostra animarum sepulera sunt; **A** qui portas iereas et rectes ferreos confregit⁴², qui ponit humiles in sublimi, ut mōrentes erigit sōspitate. Angelus iste est firma obedientia. Ille est quam præmittit Dominus, quasi angelum ante faciem suam, et præparat viam vitæ. Unde merito educit Simonem Petrum: *Simon obediens, Petrus firmus:* nam qui firmus est in observantia obedientie, per obedientiam de carcere liberatur, ut jam non sit ei claustrum carcer, sed thalanus quietis et paradiſus voluptatis. Transit autem primam et secundam custodiam. Prima custodia est consuetudo in peccatis; secunda, vehementia temptationis. Difficile transeuntur istæ custodiæ: difficile est consueta relinquere, et difficile est post delicias hujus saeculi duritiam et rigorem vitæ abstinentioris amplecti. Sed et temptationes quæ incessanter insurgunt, quibus dæmones animam impugnant, sicut expugnaverunt a juventute sua, difficile est evadere nisi obediendi humilitas precederet: quæ facit obedientem omnia sine difficultate transire. Humilitas hæc est, quæ omnes laqueos diaboli transit. Diabolus enim laqueos habet de quibus legitur: *In via hac qua ambulabam, absconderunt laqueum mihi*⁴³. Et Job: *Abscondita est in terra pedica ejus, et decipula ejus super semitam*⁴⁴. Legitur quod beatus Antonius rapplus a Domino in extasim, vidi omnes laqueos inimici, et erant valde intricati et perplexi, quia sicut Job dicit: *Perplexi sunt nerri testiculorum Leviathan*⁴⁵. Et cum videret sanctos illos intransibiles et inextricabiles laqueos, exclamavit: « Domine, quis transibit laqueos istos? » Et facta est vox dicens: « Humilitas. » Transit humilitas, ubi, fratres, superbia ad superlinimare obtunditur: evadit humilitas, ubi in astutia sua malitia deprehenditur. Porta ferrea est charitas: propter fortitudinem hæc alibi vocatur porta speciosa. Ista est de qua scriptum est: *Hæc porta Domini, justi intrabunt in eam*⁴⁶. Ille est porta speciosa, quæ in destructione Jerusalem sola remansit; nam sive fides, sive scientia evacuabuntur, *charitas nunquam excidit*⁴⁷, et ideo propter stabilitatem ferrea dicitur. Ille est quæ ducit ad civitatem habitationis. *Non habemus hic manentem civitatem, sed futuram inquirimus*⁴⁸, in qua est dies sine nocte, sine labore requies, et gloria sine fine, ad quam immensa Christi charitas nos deducat, cui est honor et gloria in saecula sæculorum. Amen.

SERMO XXXII.

IN FESTO S. LAURENTII.

Separavit Moyses trans Jordanem ad orientem plangam tres civitates refugii: Bosor in solitudine, in

Bterra campestri de tribu Ruben: *Ramoth Galaad de* tribu Gad: *Golam et Gaulon in Basan de tribu Manasse*⁴⁹. Tria sunt refugia, sive remedia. Primum est pro nostris, et alienis peccatis conteri: secundum est pro Christo pati: tertium ad cœlestium desiderium contemplatione suspendi. Notentur locorum refugii nomina, et nominum significations, et erunt concordia et consonantia universa. Primus locus est paenitentium, secundus martyrum, tertius contemplatorum. Bosor interpretatur *tribulatio*, seu *contritio*, quia bene convenit cordi contritio et humiliatio. Unde et hæc civitas sita est in solitudine, qui est locus paenitentis in tribu Ruben, quod interpretatur *visio filii*. Quis enim potest videre Filium, quem soli mundo corde vident, nisi qui cordis oculos per paenitentiam emundavit? Ramoth interpretatur *visio mortis*, vel *signum excelsum*. Et quod signum excelsius, quam signum martyrum, signum crucis? De quo Isaías dicit: *Levate signum in nationibus*⁵⁰. Et Christus: *Qui vult, inquit, renire post me, abneget se met ipsum, et tollat crucem suam, et sequatur me*⁵¹. Galaad sonat *acervus testimenti*: quod ad universitatem martyrum spectat. Martyr enim idem est quod *testis*. Est de tribu Gad: quod interpretatur *accinctus*. Et quid accinctus est, quam qui accinxit fortitudine lumbos suos, a Domino præcinctus virtute ad bellum? Si gloriatur discinctus, æque etiam glorietur accinctus. Discinctus est qui semotus a turbine spiritualium præliorum cum Maria ad pedes Jesu paci et quieti anime vacat. Hic habitat in Gaulon tercia civitate refugii: hic est in Basan et in tribu Manasse. Gaulon interpretatur *transmigratio*: quod ad eos pertinet, qui de amore hujus saeculi ad amorem cœlestium transmigrantes, quasi in extasi spiritualiter ascendunt in montem Domini, montem divinæ dulcedinis, et jucundæ refectionis, ut possit dicere: *In loco pascuae ibi me collocavit*⁵². Ideo hæc civitas est in Basan, quod interpretatur *pinguedo*, et de tribu Manasse, quod interpretatur *obliviosus*. Hoc enim contemplativo spiritualiter convenire videtur, qui oblitus populum suum, et domum Patris sui, oblitus eorum quæ retro sunt, ad anteriora ascendendo se porrigit: cujus anima quasi ex adipe et pinguedine repleta, in sinu Rachelis, et in umbra desiderii requiescit. Singuli istorum zelum suum habent. Primus est in suorum et alienorum dolore peccatorum, secundus in tolerantia passionum, tertius in desiderio æternorum. Primum exhibet Apostolus, ubi se carnalem reputans; et venundatum sub peccato: *Omnia, inquit, sustineo propter electos, ut et ipsi salutem consequantur*⁵³. Secundum exprimit, ubi asserens se paratum alligari in Jerusalem: *Non facio, inquit, animam meam pretiosiorem quam meipsum*⁵⁴. Ter-

⁴² Psal. 106. ⁴³ Psal. 44. ⁴⁴ Job. 18. ⁴⁵ Job. 40. ⁴⁶ Psal. 117. ⁴⁷ 1 Cor. 13. ⁴⁸ Hebr. 13. ⁴⁹ Dœut. 4. ⁵⁰ Isai. 5. ⁵¹ Matth. 16. ⁵² Psal. 22. ⁵³ 1 Tim. 2. ⁵⁴ Act. 20.

tiū manifeste declaratur, ubi ad tertium cōclūm raptus, et accensus desiderio supernorum: *Cupio, inquit, dissolvi, et esse cum Christo*⁴⁴. Hoc triplici zelo immolat homo animam suam, hoc est triplex sacrificium simile. Offertur ut simila in cibano, in craticula, in sartagine. Quod in cibano coquitur, occultum est; sic et cordis contritio ei soli aperta est, cui cogitatio omnino cōficitur. Quod in craticula coquitur libere omnibus patet: in quo martyrum persecutio manifesta signatur. Quod vero in sartagine frigitur quandoque apparet, quandoque absconditur secundum motus olei bullentis, sic et mentis devotio nunc interius latet, nunc foris per vehementiam desiderii et amoris apparet. Licet enim beatus Martinus, licet Maria Magdalena oleo charitatis intus serveant, desideria tamen eorum per operis exhibitionem exterius prodeunt, et dum ille cōclūm suspiciens et suspirans cum Christo esse desiderat, et illa Christum super omnia diligendo pedes osculatur, et lacrymis rigat. Loquitur ergo in cibano Paulus, in craticula Laurentius, in sartagine Maria, vel Martinus. Et quia B. Laurentii craticula totum hunc diem sibi peculiariter vindicat, de beato Laurentio et ejus craticula prosequamur. Cum de craticula offerenda est simila, post aspergenda est oleo, ne ignis vehementia comburatur. In hoc sacrificio tria exiguntur, ut sit simila absque fermento, ut coquatur, ut craticula, ut oleo conspergatur. Simila est puritas conscientiae, quae nisi oleo charitatis conspergatur, persecutionis igne consumitur; nam sine Spiritu sancti gratia humana non potest subsistere infirmitas: quod infertur. Petrus ante infusionem Spiritus sancti ad vocem ancillæ Christum negaverat: induitus autem virtute ex alto, cum a principibus sacerdotum prohiberetur loqui in nomine Jesu: *Magis, inquit, oportet obedere Deo quam hominibus*⁴⁵. Et innuente Christo tempore passionis: *Quo, inquit, vado, non potes me modo sequi: sequeris autem postea*⁴⁶. Sed et omnibus discipulis dictum est: *Sedete in civitate: donec induamini virtute ex alto*⁴⁷. Absque fermento est simila, cum pro Christo et justitia ejus quis patiatur, et non pro sua malitia. Sicut scriptum est: *Si pro Christo patiamini, beati*⁴⁸. Beati qui persecutionem patiuntur propter justitiam⁴⁹. Nemo vestrum, dicit Petrus, patiatur quasi homicida, aut fur, aut maleficus, aut alienorum appetitor⁵⁰. Oportet quod aspersa sint oleo; nam quidquid sine charitate obtuleris, vitæ meritum non habebit. Verba Pauli sunt: *Si tradidero corpus meum ita ut ardeam, charitatem autem non habeam, nihil mihi prodest. Charitas autem omnia suffert, omnia sustinet, quia charitas patiens est*⁵¹. Ideo gloria martyrum erat, quod pro Christi nomine torquebantur. *In hoc, inquit Apostolus, laboramus, et maledicimur, quia speramus*

A *in Deum vivum*⁵². Quidnam felicem debemus repudare cum qui sic materiali igne purgatus est, ut ignem purgatorium non sentire! Terribilis est expectatio illius, quando sedebit Dominus conflans et emundans argentum. *Et purgabit, inquit, filios Levi in spiritu judicii et spiritu ardoris*⁵³. Felix cuius opus non ardebit! felix qui adiscaverit aurum, argentum, et lapides pretiosos⁵⁴. *Cum exarserit, inquit, in brevi ira ejus: beati omnes qui confidunt in eo*⁵⁵. Per ignem transeundum est nobis: omnia opera nostra probabit ignis.

B Vereor ne aurum nostrum vertatur ibi in scoriam. Omnes enim justitiae nostræ sicut pannus menstruæ⁵⁶. Et quid miseri faciemus cum nostras purificabat iniquitates, qui etiam justitias julicabat? Quidquid modo dissimulamus, quidquid vel in nobis vel in aliis dissimulando palpamus, ignis index, et crucians flamma consumet. Ego infelissimus, qui non possum exiguum guttam sustinere candelæ ardantis, si super manum meam ceciderit, quid faciam, si me circumcingi et onerari video catenis ardentibus, prementibus, urentibus, et non consumentibus? Quonodo exspectabo Dominum majestatis, judicem universitatis venientem in spiritu furoris et turbine tempestatis, in igne sulphuris et æterni ardoris: *Ignis enim in conspicu et exardescet, et in circuitu ejus tempestas validia*⁵⁷.

Contra hauc fragilissimam stipulam, et contra folium quod vento rapitur, accendetur ignis consumens et devorans usque ad inferni novissima. O quam felix craticula Laurentii, per quam et ignis ille poenalis evaditur, et æterni refrigerii quies, et æternæ gloriæ jucunditas obtinetur! Nonne et nos ignem aliquem sustinere possemus? possemus equidem, et ignem gravissimum sæpiissime sustinemus. Nonne ignis est invidia? nonne ignis est cupiditas? sed ignis iste alienus est et interficit filios Aaron. Ignis iste non sovet, sed devorat, non illuminat, sed excæcat, ut non videamus solem justitiae. Supercedit ignis malitiae, et non viderunt solem iustitiae. Hunc ignem subiicit Abimelech ut incendat oppidum Thebes⁵⁸. Hunc ignem accendunt Amalecites, ut succendant Sicceleg⁵⁹. Sed et inimicus accendit in nobis stipulas, extinguit ignem illum in nobis, quem Dominus misit in terram, et voluit vehementer accendi. Putatis quod beatus Laurentius sustinuisse adeo patienter materialis ignis incendium, nisi arderet alio igne qui omnem malitiam alterius ignis consumeret et auferret? Naturale et physicum est quod calor calorem expellat. Ardebat itaque ignis charitatis in altario cordis ejus, per quem ignis exterior vincatur. Ignis ille de quo Moyses dicit: *Ignis semper ardebit in altari, sacerdos subjiciet ligna*⁶⁰. Forte

⁴⁴ Philipp. 1. ⁴⁵ Act. 5. ⁴⁶ Joan. 13. ⁴⁷ Luc. 2. ⁴⁸ I Petr. 3. ⁴⁹ Matth. 5. ⁵⁰ I Petr. 4. ⁵¹ I Cor. 13. ⁵² II Tim. 4. ⁵³ Malac. 3. ⁵⁴ I Cor. 3. ⁵⁵ Psal. 42. ⁵⁶ Isa. 64. ⁵⁷ Psal. 49. ⁵⁸ Judic. 9. ⁵⁹ I Reg. 30. ⁶⁰ Levit. 6.

hunc igni ligna subjecerat : diuque hunc ignem summus ille beatus sacerdos Sixtus, vel ministerio beati Sixti summorum sacerdotum summus : de quo scriptum est : *Ignem misit Dominus in ossibus meis et eruditivit me⁹¹*, et insistunt ministri Satanæ. Contumelia et tormento interrogabant martyrem Christi : martyr stat afflictus siquidem, sed invictus. Carbones suggerunt, excitant flamas, surcis ferreis et ardentibus attrahant membra illius. Ille memor passionum Christi, et ejus passionibus delectans, suorum dolorum obliviscitur, propriique corporis cruciatum non curat, quia peregrinatur a corpore : nec attribuendum est hoc stupori, sed amori ; nec insensibilitati, sed charitati : nec enim sensus doloris amittitur, sed submittitur, et quidquid potest humana malitia pro Christi amore contemnitur. Ecce quomodo aspersa, et superaspersa est oleo simila beati Laurentii ; nisi oleum esset, procul dubio omnino cremaretur et tota desiceret. Nec autem uncta oleo exultationis, non solum in tormento exsultat, sed torturi insultat : « Assatum est, inquit, jam versa et mandua. » Ecce quanta est fides sanctorum : ecce quanta est in fide virtus, in virtute victoria. Sancti, inquit, per fidem vicerunt regna⁹². Per fidem, inquit. Nam *haec est victoria, quæ vincit mundum, fides nostra⁹³*. Mundus fidem expugnat tripliciter : per prudentiam, per potentiam, per obstinaciam. Fides autem triplici modo vincit mundum : per stultitiam, per patientiam, per operum gratiam. Per stultitiam vincit prudentiam ; nam cum filii hujus saeculi prudentiores sint filii lucis in generatione sua⁹⁴, placuit Deo per stultitiam prædicationis saluos facere credentes⁹⁵. Prædicamus, inquit Apostolus, Christum crucifixum : *Iudeis ostendem scandalum, gentibus autem stultitiam⁹⁶*. Per patientiam vincit potentiam. In patientia, inquit, vestra possidebitis animas vestras⁹⁷. Idem : *Nolite timere eos qui corpus occidunt : animæ autem non habent quid faciant⁹⁸*. Per operum gratiam vincitur obstinacia. Quis enim adeo est obstinatus, ut eum ad amorem Christi sancta et miraculosa opera non inducant ? Haec est pugna Gedeonis in tubis, in lagunculis, in lucernis⁹⁹. In tuba prædicationis ; in laguncula quæ frangitur, martyrium corporis ; in lucerna miraculorum exhibito. Et quæ testa, quod vitrum fragilius carne nostra ? Ideo et merito caro nostra est et laguncula. Si non possumus ascendere in montem martyrii, quia non omnes capiunt verbum illius perfectionis vitæ, salvemur saltem in Segor modica civitate⁹⁹. Pugnemus in tubis, in lagunculis, et lucernis adversus Madianitas cum Gedeone. Sit tuba nostra in

A hymnis, et psalmis et canticis spiritualibus ; frangamus vasa ista fictilia vigiliis, jejuniis, disciplinis. Ardeant lucernæ vestræ coram hominibus, ut videant opera vestra, et glorificant Patrem vestrum qui in celis est⁹². Videant etiam Madianitæ, et fugiant qui oderunt Dominum a facie ejus. Ecce tres civitates refugii : penitentiae contritio, carnis afflictio, vitæ cœlestis affectio. Ecce tria sacrificia : simila in clipeo per occultam cordis concretionem : in craticula per corporis afflictionem : in sartagine per ebullientis et aestuantis desiderii voluntatem. Quia ergo non habemus hic civitatem manentem, sed futuram inquirimus⁹³, fugiamus, fratres, ad civitates refugii, ut per eas redeamus ad illam civitatem a qua nunc exsulamus, cuius mansio est in gloria et honore, in pace et quiete, in æterna beatitudine et interminabili jucunditate. Ad quam nos ducat et introducat Jesus Christus : cui est honor et gloria in sæcula sæculorum. Amen.

SERMO XXXIII.

IN ASSUMPTIONE BEATÆ MARIE.

Gaudemus omnes in Domino, diem festum celebrantes, etc.⁹⁴. Gaudent angeli, quia Christi Mater hodie in cœlum assumpta est. Cum homines gaudent, qui semper sunt in tristitia et mœrore, quomodo non gauderent angeli, quorum natura est gaudere, quorum conditio tristitiam non admittit ? Qui gaudent super uno peccatore penitentiam agente, quomodo non gauderent super Matre Dei cœlos ascendentे ? quare non gaudent angeli, cum gaudeat Dominus angelorum ? Gaudet Christus, et Matri sue bodie festinus occurrit : nec dignatur suæ legi satisfacere : per quam parentes honorari præcipit. David qui Christi figurativam gerebat imaginem, gaudebat et psallebat coram arca veteris testamenti⁹⁵. Putatis quod non gaudeat Christus coram arca novi testamenti, coram cella aromatum, coram propitiatorio exauditionis, coram sacrario Spiritus sancti ? Gaudent angeli, et occurrant dominæ suæ, reginæ angelorum, mediatrixi Dei et hominum. Attendant quid olim fecerit Joannes, dum adhuc esset in utero matris suæ. Quamvis esset clausus et nondum productus in lucem, gaudens tamen gestiebat in occursum Mariæ⁹⁶. Anima pueri liquefacta est, ut Maria locuta est. Liquefiant angeli, et vocem Mariæ audiunt, et Mariæ præsentia fruituri. Gaudent pro se, gaudent pro nobis : pro se, quia suam in cœlo recipiunt advocationem. Neminem, queso, moveat, fratres mei, quod Mariam voco reginam angelorum et dominam.

⁹¹ Thren. 1. ⁹² Hebr. 41. ⁹³ I Joan. 5. ⁹⁴ Luc. 16. ⁹⁵ I Cor. 4. ⁹⁶ Ibid. ⁹⁷ Luc. 41. ⁹⁸ Matth. 10. ⁹⁹ Judic. 7. ⁹⁹ Gen. 19. ⁹⁹ Matth. 5. ⁹⁹ Hebr. 13. ⁹⁹ Off. eccl. in miss. ⁹⁹ II Reg. ⁹⁹ Luc. 1.

Gloriantur angeli se illam habere dominam, quam Dominus angelorum sibi elegit in matrem: Ipsa quanto gloriosius et ineffabilius peperit filium et haeredem Dei, tanto differentius, et præ cunctis gloriosius nomen hereditavit. Magnum et gloriosum est in angelo quod factus est Dei minister. Procul dubio maius et gloriosius est in Maria, quod facta est Dei Mater. Sicut Apostolus dicit: *Nec oculus videt, nec auris audiret, nec in cor hominis ascendit, quanta sunt quæ preparavit Deus diligentibus se*⁸⁷. Si Deus preparat tam pretiosa diligenti se, quanta putatis preparat dignenti se? Cui angelorum dictum est: *Spiritus sanctus superveniet in te, etc.*⁸⁸? Adhuc eminentiorem vobis demonstro prærogativam. Veni, electa mea, et ponam in te thronum meum. Cui angelorum dictum est unquam tam venerabile, tam amabile, tam familiare verbum: *Veni, inquit, electa mea, veni*⁸⁹. Vocatio est ad supereminentem gloriae mansionem. *Multi quidem sunt vocati; pauci vero electi*⁹⁰. Ista est vocata et electa, non solum electa, sed et præelecta. Elegit eam Deus, et prælegit eam. Beata, Domine, quam elegisti, habitabit in atriis tuis, imo si verba Domini atendamus, habitabit in ea, et ponet in ea thronum suum, quoniam elegit eam in habitationem sibi. *Hæc requies mea in sæculum sæculi: hic habitabo, quoniam elegi eam*⁹¹. O Virgo virginum! O virginum decus! videbaris derelicta eo tempore quo fructus ventris tui, fructus terræ sublimis ascendit in cœlum; sed non vocaberis ultra derelicta, et terra tua non vocabitur amplius desolata, sed vocabitur voluntas Dei in ea, et terra tua inhabitabitur. *Habitabit enim juvenis in Virgine, et habitabit in te filius tuus*⁹². Et hoc est quod ipse dicit: Veni, electa mea, et ponam in te thronum meum, ut tecum sim, et tecum quiescam. Sunt alii throni quidem scilicet divini spiritus multa Deo familiaritate conjuncti: sed beata Maria longe conjunctior est filio suo, cum sint duo de carne una. Hanc prærogativam dedit Pater Filio, ut sit ei consubstantialis: hanc prærogativam habet Mater, ut sit ei consubstantialis. Ipsa quidem significata per nominatissimum thronum illum Salomonis. Ad hæc hodie vocata et electa est, ut sit thronus, ut sit quasi solium excelsum et elevatum. Elevatum dico super choros angelorum. Thronus, quia super eam requiescit Spiritus Dei: thronus quidem, sed non thronus de quo fulminat, de quo terribiles mortis sententias, et decreta damnationis æternæ promulgat. Sicut scriptum est: *De throno Dei procedunt fulgura, voces ac tonitrua*⁹³. Ut verbis civilibus utar: De throno hoc Christus jurisdictionem exercet pacificam: Filius enim per præsentiam, per preces et merita sue Matris largitur captivis indulgentiam, clausis aperiotionem, cæcis illuminationem, laborantibus requiem, infirmantibus sanitatem, indigentibus abundantiam, meluentibus securitatem, inter amicos fidem, inter

A inimicos pacem, in Jubiis certitudinem, in errore consilium, in tribulatione solatum, in bello propugnaculum, in exilio refugium, in naufragio portum, ignorantibus sapientiam, humiliantibus exaltationem, pupillis et viduis consolationem, incipientibus et proficiens gratiam, perficiens et triumphantibus gloriam et coronam. Auferatur corpus istud solare de mundo, et non erit nisi nox. Auferatur Maria de cœlo, et non erit in hominibus nisi cæcitas tenebrarum, error turbinis, et caligo involvens. Matrem suam Christus reliquerat ad tempus in terris, donec omnia, quæ familiarius in Filio suo viderat, et in corde suo diu contulerat, discipulis communicaret: atque, juxta velut eloquium, contrito capite serpentis antiqui⁹⁴, credentium cordibus fidem et amorem Christi impressius et firmius intimaret, Christique Ecclesiam, quam erudiendam in ejus ascensione receperat, Filio suo sine ruga et macula repræsentaret. Videbatur Christo quod non totus ascendisset in cœlum, donec illam ad se traxisset, de cuius carne et sanguine traxerat corpus suum. Desiderio ergo desiderabat Christus habere secum vas illud electum, corpus Virginis dico. in quo sibi bene complacuit, in quo nil quod Divinitati posset displicere, reperit: quod omnium virtutum affluentia, omnium plenitudine gratiarum, omnium cœlestium aromatum odore perfudit. Hæc est in cuius utero ex diversis speciebus, divinitate, carne, et anima conformatum est manu Spiritus sancti mirabiliter et ineffabiliter illud thymiam, quod Christus assistens pontifex futurorum honorum in ara crucis Deo Patri sacrificium obtulit vespertinum. Ratione hujus thymiamatis odorifera facta est et suavis in deliciis suis sancta Dei genitrix. Ascendit itaque quasi virgula sumi ex aromatibus myrræ et thuris, et universi pulveris pigmentarii⁹⁵. Hinc est quod quidem angelici spiritus cum aliis angelis beatæ Virgini transeunt de hujus sæculi deserto non astierunt, forte missi propter eos qui hæreditatem capiunt verbum salutis⁹⁶, tantæ fragrantiae, tantæ suavitatis delicias admirantes. Quæ est, inquit, quæ ascendi de deserto deliciis affluens⁹⁷? Quasi dicent: Quomodo potuit inveniri tanta cœlestium deliciarum affluentia in deserto vitæ mortalis, ubi non est nisi dolor, et labor, et afflictio spiritus? Nos qui pascimur in bonis Domini, quos in civitate Dei fluminis impetus latificat⁹⁸, non a torrente voluptatis, sed a gloria vultus ejus tantas delicias in nobis habemus. Cessent, quæso, angelicæ potestates admirari hujus deserti delicias; nam quæ fuit olim desertum, facta est hortus deliciarum, sicut Isaías dicit: *Ponet desertum ejus delicias, et solitudinem ejus quasi hortum Domini*⁹⁹. Delicias in Virgine voco, quia est a Domino præelecta, et prophetis prænuntiata, a patriarchis optata, ab angelo salutata, a Spiritu sancto fecundata: quod in virga Aaron, quod in vellere Gedeonis, quod in Ezechieli porta,

⁸⁷ I Cor. 2. ⁸⁸ Luc. 1. ⁸⁹ Cant. 2. ⁹⁰ Matth. 22. ⁹¹ Psal. 131. ⁹² Isai. 62. ⁹³ Apoc. 4. ⁹⁴ Gen. 3.

⁹⁵ Cant. 3. ⁹⁶ Hebr. 1. ⁹⁷ Cant. 8. ⁹⁸ Psal. 45. ⁹⁹ Isai. 51.

quod in rubo Moysi præsignata; sine corruptione secunda, sine gravamine gravida, sine dolore puerpera, quod ipsa est vitæ janua, quod virginum primiceria, quod simul est Dei æterni amica. Non miretur angelus si assumatur in splendore et gloria Mater Dei et ancilla, soror et sponsa, mater et filia. Deliciæ hujus sæculi momentaneæ et umbratiles sunt: in quibus cito præterit quod delectat, et permanet sine fine quod cruciat: sed *delectationes in dextera ejus usque in finem*¹⁰⁰. O quantæ, et quam inæstimabiles deliciæ; quas nulla pœnitudo sequitur, nullus fluis abrupmit, nulla sollicitudo conturbat, nulla suspicio comitatur. O quanta prudentia! O quanta securitas ei servire, quæ felici commercio bona ineffabilia pro minimis, et pro temporalibus æter a retribuit! Mater Dei olim Filium suum collocaverat in humili præsepio: hodie in solio sublimi collocatur a filio. Filium suum posuerat in medio duorum animalium, hodie collocatur a filio in supereninentiam angeloru^m. Olim filium suum deduxerat in Ægyptum, hodie a filio de deserto hujus sæculi transfertur in cœlum. Induerat filium suum vilibus panniculis, hodie a Filio suo stola perpetuae jucunditatis decoratur: humanitatem Filius ei suam communicat et divinitatem suam, æternitatem suam claritatem, suam jucunditatem, ut videatur et teneatur, et possideatur a matre quasi unigenitus a Patre Jesus Christus, cui est honor et gloria in sæcula sæculorum. Amen.

SERMO XXXIV.

IN EADEM ASSUMPTIONE.

Hodie in curia cœlesti inter principes et potestates angelicas celeberrima est gratiarum actio, et vox laudis, quia in cœlum assumitur Mater Dei. Nos autem potius plangere quam plaudere decet, qui in hac valte lacrymarum privamur illius præsentia, quæ nobis erat publica occasio gaudiorum. Speret tamen et exspectet per eam peregrinatio nostra solarium tempestivum. Assumitur enim ut trahat nos post se in odorem unguentorum suorum¹; vadit parare nobis locum; præcedit advocata filialis, et potens procurare nostræ salutis negotium, vadit ad Filium: amor dabit dona hominibus, tanquam Mater Dei, dona regni, Regina cœlestium potestatum, cœli et terræ possidens principatum. Arca fœderis longam moram fecerat in Azoto; sed hodie, reducente David, solemnis exultatione suscipitur in Jerusalem, quia Maria de valle miseria et plorationis assumpcta, cœlestem ingreditur civitatem. Vere benedicta hæc inter mulieres², et dum Christum in terris suscepit, et dum in cœlis a Christo suscipitur. Vere beata quæ secure dicere potest: *Beatum me dicent omnes generationes*³. Hæc est

A Virgo sapiens, quæ fatuus virginibus remanentibus foris, cum sponso ingreditur ad gaudium nuptiale. Conqueruntur fatuæ virgines quod earum lampades extingvuntur⁴. De ista scriptum est: *Non extinguetur in nocte lucerna ejus*⁵. Propter hanc lucernam et admirabile lumen, quo circumfusa erat B. Virgo dum assumeretur in cœlum, mirabantur angeli lucis, et dicebant: *Quæ est ista quæ procedit sicut aurora consurgens, pulchra ut luna, electa ut sol*⁶? O quam pulchra est ascensio tua, pulcherrima mulierum! o quam pulchri sunt gressus tui in calceamentis, filia principis! Ea enim charitate qua voluit minorari paulo minus ab angelis⁷, voluit et ipse Matrem suam glorificari præ angelis. Cum ergo Filius hodie Matrem suam traheret in odore unguentorum suorum⁸, ipse est enim odor vita in vitam, quid putes eam dicere, nisi quod antecessor ejus patriarcha quandoque dicebat: O Virgo virginum diligenter, quæso, Inspice, attempe et vide utrum iste sit filius tuus quem olim panniculis involvebas, quem ducebas in Ægyptum⁹, quem quarebas in Jérusalem, quem a Iudeis ligatum, flagellatum, consputum et stipiti videbas affixum¹⁰, si tamen maternis oculis Filii cruciatum videre poteras, quem nunc gloria et honore coronatum¹¹ super omnem angelicam potestatem et super omne quod exigitur potest, conspicis exaltatum? O grata plena, vere hodie Dominus est tecum, et tu cum Domino, ut tu cum eo babites et quiescas, et ipse tecum habeat habitationem et requiem. Tu es enim C de qua dicit: *Hæc requies mea in sæculum sæculi, hic habitabo quoniam elegi eam*¹². Vere gratia eras plena quæ peperisti plenum gratiæ et veritatis¹³, nunc ab eo recipiens plenitudinem gloriæ et honoris. Concepto filio, cantabas olim: *Magnificat anima mea Dominum; et exultavit spiritus meus in Deo salutari meo*¹⁴, nunc potes magnificenter exultare suscepta a filio. Pro omnibus filiabus Sion quæ exultaverunt in rege suo, exultat hodie spiritus tuus in Deo salutari tuo. Factum erat germen Domini in magnificencia et gloria, et fructus ventris tui sublimis; quia Jesus Christus est in gloria Dei Patris. *Elevata est post filium tuum magnificencia tua super cœlos*¹⁵, ut in terris tuam non deserat carnem, qui terrenam de carne tua traxit originem. Credo siquidem quod qui nascendo integrum custodivit in matre virginale signaculum; ipse corpus virginis, in quo per ipsum plenitudo deitatis habitare dignata est, servavit ab omni mortalitate et corruptione illæsum. Sane quæ sola virerat casta, tota immaculata, tota impolluta et integra, quomodo sentiret aut sentire deberet, quid esset humani corporis corruptela? Secure jam potest in cœlum ascendere quæ in terris vitam duxit angelicam; relinquens hominibus pacem, firmans in

¹⁰⁰ Psal. 15. ¹ Cant. 4. ² Luc. 1. ³ Ibid. ⁴ Matth. 25. ⁵ Prov. 31. ⁶ Cant. 6. ⁷ Hebr. 2. ⁸ Cant. 6. ⁹ Matth. 2. ¹⁰ Matth. 27. ¹¹ Psal. 8. ¹² Psal. 131. ¹³ Joan. 1. ¹⁴ Luc. 1. ¹⁵ Psal. 5.

eis fidem, et inexstirpabilem charitatem. Gaudent hodie Adam et Eva parentes, aut potius peremptores nostri, quia, dum Maria cœlum ingreditur, posteritati ejus reseratur ingressus. Eva nos duxit in misericordiam, ista nos exaltat in gloriam. Hæc est mulier illa fortis, quam Salomon potius prophetando quam dubitando quærebat, cum diceret : *Mulierem fortis quis inveniet?*¹⁵ Hæc sceptrum exactoris, et virgam oneris ejus superavit, sicut in die Madian¹⁶; hæc mediante filio fortenti armatum fortiter alligavit, hæc est quæ caput antiqui serpentis contrivit. Insidiabatur euidem serpens calcaneo ejus, sed non profecit. Venit enim princeps mundi hujus et in ea non habuit quidquam. Cum caput et fortitudo serpentis illius consistat in carnis illecebra et superbia mentis, ipsa utramque suggestionem virginitate et humilitate destruxit. O superbe, o invide, o maligne, ubi est nunc dolositas tuæ prestigiosa malitia? Dominus Deus Sabaoth, qui liberasti populum tuum per seminam; non dico Delboram, sed Mariam, video quia hic est serpens, hic est draco, quem formasti ad illudendum ei: ecce appare humilitatis exitus. Evæ superbia nobis abstulit paradisum, Mariæ humilitas nos rexerit ad cœlum. Sed ubi est hodie humilitas? Ipse qui est rex super omnes filios superbie, sequaces invenit infinitos. Tam Christi quam Mariæ humilitas data est in contemptum. Video eos qui humiles et abjecti fuerunt in sæculo, superbiam invenisse in claustris. Dominus universitatis, cui principatus et potestates cœli obediunt, matrem elegit humilem et pauperculam. Nam de illa Isaias¹⁷ dicit: *Surge, paupercula Anathot. Attende, quæso, quantus sit humilitatis fructus.* Ideo hodie matri sua cœlestes dignitatis, et inestimabiles atque interminabiles delicias impartitur. Invocemus eam, quia ei fecit magna qui potens est¹⁸; qui per eam operatus est salutem in medio terræ, ea pro nobis supplicante in cœlis, non cessabit ab operibus misericordiae. Scio quia non carebit effectu, quidquid a Filio postulaverit mater, quam elegit et præcelegit in terris; quam exaltavit et superexaltavit in cœlis, cui super omnem creaturam contulit eminentiam gloriae et honoris. Ipsa est, quæ inter tentationum impetus, inter omnes periculorum angustias, inter omnia quæ timere potest humana miseria, proposita est nobis in auxilium patrona diligens, et pia media-trix ad Filium, cui sit gloria et honor in sæcula sæculorum. Amen.

SERMO XXXV.

DE EADEM ASSUMPTIONE.

Intravit Jesus in quoddam castrum, et mulier quædam Martha nomine,cepit illum in domum suam¹⁹.

Quæritur quid ad B. Virginem pertineat hoc

A Evangelium, in quo pars Mariæ, sororis Lazari, optima reputatur. Quæ enim conventio peccatriceis ad Virginem virginum, ad sanctorum Sanctam; nisi quia solius nominis communione participant? Porro Ecclesia evangelizat hodie vitam duarum sororum, ad honorem beatæ Virginis, quæ in se exhibuit utriusque sororis officium. *Intravit Jesus in quoddam castrum, et mulier exceptit illum.* Quidam dicunt castrum, quidam domum. Castra inexpugnabilia fuerunt corpora martyrum, domus eburneæ sunt corpora virginum. Habet enim in se ebur fortitudinem et decorum; habent etiam virgines fragrantiam virtutum, et cœlestium odorem aromatum, sicut scriptum est: *Myrrha, et gutta, et cassia a vestimentis tuis, a domibus eburneis, ex quibus delectaverunt te filiae regum in honore tuo*²⁰. Vulgarè præceptum est²¹: Bonum custodit castrum qui custodit corpus suum. Verumtamen corpus meum quod castrum esse debuerat, redactum est in vile tugurium, in sterquilinium; nec jam mihi domus est, sed sepulcrum foetidum, et scatens spurcitia mortuorum. Nimurum omnia membra mea in meam conjurare perniciem, ut eveniat quod scriptum est: *Inimici hominis domestici ejus*²². Os meum condemnat me, et oculus meus deprædat animam meam²³; pedes mei currunt in malum contra me²⁴; manus et cætera membra parant castrum reddere hosti qui me circumquaque obserdit. Hæc mihi castrum offerunt, quia me peccato servire compellunt. Nemo castrum suum libere possidet, si in eo dominetur peccati concupiscentia. Ideo Apostolus dicit: *Non regnet peccatum in re stro mortali corpore, ad obediendum concupiscentiis ejus*²⁵. Video in castris aliorum quod turris est in eis fides, continentia murus, patria antemurale, ratio cæteris præst officiis, prudentia excubias agit. Iste mortificationem carnis in corpore suo, circumferunt, nec obsidionem extrinsecam timent, quia in corpore suo portant Christum. Sicut Apostolus dicit: *Glorificate et portate Deum in corpore vestro*²⁶. Martha tanquam prior natu Christum in domum suamcepit. Activa enim contemplati-vam ad salutem quandoque præcedit, non enim prius est quod spirituale est, sed quod animale, deinde quod spirituale. Diligebat Jacob Rachelem, sed ei Lia supponitur²⁷. Commendat Christus Mariam, sed a Martha suscipitur.

Maria, inquit, audiebat verbum illius²⁸; ab utraque recipitur Christus: a Martha in corpore, a Maria in mente. Sed quid est quod Martha conqueritur? Domine, inquit, non est tibi curæ quod soror mea reliquit me solam ministrare²⁹. In domo siquidem in qua Christus suscipitur nulla murmuratio, nullum jurgium esse debet; pius tamen est et iucundum quod Martha de Maria, et non Maria de

¹⁵ Prov. 31. ¹⁶ Isa. 9. ¹⁷ Cap. 10. ¹⁸ Luc. 1. Assumpt. ¹⁹ Mich. 7. Matth. 10. ²⁰ Thren. 5. ²¹ Luc. 10. ²² Ibid.

²³ Luc. 10. ²⁴ Psal. 44. ²⁵ D. Bern. serm. 2 in

²⁶ Prov. 4. ²⁷ Rom. 6. ²⁸ 1 Cor. 6. ²⁹ Gen. 29.

Martha jurgando causetur. Video tamen quosdam, qui cum Maria sedere videbantur ad pedes Jesu, exteriora ministeria affectantes, ad hæc eos trahit non fraterna compassio, sed ambitio; non charitas, sed cupiditas. Bonum quidem est quod quis fratribus administrat; sed si administrationem non ambiat, si invitus recipiat. Verbum Christi est: *Qui major est inter vos, sit minister vester*³⁰. Ipse etiam dicit: *Qui mihi ministrat, honorificabit eum Pater meus*³¹. Paulo cedebat ad meritum compas-
sio quam habebat ad omnes, et sollicitudo omnium Ecclesiarum³². His etiam qui bene præstunt aliis ministrando duplex corona promittitur. Placeat unicuique versari in ministerio fratrum, ut ingrediatur et egrediatur ad imperium senioris; sed gaudio gaudet, si ei redire ad Rachelis amplexus, ad contemplationis delicias sit permisum. *Maria enim optimam partem elegit*³³.

Sunt qui Mariæ quietem in se exhibent; sed nec diligunt Christum, nec audiunt verbum ejus, quia non ambulant in simplicitate. Quidam enim eorum immergunt se meditationibus peregrinis, volentes plus inquirere et sapere quam oporteat sapere. Mel autem nimis comedenti non est bonum, et *scrutator majestatis opprimetur a gloria*³⁴. Sunt alii qui cum debeant cum Maria vacare et videre quam suavis est Dominus, providentes eum in conspectu suo semper, rapiuntur ad vanitates et insanias falsas, et occupantur ad sacerdotalium sollicitudinem, aut resolvuntur acedia et torpore. In his autem qui Marthæ exercent officium, exigitur fides in custodia rei familiaris, compassio ad fratres, et impensior humilitatis affectus. De fide dictum est: *Hic queritur inter dispensatores ut fidelis quis inveniatur*³⁵: ne cum loculis Iudeæ communicet. Compassionem habeat, ut cum Paulo veraciter dicat: *Quis infirmatur et ego non infirmor*³⁶? Humilitatem exhibeat, ut sit discipulus ejus qui dicit: *Discite a me quia misericordia sum et humiliis corde*³⁷. Mater Christi in Filio suo tam Marthæ quam Mariæ implevit officium. Ipsa commendet nos utriusque vita merito apud Christum, eo largiente, cui est honor et gloria in saecula saeculorum. Amen.

SERMO XXXVI.

DE EADEM ASSUMPTIONE.

Si diligenter attenditis beatissimæ Virginis vitam, sollicitudinem et prudentiam circa filium ejus exhibtam, manifeste in ea Martham invenire poteritis et Mariam. Martha est, dum abit in montana, ut Elisabeth gravida et grandevam salutet, ut vetulæ juvencula tribus mensibus officiose ministret. Martha est, dum Filium Dei et suum pannis invol-

A vit, ubere pascit, et in Aegyptum fugiens ipsum a malitia Herodis abscondit. Martha est, dum filium suum sollicita in Jerusalem querit, dum cum eo ad nuptias vadit, dum usque ad passionem ejus a filio non recedit, dum post maternos dolores et resurrectionis letitiam filium ascensurum in caelos cum discipulis undecim ad montem Oliveti deducit. Vis videre ubi Virgo in officio Mariæ quiescit: salutaverat eam angelus: *Maria autem cogitabat qualis esset ista salutatio*³⁸. Ilæc Maria est in Mariæ officio, dum loquitur angelus ad Joseph: dum festinant pastores ad puerum; dum magi adorant, dum Zacharias et Simeon prophetizant. Maria audiens conservabat omnia verba hæc, conserens in corde suo³⁹. Exercitatio corporalis, quæ ad multa dividitur, pertinet ad Martham; amor Dei, qui nil praeter Deum appetit, pertinet ad Mariam. Hanc unum, hoc unum affectabat Propheta, cum diceret: *Unam petiti a Domino, hanc requiram*⁴⁰. Porro unum est necessarium⁴¹, qui hoc unum eligit, optimam partem eligit. Charitas enim non potest excidere, vel auferri. Ideo *Maria optimam partem elegit, quæ non auferetur ab ea*⁴². Paulus inter ea quæ retro sunt, et anterius distinguens, quasi inter laborem activæ et contemplativæ delicias, hoc unum elegerat dicens: *Unum autem quæ retro sunt oblitus, ad anterius me extendo*⁴³, quasi dicat: Hoc unum mihi reliui, hoc unum mihi unice prælegi; nam respectu contemplationis ad modicum prodest exercitatio corporalis. Præsens Evangelium nullam facit de Lazaro mentionem. Credo tamen quod domus, in qua Christus excipitur, ad eum communiter cum sororibus suis iure hereditario pertinebat. Verumtamen ubi de glorifica Virginis assumptione tractatur, Lazarus non est locus. Jaceat tanquam dormiens inter vulneratos in sepulcris, ut in domo virginali, in quo Christus recipitur, Mariæ et Marthæ obsequium acceptetur. Video tamen inter vos vices Mariæ, Marthæ vices et etiam Lazari exerceri: Lazarus enim sororum suarum contubernialis est. Quidam contemplationi vacant: ecce Maria. Quidam ea quæ fratribus necessaria sunt fideliter et devote procurant: ecce Martha. Quidam cogitantes dies suos in amaritudine animarum suarum sub lapide poenitentiae genuunt: ecce Lazarus. Illi delectantur in uno; isti turbantur erga plurima; hi turbantur ad seipso, sicut quidam poenitentes dicit: *Ad meipsum anima mea turbata est*⁴⁴. Quidam sunt prælati, sive ministrales: istos video cum Noe de arca fabricanda et regenda sollicitos. Sunt alii contemplativi, qui cum Daniele viri desideriorum sunt. Tertiū humilitate poenitentiae beatum Job imitantur scientem dolorem et infirmitatem. De his scriptum est: *Si inventi fuerint in civitate Noe, Daniel et Job, ipsi justitia sua liberabuntur; filium autem aut filiam non*

³⁰ Matth. 23. ³¹ Joan. 12. ³² 1 Tim. 5. ³³ Luc. 10. ³⁴ Prov. 25. ³⁵ 1 Cor. 4. ³⁶ 1 Cor. 4. ³⁷ Matth. 41. ³⁸ Luc. 1. ³⁹ Luc. 2. ⁴⁰ Psal. 26. ⁴¹ Luc. 10. ⁴² Ibid. ⁴³ Philipp. 3. ⁴⁴ Psal. 41.

salvabant ⁴⁴. Ille vita varietatem satis eleganti compendio sponsa in Canticis notat : *Surge, amica mea, formosa mea, columba mea* ⁴⁵. Amica est, quæ se a studio spirituali avellens, ut ministret Christo et pauperibus ejus, pro Christo animam suam ponit, et hoc est ministerium Marthæ. Formosa est, quæ gloriæ Domini revelata facie contemplans, in eundem imaginem transformatur de claritate in claritatem, tanquam a Domini Spiritu ⁴⁶ : et ecco quies Mariæ. Columba est, quæ plangit et gemit in foraminibus petrae ⁴⁷, in augusti scilicet pænitentiae tanquam sepulta, et inter lapides clausa : ecce Lazarus scopula. Contra Mariam indignatur Pharisæus, Martha rixatur, discipuli murmurant, Maria tacet, et pro ea Christus loquitur. Quiescit Maria, laborat Martha ; Lazarus in abysso mortis positus clamare non potest : nam a mortuo perit confessio ⁴⁸. Verumtamen abyssus abyssum invocat ⁴⁹ ; abyssus pietatis, abyssum iniquitatis. Lazarus, inquit Dominus, veni foras ⁵⁰ : in quo verbo turbatur in se, fremit spiritu, lacrymatur et clamat : *Lazare, veni foras*. Clamat, quæso, Lazarus resuscitatus, et dicat : *Domine, dum anxiaretur super me spiritus meus* ⁵¹ *eduxisti ab inferno animam meam* ⁵² ; *notas mihi fecisti vias vitæ, adimplesti melætitia cum vultu tuo* ⁵³. Clamemus et nos in cœlum ad eam quæ hodie ascendit ad Filium. Virginitas ejus et humilitas nos redemit : ejus misericordia nos salvabit. Si enim consideres longitudinem, latitudinem, sublimitatem, et profundum pietatis in Virgine; in cœlum ascendit, infernum penetrat, terram replet : atque in cordibus hominum mirabiliter et ineffabiliter se exercet. Ipsa per gratiam quam invenit ad Filium, nobis acquirat Filii gratiam, ut qui lætamur de gloria Virginis, per eam cum ejus Filio gloriemur. Quod ipse præstare dignetur, qui cum Patre et Spiritu sancto vivit et regnat Deus, per omnia sæcula sæculorum. Amen.

SERMO XXXVII.

DE S. BARTHOLOMÆO.

Estote prudentes sicut serpentes, et simplices sicut columbae ⁵⁴.

Magister veritatis nos erudit, et informat in schola evangelice disciplinæ, quales nos esse oporteat ad justitiam faciendam, et injuriam tolerandam. Prudentia exigitur ad faciendum bonum, et simplicitas ad patientium malum. Est prudentia sive sapientia bona, et est sapientia mala : est sapientia Dei, et est sapientia mundi. Ista duæ sapientiæ sunt contrarie, nec rerum æstimationem æque librant.

Sicut Scriptura dicit : *Sapientia Dei justificata est a filiis suis* ⁵⁵, sed et *filiis hujus sæculi prudentiores sunt filii lucis in generatione sua* ⁵⁶. Ista verbum

A crucis et mortis, per quam placuit Deo suos facere credentes ⁵⁷, proposuit habere pro luce. Ille currens ad vanitates et insanias falsas, verbum crucis stultitiam reputat, quoniam *animalis homo non percipit ea quæ sunt Spiritus Dei* ⁵⁸. Stultitia enim est ei et non potest intelligere. Jacobus apostolus, quasi judex in tanta varietate et contrarietate respondet : *Illa inquit, terrena est, animalis est, diabolica est, ista vero primum pudica quidem, deinde pacifica* ⁵⁹. *Estote*, inquit, *prudentes sicut serpentes*. Quare non dicit sicut Epicurei, sicut Stoici, sicut Peripateticæ ? quia isti evanuerunt in cogitationibus suis, et obscuratum est insipiens cor eorum, et dati sunt in reprobum sensum, servientes peius creaturæ quam Creatori ⁶⁰. Ideoque dicit Dominus de illis : *Deprehendam sapientes in astutia sua; perdam sapientiam sapientum, et prudentiam prudentium reprobabo* ⁶¹. Et quæ est hæc sapientia, aut quis magister hujus sapientiæ ? Ille quidem qui docet hominem scientiam, ipse est magister. Ipsa est sapientia Dei virtus, et Dei sapientia Christus Jesus, qui factus est nobis a Deo non solum sapientia et justitia, sed sanctificatio et redemptio ⁶², quoniam illa non est nisi inflatio et perditio. Et quæ sunt præcepta magistri hujus scholæ ? *Estote prudentes sicut serpentes*. Et : *Qui vult venire post me, abneget, etc.* ⁶³. Et : *Qui non odit patrem suum et matrem, insuper et animam suam, non est me dignus* ⁶⁴. *Infelix ego homo quomodo sequar Christum* : *Quomodo hæc mandata implebo*? *Tu mandasti, Domine, mandata tua custodiiri nimis* ⁶⁵. *Ileu me, mater mea, ut quid me genuisti filium doloris et plorationis, filium damnationis æternæ* ? *Cur exceptus genibus* ? *cur lactatus sum uberibus* ? *cur in patibulum gehennæ flammæ nutritus* ? *qui hæc et hæc non fecerit, non potest meus esse discipulus*. Certe scio quia immediata sunt esse Christi discipulum, et ejus adversarium. Ipse est qui dicit : *Qui tecum non est, contra me est, et qui tecum non colligit, dispergit* ⁶⁶. O bone Jesu, quare posuisti me contrarium tibi, et factus sum mihi et ipsi gravis ? Mihi gravis factus sum, quia gravo et importabile mihi factum est jugum tuum. In schola Evangelii tui quandoque audieram : *Venito ad me, omnes qui laboratis et onerati estis, et ego reficiam vos*. *Jugum enim meum suave est, et onus meum leve* ⁶⁷. Certe Moyses jugum nobis imposuerat, *quod neque patres nostri, neque nos portare possumus* ⁶⁸. Ipse autem præcepit diligere patrem et matrem; diligere etiam amicum, et odio habere inimicum ⁶⁹. Illud jugum mihi tolerabilius videbatur, et quidquid sit de amore parentum, aut amici, illud scio quod satis essem proclivis ad odium inimici: proni enim sunt sensus hominis ab adolescentia in malum ⁷⁰. Nunc autem imponis mihi jugum, Do-

⁴⁴ Ezech. 44. ⁴⁵ Cant. 2. ⁴⁶ II Cor. 5. ⁴⁷ Cant. 2. ⁴⁸ Eccli. 17. ⁴⁹ Psal. 41. ⁵⁰ Joan. 11. ⁵¹ Psal. 142. ⁵² Psal. 29. ⁵³ Psal. 45. ⁵⁴ Matth. 10. ⁵⁵ Matth. 11. ⁵⁶ Luc. 16. ⁵⁷ I Cor. 4. ⁵⁸ I Cor. 2. ⁵⁹ Jac. 3. ⁶⁰ Rom. 1. ⁶¹ I Cor. 1. ⁶² Ibid. ⁶³ Luc. 9. ⁶⁴ Luc. 14. ⁶⁵ Psal. 118. ⁶⁶ Luc. 11. ⁶⁷ Matth. 41. ⁶⁸ Act. 15. ⁶⁹ Levit. 19. ⁷⁰ Gen. 8.

mine, quod omnino ferre non possum. Satis sufficiabant ad cimulum miseriae meæ, præter jugum Moysi alia juga, quibus oneratus totus deprimebar in terram. Vigilavit enim jugum iniquitatum meum in manibus tuis, Domine. Hoc onus assidue porto, quoniam iniquitates meæ supergressæ sunt caput meum, sicut onus grare graratæ sunt super me⁷⁰. Aliud etiam jugum sentio, scilicet virginum exactoris, et jugum onoris ejus⁷¹. Præter hæc juga ego perditissimæ mentis, spretis nuptialibus gaudiis, juga boum emi quinque, in quorum probatione semper reprobus invenior. Quinquepartita siquidem sensualitas deprimit in me spiritum multa cogitantem, et spiritum volentem in sublime consurgere intrudit in terram. Propter tam varia et tam gravia juga et onera miser factus sum, et curvatus sum usque in finem⁷²; nec est qui me solvat et erigat, nisi tu qui solvis compeditos⁷³ et erigis elisos, Domine. Licet lex tua mihi gravissima videatur, erit mihi tamen suavis et dulcis, si benedictionem dederis. Scio, Domine et legislator, quia si oleo misericordiae tue ungues me; si pane tui amoris me resliceris, in fortitudine hujus cibi patienter omnia sustinerem. Charitas enim omnia suffert, omnia sustinet; churitas patiens est⁷⁴. Si unixeris me oleo lætitiae tuae, omnia mihi in gaudium convertentur; computurescet jugum a facie olei⁷⁵. Confirmabuntur genua, quæ modo infirmata sunt a jejuno, et caro mea immutabitur propter oleum⁷⁶. Legimus⁷⁷, Domine, quia simila quæ tibi offerenda est si coquatur in craticula, in sartagine aut in clibano, aspergenda est oleo; ne per ignis vehementiam conburatur. Urge ergo me, Domine, oleo charitatis et misericordiae tue, et potero diligere inimicum; potero non solum patrem et matrem odio habere, sed me ipsum. Nunc in via mandatorum tuorum delectabor; tunc invenietur in me columbina simplicitas et prudentia serpentina. Credo quod columbae simplicitas commendatur in sacro eloquio, propter innocentiam, et mansuetudinem, et socialis vinculi paritatem. De serpente autem legitur quod callidus erat super omnia animalia⁷⁸. Inter prudentias ejus illa nos spiritualiter erudit et informat; quia, cum sibi videt imminere tempora senectutis, inter angustissimos lapides ingrediens ibi deponit vetustæ pellis exuvias. Sed et nos si volumus veterem hominem deponere cum actibus suis, oportet nos ingredi angustias poenitentiae, angustias vic illius quæ ducit ad vitam, et sic induere novum hominem, qui secundum Deum creatus est. Sane illic benedictus apostolus, cuius hodie memoria in benedictione est, pellem vetustatis, pellem mortis depositum; ut pellem gloriae et jucunditatis indueret. Pellem, inquit, pro pelle, et omnia quæ habet homo, dabit pro

A anima sua⁷⁹. Dat homo pellem mortificationis pro pelle glorificationis. Pellem hanc deponemus, cum corruptibile hoc induet incorruptionem, et mortale hoc immortalitatem. Aliamque pellem sumemus, cum Christus reformabit corpus humilitatis nostræ configuratum corpori claritatis suæ, et superinducat ego pelle nova, et in pelle mea vidabo Deum Salvatorem meum. Juxta verbum Jeremias, hodie deponit *Æthiops pellem suam*, et *pardus varietates suas*⁸⁰. Erat pellis quam hodie deponit Apostolus pellis mortalitatis, et ideo *Æthiopis*; hodie, apostole Dei, renovatur ut aquila juventus tua⁸¹. De hac pelle dicit Job⁸²: *Nunquid implebis sagerias pelle ejus, et gurgustum piscium capite illius?* Ille est pellis caprina, que ponitur in lectulo David, ut innocens manus persecutoris evadat. Hodie, Domine, consideristi saccum apostoli, et circumdedisti eum latitia⁸³. Vetus Adam incidit in latrones, qui spoliaverunt eum tunicae innocentiae et gloriae⁸⁴; hanc hodie fortiter recuperat miles et athleta Christi fortissimus. O malitia dæmonum! o crudelitas hominum! o virtus Dei! o constantia martyrum, ubi erat cor apostoli, quando has angustias tolerabat? certe in Christo, in cruce Christi et in doloribus ejus. Memoriam passionis Christi ipsum propriæ passionis immemorem faciebat. Si quereretur ab eo utrum pellem suam, utrum carnem suam dilligeret, responderet: Diligo; nemo carnem suam odio habuit⁸⁵, sed magis diligo Christum quam me ipsum. Si modo spolior, Christus me superinduet; pondusque hoc tribulationis meæ immensus gloriæ pondus operabitur in me. Scio cui credidi, et certus sum, non mentietur quia Veritas est. Sed pro Christo patior, et conregnabo, et pro brevi, et transitoria tribulatione coronam immarecessibilem, et interminabilem jucunditatem, et exultationem securus exspecto. Quam nobis præstare dignetur, per merita beati Bartholomæi, Jesus Christus, cui est honor et gloria in sæcula sæculorum. Amen.

SERMO XXXVIII.

IN NATIVITATE BEATÆ MARIE.

D *Sapientia ædificavit sibi domum, et excidit in ea columnas septem*⁸⁶. Sapientia hæc non est sapientia carnis quæ iniuncta est Deo; nec sapientia mundi, quæ stultitia est apud Deum: nam hæc, teste Jacobo apostolo⁸⁷, *terrena est, animalia est, diabolica est*, cuius professores sapientes sunt ut faciant mala; bona autem facere nesciunt. De quibus Dominus dicit: *Comprehendam sapientes in astutia sua*⁸⁸, et: *Perdam sapientiam sapientium, et prudentiam prudentium reprobabo*⁸⁹. Est alia sapientia quæ desursum est, sicut Jacobus dicit⁹⁰, *primum quidem pudica*

⁷⁰ Psal. 37. ⁷¹ Isa. 9. ⁷² Psal. 57. ⁷³ Psal. 145. ⁷⁴ Gen. 3. ⁷⁵ Job 2. ⁷⁶ Jer. 13. ⁷⁷ Psal. 102. ⁷⁸ Prov. 9. ⁷⁹ Cap. 3. ⁸⁰ I Cor. 3. ⁸¹ I Cor. 13.

⁸² I Cor. 13. ⁸³ Isa. 10. ⁸⁴ Psal. 108. ⁸⁵ Lev. 2. Cap. 40. ⁸⁶ Psal. 29. ⁸⁷ Luc. 10. ⁸⁸ Ephes. 5. ⁸⁹ Cap. 3.

deinde vero pacifica. Hæc est sapientia de qua lo-
quimur : hæc est sapientia quæ edificavit sibi do-
mum; hic est Christus Dei virtus, et Dei sapientia.
De quo Apostolus dicit : *Qui factus est pro nobis a
Deo sapientia et justitia, sed et sanctificatio et redem-
ptio*⁹¹. *Sapientia edificavit sibi domum*, quia Jesus
Christus in habitationem uterum Mariæ elegit. Hæc
est dominus pudici pectoris. De hac domo scribit
Salomon : *Intrans in domum meam, conquiescam
ibi*⁹². Ac si diceret : Hanc elegi in habitationem,
quoniam elegi eam : hæc est dominus Dei et porta
cœli. In hac sapientia excidit columnas septem,
scilicet septem dona Spiritus sancti vel septem
principales virtutes. Quatuor de quibus philosophi
diu disputaverunt et scripserunt, hæc sunt : pru-
dentia, temperantia, fortitudo et justitia. Sunt et
aliae tres quæ complent septenarium, de quibus
philosophus non gustavit : spes, fides et charitas.
Hæc septem columnæ, hæc septem gratiæ, hæc septem
mulieres quæ apprehenderunt virum unum in die
illa; nam propter gratiam septiformem Deo placuit.
Per istas gratias multiplices quasi comprehensus,
et detentus elegit eam in habitationem sibi. In hac
tanquam in domo, tanquam in throno, tanquam in
lectulo, tanquam in sacrario requievit. Hujus Vir-
ginis figura et significatio fuit nominatissimus ille
thronus Salomonis de ebore et auro purissimo⁹³.
In auro quidem sapientia et dignitas, in ebore can-
dor, decor, planities, fortitudo. Nam, cum speciosa
facta sit et suavis, de fortitudine hujus scriptum
est : *Mulierem fortem quis inveniet?*⁹⁴ Thronus
merito est propter judicariam potestatem; quia in
ea sedere decrevit, cui omne judicium datum est et
qui judicat fines terra. Propter gratiarum diversi-
tates attribuuntur diversorum nominum qualitates.
Thalamus est propter naturæ communionem, de
quo Christus egressus est tanquam sponsus de tha-
lamo suo⁹⁵. Ager, propter secunditatem; ager ille
scilicet in quem exiit Isaac meditari, cui benedixit
Dominus, et de quo scriptum est : *Pulchritudo agri
meum est*⁹⁶. Propter fortitudinem civitas quam
fundavit Altissimus⁹⁷; propter virginitatis integri-
tatem *hortus conclusus, fons signatus*⁹⁸, porta
clausa, *Libanus non incisus*⁹⁹, propter sanctitatem
templum Dei, porta sanctuarii, arca Dei, sacra-
rium Spiritus sancti; propter gloriam aula regis,
cella aromatum, *fons hortorum*¹⁰⁰, paradisus deli-
ciarum.

Hæc omnia in laudibus Virginis Isaías sub isto-
rum verborum paucitate concludit : *Data est ei glo-
ria Libani, decor Carmeli et Saron*¹. Libanus inter-
pretatur *candidatio*, in quo tam gloria vite quam
honor pudicitiae designatur. Saron interpretatur

A *principatus*, nec ipsa solummodo facta est mediatrix
Dei et hominum, sed princeps et Regina cœlorum.
Ipsa facta est domina mundi, reparatrix sæculi, de-
structrix inferni, gloria martyrum, honor virginum,
fortitudo justorum, lapsorum fiducia, pugnantium
spes, exultatio angelorum. Hæc est quæ nescivit
torum in delicto, cui ad laudis cumulum illa præ-
rogativa specialis accedit, quod ei cœlestis concessa
est cum virginitate secunditas, Salomone teste :
*Gratia super gratiam mulier pudorosa et sancta*². O
quam pulchra et casta generatio, quod casta sit et
generet, nulla mulierum usurpare præsumat! Priva-
legium Mariæ alteri non dabitur, nec auferetur ab
ea³: nec alias partus Virginis nisi Deus, nec alia
mater nisi Virgo decuit dici. Hodie ergo nascitur
B Maria, ut Christus de Maria nascatur. Cesset figu-
ra Rebeccæ : Rem habemus, figuram non quærimus.
Hæc est quam quæsivit nuntius Filio Domini sui
Gabriel archangelus Filio Dei⁴. Bibit ipse de hy-
dria ejus; quia de conformitate virginitatis ejus, et
vie mundissimæ. Bibant, quæso, et jumenta, et si
non possuimus de hydria virginitatis, liceat nobis
haurire saltem de hydria humilitatis. Placuit pro-
pter humilitatem; atque propter hanc Deus elegit,
et præelegit eam. Sexum quem damnaverat Domi-
nus sententia maledictionis in Eva⁵, hodie replet
gratia benedictionis et miserationis oleo in Maria:
hæc est lecythus olci⁶, hæc est urna aurea supernæ
dulcedinis habens manna, hæc est concha Gedeonis
rore plena⁷. Deus totam aream rigatur prius
rore vellus infudit, et ipsum mundum redempturus,
in Maria mundi pretium contulit universum. Tanta
siquidem gratia repleta est, quæ plenum gratiæ et
veritatis paritura erat, ut de plenitudine ejus om-
nes possemus accipere. Salutata ab angelo in mon-
tana ascendit, et salutavit Elisabeth⁸. Secure assu-
mit salutantis officium, quæ habet jam in utero sa-
lutem et salutis auctorem; eum scilicet, sine quo
non est salus, qui dat salutem regibus, et qui man-
dat salutes Jacob. Anima Joannis liquefacta est, ut
Maria locuta est, et in occursum ejus cum exulta-
tione gestiens sentiebat gratiam Spiritus sancti,
quam et ipsa nondum nata præsenserat. Non solum
Joannes, sed et parentes ejus de plenitudine ejus
D Spiritum prophetæ recipiunt, et tota domus repleta
est ex odore cœlestis unguenti. Ab antiquis dielus
juxta verbum Isaiae⁹ cogitaverat Dominus cogitatio-
nes pacis; sed cogitationes illas a mundo absconde-
rat, licet eas tanquam secretum suis prophetis re-
velaret. Unde cum Amos¹⁰ propheta diceret : *Non
faciet Dominus verbum nisi prius revelaverit illud
servis suis prophetis*; Isaías tamen quia, juxta ver-
bum Sapientiæ, bonum est zelare mysterium regis,
dicebat : *Secretum meum mihi, secretum meum*

⁹¹ I Cor. 4. ⁹² Sap. 8. ⁹³ III Reg. 10. ⁹⁴ Prov. 31. ⁹⁵ Psal. 18. ⁹⁶ Psal. 49. ⁹⁷ Psal. 86. ⁹⁸ Cant. 4. ⁹⁹ Eccli. 24. ¹⁰⁰ Cant. 4. ¹ Isa. 35. ² Eccli. 26. ³ Luc. 10. ⁴ Luc. 1. ⁵ Gen. 3. ⁶ III Reg. 17. ⁷ Jud. 6. ⁸ Luc. 1. ⁹ Cap. 29. ¹⁰ Cap. 3.

*mihi*¹¹. Idem Isaías¹²: *Erit, inquit, vobis visio quasi verba libri signati.* Et ad Danielem ab angelo dictum est: *Tu autem, Daniel, signa librum, et clade sermonem usque ad tempus statutum*¹³; hoc est tempus quod præflnivit Dominus ut auferretur velamen a facie Moysi, ut auferretur paries dividens inter nos et Deum, hoc est tempus miserationis, de quo scriptum est: *Quia venit tempus miserendi ejus, quia venit tempus*¹⁴. *Hæc est*, inquit Apostolus, *dispensatio sacramenti absconditi a seculis in Deo, ut innotescat principatibus et potestatibus per Ecclesiam multiformis sapientia Dei*¹⁵. Quæsita est ergo, et inventa est mulier, in qua et per quam tanti sacramenti gratia impletur. Quæsita est ovis, de qua nascetur Agnus Dei, qui peccata mundi tolleret. Non enim peccatum auferebat lex, sed aug-*b*at; lex peccatum non tollit, sed aggravat; non minuit, sed augmentat. *Lex, inquit Apostolus, subintravit, ut abundaret delictum*¹⁶; et idem: *Lex per mandatum operata est in me omnem concupiscentiam*¹⁷. Eligitur ergo et nascitur hodie benedicta inter mulieres, ut fructum maledictionis evacuans, germinet fructum vite. In die illa, prædixerat Isaías, erit germen Domini in magnificentia et gloria, et fructus terræ sublimis¹⁸. Mala arbor fecerat fructus malos, concupiscentiam scilicet carnis, originale peccatum, malorum seminarium, communis corruptelæ fermentum, et generale nostræ perditionis initium. Quia ergo malo originali per bonum originale mederi oportebat, de mala illa arbore damnata perditionis exempta et sanctificata est caro Mariæ virginis: quæ, licet ab utero matris suæ plenitudinem gratiæ et sanctitatis acceperit, superveniens tamen Spiritus sanctus in conceptu Verbi exuberantius et accumulatius ei plenitudinem gratiæ celestis infudit quod ex verbis angeli patet. Ave, inquit, Maria, gratia plena¹⁹: ecce plenitudo gratiæ. *Spiritus sanctus superveniet in te*²⁰: ecce mensura superplena et supereffluens. Quia ergo caro Mariæ liberata est a peccato, et ipsa gratiam ad mensuram accepit, benedicta dicitur, non simpliciter, sed inter mulieres²¹. Christus vero quia gratiam non ad mensuram habuit, et omnino liber, et immunis existit a peccato, simpliciter datur ei benedictio: *Benedictus*, inquit, *fructus ventris tui*²². Caro Mariæ sanctificata fuit; caro Christi non sanctificata, sed sancta et sanctificans. Ista sanctitatis in carne diversitas significata est in duabus decimis Veteris Testamenti. Filii siquidem Israel dabant decimas omnium bonorum suorum Levitis: Levite vero de melioribus dabant decimas summo sacerdoti. De massa itaque carnis humanæ, quasi de quadam universitate frugum in modum decimæ primitivæ, Mariæ caro exempta et sanctificata est,

A et de illa sanctissima carne adhuc dignior quædam et sanctior portiuncula electa est, quam sibi vivendo assumeret Verbum Dei. Hæc est decima ephi, quæ in Levitico in libamen Domino jubetur offerri²³. Ephi est decima pars cori. Corus continet xxx modios; ephi continet tres modios, et hæc est decima pars cori. Sic decima cori est ephi, et hæc est caro Mariæ. Decima ephi est caro Christi, et offertur libamen Domino, et sacrificium in odorem suavitatis. Hoc ipsum præfiguravit Ruth²⁴: quæ cum collegisset spicas in agro Booz collectas excusset, et invenit ephi, id est tres modios. Hujus Virginis nativitatem, et Christum ex ea nasciturum prænoverant patriarchæ et prophetæ: in cuius rei desiderium generationi studebant. Propter hoc Osee dicit uxorem Gomer meretricem²⁵, Isaías generat has sub filium suum²⁶, Manue Samsonem²⁷, Helcana Samneleum²⁸, David Salomonem²⁹. Ora prophetarum aperta sunt; visiones innumeræ factæ sunt, sicut dicit Dominus per Oseam: *Visiones multiplicabit et in via prophetarum assimilatus sum*³⁰. Nonne solummodo verbis, aut visionibus, sed scripturis, signisque et miraculis, tam Christi quam Mariæ nativitas designatur. Quæ omnia si quis vellet deducere in medium, nec lingua, nec tempus sufficeret; sed nec humanæ memoriarum capacitas, nec aurium patientia sustineret. Enormiter nobis nocuerunt vir unus et mulier una; sed gratias Deo, quia per unam mulierem omnia restaurata sunt nobis, non sine multiplici seniore gratiarum. Non enim sicut delictum, ita et donum, sed excedit estimationem damni beneficio-ruin magnitudo.

C Peccatum quidem ex uno in condemnationem; donum vero ex multis delictis in justificationem. Prudentissimus artifex quod in Adam factum fuerat non destruxit, sed refecit, arundinem quassatam non contrivit, et lignum fumigans non extinxit³¹, sed novum Adam formans ex veteri, matrem in filia reformat. Jam tibi sublata est, o Adam, omnis materia querelandi adversus uxorem. Ne dicas: Mulier, quam dedisti mihi, ipsa seduxit me, deditque mihi de fructu prohibito, et comedí³²; sed dic: cum essem de luce ejectus in tenebras, mulier hæc quam dedisti non seduxit me: deditque mihi de fructu benedictio. Vere benedictio, in quo, et a quo omnis benedictio, omnis consolatio, et, ut verbo Apostoli ntar, *omnis justificatio, sanctificatio et redemptio*³³. Ecce domus quam Sapientia ædificavit. Ecce ferculum Salomonis, thronus regis, tribunal judicis, reclinatorium pietatis, propitiatorium exauditionis, forma eruditionis, via consilii, terminus exsilii, abolitio peccati, deletio chirographi, fiducia præmii, scala cœli, janua paradisi, figurarum finis, legis impletio, prophætarum declaratio, ex ibitio

¹¹ Isa. 24. ¹² Cap. 29. ¹³ Cap. 12. ¹⁴ Psal. 101. ¹⁵ Ephes. 5. ¹⁶ Rom. 5. ¹⁷ Rom. 7. ¹⁸ Isai. 6. ¹⁹ Luc. 4. ²⁰ Ibid. ²¹ Ibid. ²² Levit. 6. ²³ Ruth. 22. ²⁴ Ose. 1. ²⁵ Isai. 7. ²⁶ Judic. 7. ²⁷ I Reg. 1. ²⁸ II Reg. 12. ²⁹ Ose. 12. ³⁰ Matth. 12. ³¹ Gen. 5. ³² I Cor. 10.

veritatis, exemplar humilitatis, custodia religionis, schola virtutum, consummatio sanctitatis. O sancta, o benedicta, tu luna in medio firmamenti, tu candelabrum in medio mundi, tu lignum vitae in medio paradisi. Magna est gloria tua in salutari tuo. Quis enarrabit laudes tuas? Quis loquetur potentias tuas? Licet te exaltent filiae Sion, licet te laudent reginæ, licet laus tua sit in Evangelio et prophetis, et laudem tuam pronuntiet omnis Ecclesia sanctorum; omnium tamen præconia, et omnium laudes ad comparationem tuæ benedictionis sunt tanquam facula ad solem, tanquam gutta ad magnitudinem maris. Tu inter miserias et angustias nostras ad omne auxilium et consilium omnibus promptior, potentior, efficacior, omnibus honorabilior, amabilior, gravior, et dulcior. Dulcis es in ore te laudantium, in corde diligentium, in memoria te deprecantium. Magnificata es in omni sexu, in omni ætate, in omni conditione, in tribubus, et populis, et linguis; tu myrrha electa; tu piscina in Ezebon; tu virgula sumi ex aromatibus; tu fasciculus myrræ inter ubera sponsi; tu terebinthus extendens ramos gratiae et salutis; ut inter omnes et super omnes benedicta, et superbenedicta, superelecta, superspectiosa, supergratiosa, supergloriosa mater illius, qui dat gratiam et gloriam, honorem et æternitatem, cui sit honor et gloria in secula sæculorum. Amen.

SERMO XXXIX.

DE SANCTO MICHAELE, ET CUSTODIA ANGELORUM.

Benigne fac, Domine, in bona voluntate tua Sion, ut ædificantur muri Jerusalem ²⁴.

Si referamus tempora Nabuchodonosor, tempora Seva cherub, Titi quoque et Vespasiani, non dubitamus quia terrena Sion multoties capta et destructa et reædificata est. Et ne ad veteres historias nos ire oporteat, in promptu est destructio illius civitatis facta tempore papæ Urbani secundi, regnante rege Francorum Philippo. Sed nunc, culpis nostris exigentibus, hæc novissima captio et destructio facta est sub Urbano papa tertio, et sub alio Philippo rege Francorum. Sed est alia Jerusalem superna, et cœlestis illa, quæ est mater nostra, cuius muri in ruina, et lapsu Luciferi atque complicum ejus, ex parte non modica corruerunt. Erat consilium Altissimi, ut hæc civitas reædificaretur ex hominibus tanquam ex rationabilibus et vivis lapidibus; et licet consilium illud absconditum fuissest a sæculis, erat tamen prophetis in spiritu revelatum. Unde Daniel et Amos dicebant: *Non faciet Dominus quidquam, nisi prius revelaverit illud servis suis prophetis* ²⁵. David ergo propheta secreti hujus conscientis et intelligens, quod de viris contemplati vis qui significatur per Sion reædificanda esset

A Jerusalem, supplici et devota oratione bénignitatem summi iudicis interpellat. Tu, inquit, Domine, qui bene facere decrevisti, his quorum oculi interiores ad te sunt: *sicut oculi servorum in manibus domini sui* ²⁶: *tu benefac, Domine, in bona voluntate tua Sion* ²⁷, his qui contemplationis et desiderii oculos ad te habent. Et exprimens beneficium modum, subiungit, *ut ædificantur muri Jerusalem*. Referamus, fratres, gratias Altissimo, quia *beneplacitum est Domino super timentes eum, et in eis, etc.* ²⁸. Placet ei quod de nobis qui inimiculi sumus reparetur ruina angelorum, ut in locum unde superbus cecidit humili elevetur, quia de angelis qui prævaricati sunt non possunt restaurari ruinae Jerusalem. Nam et ipsi restaurari non possunt, quoniam initiquitas eorum inventa est ad odium. *Ibi enim cederunt qui operantur iniquitatem, expulsi sunt, nec potuerunt stare* ²⁹. Suscitet, quæso, Dominus de inimiculis angelos, suscitet de terra inopem, de pulvere érigens pauperem, ut colloce: *eum cum principibus* ³⁰, et solium gloriae teneat. *Adveniat, Domine, regnum tuum* ³¹, impleatur nuptiæ discubentium, impleatur numerus fratrum nostrorum, fratres angelos voco, domesticos scilicet et concives nostros. Eleva, Domine, solium tuum in gloria, et de his qui sub te sunt templi tui ruinas impleare digneris. Sic enim, Domine, locutus es per os sanctorum qui a sæculo sunt prophetarum ³²: *inter quos Isaías non solum dixit aut scripsit, sed vidit solium excelsum et elevatum* ³³; *excelsum in angelis qui steterunt; elevatum in hominibus, qui per scalam divinæ miserationis ascendunt*. Cumque idem propheta de majestate Domini, quæ totam terram impleverat loqueretur, adjunxit: *Et ea quæ sub ipso erant, replebant templum* ³⁴. Terra siquidem corporis nostri quæ modo data est in manus impii, quandoque liberabitur a servitute peccati, et a debito mortis: cum Dominus populum humilem salvum faciet, et oculos superborum humiliabit ³⁵: *cum excusserit jugum oneris, et virgam exactoris illius, quem intersciet Dominus virga oris sui*: cum ille delebitur, et exsufflabitur sicut pulvis quem projicit ventus a facie terræ, tunc renovabit Dominus faciem terræ nostræ, quia *mortale hoc induet immortalitatem* ³⁶, et *reformabit Dominus corpus humilitatis nostræ configuratum corpori claritatis suæ* ³⁷, et sic terra nostra divina replebitur majestate ³⁸, et tunc, sicut scriptum est, *ea quæ sub ipso erant, replebunt templum*. Nam illi qui Deo in humilitate subjecti sunt, assumuntur in locum angelorum, atque ruinam templi cœlestis implebunt. Noluit ille perditissimus sub Deo esse, sed volens divinæ potentiae similitudinem usurpare, sibi cathedralm pestilentiae in lateribus aquilonis erexit et cecidit; nec adjicet ut resurgat. Coangustum enim est stratum, ita ut alter decidat. Casus autem

²⁴ Psal. 50. ²⁵ Amos 3. ²⁶ Psal. 192. ²⁷ Psal. 50. ²⁸ Psal. 146. ²⁹ Psal. 35. ³⁰ Psal. 112. ³¹ Matth. 6. ³² Luc. 1. ³³ Isai. 6. ³⁴ Ibid. ³⁵ Psal. 17. ³⁶ I Cor. 15. ³⁷ Philipp. 3. ³⁸ Psal. 71.

unus, factus est ruina multorum, nam et multis in A eadem malitia secum traxit. Viderunt alii furem et cœcurrerunt cum eo, et portionem suam cum adultero posuerunt.

Nonne fur erat qui dolose quod non suum erat, sed alterius, rapiebat? Ubi autem in superbiam se erexit, oblitus legem vite et disciplinæ adulteratus est. Sicut Apostolus dicit: *Si sine disciplina estis, ergo adulteri estis*⁴⁹. Infelix si Domino subjectus fuisset, nunc esset inter domesticos Dei, inter potestates et thronos, inter principes paradisi. Nondum laboraverat, utquid ergo sedere parabat? Procul dubio illi sedebeunt, qui pro Christo laboraverunt. *Sedebitis*, inquit, *super sedes duodecim*, etc.⁵⁰ Et tunc miser judicandus astabit. Dediçnabatur infelix ei ministrare, cui servire regnare est. Sane illi qui in veritate steterunt, gloriantur in ejus ministerio; cuius faciem semper vident, nam et teste Apostolo, qui tanquam supernorum spirituum familiaris illi supercœlesti curiæ meruit interesse: *omnes sunt administratorii spiritus missi, in ministerium propter eos, qui hæreditatem capiunt salutis*⁵¹. *Millia millium assistebant ei, et decies centena millia ministrabant ei*⁵². Illi qui creavit angelos, et qui tanto differentius nomen præ illis hæreditavit⁵³, quanto major est angelo Dei creatura; creator non solum dignatus est minorari paulo minus ab angelis⁵⁴, sed etiam inter homines peccatores et pauperes sponte assumpsit officium ministrantis. Ille autem filius superbiae, qui cathedram pestilentiae in superbia et abusione appetiit, degradatus est, ut episcopatum ejus accipiat alter; et ad divitias gloriæ, quas per divinam sententiam perdidit, assumatur mendicus et pauper. Nonne Deo subjecta erit anima mea, si forte humilitatem ancillæ suæ respiciat Deus; humiliabo oculos meos in oculis Domini, ponam in pulvere os meum, si forte sit spes⁵⁵. Scio quia novit Deus figmentum nostrum⁵⁶, non possumus iniquitates nostras ab eo abscondere, qui explorat Ierusalem in lucernis⁵⁷, qui scrutatur corda et renes⁵⁸, qui in ipsis angelis suis reperit praritatem⁵⁹. O quam beati quorum remissæ sunt iniquitates, et quorum tecta sunt peccata!⁶⁰ Isti sunt, Domine, quos elegisti et assumpsisti, isti habitabunt in atris tuis⁶¹. Ausseretur peccator ne videat gloriam Dei; isti autem habitabunt in multitudine pacis. O infelicissime lucifer, jam non lucifer sed noctifer; vide quomodo in tuam ignominiam creat Dominus, hodie de his qui sunt terra, cinis et vermium cibus, non solum angelos, sed seraphim; ut honoris incrementum in humili, tibi superbo cedat in cumulum confusionis et doloris augmentum. Nonne sunt seraphim qui, cum sint in terra, et cinis terrenæ conversationis oblii divini amoris ardore medullitus

incenduntur? *Ignem, inquit Dominus, veni mittere in terram, et quid volo nisi ut ardeat?*⁶² Vult Dominus ut ardeamus igne charitatis, et simus ardendo seraphim. Seraphim enim interpretatur *ardentia*; ille lucifer lucere tantum voluit, non ardere. Si lucendo arsisset, non fuisset frigidus; nec in regione frigida sibi cathedram exesset. Adhuc plerique sunt, qui aliquid de malitia angeli depositi contrixerunt, appetentes lucere potius quam ardere. Lucet siquidem et non ardet, qui obtentu simulacrae religionis aura famæ popularis attollitur. Iste in modum luna, cum servorem non habeat, lumen suum aliunde mendicat. Ideoque testimonio Sapientis: *Stultus ut luna mutatur, sapiens autem permanet ut sol*⁶³. Vita siquidem praesens ardoris est, non fulgoris; hinc accendi et soveri debet ignis, sicut in Levitico⁶⁴ legitur, in altario cordis. *Ibi vero fulgebunt justi sicut sol in conspectu Patris sui*⁶⁵. Melius est hic ardere quam lucere; lucebat Lucifer et cecidit, ardebat seraphim et stetit, quia *charitas nunquam excidit*⁶⁶.

Scitis, fratres, quod angeli multa familiaritate Deo conjuncti sunt, et tamen per gratiam illius, qui nos et illos fecit, facti sunt consortes et concives nostri. Verumtamen, cum sint de schola illius, qui pacem et veritatem diligit; cum sint angeli pacis, cum sint filii pacis, cum sint cives et principes illius Jerusalem, cuius participatio ejus in id ipsum⁶⁷, pacem et concordiam in nobis exigunt super omnia et mutuam charitatem. Pacem angelicæ societatis sibi Petrus apostolus desiderans, et in nobis suadens: *Ante omnia, inquit, mutuam charitatem continuam habentes,*⁶⁸ etc. Et item: *Dilige invicem non verbo, nec lingua; sed opere et veritate*⁶⁹. Expedit nobis, fratres, ut sicut inter angelos est mutuus amor et prompta ad Deum reverentia, sic erga nos sit mutuo cor unum et anima una, et erga pastorem devota obedientia, et humili obsequela. *Tunica Domini inconsutilis*⁷⁰, et indivisa est. Ea induit sunt angeli, et induendi sunt angelici viri. Noveritis autem quod tunicam Domini scindit quisque se signo, aut verbo, aut opere a fraternali charitatis unione disjungit. *Id ipsum*, Apostolus dicit, sentit, et non sint in vobis schismata⁷¹. Cum in sacrificio Abraham per aves designati sunt spirituales viri, et per animalia sæculares, Abraham⁷², præcipiente Domino, vaccam et arietem divisit, et partes divisas altrinsecus ponens, columbam et turturam non divisit.

De superbia non loquor. Rogo autem, imo quantum mihi licet excommunico et detestor ne superbia vel etiam nominetur in vobis. Superbia malitia inventa est ad odium sempiternum. Civitas illa cœlestis semel turbata est hac peste, et ex parte

⁴⁹ Hebr. 12. ⁵⁰ Matth. 19. ⁵¹ Hebr. 1. ⁵² Dan. 7. ⁵³ Hebr. 1. ⁵⁴ Hebr. 2. ⁵⁵ Thren. 3. ⁵⁶ Psal. 102. ⁵⁷ Soph. 1. ⁵⁸ Psal. 7. ⁵⁹ Job. 4. ⁶⁰ Psal. 31. ⁶¹ Psal. 64. ⁶² Luc. 12. ⁶³ Eccli. 27. ⁶⁴ Cap. 6. ⁶⁵ Matth. 13. ⁶⁶ I Cor. 12. ⁶⁷ Psal. 121. ⁶⁸ I Petr. 4. ⁶⁹ I Joan. 5. ⁷⁰ Joan. 19. ⁷¹ I Cor. 1. ⁷² Gen. 13.

destructa est. Cives illius abominabiliter abhorrent superbiam; nec societatem sortitur angelicam, qui non humiliaverit se sicut parvulus. Sed nec Dominus requiescit nisi super humilem et manu-uetum, et trementem ad verba sua⁷³. Sane Angelus nihil operatus est; sed tantum cogitavit superbiam, et in momento, in ictu oculi dejectus est⁷⁴. Superbia Angelum in diabolum commutavit, principem lucis in principem tenebrarum. Noli ergo superbire, homo, cum sis terra, et cinis, et pulvis vilissimus, flatu modico in nibilum dispergendas. Si volumus fieri socii angelorum, humiliemur sub potenti Dei manu: quanto erimus humiliores, tanto erimus angelis gratiore; humilitas eis cognata est; nam aliis in superbia sua cadentibus, isti in humilitate sua steterunt. Angeli quidem sicut de reædificatione civitatis suæ sunt solliciti, ita circa nostræ salutis studium sunt attenti; nam reædificatio illa salus nostra. Placent ergo his lacrymæ nostræ, compunctiones ignitæ, anxiæ gemitus, arcanae jubilationes, orationes devotæ, custodia castitatis, observantia obedientiæ, contemptus temporalium, et perseverantia voluntarie paupertatis, hæc sunt sacrificia, hæc sunt incensa quæ pro nobis Domino offerunt. Quia enim ad eminentiam divinæ majestatis sicut angeli familiarem non habemus accessum, ipsi fideliter orationes nostras Domino repræsentant. Unde cum Scriptura dixisset: *Data sunt ei incensa multa, subjunxit: Et ascendit sumus aromatum de manu Angeli in conspectu Domini⁷⁵.*

Angelos Domini, fratres charissimi, tanquam amicos et domesticos Dei modis omnibus honoremus; ut et ipsi nos honorent et nos recipient in æterna tabernacula, in restorationem supernæ Jerusalem, in repletionem templi cœlestis, in ædificationem corporis Christi. Quod nobis per merita angelorum præstare dignetur Dominus angelorum; cui est honor et gloria in sæcula sæculorum. Amen.

SERMO XL.

IN EODEM FESTO.

Data sunt ei incensa multa; et ascendit sumus aromatum in conspectu Dei de manu angelii⁷⁶.

Joannes in Apocalypsi loquitur de ministerio angelorum, qui de nostra salute solliciti sunt propter triplicem causam: propter nos, propter Deum, propter se ipsos. Propter nos, quia naturam suam in animabus nostris, quæ sunt rationales spiritus, recognoscunt; nosque sibi conjunctos conformitate naturæ, et, ut ita loquar, quadam cogitatione intelligunt, quia sunt participes et capaces beatitudinis gloriæque æternæ. Propter Deum, cuius misericordiae viscera vident effusa circa nos. *Nemo enim maiorem charitatem habet, quam ut animam*

*A suam ponat quis pro amicis suis⁷⁷. Sciunt quia dilexit nos; non quia dilexerimus eum, sicut dicit Joannes⁷⁸, sed quia prior ipse dilexit nos, et dedit animam suam pro nobis. Vulgare est: Qui me diligit, et canem meum. Utinam et canes essemus et lingeremus ulcera nostra! vel saltem catuli, ut possemus edere de micis, quæ cadunt de mensa dominorum nostrorum. Ipse enim sunt domini nostri, imo dominationes et principatus cœli, qui sedent in mensa Altissimi, ubi satiantur ab ubertate domus Dei, et potantur torrente voluptatis æternæ. Lætantur et exultant in bonis, quæ nec oculus vidit, nec auris audivit, nec in cor hominis ascenderunt⁷⁹. Satiantur ex adipe frumenti; nos autem quodam sursum, et quodam coruice sacramenti. Diligunt nos propter se, quia de nobis scilicet tanquam de lapidibus rationabilibus et vivis restaurandum est suæ civitatis excidium, atque coelestium ruina murorum. Hic est triplex funiculus quo ab angelis trahimur; ut simus ædificatio Dei, et crescamus in templum sanctum Domini. Veneremur eos, fratres, quia plurimum sunt nobis necessarii. Sunt enim domestici et familiares Dei, colorum cives, et principes paradisi. Iste domini et ministri nostri sunt; ministri ad obsequium, domini ad tutelam. Hi sunt qui ministrant Deo pro nobis. Paulus etiam apostolus⁸⁰ ad tertium coruum raptus vidit ministerium eorum, dum illi cœlesti curiae interfuerunt. Et qui vidi, testimonium perhibuit, dicens: *quia omnes administratori sunt spiritus, missi in ministerium, propter eos qui hereditatem capiunt salutis⁸¹*; ipsi sunt qui preces et orationes nostras, suspitia occulta, gemitus anxios, ignitas compunctiones, jubilationes, arcana, et cætera devotionis desideria, quibus anima pœnitentis quasi aquam in conspectu Domini se effundit, ad Deum deferunt et nobis beneficia misericordie suæ referunt. Hæc sunt incensa, quæ de manu angelii emitunt fumum aromatum in conspectu Dei. Quid est fumus aromatum, nisi devotione orationum? Ascendit, inquit, *oratio mea sicut incensum in conspectu tuo⁸²*. Non mireris si ministrant angeli, ubi ministrat Dominus angelorum. Ipse enim est qui dicit: *Venij ministrare non ministrari, et animam meam ponere pro multis⁸³*; ut ministraret nobis minoravit se paulo minus ab angelis⁸⁴. Minor equidem factus est per humilitatem dispensations, remanens major per gloriam majestatis⁸⁵. Sic ascendunt et descendunt angeli super Filium hominis; sic, juxta Canticum, sponsus venit sponsus saliens in montibus, et transiliens colles⁸⁶. Ministrant itaque cives cœli, nobis ministrat et Dominus cœli. Ille vero Lucifer, qui mane oriebatur, ministrare nolebat: ideoque occidit. Ejus experimentum erat*

D

⁷³ Isa. 66. ⁷⁴ 1 Cor. 45. ⁷⁵ Apoc. 8. ⁷⁶ Ibid. ⁷⁷ Joan. 15. ⁷⁸ 1 Joan. 4. ⁷⁹ 1 Cor. 2. ⁸⁰ II Cor. 12. ⁸¹ Hebr. 4. ⁸² Psal. 140. ⁸³ Matth. 20. ⁸⁴ Hebr. 2. ⁸⁵ Joan. 1. ⁸⁶ Cant. 2.

omnis lapis pretiosus, teste Ezechiele⁷⁷, quia omnibus aliis angelis præminebat. Et sicut idem Ezechiel dicit : *Signaculum similitudinis plenus scientia, et perfecti decoris in deliciis paradisi Dei*⁷⁸. Testimonio vero beati Job : *Erat principium viarum Dei*⁷⁹, sed depositus est et dejectus, eo quod in superbia et in abusione sua cogitavit ascendere in monte testamenti, et sedem ponere in lateribus aquilonis. Alii ministrabant et stabant, sicut scriptum est : *Cherubim super ea stabant, millia millium ministrabant ei, et decies millia centena assistebant ei*⁸⁰. Ille autem impudens et imprudens sedere nolebat. Illujus imitatores sunt qui fugiunt labores, et affectant honores. *In labore hominum non sunt, et cum hominibus non flagellabuntur*⁸¹. Laborem enim et dolorem, et flagella eterna cum dæmonibus præstolantur. Quare non attendis, homo, cinis, pulvis, quare non consideras quantum discriminis habeat ambitus potestatis? *Vidi, inquit, Satanam sicut fulgur de cælo cadentem*⁸². O superbe et maligne spiritus, quia noluisti stare et ministrare coram Domino, adhuc homines super sedes duodecim sedere videbis, et ibi coram eis judicandus astabis. *An nescitis, dicit Apostolus, quod et angelos judicabimus?*⁸³ Fratres, omnem reverentiam, omnem obsequii clientelam tenemur angelis exhibere tanquam familiaribus et secretariis Dei, auxiliatoribus et defensoribus nostris. Isti nos reconciliant Deo, nostros hostes propulsant, devotiones nostras excitant, gratiam nobis impeirant, et excessus nostræ infirmitatis excusant. Porro, sicut gaudium est eis super peccatore penitentiam agente, ita abhorrent et fugiunt eos, quos vident in peccatis suis pertinaciter, tempusque penitentiae prolongare. Quæ enim conventio lucis ad tenebras, peccatoris ad angelum, carnalis et venundati sub peccato ad spiritum? Nunquid angelis placere possunt qui sedent in stercoribus suis, et bibunt urinam peccatorum suorum: quorum cogitationes et opera sentent in naribus angelorum? Scandalizantur angeli, et recedunt, ut possit dicere qui reliquitur : *Amici mei et proximi mei adversum me appropinquaverunt et steterunt: et qui iuxta me erant de longe steterunt.* Et ideo vim faciebant qui quererant animam meum⁸⁴. Elongasti, Domine, a me amicum et proximum, et notos meos a miseria⁸⁵. *Væ homini per quem scandalum venit!*⁸⁶. Si periculosum est scandalizare unum ex his pusillis, quanto periculosius est scandalizare unum aut multos ex illis? *Væ homini illi per quem scandalum venit!* Nemo excipitur, sive angelum, sive pusillum, sive aliquem proximum scandalizet. Sed dicis: Angelus tenetur me diligere propter

A Deum, propter nos; et propter se, sicut prælibatum est. Numquid poterit angelus hominem diligere propter Deum, quem Deo videt esse contrarium et rebellem? Sed neque hominem diligent, in quo vident spiritum degenerantem a conformitate angelicæ potestatis; nec etiam propter se, aut propter reædificationem suæ civitatis diligent eos qui debuerant esse lapides vivi, et facti sunt *sicut puluis quem projicit ventus a facie terræ*⁸⁷, non habentes id in quo conjungendi et coædificandi erant angelis, charitatis glutinum et unitatem spiritus in vinculo pacis. *Væ homini per quem scandalum venit!* Est exterior scandalum, quo pusillus offenditur, molestatur adulterus, angelus exturbatur. Est et scandalum, quod interior patimur, sentientes legem contrariam in membris nostris: et hoc est scandalum oculi, manus, pedis. Scandalizat nos oculus interior dum se nostra intentio subjicit alicui extraordinarie voluptati. Sed habes consilium, ut hunc eruas oculum, et projicias abs te⁸⁸, id est abjiciatur voluntas ne veniat in consensum. Quandoque circa opus bonum sollicitos nos affectus notionis prave sollicitat. Hoc est scandalum manus; eamque abscedis si usque ad effectum operis non consentis. Si proficiebas in melius, si ascedebas de gradu in gradum per scalam Jacob, si stabat in directo pes tuus, vide ne pes superbiæ te moveat; nam, si moti aut effusi fuerint gressus tui, ut aedila et quodam laetio lentescere incipias in via Domini, scias quia pes tuus interior scandalizat te. Per te ergo consilio Salvatoris abscede pedem tuum, ut expeditius curras in via cœlestium mandatorum. Noli variis voluntatibus vel actionibus occupari: qui ubique est nusquam est, qui in multis afficit, in paucis proficit. Porro unum est necessarium⁸⁹. Melius est cum uno pede, aut uno oculo intrare in regnum cœlorum, quam duos oculos, vel duos pedes habentem mitti in gehennam ignis⁹⁰. Fili, ne in multis sint actus tui, dicit Sapiens⁹¹. In uno cubitu consummata est arca⁹². *Væ homini gradienti duabus viis!*⁹³ Qui enim ambulat simpliciter, ambulat confidenter⁹⁴. Simplicitas patenter evacuat scandalum pedis. Sed et si simpliciter agas, et voluntates malitiosas abscedas, scandalum oculi et manus evacuas. Quia si oculus tuus simpliciter fuerit, id est intentio operandi, totum corpus operum et cogitationum lucidum erit, et lucebunt opera tua coram hominibus, ut glorifcent Patrem tuum qui in cœlis est⁹⁵, tunc coram Deo et angelis ejus gratiam et gloriam consequeris. Quod nobis omnibus per ministerium angelorum præstare dignetur: cui est honor et gloria in sæcula sæculorum. Amen.

⁷⁷ Cap. 28. ⁷⁸ Ibid. ⁷⁹ Job. 40. ⁸⁰ Dan. 7. ⁸¹ Psal. 72. ⁸² Luc. 10. ⁸³ 1 Cor. 6. ⁸⁴ Psal. 57. ⁸⁵ Psal. 87. ⁸⁶ Matth. 18. ⁸⁷ Psal. 4. ⁸⁸ Matth. 18. ⁸⁹ Luc. 10. ⁹⁰ Matth. 18. ⁹¹ Eccl. 11. ⁹² Gen. 6. ⁹³ Eccl. 5. ⁹⁴ Prov. 50. ⁹⁵ Matth. 6.

SERMO XLI.

IN FESTO OMNIUM SANCTORUM.

*Anima nostra sicut passer erepta est de luqueo
venantium; laqueus contritus est, et nos liberati su-
mus* ⁶.

Totus hic versiculus, imo totus hic psalmus est gratiarum actio et vox laudis. Sancti enim quoru[m] solemnitas hodie agitur, olim similes nobis passibilies habitaverunt domos luteas, et in corpore mortis hujus tentationis laqueos, et inimici malitias graviter sunt experti. Nunc autem, quia eduxit Dominus eorum animas de periculis hujus vitae, loquitur Prophet*a* in persona eorum et dicit: *Anima nostra sicut passer*, etc. Huic verbo concinit et concordat quod Joannes in Apocalypsi ait: *Sub altari Dei audivi vocem occisorum dicentium: Vindica, Domine, san-
guinem servorum tuorum qui effusus est* ⁷. Nec est vox ista exspectantium ultionem, sed desiderantium sui corporis glorificationem. Nam sub altari Dei constitutae sunt animae quae de corporibus exierunt, et in tranquilla quiete stolam secundam, id est glorificationem corporis gaudentes exspectant. Altare Dei sancti Patres intelligunt corpus Christi glorificatum: in cuius visione sunt ad tempus deliciae animarum, donec impleatur numerus fratrum suorum. Ille sunt aquilæ, quæ congregantur ad corpus. Sicut scriptum est: *Ubique fuerit corpus, ibi congregabuntur et aquilæ* ⁸. Delectantur ergo in aspectu glorificatae carnis in Christo, qui eis stolam animæ nunc tribuit, et tandem glorificationem corporis tribuet, atque in hac requie gloriam perfectam glorificationis exspectant. Hinc est vox quæ dicit: *Ne exspectant justi, donec retribuas mihi* ⁹. Sane illi qui glorificationem corporis exspectabant, divinum accepserunt responsum, quod eis in Apocalypsi dictum est: *Su-
cinate modicum tempus, donec impleatur numerus fratrum vestrorum* ¹⁰. Nam de patriarchis et prophetis scriptum est: *Deo melius aliquid providente pro nobis; ne sine nobis consumentur* ¹¹. Anima siquidem hominis eo temporis articulo, quo de carcere corporis hujus egreditur, et est quasi in porta qua exitur ab hac vita, juxta operum suorum exigentiam transit ad gaudiæ vel dolores, juxta illud: *Opera eorum sequuntur illos* ¹². Justus autem non confundetur, cum loquetur inimicis suis in porta ¹³. De illo enim dicitur: *Date ei de fructu manuum suarum, et laudent eum in portis opera ejus* ¹⁴. Nam, et si fuerunt in laboribus, sed, *A modo dicet eis Spiritus ut requiescant a laboribus suis* ¹⁵. Olim siquidem omnes ad inferos descendebant. Unde et beatus Job dicit: *Quis mihi tribuat ut in inferno protegat me, et abscondas me, donec per-
transeat furor tuus, et constituas mihi tempus in quo*

A recorderis mei ¹⁶? Erat tamen magnum chaos firma-
tum inter justos et impios; nam justi erant in sinu
Abrahæ sedentes, id est quiescentes in tenebris,
exspectantes beatam spem et adventum gloriae
magni Dei. Impii vero erant in doloribus et tor-
mentis: quod ex evangelica historia in divite et
Lazaru patet ¹⁷. Christus autem peccatorum purga-
tionem faciens ¹⁸, abolito chirographo nostræ dam-
nationis in sanguine suo, descendit ad inferos et
contrivit portas æreas, ac vectes ferreos confregit ¹⁹,
educens vincitos de domo carceris, sedentes in te-
nebris et unib[ra] mortis. Posuit ergo eos sub altare
Dei, abscondens eos in tabernaculo suo in die ma-
lorum, et protegens eos in abscondito tabernaculi
sui. Ibi requiescent et delectantur in aspectu cor-
poris Christi glorificati, exspectantes donec implea-
tur numerus fratrum suorum ²⁰, donec supervestiat
eos Christus reformans corpus humilitatis nostræ con-
figuratum corpori claritatis suæ ²¹. Ergo non sunt in
sinu Abrahæ, sed sub altare: jami non in inferno,
sed in cœlo, nisi quod et paradisum cœli, vocare
Abrahæ sinum Ecclesia consuevit. Porro licet stola
animæ in hac vita sitienter desideretur a justis,
affectatur tamen amplius stola carnis. Unde et quidam
dicebat: *Sitivit in te anima mea quam multipliciter
tibi caro mea* ²². Ex ipsis triplex intelligitur sanctæ
animæ status. In militia, in requie, in gloria. Pri-
mus in tabernaculis, secundus in atriis, tertius in
domo Domini. Primum audis, cum dicitur: *Quam di-
lecta tabernacula tua, Domine virtutum* ²³. Finis
ejusdem versiculi sequentem exprimit statum qui
concupiscibilior est: *Concupiscit et deficit anima mea
in atria Domini* ²⁴. Sed, quia nondum invenisti beatitudinem, procede ulterius usque ad domum Dei. Beati
enim qui habitant in domo tua, Domine ²⁵. Hunc pro-
cessum noverat qui dicebat: *Hæc recordatus sum et
effudi in me animam meam, quoniam transibo in lo-
cum tabernaculi admirabilis usque ad dominum Dei* ²⁶.
Et quia forsitan times quod veniatur ad dominum, et non in dominum, audi vocem lætitiae et exultationis.
*Lætatus sum in his quæ dicta sunt mihi: in domum
Domini ibimus* ²⁷. Illi siquidem qui de mundo tri-
umphaverunt, educti de carcere corporis jam in atriis
Domini stant et exspectant, quando recipient cor-
pora sua. Lætantur, quia, impleto numero fratrum
suorum, intraturi sunt in dominum Domini.

Nec enim intraturi sunt in dominum Domini, sive
plantati, sive alii sine plebe. A *Domino factum est
istud, et est mirabile in oculis nostris* ²⁸. Quia, eum
anima imago sit Altissimi, corpus vero sit fetor et
morticianum, anima tamen ineffabili desiderio cor-
pus exspectat in participium gloriae suæ, ut cum
eo plene capiat voluptates aeternas, cum quo com-
municavit miseras temporales. Tunc intrabunt Je-

⁶ Psal. 423. ⁷ Apoc. 6. ⁸ Matth. 24. ⁹ Psal. 141. ¹⁰ Apoc. 6. ¹¹ Hebr. 11. ¹² Apoc. 14. ¹³ Psal.
126. ¹⁴ Prov. 31. ¹⁵ Apoc. 14. ¹⁶ Job. 14. ¹⁷ Luc. 16. ¹⁸ Hebr. 1. ¹⁹ Psal. 106. ²⁰ Apoc. 6. ²¹ Phi-
lipp. 5. ²² Psal. 62. ²³ Psal. 83. ²⁴ Ibid. ²⁵ Ibid. ²⁶ Psal. 41. ²⁷ Psal. 121. ²⁸ Psal. 127.

rusalem, quæ vere est visio pacis. Ibi enim est *pax* Dei, quæ exsuperat omnem sensum²⁹, quam scilicet nec oculus vidit, nec auris audivit, nec in cor hominis ascendit, quam præparavit Deus diligentibus se³⁰. Ibi autem non erit nisi gratiarum actio et vox laudis. Tunc, Domine, offeremus vitulos labiorum nostrorum, tunc imponemus super altare tuum vitulos. Qui enim modo sunt sub altari: tunc erunt super altare, qui jam delectabuntur non solum in aspectu glorificatae carnis in Christo, sed fruentes divinæ majestatis aspectu videbunt, et cognoscent verum Domini Patrem, et quem misit Jesum Christum, quod est vita æterna. Videbunt autem non in speculo, vel in ænigmate, sed facie ad faciem, et transiens ministrabit illis inestimabiles divinas gloriæ suæ, ut videant et cognoscant Patrem et Filium et Spiritum sanctum, in gloria æquali, in maiestate non dispari, ubi videbunt Christum quasi Unigenitum a Patre. Procul dubio ibi eum videbitis, sicut dixit vobis: *O quam magna multitudo dulcedinis tuæ, Domine!*³¹ Anima enim, quæ a corpore exuta est, et in exitu consummata beatitudinis requiescit, quasi abscondita est interim; sed erit quando resumpto corpore sedebit super thronos tanquam judex filiorum hominum. Sicut scriptum est: *Perfecisti eis qui sperant in te, Domine, in conspectu filiorum hominum*³². Nec equidem beneficit: sed nunc perficiet, nec justus animæ suæ dicet. *Convertere in ea, quia beneficit tibi Deus*³³. Interim namque quoniam priora transierunt, jam non est inter spem et metum sicut prius fuerat, sed singulariter in spe et exspectatione gloriæ, ut fiducialiter dicat: *In pace in idipsum, dormiam et requiescam. Quoniam, tu, Domine, singulariter in spe constituisti me*³⁴. In hoc equidein statu levæ sponsi est sub ea parte sponsæ, et tunc transibit ad dexteræ delectationem interminabilem. Nam *detectationes in dextera ejus usque in finem*³⁵. Sicut autem anima Christi, et caro jam glorificata est, ita in ipso perfectam, plenam et consummatam gloriam, tam animæ quam corporis consequemur. Noli, quæso, dubitare: sed audi discipulum quem diligebat Jesus, et quem dormientem in sinu suo cœlestis scientiæ torrente potavit. *Nunc, inquit, filii Dei sumus; sed nondum appetet quid erimus. Scimus autem quod, cum apparuerit, similes ei erimus*³⁶. Notandum autem quod sicut triplex est natura animæ, ut sit rationalis, concupiscibilis, irascibilis, ita erit glorificatio ejus triplex. Circa rationem duo contraria sunt, scientia et ignorantia. Ignorantia evacuabitur, scientia vero perficietur. Concupiscibilitati duo similiter adjacent contraria: desiderium et contemptus. Contemptus cessabit, desiderium vero perfecte implebitur. Pari modo circa irascibili-

A litatem lœtitia et tristitia quadam contrarietate versantur. Auseretur autem tristitia, et erit æterna jucunditas, et lœtitia consummata. Erit itaque beatitudo animæ sapientia vera, desiderium eorum quæ desideranda sunt, et plena et nunquam interpolata lœtitia. Corpus autem infirmum est, et pluribus indiget. Ideoque in quatuor ejus beatitudo consistit. Quia semel mortuum est, ne metuat iterum mori; *resurgens a mortuis jam non moritur, mors illi ultra non dominabitur*³⁷. Quia vero posset æternaliter vivere ut æternaliter pateretur, datur ei gloria impassibilitatis, et hæc secunda glorificatio corporis. Corpus nostrum hodie moles terrea et onerosa, cui superaddetur aegritas, ut tanta sit subtilitas, levitas, et agilitas corporum, quanta est hodie nostrarum cogitationum. Porro, ut iuhabitet gloria in terra nostra, ut repleteur maiestate Domini omnis terra, quæ assumenda est in reædificatione supernæ Jerusalem, et in plenitudinem corporis Christi: sequitur claritas, in qua reformat nos Dominus configuratos et conglorificatos, et conclarificatos claritati corporis sui. Fulgebunt enim justi in conspectu Domini, habentes tam in anima quam in corpore inter angelos et archangelos, agilitatem, immortalitatem, impassibilitatem, et claritatem corporis; æternam vero sapientiam et interminabilem delectationem animæ, atque desiderium in gaudio, et gaudium in desiderio sine fine. Amen.

C

SERMO XLII.

IN EODEM FESTO.

Videns turbas Jesus ascendit in montem³⁸, etc. Quæcumque scripta sunt, dicit Apostolus, ad nostram doctrinam scripta sunt, ut per consolationem Scripturarum spem habeamus³⁹. Unde et ascensus Christi in montem nos erigens in spem vitæ, nos manifestius docet, ut relictis turbationibus hujus mundi, ascendamus in montem Domini, in eminentiam virtutum. Nam et Christus qui in omnibus operibus suis nobis propositus est in exemplum, ut sequamur vestigia ejus: ipse, juxta hoc olim de eodem propheta prædicterat: *super montem excelsum tu ascende qui evangelizas Sion, qui evangelizas Jerusalem*⁴⁰, facturus verbum prædicationis prius ascendit in montem operis, sicut Lucas evangelista dicit: *Cœpit Jesus facere et post docere*⁴¹. In quo nos docet prius ascendere in eminentiam bonorum operum, antequam assumamus docentis officium. Ut qui nomen et honorem magisterii appetit, prius faciat docenda quam doceat facienda. Olim ascenderat Mose in montem ut legem acciperet, populo inferius remanente⁴²: hodie datus bepedictionem legislator, ascendit in montem, remanentibus turbis. Ascendunt et discipuli cum eo,

²⁹ Philipp. 4. ³⁰ I Cor. 2. ³¹ Psal. 30. ³² Ibid.
³⁷ Rom. 6. ³⁸ Matth. 5. ³⁹ Rom. 15. ⁴⁰ Isai. 40.

³³ Psal. 114. ³⁴ Psal. 4. ³⁵ Psal. 15. ³⁶ I Joan. 3.
⁴¹ Act. 1. ⁴² Exod. 19.

ut et illos montes æternos faciat ad illuminationem plebis suæ Israel, sicut scriptum est : *Illuminans tu mirabiliter a montibus æternis*⁴³. Quia per humilitatem valles fuerant, quasi montes crescant in magnitudinem dignitatis. Ascendent ergo ut suscipiant montes pacem populo, et colles justitiam⁴⁴. Et aperiens os suum, etc.⁴⁵. Qui olim ora prophetarum aperuerat, qui tunc frequenter aperiebat ora mutorum, os suum aperuit, os illud de quo frequenter prophetæ prædixerant, quia *os Domini locutum est*⁴⁶. *Beati*, inquit, *pauperes spiritu*⁴⁷. Jam secure possunt discipuli Joannis ad eum redire et dicere, quia *pauperes evangelizantur*⁴⁸. Manifestissime impletur in Christo, sicut ipse testatur ille sermo propheticus Isaiae : *Spiritus Domini super me, eo quod unxerit me, ad evangelizandum pauperibus misit me*⁴⁹. Pauperes evangelizat, et Evangelii sui legem inchoat a beatitudine paupertatis, qui divitias spinis comparat, qui divites damnat. *Væ, inquit, vobis, divites, qui hic habetis consolationem vestram!* *Beati pauperes spiritu*⁵⁰. Audiant pauperes et lætentur, quæ sit pars et hæreditas eorum, *quoniam ipsorum est regnum celorum*⁵¹. Suum est non solum ad habendum, sed ad communicandum aliis quibus amici facti sunt. Sicut scriptum est : *Facite vobis amicos de mammona iniquitatis, ut cum defeceritis, recipiant vos in æterna tabernacula*⁵². Ecce hic iterum honor pauperium.

Pauperes qui hic recepti sunt a divitibus, in regno suo divites recipiunt. Quia enim super pauca fideles fuerunt, super multa constituti sunt, et ideo benefactoribus suis felici commercio plenius et multiplicius poterunt respondere ad meritum. Tolerabilius et melius fuisset illi diviti evangelico, si Lazarum respexisset, et sic linguae ardentes refrigerium meruisset; sed consolationem non recepit a Lazaro, qui Lazaro nullam fecerat consolacionem⁵³. *Justus Dominus et justitias dilexit, æquitatem vidit rutilus ejus*⁵⁴. Quia ille lucifer aut potius noctilucifer in illis divitiis honoris et gloriæ impatiens se habuit; justum Dei judicium est, ut ille qui cum patientia paupertatem sustinet, regnum a quo ignominiose dejectus est impatiens et superbus, gloriose possideat.

Beati, inquit, *pauperes spiritu*, non omnes, sed tamen illi qui ducunt voluntariam, non coactam, non necessariam, sed spontaneam paupertatem. Nam illud solum Deo acceptum est quod ex voluntate procedit. *Voluntarie*, inquit Propheta, *sacrificabo tibi*⁵⁵. Porro Socrates Thebanus, et multi alii philosophi fuerunt contemptores divitiarum, et amatores paupertatis; *sed evanuerunt in cogitationibus suis et dati sunt in reprobum sensum*⁵⁶. A regno

celorum elongati sunt, quia *pauperes spiritu* non fuerunt.

Nescio, fratres, si plane intelligitis quid sit pauperem esse spiritu. Apud multos hoc verbum quandoque scrupulum dubitationis induxit. Quidam abundant et in sensu⁵⁷ et in spiritu, sicut *fili i hujus sæculi qui prudentiores sunt filiis lucis in generatione sua*⁵⁸. Istos siquidem nec pauperes, nec divites spiritu censere præsumo. Quis ergo erit pauper spiritu? Nunquid ille qui turbatur et concutitur a pusillanimitate spiritus et tempestate? Certe nec istum pauperem spiritu dignum est profiteri. Curramus ad Apostolum. Vir enim circumspectus et multorum expertus est. *Non accepimus*, dicit Apostolus, *spiritum hujus mundi, sed Spiritum qui ex Deo est*⁵⁹. Est autem spiritus hujus mundi, spiritus qui inflat, spiritus superbicie, de quo idem Apostolus dicit : *Ambulastis, inquit, secundum principem potestatis aeris hujus, spiritum qui nunc operatur in filiis diffidentia*⁶⁰. Credo si quis deficeret ab hoc spiritu, pauper esset spiritu. Sed non sufficeret hoc, nisi Spiritus Dei redderet testimonium spiritui ejus. Proceedamus ergo ulterius si forte possimus intelligere quid sit esse pauperem spiritu. Credo quia pauper spiritu est, qui deficiens a se ipso, et se totum pro Christo abnegans, nihil habet in cogitatione aut memoria, nihil in delectatione, aut desiderio nisi Christum. Iste potest dicere : *Memor sui Dei et delectatus sum, et defecit spiritus meus*⁶¹. Hanc sui abdicationem, hanc paupertatem, et hunc defectum spiritus videbatur habere qui dicebat : *Velociter exaudi me, Domine, quia defecit spiritus meus*⁶². Et illud : *In defiendo ex me spiritum meum, et tu cognovisti semitas meas*⁶³. Qui ergo mundo renuntians et se ipsum abdicans sub potenti manu Dei, et sub observantia ordinis se humiliat : hic est pauper et humili spiritu. De talibus dictum est : *Juxta est Dominus his qui tribulato sunt corde, et humiles spiritu salvabit*⁶⁴. Isti Spiritu Dei aguntur non alta sapientes; sed humiliibus consentientes.

Beati, inquit, *pauperes spiritu*. Nonne jam ex parte beatificati sunt, qui delectantur in sua paupertate, quod suam miseriam reputant divitias temporales. Et hoc est forte quod Salomon de Ecclesia spiritualium pauperum dicit : *Multæ filiæ congregaverunt divitias; ista supergressa est universas*⁶⁵. Multi congregant divitias, et fructum divitiarum in eis non inveniunt⁶⁶. Nonne fructus divitiarum debet esse sufficientia? Et invenio scriptum : *Divites eguerunt et esurierunt; inquirentes autem Dominum non minuentur omni bono*⁶⁷. Mirabiliter elusa est sapientia hujus mundi; filii hujus mundi qui sapientes sunt in oculis suis, experintur quotidie

⁴³ Psal. 75. ⁴⁴ Psal. 71. ⁴⁵ Matth. 5, Isai. 4. ⁴⁶ Matth. 5. ⁴⁷ Luc. 7. ⁴⁸ Isai. 4. ⁴⁹ Luc. 6. ⁵⁰ Matth. 5. ⁵¹ Ibid. ⁵² Luc. 16. ⁵³ Ibid. ⁵⁴ Psal. 10. ⁵⁵ Psal. 53. ⁵⁶ Rom. 1. ⁵⁷ Eccli. 49. ⁵⁸ Luc. 16. ⁵⁹ I Cor. 2. ⁶⁰ Ephes. 2. ⁶¹ Psal. 76. ⁶² Psal. 142. ⁶³ Psal. 141. ⁶⁴ Psal. 33. ⁶⁵ Prov. 31. ⁶⁶ Eccl. 5. ⁶⁷ Psal. 33.

quod possidere divitias cedit eis ad sollicitudinem et tormentum; filii vero lucis qui spirituali exquirunt prudentiam, compererunt quod divitias relinquere facit liberum et beatum. *Confiteor tibi, Pater cœli et terræ, quoniam abscondisti hæc a sapientibus et prudentibus, et revelasti ea parvulis*⁶⁶. Vide quam justus est Dominus; pauper spiritu contemnit divitias, pecunias detestatur, et nihil ei deficit, quia sufficit ei Deus, et insuper suum omnino est regnum cœlorum. Dives autem sectator avaritiae, cultor mammonæ, servus pecuniae, primum apostata, in nummo idololatra, qui nummum constituit deum suum, in eo magis deliquit; majorem timorem, et majorem sollicitudinem, maioremque per omnem modum habens in eo amaritudinem, in quo majorem sibi constituerat voluptatem. Vos autem pauperes spiritu, cum sitis nihil habentes, estis tamen omnia possidentes; nam Christus portio vestra. Vox cujusdam pauperis est: *Deus cordis mei, et pars mea Deus in æternum*⁶⁷. Nonne possidetis omnia, si habetis eum qui omnia habet? Cui Deus adest, nihil abest: et cui Christus sufficit, nihil deficit. Timentibus, inquit, Deum nihil deest⁶⁸. Divites onerati sarcinis hujus mundi, inutilibus quidem, sed gravibus, duce diabolo, properant ad infernum; nam, teste Veritate: *facilius esset camelum intrare per foramen acus, quam divitem intrare in regnum cœlorum*⁶⁹. Nonne jam delibant cœlestis regni primitias, quorum *conversatio est in cœlis*⁷⁰, qui contemptis possessionibus terrenis, nihil desiderant, nisi Christum apud quem suum colloquere depositum? Ideo voto et desiderio sunt in cœlis. Nam *ubi est thesaurus tuus, ibi est et cor tuum*⁷¹. Nonne quasi paradiſus deliciarumque hortus sunt in anima iusti, virtutum species, bouæ operationis fragrantia, conscientiae securitas, naturalitas quedam boni, delectationis quedam deliciae spirituales, in Christo cœlestium desideria, dilatatio charitatis ad omnes, gaudium, et pax in Spiritu sancto? Hæc, etsi non faciant illam beatitudinem quam *nec oculus vidit, nec auris audivit*⁷², pertinent tamen ad illud centuplum quod promittitur contemptoribus terrenorum pro Christo. Isti quia sciunt qui crediderunt et certi sunt; jam quasdam primitias exultationis æternæ decerpunt, juxta Sapientis verbum: *Expectatio justorum latitia*⁷³. Hujus thesaurei conscientia erat qui dicebat: *In via testimoniorum tuorum delectatus sum, sicut in omnibus divitiis*⁷⁴. Hæc est prælibatio quedam futuræ dulcedinis, cibus animæ in praesenti, cuius erat oblitus qui dicebat: *Oblitus sum comedere panem meum*⁷⁵. O quam pretiosus, o quam gloriosus est apud Filium Dei titulus paupertatis! Quippenam, cum ipse esset dives omnium,

A factus est omnium pauper; ut pauperes transferret in divitias gloriæ suæ. Et quis ei auderet dicere: *Miserere mei, Domine*⁷⁶, *adjuva me, Domine*⁷⁷, quia dives sum? potius esset hoc iracundiam provocare, quam misericordiam impetrare. Ideo David sciens quod Deus esset amator pauperum; licet dominaretur in solio regali, erat tamen pauper spiritu. Unde et secure dicebat: *Inclina, Domine, aurem tuam et exaudi me, quoniam inops et pauper sum ego*⁷⁸. Et alibi: *Pauper sum ego, et in laboribus a juventute mea*⁷⁹. *Ego, inquit, mendicus et pauper sum; Dominus sollicitus est mei*⁸⁰. Quare hoc dicebat? sciebat enim quia parcel Dominus pauperi et inopi, et animas pauperum salvas faciet⁸¹. Quid autem de divitibus et potentibus scriptum est: *Potentes potenter tormenta patientur?*⁸² et illud: *Deducunt in bonis dies suos, et in momento ad inferna descendunt*⁸³. Gaudeant ergo pauperes, quoniam ipsorum est regnum cœlorum. Aliis sanctis fit promissio de futuro.

B *Beati mites, quoniam ipsi possidebunt terram. Beati pacifici, quoniam filii Dei vocabuntur. Beati mundo corde, quoniam ipsi Deum videbunt*⁸⁴. Omnia remuneratio prolongata est in futurum. Soli pauperes spiritu, et hi qui persecutionem patiuntur propter iustitiam, id est martyres, fructum æternæ retributio-nis ad manum habent. Sic pauperes et martyres ad paria judicantur; nam ex paritate præriorum conjecturatur, sicut mihi visum est, paritas meritorum. Quare non esset par præmium pauperum et martyrum, cum paupertas sit martyrium, et esse paupera sit esse martyrem; nam martyrium aliud est in carne, aliud est in spiritu. Quid est inter illa, nisi quia pauperum afflictio tractum et productore spatio protrahitur; martyrum vero passio quodam mortis et doloris compendio consummatur? Quod iste sustinet cum dilatione, ille cum acceleratione. Quod iste paulatim, ille summatim, et in hoc pares sunt, quia angustiam passionis, quam iste in transitu tolerat, ille longo cruciatuſ tædio recompensat. Tam hunc quam illi fit promissio de praesenti. *Beati pauperes spiritu, quoniam ipsorum est regnum cœlorum.* In quo notandum quod, cum omnes alii mites, scilicet et pacifici, et misericordes, et cæteri qui enumerantur in hoc catalogo beatorum, aliquid de pulvere humanae conversationis contrarerint: sæpe deferunt secum ligna, fenum, stipulam. Isti autem duo qui purgati sunt, alter in sanguine suo, alter in camino paupertatis, et frixorio spiritus contribulati: nihil deferunt secum quod oporteat transire per ignem. Ideoque statim ad locum beatitudinis evolant; alii vero adipiscuntur beatitudinem sic quasi per ignem. De martyribus Dei, quia laverunt stolas

⁶⁶ Matth. 41. ⁶⁷ Psal. 72. ⁶⁸ Psal. 35. ⁶⁹ Matth. 19. ⁷⁰ Phil. 3. ⁷¹ Matth. 6. ⁷² 1 Cor. 2. ⁷³ Prov. 40. ⁷⁴ Psal. 118. ⁷⁵ Psal. 101. ⁷⁶ Psal. 6. ⁷⁷ Psal. 108. ⁷⁸ Psal. 85. ⁷⁹ Psal. 87. ⁸⁰ Psal. 39. ⁸¹ Psal. 71. ⁸² Sap. 6. ⁸³ Job. 21. ⁸⁴ Matth. 5.

suas in sanguine Agni²⁷; de pauperibus, quia se A dicaverunt quia in cordis contritione et ardore devotionis omnem in se peccati rubiginem excoerent, dicitur: *Et purgabit filios Levi²⁸ in spiritu iudicij et spiritu ardoris²⁹.* Fratres, manum vestram missis ad fortia; regnum cœlorum apprehendistis. Regnum Dei intra vos est, ad manum, ad mercenaria laborum vestrorum. Quia breves dies hominis sunt, prope est dies mortis, divitibus hujus saeculi terribilis, pauperibus vero desiderabilis, quibus datura est eadem iudicij dies divitias honoris et gloriæ, regnum cœlorum, atque beatitudinem et gloriam sine fine. Quam nobis præstare dignetur Jesus Christus, cui est honor et gloria in sæcula sæculorum. Amen.

SERMO XLIII.

IN EODEM FESTO.

Beati pàuperes spiritu, etc.³⁰.

Evangelizantur hodie pauperes. Audiant ergo pauperes et lætentur; cœlorum enim Rex et Dominus, regnum cœlorum hodie eis donat. Diligit enim pauperes Dominus; pro quibus se ipsum paupereum fecit, et se quodammodo de regno suo et de regia maiestate depositus, ut pauperes faceret sui regni dominos et hæredes. Divitias quidem comparat spinis, et divites damnat. *Væ vobis, inquit, divites qui habetis hic consolationem vestram!*³¹. Unde et rogatus noluit intrare in domum reguli, ne videretur divitias honorasse. Damnat itaque divitem, et parcat pauperi et inopi Deus. Hunc humiliat, et hunc exaltat; simul in unum dives et pauper. Divitem humiliat, cui cedit honor in opprobrium, exaltatio in dejectionem, divitiae in miseriā, deliciae in tormentum. *Hunc exaltat suscitans de pulvere egenum, et de stercore erigens pauperem, ut sedeat cum principibus, et solum gloriæ teneat*³². Celebris et gloriosus est apud Deum titulus paupertatis. Unde et perfectionem vitæ in paupertate constituens: *Si vis, inquit, perfectus esse, vade, et vende omnia quæ habes, et da pauperibus*³³. Cum Petrus præmisisset: *Domine, ecce nos reliquimus omnia, et secuti sumus te, quid ergo erit nobis?* Responsum est ei: *In regeneratione, cum sederit Filius hominis in sede maiestatis suæ, sedebitis et vos judicantes duodecim tribus Israel*³⁴. Qui ergo viles et contemptibiles judicantur, divites judicabunt. Dives judicabitur, pauper gloriabitur. Quod in Lazaro et divite manifestissime declaratur³⁵. In hujus rei significationem Nabuzardan in excidio Jerusalem dimisit in pace pauperes, et divites captivavit³⁶. *Ecce nos reliquimus omnia,* dicit Petrus³⁷, et ei datum est mundi judicium. Reliquit Joseph pallium suum Ægyptiæ³⁸, et dominus Ægypti factus est. Reliquit Samaritanus hy-

driam³⁹, et salvata est. Reliquit Joannes sindonem suam⁴⁰, et beatæ Virgini datus est custos, et a tributo mortis liberatus est. Vere beati pauperes spiritu. *Propter miseriam inopum et gemitum pauperum nunc exsurgam, dicit Dominus*⁴¹. *Animas pauperum salvas faciet, et honorabile nomen eorum coram ipso*⁴². *Æstimanda est autem hæc paupertas ex animi humilitate et mansuetudine, non ex patrimonii quantitate. Non est enim meritoria paupertas, si sit sine mansuetudine, si sit exasperans, et impatiens disciplinæ. Ideoque subjungitur: Beati mites, quoniam ipsi possidebunt terram*⁴³? Nonne immites et tyrauni hodie possident terram? Sed beati sunt mites, quia possidebunt terram: ergo beatores sunt impii tyranni, quia jam possident terram? Scio autem quia de illis scriptum est: *Perdet Dominus de terra memoriam eorum*⁴⁴. *Fructum eorum de terra perdes, et semen eorum a filiis hominum*⁴⁵. Mansueti autem hæreditabunt terram, et gloriabuntur in multitudine pacis⁴⁶. Immites et crudeles qui terrena sapiunt consumentur a terra; nec enim aliud sunt quam terra. Terra de terra facti, reddituri iterum in terram. Verbum prophetæ est: *Audi, terra, terra, terra*⁴⁷. *Quique terrigenæ et filii hominum*⁴⁸, qui terram cupitis, terram lingitis, pro terra litigatis, scitote quæ non est vobis, neque erit sors in terra, quam Dominus mitibus repromisit. Et quæ est terra hæc quæ a Domino promittitur? procul dubio terra promissionis. Estne terra illa quæ pretenditur a Daniel usque Bersabee, et a magno flumine Euphrate usque ad flumen Ægypti, qui est Rhiniconus, a mari usque ad mare, et a flumine usque ad terminos orbis terrarum? Hæc est terra Chanaam, terra scilicet cordis nostri. Hæc est terra quæ Abrahæ promissa est et semini ejus, cui, dum habitaret inter Chaldaeos, dictum est a Domino: *Egredere de terra tua, et veni in terram quam monstravero tibi*⁴⁹. Data est ergo ei terra Chauaan in funiculo distributionis, erexitque sunt Chananæi: in quo signanter eruditur a Domino, ut exeamus a domo iniquitatum. Pugnemus contra Chanaan, contra vitia, et spirituales nequitias: *Vita enim nostra militia est super terram*⁵⁰, ut possideamus terram cordis nostri. Subjice tibi, Domine, animam meam, ut subjiciam tibi terram corporis mei. Nonne Deo subjecta erit anima mea⁵¹, ut in pace possideam corpus meum, non recalcitrans, non lasciviens, sed rationi obediens, et subjectum? Domine, si non possum omnino exterminare motus illicitos, hoc saltem gratiæ mihi addas, ut eos subjiciam servituti. Nam et Israel Jebusæum delere non potuit, sed cum tributarium sibi fecit. Hunc sibi subiectebat in servum qui dicebat: *Castigo corpus meum, et in servitatem redigo*⁵². Extraordinarios siquidem

²⁷ Apoc. 22. ²⁸ M. I. 3. ²⁹ Isa. 4. ³⁰ Matth. 5. ³¹ Luc. 6. ³² I Reg. 2. ³³ Matth. 19. ³⁴ Ibid.³⁰ Luc. 16. ³¹ IV. Reg. 25. ³² Matth. 49. ³³ Gen. 38. ³⁴ Joan. 4. ³⁵ Marc. 14. ³⁶ Psal. 41. ³⁷ Psal. 71.³⁷ Matth. 5. ³⁸ Psal. 33. ³⁹ Psal. 26. ⁴⁰ Psal. 936. ⁴¹ Jer. 22. ⁴² Psal. 48. ⁴³ Gen. 12. ⁴⁴ Job. 7.⁴¹ Psal. 61. ⁴² II Cor. 9.

motus carnis mansuetudo pacificat, ut eveniat quod Propheta precatur : Fiat pax in virtute tua¹², id est in mansuetudine. Nam, cum omnes virtutes Christi sint a Christo, hæc spiritualiter dicitur Christi esse. Ipse enim dicit : Discite a me quia mitis sum et humilis corde¹³. Et super quem requiescat spiritus meus, nisi super humilem, et mansuetum, et tremorem ad verba mea¹⁴? Erit quando exterminabitur totum semen Chanaan de terra nostra, quando ipsa creatura liberabitur a servitute corruptionis in libertatem gloriae filiorum Dei¹⁵. Tunc mansueti hæreditabunt terram, et delectabuntur in multitudine pacis¹⁶, propter mansuetudinem et justitiam, dicit Propheta, deducet te mirabiliter dextera tua¹⁷. Arguet autem Dominus pro mansuetis terra¹⁸. Audiant mansueti et latentur¹⁹. Exaltabit enim mansuetos Dominus in salutem²⁰, quia mansueti hæreditabunt terram, et ideo beati mites, quoniam ipsi possidebunt terram²¹, terram corporis nostri, quam in sua glorificatione videre summa gloria est, summumque bonum. Sane antiquus ille pater hominum, aut potius criminum, posteritati suæ virus antiquæ prævaricationis infudit. Unde adhuc sentio legem contrariam in membris meis repugnantem legi mentis meæ²². Video quia perdidì dies meos, quasi aquam bibens, iniquitatem scilicet faciens ab adolescentia mea. Ideo sagittæ Domini in me sunt quarum indignatio ebilit spiritum meum²³. Video infra me, supra me, juxta me, contra me infinita mortis pericula, et dolores inferni, ut plangam cum Propheta, et dicam : In me, Domine, transierunt iræ tuæ, et terrores tui conturbaverunt me²⁴. Circumdederunt me dolores mortis, et pericula inferni invenerunt me²⁵. Lugebo ergo, et humiliabor sub potenti manu Dei; ponam in pulvere os meum, si forte sit spes. Lugebo quia dies antiquos perdidì; lugebo, ut dies æternæ consolationis acquiram. Scio enim quis dixerit : Beati qui lugent, quoniam ipsi consolabuntur.

SERMO XLIV.

IN EODEM.

Beati qui lugent, quoniam ipsi consolabuntur²⁶.

Melius est equidem ire ad domum luctus quam ad dominum convivii²⁷. Est luctus poenitentiae, de quo Propheta : Exitus aquarum deduxerunt oculi mei, quia non custodierunt legem tuam, Domine²⁸. Et : Lavabo per singulas noctes lectum meum, lacrymis meis stratum meum, rigabo²⁹. Est luctus affectionis, quem exhibuit David super Absalon³⁰, et Jacob super Joseph³¹. Talem luctum non multum approbat Deus. Unde et Samuel dictum est : Usquequo lugebis Saul?³² Est luctus avaritiae, juxta illud :

*Lugetur lacrymis amissa pecunia veris,
et hunc Dominus detestatur. Est luctus desperatio-*

A nis, luctus scilicet Esau, luctus Cain : et hunc abominatur Dominus. Est luctus devotionis, et afflictionis, et hunc Dominus amplexatur. De isto scriptum est : Posuisti lacrymas meas in conspectu tuo, sicut et in promissione tua³³. Exaudi orationem meam Domine, auribus percipe lacrymas meas in conspectu tuo³⁴. Illic est luctus qui beatos efficit. Beati enim qui lugent, quoniam consolabuntur. De hoc luctu sive mœrore dicitur per prophetam : Mæror viri humiliabit eum, et sermone bono lætificabitur³⁵. Et aliud Propheta : Euntes ibant et siebant mittentes semina sua. Venientes autem venient cum exultatione, portantes manipulos suos³⁶. Amen amen dico robis quæ plorabit, et flebitis vos; mundus autem gaudebit. Quid est, mæror viri humiliabit eum? plorabit, et siebitis vos; mundus autem gaudebit. Quid est sermone bono lætificabitur? tristitia vestra vertetur in gaudium. Et, venientes venient cum exultatione³⁷. Infelix ego homo, quis dabit capiti meo aquam? Quis aperiet mihi cataractas miserrimi capituli mei, ut lu-geam bona quæ amisi, et mala quæ comisi: ut lu-geam necessitates publicas: ut doleam et deplorem familiares angustias? Tota enim vita hominis tentatio est super terram³⁸. Sumus temptationibus miserrimis interius pleni, foris circumdati. Quod video, quod audio, quod volo, quod nolo, quod placet, quod displaceat, quod meditor, quod loquor, quod taceo, quod laboreo, quod quiesco, denique totum quod vivotentatio est, et afflictio spiritus. Deducant oculi mei lacrymas, et dent diluvium aquarum multarum, ut possim diluere sordes, quas ab adolescentia mea contraxi. Sensus enim mei proni fuerunt ab adolescentia in malum³⁹. Feci pactum cum inferno, et cum morte pepigi sedus⁴⁰. Et ecce defecerunt in vanitate dies mei, et anni mei cum festinatione⁴¹. Infixus sum in limo profundi, et non est substantia⁴². Et nunc quæ est exspectatio mea? Nonne tu, Domine? nam substantia mea apud te est⁴³. Da mihi, Domine, lacrymas Petri, lacrymas Chananææ, lacrymas peccatricis. Da mihi inferius irriguum, quoniam anima mea sicut terra sine aqua tibi⁴⁴. Da mihi, O fons misericordie, fontem aquarum, quibus ablues sordes cordis mei, ut dimittam adversum me eloquium meum. Lugens, et plangens, accusans, et damnans perditissimam vitam meam. Sane est irriguum superius, quod nondum postulare præsumo. Rivulus quidem aquarum cœlestium, qui de calore amoris et devotionis procedit. Anima siquidem pia devotione et desiderio in amorem Christi resoluta in lacrymas defluit, et liquecit. Ideo illa quæ languebat amore, dicebat : Anima mea liquefacta est ut dilectus locutus est⁴⁵. Hæ sunt aquæ calidæ quas invenit Ana, filius Sebcon⁴⁶. Hæc aqua jam non est

¹² Psal. 421. ¹³ Matth. 11. ¹⁴ Isai. 66. ¹⁵ Rom. 8. ¹⁶ Psal. 36. ¹⁷ Psal. 44. ¹⁸ Isai. 11. ¹⁹ Psal. 33. ²⁰ Psal. 149. ²¹ Matth. 5. ²² Rom. 7. ²³ Job 6. ²⁴ Psal. 87. ²⁵ Psal. 114. ²⁶ Matth. 5. ²⁷ Ecclæ. 7. ²⁸ Psal. 118. ²⁹ Psal. 6. ³⁰ II Reg. 19. ³¹ Gen. 27. ³² I Reg. 46. ³³ Psal. 55. ³⁴ Psal. 58. ³⁵ Prov. 12. ³⁶ Psal. 125. ³⁷ Joan. 16. ³⁸ Job 7 jux. LXX. ³⁹ Gen. 8. ⁴⁰ Isai. 28. ⁴¹ Psal. 71. ⁴² Psal. 68. ⁴³ Psal. 58. ⁴⁴ Psal. 142. ⁴⁵ Cant. 5. ⁴⁶ Gen. 36.

aqua, mutata est in vinum, ut letificet cor hominis. **Sicut** scriptum est : *Date vinum marentibus, et si-
ceram his qui amaro sunt animo*⁴⁹. Hoc vinum nobis
necessarium est propter frequentes infirmitates no-
stras. Hoc est vinum de vinea Sorec⁵⁰, appetitus
scilicet sanctitatis et desiderium justificationum Dei.
Hoc justificationes nondum desiderabat, sed cupie-
bat desiderare qui dicebat : *Concupivi desiderare ju-
stificationes tuas in omni tempore*⁵¹. Sane ex ipsa
justificatione crescit justitiae desiderium, et devotio-
nis servor amoris excitat incentivum. Sic ergo ju-
stitiae cibus dum plus reficit, plus dulcescit; dum
amplius recipitur, amplius esuritur. Vehemens enim
desiderium esuries est. Ideo ille qui est summa ju-
stitia, dicit : *Qui edunt me adhuc esurient, et qui
bibunt me adhuc sient*⁵². Non sicut illi qui edebant
panem Moysi in deserto, aut bibeant de hydria
Sanaritanæ, sed esuries præsentis vitæ satietas est
futuræ. Tunc erit satietas et nulla anxietas, deside-
rium et nullum fastidium, jugis affectus nullusque
defectus. Erit ibi desiderium in satietate, et in de-
siderio satietas. *Ut edatis*, inquit, *et bibatis super
mensam in domo Patris mei*⁵³. Tunc enim ab über-
tate dominus Dei, et torrente voluptatis vasa miseri-
cordiæ replebuntur. Nunc gratia est esuriens justi-
tiae, quam subsequetur satietas interminabilis
gloriae. Hanc innuebat quidam cum diceret : *Ego
autem in justitia apparebo in conspectu tuo; satiabor
cum apparuerit gloria tua*. Esuries et sitis justitiae,
causa est beatitudinis⁵⁴. *Beati enim qui esuriunt et
sitiunt justitiam, quoniam ipsi saturabuntur.*

SERMO XLV.

DE EODEM FESTO.

*Beati qui esuriunt et sitiunt justitiam, quoniam,
ipsi saturabuntur*⁵⁵

Nunquid esurio justitiam, si desidero esse justus?
Et quis est qui hoc non desideret? Balaam Ariolus
non solum vitam justorum, sed corum novissima
appetebat. *Moriatur*, inquit, *anima mea morte justorum,
et fiant novissima mea horum similia*⁵⁶. Volo
esse justus, et nolo, quia justitiam appetens iniqui-
tati consentio. *Quæ autem participatio justitiae cum
iniquitate?* Aut quis consensus Dei cum idolis⁵⁷?
*Nemo potest duobus dominis servire*⁵⁸, nemo potest
iniquitatibus et justitiae consentire. Si motum peccati
sentis, et consentis, non esuris justitiam, imo in-
justus es, et iniquus, si sentis, et contradicendo
dissentis: pes tuus in via recta est, et credo quod
justitiam esuris, ut secure possias dicere cum Pro-
pheta: *Utinam dirigantur viæ meæ ad custodiendas
justificationes tuas*⁵⁹! Pugna quidem magna est

A inter sensum et consensum, inter carnem et spi-
ritum. Ideo Apostolus sentiens, et non consentiens,
dicit se facere malum, et non operari illud. *Quod
nolo, inquit, malum, facio*, id est, per concupiscentiam
facio; et : *Jam non ego operor illud, sed quod
habitat in me peccatum*⁶⁰. Apostolus hac inextrica-
bili perplexitate ligatus clamare compellitur : *In-
felix ego homo! quis me liberabit de corpore mortis
hujus*⁶¹? Item nos consolatur, et dicit : *Si Christus
vos liberaverit, vere liberi eritis*⁶². *O Domine, libera
animam meam, misericors Dominus et justus*⁶³. Tu
es justitia, redemptio et salus nostra. *Dic animæ
meæ: Salus tua ego sum*⁶⁴. *Sana animam meam,
Domine, quia peccavi tibi*⁶⁵. *Si iniquitates observa-
veris, Domine, Domine, quis sustinebit*⁶⁶? Omnes
enim justitiae nostræ sicut pannus menstruata⁶⁷.
Ideo turbatus est a furore oculus meus. Anima mea
turbata est valde, unde et verba mea dolore plena
sunt valde. *Quare tristis es, anima mea, et quare
conturbas me*⁶⁸? *Nunquid resina non est in Galaad,
aut medicus non est tibi*⁶⁹? Et tu homo, miserere
tui, miserere animæ tuæ placens Deo. Si vis
misereri tui, omnes miseras evasisti. Misera-
tor etiam et misericors Dominus talem se tibi
exhibebit, quem te tibi et proximo tuo exhibe-
re volueris. Miserere animæ tuæ, ut non di-
catur de te : *Sterile pavit, et viduæ bene non
fecit*. Omnis siquidem inique agens, crudelis et im-
pius est animæ suæ. Nam *qui diligit iniquita-
tem, odit animam suam*⁷⁰: exerce misericordiam et
beatitudinem apud Deum. *Beati enim misericordes,
quoniam ipsi misericordiam consequentur.*

SERMO XLVI.

IN EODEM.

*Beati misericordes, quoniam ipsi misericordiam
consequentur*⁷¹.

Verbum Jacobi⁷² est : *Judicium sine misericordia
illi erit, qui non fecit misericordiam*. Sane miseri-
cordia Dei superexaltat judicium. Verbum Sponse
est : *Meliora sunt ubera tua vino*⁷³; *misericordiam,*
inquit, *volo, et non sacrificium*⁷⁴. *Dimitte, et di-
mittetur vobis*⁷⁵. *Si non remiseritis ex corde, Pater
vester cælestis non dimittet vobis*⁷⁶. Verbum Salo-
monis est⁷⁷ : *Homo homini servat iram, et in ho-
mine simili sibi non servat misericordiam*. Serre
nequam, dicit Dominus, omne debitum dimisi tibi,
quia rogasti me. Nonne oportuit te misereri conseruo
tuo, sicut et ego tui misertus sum⁷⁸? Paulus ad
Ephesios : *Omnis amaritudo et indignatio tollatur a
vobis, ut sitis misericordes, donantes commissa in-
ricem*⁷⁹. Recole misericordiam Joseph in fratres

⁴⁹ Prov. 31. ⁵⁰ Judic. 16. ⁵¹ Psal. 118. ⁵² Eccli. 24. ⁵³ Luc. 22. ⁵⁴ Psal. 16. ⁵⁵ Matth. 5. ⁵⁶ Num.
23. ⁵⁷ Il Cor. 6. ⁵⁸ Matth. 6. ⁵⁹ Psal. 118. ⁶⁰ Rom. 7. ⁶¹ Ibid. ⁶² Joan. 8. ⁶³ Psal. 114. ⁶⁴ Psal.
54. ⁶⁵ Psal. 40. ⁶⁶ Psal. 129. ⁶⁷ Isai. 64. ⁶⁸ Psal. 41. ⁶⁹ Jer. 8. ⁷⁰ Psal. 10. ⁷¹ Matth.
5. ⁷² Cap. 2. ⁷³ Cant. 4. ⁷⁴ Matth. 9. ⁷⁵ Luc. 6. ⁷⁶ Matth. 18. ⁷⁷ Eccli. 28. ⁷⁸ Matth. 18.
⁷⁹ Ephes. 4.

suos⁴⁵, misericordiam Moysi in populum conten-
tiosum, incredulum et rébellem; misericordiam David in Saulem⁴⁶, et Absalon et Semei⁴⁷, et
aliorum qui fuerunt misericordiae viri et nullum
qui misericordiam fecerit invenies periisse. Est
autem misericordia intercessionis, ut in Samuele
pro Saule; in Daniele, in Moyse pro populo Israel.
Dixit enim ut disperderet eos, si non Moyses ste-
tisset in confractione, in conspectu ejus, ut averteret
*iram suam ne disperderet eos*⁴⁸. Est misericordia
consolationis, sicut dicit Job⁴⁹: *Eram, inquit, mo-*
rentium consolator; oculus sui cæco, pes claudio. Pater
eram pauperum, quia ab infanthia mea crevit miseratio
mecum, et de utero matris meæ mecum egressa est.
Est etiam et misericordia correctionis, sicut ad Ga-
latas⁵⁰ scribit dicens: *Si præoccupatus fuerit homo*
in aliquo delicto, vos qui spiritualex estis, instruite hu-
jusmodi in spiritu lenitatis, considerans temetipsum,
ne et tu tenteris. Misericordia usque ad inimicum se
porrigit sicut scriptum est: Diligite inimicos vestros,
*benefacite his qui oderunt vos*⁵¹. Paulus ad Roma-
nos⁵²: *Benedicte persequentiibus vos, et nolite ma-*
ledicere, nulli maledictum pro maledicto reddentes.
Et idem: *Si esurierit inimicus tuus, cibâ illum; si*
*sitit, potum da illi*⁵³; nam et Christus pro crucifixoribus suis oravit. Cum duo sint filii Rachelis, id
est, duo opera charitatis, sex sunt filii Liæ; id
est sex opera misericordiae, quæ Dominus enumerauit in Evangelio: *Esurivi, et dedisti mihi mandu-*
*cere; siti, et dedisti mihi bibere*⁵⁴. Is. a sex opera
misericordiae eleemosyna comprehendit. Eleemo-
syna enim est quidquid homo per compassionis af-
fectum necessitatibus alienis impedit. Ecclesia-
sticus dicit: *Absconde eleemosynam in sinu pau-*
peri, et ipsa orabit pro te, et liberabit ab omni má-
*lo*⁵⁵. *Aqua extinguit ignem, eleemosyna culpam*⁵⁶.
In Luca⁵⁷ scriptum est: *Qui habet duas tunicas, det*
*non habentis; et qui habet escas, similiter. Martinus*⁵⁸
supererogavit, qui suam pauperi chlamidem dimi-
diavit. Ipse etiam totam tunicam et unicam pau-
peri dedit, cui archidiaconus suus aliam pro quin-
que denariis emit. Quidquid pauperi datur, Domino
commodatur, ipse enim est pauperum sidejussor.
Beatus autem homo qui miseretur et commodat⁵⁹.
Si dispergis bona tua, et effundis in pauperes, ju-
stitiam tibi in æternum constituit et iustitiae fructum.
Scriptum est enim: *Dispersit, dedit pauperibus, justi-*
*tia ejus manet in sæculum sæculi*⁶⁰. Eremita spoliatus
a prædonibus, et in semiunciis ambulans seminu-
dus, interrogatus quis eum spoliasset, respondit:
Codex iste cœlestis docens omnia esse danda pau-
peribus. Cui cum diceretur quia adbuc aliquid ha-

A beret, ipsa semiuncia pauperi dedit. Paulinus No-
lanus episcopus non tantum sua dedit, sed et se
ipsum in servitatem pro filio viduæ pauperis con-
cessit, et tradidit. *Et ego, inquit Apostolus, super-*
*impendar pro animabus vestris*⁶¹. Si non ponis ani-
mam tuam pro anima, pone saltem bona tua tem-
poralia pro te ipso. Fac tibi amicos de mammona
iniquitatis⁶². *Honora Dominum de tua substantia*⁶³.
*Omni petenti te tribue*⁶⁴. Non exspectes ut pro te
mortuofiant eleemosynæ, quas vivus fecisse debueras.

Eleemosyna viventis lumen est ante faciem in-
cedentis. Eleemosyna vero post obitum, quasi lu-
cerna post tergum. Eleemosyna lumen est animæ,
si tamen cum hilaritate animi fiat: *hilarem enim*
*datorem diligit Deus*⁶⁵. Unde Apostolus ad Corin-
thios: *Unusquisque prout destinavit in corde suo,*
*non ex tristitia aut necessitate*⁶⁶, *sed ex voluntate.*
*Voluntarie, inquit, sacrificabo tibi*⁶⁷. Voluntarie,
non coacte; nam, qui ex coactione officii, sive
famæ, vel rei temporalis obtentu eleemosynam fa-
cit, non est ei sors, neque pars in eleemosynæ fru-
cta. Forsitan æqualis est corvo qui pascebat Eliam,
et viduam. Verbum Pauli est: *Non quaro datum,*
*sed requiro fructum*⁶⁸. Vis audire eleemosynæ fru-
ctum? *Beatus qui intelligit super egenum et paupe-*
rem, in die mala liberabit eum Dominus. Dominus
conservet eum, et vivificet eum, et beatum facial eum
in terra, et non tradat eum in animam inimicorum
*eius*⁶⁹. Liberat et conservat, vivificat et beatificat,
juxta verbum filii Syrach: *Eleemosyna viri quasi*
*sacculus cum ipso, et ei gratiam conservabit*⁷⁰. Ele-
mosyna siquidem oculos cordis purificat et emun-
dat. *Date, inquit Lucas*⁷¹, *eleemosynam, et omnia*
munda sunt vobis. Sane munditia cordis ipsa est in
*sanctimonia, sine qua nemo videbit Deum*⁷². Eleemo-
syna vero mundat oculos cordis, et aperit ad viden-
dum. *Beati autem mundo corde, quoniam ipsi Deum*
videbunt.

SERMO XLVII.

DE EODEM FESTO.

*Beati mundo corde, quoniam ipsi Deum vide-
bunt*⁷³.

Sex sunt opera misericordiae, sicut diximus, quæ
hominem purificant et emundant. Nonne hæc opera
sunt sex hydriæ in Galilæa positiæ ad purificatio-
nem Judeorum? Aqua mundat, eleemosyna mu-
ndat, fides mundat: *Fide, inquit, mundans corda*
*eorum*⁷⁴. Beati autem mundo corde, quoniam ipsi
Deum videbunt. Nonne vita æterna est videre te
Deum, et quem misisti Jesum Christum? Beati,
Domine, qui te viderunt et in te crediderunt, spe

⁴⁵ Gen. 45. ⁴⁶ I. Reg. 24. ⁴⁷ II. Reg. 16. ⁴⁸ Psal. 105. ⁴⁹ Cap. 29. ⁵⁰ Cap. 6. ⁵¹ Matth. 5.
⁵² Cap. 12. ⁵³ Ibid. ⁵⁴ Matth. 25. ⁵⁵ Eccli. 29. ⁵⁶ Eccli. 3. ⁵⁷ Cap. 3. ⁵⁸ Sulpitius in ejus
Vita. ⁵⁹ Psal. 111. ⁶⁰ Ibid. ⁶¹ II. Cor. 12. ⁶² Luc. 16. ⁶³ Prov. 5. ⁶⁴ Luc. 6. ⁶⁵ II. Cor. 9. ⁶⁶ Ibid.
⁶⁷ Psal. 53. ⁶⁸ Phil. 4. ⁶⁹ Psal. 40. ⁷⁰ Eccli. 17. ⁷¹ Cap. 11. ⁷² Matth. 5. ⁷³ Act. 45.

non re. Nam et mundi corde hodie te vident, nec tamen beati sunt; vident sed per speculum, et in ænigmata⁹, et quasi sub nube. Erit tempus quando videbunt te facie ad faciem in splendoribus sanctorum¹⁰, gloria et honore coronatum¹¹, non in diametate majestatis tuæ, sed quasi unigenitum a Patre plenum gratiæ et majestatis. Tunc exsultabimus et gaudebit cor nostrum¹²; tunc erit Sabatum de Sabbato; tunc erit in ore hominum canticum novum¹³, et vox quasi lœtantium omnium. Ibi sicut Christus splendor et figura substantiæ Dei, sic apparebit in figura Dei et gloria majestatis. O custos hominum et redemptor noster, ad te levari oculos meos¹⁴, oculos scilicet cordis mei. Sicut enim oculi servorum in manibus dominorum suorum, ita oculi nostri ad te, Domine, donec miserearis nostri¹⁵. Verumtamen turbatus est a furore oculus meus¹⁶; dereliquit me virtus mea, et lumen oculorum meorum, et ipsum non est mecum¹⁷. Non possum videre faciem tuam nisi oculo mundi cordis. In immun-ditiis concepit me mater mea¹⁸; et: Quis potest facere mundum de immundo conceptum semine? Nonne tu qui solus es¹⁹? Cor mundum crea in me, Deus²⁰, Deus cordis mei, et pars mea Deus in æternum²¹. Tibi dixit cor meum; exquisivit te facies mea; faciem tuam, Domine, requiram²². Quid enim mihi est in caelo, et a te quid volui super terram²³? Dominus illuminatio mea, et salus mea, quem timebo²⁴? Illumina oculos meos ne unquam obdormiam in morte: nequando dicat inimicus meus: Prævaluisti ad-versus eum²⁵. Tu es funiculus hæreditatis meæ²⁶, portio mea in terra viventium²⁷. In terra, quæ promittitur mitibus; in terra consolationis, quæ lugentibus offertur; in regno cœlorum, quod patientibus et pauperibus datur; in hæreditate sanctorum, et pace filiorum Dei; in pace Dei, quæ exsuperat omnem sensum²⁸, quæ filios Dei consortes beatitudinis facit. Beati enim pacifici quoniam filii Dei vocabuntur.

SERMO XLVIII.

IN EODEM.

Beati pacifici, quoniam filii Dei vocabuntur²⁹.

Non est Deus dissensionis, sed pacis, qui pacificavit in sanguine unigeniti Filii sui quæ in cœlis, et quæ in terra³⁰. Qui enim motus interiores pacificant in servitatem et in obsequium Christi, qui cum proximo pacem habent, qui fratres ad pacem reconciliant, super istos pax Domini requiescit et requies Dei vocandi sunt. Pacifici enim filii Dei vocabuntur. Inquire ergo pacem et persequere eam³¹, sunt reliquiae homini pacifico³². Vis videre reliquias

A hujus pacis? Hanc pacem sequitur pax æterna, et utramque pacem dat Dominus. Sicut scriptum est: Pacem super pacem dabit Dominus. Utramque pacem evidenter insinuat ubi dicit: *Pacem relinquo vobis; pacem meam do vobis*³³. Premat mundus, premat corpus, impugnet diabolus. Si pacem habeas cum proximo ad Deum, et cum Deo ad proximum; si facias quod Apostolus ad Hebreos monet, dicens: *Pacem sequimini cum omnibus hominibus*³⁴, se as quia Dominus posuit fines tuos pacem³⁵. In pace factus est locus tuus, et potes dicere confidenter: *In pace in idipsum dormiam et requiescam*³⁶. Pax enim multa, Domine, diligentibus nomen tuum, et non est illis scandalum³⁷. Duo debemus Deo et proximo: gloriam Deo, pacem proximo. Ideo angelus inter Deum et hominem sapientissime distinguebat dicens: *Gloria in excelsis Deo, et in terra pax hominibus bona voluntatis*³⁸. Summa siquidem sapientia est nihil omnino diligere præter Deum aut propter Deum. Hæc est sapientia Dei pudica, sicut Jacobus³⁹ dicit: *Sapientia Dei primum quidem pudica est, deinde pacifica*. Pudica est in virtutibus se exercens, ut se immaculatum ab hoc sæculo custodiat, et sic fructum æternæ pacis et beatitudinis acquires. Dominus enim virtutem populo suo dabit, et sic Dominus benedicit populo suo in pace⁴⁰. Testimonia namque Jacobi: *Frustris justitiae seminatur in pace*⁴¹; ideoque *justitia et pax oscularæ sunt*⁴². Justitiam et pacem conjungit quasi C in uno osculo Paulus: *Justificati, inquit, ex si e pacem habeamus ad Deum*⁴³. Dat Dominus justitiam ut virtutem; parem vero ut præmium, et benedictionem juxta illud: *Dominus virtutem populo suo dabit; Dominus benedicit populo suo in pace*⁴⁴.

Est tamen pax quæ nec est meritum, nec præmium; pax quam Dominus odit, pax scilicet terrenæ voluptatis de qua Dominus dicit: *Non reni pacem mittere in terram, sed gaudium*⁴⁵. Pax enim quæ in deliciis carnis exercetur, pessima est, testis Propheta qui dicit: *Zelavi super iniquos, pacem peccatorum videns*⁴⁶. *Pax, pax, et non est pax*⁴⁷. Hanc enim pacem momentaneam sequitur amaritudo æterna. Ecce, inquit, in pace mea amaritudo amarissima⁴⁸. Nam, cum dixerint pax et securitas, etc., D repentinus superreniet interitus, et dolor sicut in utero habens, et non effugiet⁴⁹. Est pax proditoria, de qua scriptum est. *Homo pacis meæ in auo speravi, qui edebat panes meos, magnificari super me sump-tationem*⁵⁰. Hanc exercuit Joab in Abner et Amasiam, ideo non est scriptus in catalogo fortium. Est pax seductoria, de qua Jeremias: *O Se-decia, viri tui pacifici seduxerunt te*⁵¹. Pacem tuam,

⁹ I Cor. 15. ¹⁰ Psal. 109. ¹¹ Psal. 8. ¹² Prov. 23. ¹³ Psal. 39. ¹⁴ Psal. 122. ¹⁵ Ibid. ¹⁶ Psal. 6. ¹⁷ Psal. 37. ¹⁸ Psal. 50. ¹⁹ Job 14. ²⁰ Psal. 50. ²¹ Psal. 72. ²² Psal. 26. ²³ Psal. 72. ²⁴ Psal. 26. ²⁵ Psal. 12. ²⁶ Psal. 104. ²⁷ Psal. 141. ²⁸ Phil. 4. ²⁹ Matth. 5. ³⁰ Coloss. 3. ³¹ Psal. 33. ³² Psal. 56. ³³ Joan. 14. ³⁴ Hebr. 12. ³⁵ Psal. 147. ³⁶ Psal. 4. ³⁷ Psal. 118. ³⁸ Luc. 2. ³⁹ Cap. 3. ⁴⁰ Psal. 28. ⁴¹ Jac. 3. ⁴² Psal. 84. ⁴³ Rom. 5. ⁴⁴ Psal. 28. ⁴⁵ Matth. 10. ⁴⁶ Psal. 72. ⁴⁷ Jer. 6. ⁴⁸ Isai. 38. ⁴⁹ I Thess. 5. ⁵⁰ Psal. 40. ⁵¹ Jer. 38.

Domine, relinque nobis, pacem tuam da nobis. Da pacem, Domine, in diebus nostris, quia non est alius qui pugnet pro nobis. Impugnat nos mundus, impugnat nos caro, impugnat nos malignus spiritus: expugna, Domine, impugnantes nos. Loquere pacem in plebem tuam. Da, Domine, pacem sustinentibus te, sustinuimus et exspectavimus pacem, et ecce turbatio. Circundederunt me dolores mortis, et pericula inferni invenerunt me. Tribulationem et dolorem inveni⁵². Qui lquid enim sub sole est, tribulatio est et afflictio spiritus⁵³. Viator et hospes sum in hac terra peregrinationis nostræ. Tria vero me de domo ejiciunt, tumultus, stillicidium et litigiosa mulier. Amor scilicet mundi, et concupiscentia oculorum, et caro uxor pessima. Vere filius Dei essem, si haec patienter et pacifice sustinere et possem dicere cum Propheta: *Cum his qui oderunt pacem, eram pacifcus*⁵⁴. Verum in miseriis non subsistet. Quæ enim fortitudo mea, ut sustineam? Si dederis mihi, Domine, gratiam sustinendi infirmitates meas, sufficit mihi gratia tua. *Miserere mei, Domine, quoniam infirmus sum*⁵⁵. Infirmus et debilis sum, et irruerunt in me fortes iniqui. Circundederunt me inimici mei dicentes: *Deus dereliquit eum, persequimini, et comprehendite eum, quia non est qui eripiat*⁵⁶. *Domine, vim patior, responde pro me*⁵⁷. Quid enim respondebo cum ipse fecerim? Revera ego tecum sum, feci. Nam et propheta dicit: *Viae tue et iniquitates tue fecerunt hæc tibi*⁵⁸. Et quis iniquior mihi quam ego? Quis ita ingenuosus est in mortem meam? Quis ita, ut ego, querit animam meam in interitum? Quis ita cogitat præripere præclaram hæreditatem meam mihi, et repellere preium meum? Patior, et utinam pro justitia, et non pro iniquitatibus meis! sed si pro iniquitatibus meis poenam sustinco, pro me patior, non pro Christo. Princeps apostolorum dicit: *Nemo vestrum patiatur ut fur, aut homicida, aut alienorum appetitor; sed, si benefacientes et patientes sustinetis, beati*⁵⁹. Beati enim qui persecutionem patientur propter justitiam, quoniam ipsorum est regnum cœlorum.

SERMO XLIX.

DE EODEM FESTO.

*Beati qui persecutionem patientur propter justitiam, quoniam ipsorum est regnum cœlorum*⁶⁰.

Omnis virtutes quas in constructione scalæ cœlestis annumeravimus, per patientiam confirmantur.

Nam vidua est virtus quam non patientia firmat.

Patientia siquidem octava ponitur in scala Jacob, et octava redit ad caput. Propterea prima et ultima,

A id est voluntaria paupertas, et patientia inter persecutiones regnum cœlorum non in promissione, sicut alie virtutes, sed in possessione et proprietate recipiunt. Miles possidebunt terram, lugentes consolabuntur, esurientes saturabuntur, misericordes misericordiam consequentur, mundi corde, et pacifici Deum videbunt, et Dei filii vocabuntur. Beati autem pauperes spiritu, et qui persecutionem patientur propter justitiam, quoniam ipsorum est regnum cœlorum. Alii immittuntur in exspectationem; isti statim mittuntur in possessionem hæreditatis æternæ. Pulchre et eleganter sibi convenient in merito et præmio patientia et paupertas. Vera enim pro Christo paupertas et vera patientia Christi pauperum. In hoc tamen differt spiritualis pauper a martyre, quia tormenta et cruciatus, quos pauper diutissime sustinet in camino et frixorio paupertatis, compensantur in martyre compendio momentaneæ passionis. Utroique tamen patientia martyrem facit. Ad martyres dicitur: *In patientia vestra possidebitis animas vestras*⁶¹. De pauperibus scriptum est: *Patientia pauperum non peribit in finem*⁶². Illoc est semen bonum, quod cecidit in terram bonam, et fructum assert in patientia⁶³. Apostolus in secunda ad Corinthios monet nos ut exhibeamus nos metropolis sicut Dei ministros in multa patientia⁶⁴. Magna est virtus patientia. Melior est homo patientis, teste Salomone, viro forti⁶⁵. Inæstimabiliter enim melior est qui torquentem patienter sustinet, quam qui patientem crudeliter torquet. Eremita quidam percussus ab arreptitio, ei alias maxillam patienter præbuit; et exiit dæmon clamans: « Sola patientia me vicit, sola patientia me ejecit. » Ubi est, fratres, patientia nostra? Pro verbo levi irascimur et vindictam irascendo expetimus, et inter molestias satis despicabiles sustinentiam perdimus. Væ autem his qui perdiderunt sustinentiam. Ego ipse mihi testis sum, quia nullam prorsus molestiam ferre possum. Si tamen saperem, ego temporaliter me punirem delicatus, et voluptatibus assuetus, infirmus et impatiens talium. O si me punire, et corriri aut nolo, aut nequeo, aut horreo, tu me, Domine, argue, tu me corripi: Beatus enim homo qui corripitur a Domino. Verba tua sunt: *Ego quos amo arguo, et castigo*⁶⁶. Utinam corripiat me justus in misericordia⁶⁷, non in ira, non in furore! Domine, ne in furore tuo arguas me, neque in ira tua corripias me⁶⁸. Ira est in purgatorio, furor in inferno. Sic me corripias, ne corrumpas; sic emedes, ne destruas, et ne de me dicatur: *Destruxisti eum ab emundatione*⁶⁹. Destructorius potius quam purgatorius mihi erit ille ignis terribilis, si exspectavero eum.

⁵² Psal. 17. ⁵³ Eccli. 1. ⁵⁴ Psal. 119. ⁵⁵ Psal. 6. ⁵⁶ Psal. 70. ⁵⁷ Isai. 38. ⁵⁸ Jer. 4. ⁵⁹ I Petr. 4. ⁶⁰ Matth. 5. ⁶¹ Luc. 21. ⁶² Psal. 9. ⁶³ Luc. 8. ⁶⁴ II Cor. 6. ⁶⁵ Prov. 16. ⁶⁶ Prov. 3. ⁶⁷ Psal. 140. ⁶⁸ Psal. 6. ⁶⁹ Psal. 88.

Quomodo purgavit Dominus filios Levi? Sedebit enim quasi ignis confans, et emundans argentum ⁷⁰. Tunc omnis violenta prædatio cum tumultu, et restimentum mistum sanguine erit in combustionem et cibus ignis ⁷¹. Ipse est qui per Joelem dicit: Mundabo sanguinem eorum, qui non mundaverunt ⁷². Et quis ex nobis poterit habitare cum igne devorante? Aut quis stabit cum ardoribus sempiternis ⁷³? Melius est hic ardere amore Dei, quam ibi torquere ardore terribili. Hic potes mitigare incendium gehennale poenitentialibus lacrymis, sicut pueris tribus factus est fornax Babylonis ventus roris ⁷⁴. Igne dilectionis ardebat illa de qua dictum est: Dimissa sunt ei peccata multa, quoniam dilexit multum ⁷⁵. Hoc igne vehementer arserunt patriarchæ, et prophetæ, apostoli, martyres, confessores, et virgines, et cæteri qui in stadio hujus vitæ currentes obtinuerunt bravium, et pro temporali afflictione adepti sunt requiem sine fine.

Et quid facimus, fratres? quare non acceleramus ut ingrediamur in illam requiem? Apostolo teste, vocati sumus ut benedictiones hereditate possideamus ⁷⁶. Nos autem de longe videmus patriam nostram, et de longe salutamus eam: imo, quantum possumus, fugimus, et elongamur ab ea, et pro nihilo habuimus terram desiderabilem. Domine Iesu Christe, scimus quia in domo Patriæ tui multæ mansiones sunt, ubi parasti sanctis tuis lucidissimas mansiones. Habebit enim unusquisque in æterna gloria locum, juxta suorum exigentiam meritorum. Et nos infelices, ubi erimus? Sane si iniquitates obseruareris, Domine ⁷⁷, si secundum malitias nostras feceris nobis, scio quia non est nobis pars, neque sors in hereditate sanctorum. Erimusne cum virginibus, qui computruimus in stercorebus nostris bilentes urinam peccatorum nostrorum? Et quæ conventio lucis ad tenebras, castitatis ad illecebras, munditiae ad immunditiam? Non habebit ille cum virginibus locum, qui maculavit infinitis luxuriae sordibus, aut in corpore, aut in desiderio concupiscentiæ corpus suum. Quæ vero potest nobis esse confessio cum confessoribus, et martyribus, et apostolis? Nos enim nec probavit martyrii poena: nec exercuit poenitentiaæ rigor: nec insignivit vitæ sanctimonia. Quare vix nemo videbit Deum. Non oportet nos cum angelis aliquod exspectare consortium; abominantur enim nos: nam tota conversatio nostra fetet in naribus angelorum. Restat ergo ut simus cum eo cui servivimus, ut eamus cum maledictione in ignem æternum qui paratus est diabolo et ministris ejus. Exsultabunt sancti in gloria, nos torquebimur in gehenna. Justum enim judicium Dei est, teste Apostolo ad Romanos, ut quos benignitas Dei, et patientia ad poenitentiam non adduxit: secundum duritiam suam, et impoenitens cor, iram rescrivent

A sibi in die tremendi judicii Dei ⁷⁸. Mittentur ergo impi in tenebras extieriores, ubi umbra mortis et nullus ordo. Dominus in ira sua perturbabit eos, et devorabit eos ignis. Ponet eos ut clibanum ignis in tempore vultus sui ⁷⁹, id est in tempore suæ indignationis et iræ. Ignis eorum non extinguetur, et vermis eorum non morietur ⁸⁰. Succensus est ignis in furore suo, et ardebit usque ad inferni novissima ⁸¹. Ignis sulphur, et spiritus procellarum ⁸²: ibi mors depascet eos ⁸³: ibi erit fletus, et stridor dentium ⁸⁴: ibi erit stridor catenarum ardentium, prementium, urgentium, et non consumentium; ibi, sicut dicit Sophonias, erit vox clamoris a prima porta, et vox ululatus a secunda ⁸⁵. Sicut enim sancti duplum stolam glorificationis accipient in anima et corpore, ita díploide, id est duplice confusione animæ scilicet et corporis dæmnabuntur. Agamus poenitentiam, fratres, dum licet; tempus enim breve est, finis dubius, iudex terribilis, poena incogitabilis, interminabilis et intolerabilis. A qua nos liberare dignetur per merita sanctorum omnium qui in sanctis suis gloriosus est Jesus Christus. Amen.

SERMO L.

DE UNO CONFESSORE.

Dilectus Deo et hominibus beatus Moyses cuius memoria in benedictione est ⁸⁶.

Si fructum divinæ dilectionis attendimus, fructus æternæ salutis est, et lignum vitæ apprehendentibus eam. Haec est enim charitas, de cujus radice bona universa procedunt; inter cujus fructus computatur gaudium, et pax in Spiritu sancto ⁸⁷. Überriina est haec arbor; unde si aliquis ei impenditur ad culturam, id ipsum multiplicato fœnere fructum recompensat. Nam si Deum diligimus, plus ab eo diligimur. Mensuram enim bonam et consertam, et coagitatam, et supereffuentem dabit in sinum vestrum ⁸⁸. Dilectio siquidem vestra, quasi scintilla ad comparationem illius effusa et abundanscharitatis divinæ. Si Christum ad dilectionem prævenire volumus, ipse anticipat vias desideriorum nostrorum, et dilectionis suæ gratia nos præcurrit. Nam ab eo est si eum diligimus, et ut eum diligamus sua nos dilectione prævenit, non quia priores dilexerimus eum, dicit Joannes, sed quia prior dilexit nos ⁸⁹. Prior diligit nos, qui in benedictionibus suis ubique nos prævenit, sed divinæ dilectionis irrefragabile quærimus argumentum. Deus, Dei Filius, animam suam pro nobis posuit, cum majorem dilectionem nemo habeat, ut animam suam ponat quis pro amicis suis ⁹⁰. Haec dilectio fortior fuit quam vita, quia vitam abstulit; fortior fuit quam mors, quam etiam destruxit qui mortis habebat imperium, et mortem omnino absorbuit et dælevit. Præter hanc generalem et communem dilectionem, in qua et per quam vult Dominus om-

⁷⁰ Malac. 3. ⁷¹ Isai. 9. ⁷² Joel. 3. ⁷³ Isai. 53. ⁷⁴ Dan. 3. ⁷⁵ Luc. 7. ⁷⁶ I Petr. 3. ⁷⁷ Psal. 129. ⁷⁸ Rom. 2. ⁷⁹ Psal. 20. ⁸⁰ Isa. 66. ⁸¹ Deut. 32. ⁸² Psal. 10. ⁸³ Psal. 48. ⁸⁴ Matth. 8. ⁸⁵ Soph. 4. ⁸⁶ Eccli. 45. ⁸⁷ Gal. 5. ⁸⁸ Luc. 6. ⁸⁹ I Joan. 4. ⁹⁰ Joan. 15.

nes salvos fieri, et ad agnitionem sui nominis re-
nire⁹⁰ : est alia dilectio, infusio scilicet gratiae et
infusae conversatio. Hæc est quæ hominem dilectum
Deo facit. Certissime autem constat eum a Deo
diligi qui Deum diligit, et quoniam dilectionis pro-
batio est exhibito operis⁹¹, constat denuo quia is
Deum diligit qui Dei mandata custodit. Si quis
diligit me, ait Dominus, sermones meos servabit⁹².
Diligamus, dicit apostolus, non verbo, vel lingua,
sed opere et veritate⁹³. Ideo procul dubio Deum
diligit, qui odit ea quæ Deus odio habet, scilicet
iniquitatem et vanitatem, et hujusmodi. Sicut
scriptum est : Odisti omnes qui operantur iniquita-
tem⁹⁴. Et illud : Odisti observantes vanitatem su-
pervacue⁹⁵. Hac dilectione ductus et tractus
Apostolus omnia quæ in mundo fuerant ei lucra,
propter Christum arbitratus est detrimenta⁹⁶. In
charitate itaque radicatus dicebat : Quis me se-
parabit a charitate Christi? Tribulatio, an angustia,
an persecutio, an famæ, an nuditas, an periculum,
an gladius⁹⁷? Primum in dilectione Dei est odire
malum et diligere bonum. Porro nemo diligit Deum,
nisi prius odio habeat malum. Qui diligit Deum,
dicit Propheta, odite malum⁹⁸. Sed hoc non sufficit;
exigitur enim ut sermones et mandata diligat, et
diligendo custodiat. Unde Propheta : Meditabor in
mandatis tuis quæ dilexi; et levavi manus meas ad
mandata tua, quæ dilexi nimis⁹⁹. Multi siquidem
certissime sciunt utrum Deum diligent; sed an a
Deo diligentur ignorant. Quis enim novit sensum
Domini, aut quis consiliarius ejus fuit¹⁰⁰? Quis scit
de seipso si sit dignus amore vel odio¹⁰¹? Paulus
apostolus, licet constantissime dicat : Certus sum
quia nihil me separabit a charitate Dei¹⁰², ipse tamen
quasi suffragia intercessionis alienæ mendicans,
Obsecro, inquit, vos per Dominum Iesum Christum,
et per charitatem Spiritus sancti, ut adjuret me
orationibus vestris¹⁰³. Judicia Dei abyssus multa¹⁰⁴.
Quibusdam misericors est quos odit, quosdam vero
diligit quibus videtur iratus. Misereamur, inquit,
impi, et non disceit facere justitiam¹⁰⁵. Miseretur
impiis, ut cum hominibus non flagellentur, et di-
mittit eos secundum desideria cordis eorum, ut eant
in adinventionibus suis¹⁰⁶, ut apponant iniquitati ad
iniquitatem; ut qui in sordibus est, sordescat ad-
huc¹⁰⁷. Verumtamen, Domine, propter dolos posuisti
eis, allisisti eos dum allevarentur¹⁰⁸. Präparant sibi
stulti et infelices in istis præsentibus miseriis sen-
tientiam iræ interminabilis, et mortis æternæ
judicium. Ideo dicit Sapiens : Prosperitas stul-
torum perdet eos¹⁰⁹. Vere stulti qui Dei miseri-
cordias non dijudicant, et iram futuri judicis non
attendant. De ira dicit Propheta : Quis norit

A potestatem ire tuæ¹¹⁰? De miseriis etiam dicit :

Quis sapiens et custodiet hæc, et intelliget misericor-
dias Domini¹¹¹? Ille siquidem qui in veritate
Deum diligit, nam ipse est qui a Deo diligitur, in-
ter iram et misericordiam Dei oculo perspicaciore
discernit; scit quia flagellat Deus omnem filium quem
diligit¹¹²; et ideo cor suum deliciis aut divitiis, si
affluant, non apponens, omne gaudium existimat
cum in varias tentationes inciderit. Iste procul
dubio et electus et dilectus est a Deo; sed
cum dicatur dilectus a Deo, quare apponitur
et hominibus? Quid sibi vult ista conjunctio
dilectionis divinæ et humanæ? Quæ conventio lucis
ad tenebras¹¹³, vitæ ad mortem, salutis ad confu-
sionem? Nonne qui hominibus placent confusi sunt,

B *quia Deus sprevit eos¹¹⁴? Quid est favor humanus,*
nisi ventus urens, aer pestilens, et aura corrum-
pens? Quid est hominum dilectio, nisi occultum
Dei odium? Latro insidians, coluber in via, cerastes
in semita mordens ungulas equi, ut cadat ascensor
ejus retro¹¹⁵. Homo siquidem gratiæ captivator hu-
manæ, juxta verbum Job, ponitur super ventum¹¹⁶,
et sic vir vanus erigitur in superbiam¹¹⁷; sed omnia
merita ejus modico statu favorabilis auræ in nihilum
disperguntur. Ipse etiam tanquam ascensor super-
biæ, devolvitur in præcipitum et ruinam. Porro
sicut fides, quæ per dilectionem operatur, dilectionem
Deo facit; sic mansuetudo, sive lenitas hominem
hominibus amabiliter reddit; ut a Deo per dilectionem
sanctificetur, et ab hominibus pro mansuetudine
et lenitate sua tanquam sanctus Domini diligatur.

C *Sicut scriptum est : In fide et lenitate sanctum fecit*
illum Dominus¹¹⁸. Dilectio ergo Dei modis omnibus
querenda est; dilectio vero hominum querenda qui-
dein non est, sed si oblata fuerit, rejici dedignanter
aut contemni non debet; cum ipsa Veritas dicat: Sic
luceant opera vestra coram hominibus, ut glorificant
Patrem vestrum qui in cœlis est¹¹⁹; quatenus quoq;
de Unigenito Dei Filio dicit, etiam de adoptivo dicatur:

D *Pater clarifica Filium tuum, ut et Filius tuus*
clarificet te¹²⁰. Apostolus id ipsum consulere et mo-
nere videtur : Providentes, inquit, bona, non solum
coram Deo, sed coram hominibus¹²¹. Deo quidem
displacere non credo, si quis hominibus placeat,
mansuetudinis obtentu vel intuitu sanctitatis. Nam
ipse, qui est factor hominum ac redemptor, quo-
rundam faciem, ita quodam placore, quadam hilari-
tate favorabili serenat, ita quodam cœlesti dono
dicta et facta eorum gratificat, ut corda hominum
sibi concilient ipso visu, et his quasi angelis humani
favoris reverentia impendatur. Deo igitur debemus
fidem, hominibus lenitatem: fidem cuius condi-
mentum sit dilectio ut, diligendo Deum, ab eo dili-

⁹⁰ I Tim. 2. ⁹¹ D. Greg. hom. 30 in Evang. ⁹² Joan. 14. ⁹³ I Joan. 3. ⁹⁴ Psal. 5. ⁹⁵ Psal.
 50. ⁹⁶ Philipp. 3. ⁹⁷ Rom. 8. ⁹⁸ Psal. 96. ⁹⁹ Psal. 418. ¹⁰⁰ Rom. 8. ¹⁰¹ Eccl. 9. ¹⁰² Rom.
 8. ¹⁰³ Rom. 15. ¹⁰⁴ Psal. 35. ¹⁰⁵ Isai. 26. ¹⁰⁶ Psal. 80. ¹⁰⁷ Apoc. 22. ¹⁰⁸ Psal. 72. ¹⁰⁹ Prov. 1.
¹¹⁰ Psal. 89. ¹¹¹ Psal. 106. ¹¹² Hebr. 12. ¹¹³ II Cor. 6. ¹¹⁴ Psal. 52. ¹¹⁵ Gen. 49. ¹¹⁶ Job 30. ¹¹⁷ Job 11.
¹¹⁸ Eccl. 75. ¹¹⁹ Matth. 5. ¹²⁰ Joan. 17. ¹²¹ Rom. 12.

gauur, in lenitate vero et mansuetudine exemplar et forma vivendi aliis existamus. Sane lenitas in homine notabilis est, nisi aliquo sale rigoris condita sit. Unde et in Heli lenitas damnata est. Ideoque cum Magister veritatis diceret: *Discite a me quia nix sum et humilis corde*²¹, ut sale humilitas condiretur, præmisit salem habere in nobis. De fide illud dicimus, quia cum *justus ex fide vivat*²², fides non vivificat, sicut mortificat, nisi socia dilectionis existat. Multi enim credunt, sed fides eis potius est ad mortem. Nam, cum dæmones credant et contremiscant; isti deteriores infidelibus et dæmonibus credunt, sed non diligunt; credunt et omnino contemnunt. Ideoque in die iræ sibi thesantrizant terribile judicium, et qui modo non timent, etc., ab *auditione mala non timebunt*²³, pro abyso malitiæ sue habituri ignis causa timoris et horrois abyssum, et pro contemptu damnationis æternæ supplicium. Quam a nobis avertire dignetur, cui est honor et gloria in sœcula sœculorum. Amen.

SERMO LI.

IN EODEM FESTO.

*Anima mea conturbata est propter quadrigas Aminadab*²⁴.

Sponsa in Cantico amoris, scilicet Ecclesia, Redemptori conqueritur de quadrigis Aminadab, quod nou sint in ea reverentie et honores qui debuerant. Aminadab interpretatur *spontaneus*, id est Christus, qui pro nobis sponte morti se obtulit. *Oblatus est exim quia ipse voluit*²⁵. Illujus aurigæ quatuor evangelistæ intelliguntur, qui verbum salutis olim per quatuor partes mundi publice deferentes fructum fecerunt multiplicem, et de semine verbi Dei multiplices manipulos justitiae retulerunt. Conqueritur ergo Ecclesia quod hodie alligatum est verbum Domini in ore prædicatorum, plicatus est liber, et bi quibus commissa erat annona Dominici verbi, frumenta abscondunt in populis, et evenit verbum illius lamentatoris prophetæ: *Parvuli petierunt panem, et non erat qui frangeret eis*²⁶. De his quadrigis, et de rotis earum dictum est in Ezechiele²⁷. Quia erat earum similitudo una quasi esset *rotæ in medio rotæ*, in quo notatur quod unum Testamentum alteri Testamento est simile et conforme. Nam sicut in Veteri Testamento erant præcepta judicia et promissa, sic et in Novo. Sicut unus ibi Legislator et multi ministri: sicut ibi duodecim prophetæ ex una parte, et ex altera quatuor; sic in tempore gratiæ sub Christo, Lxxii discipuli sunt constituti, xii apostoli, iv evangelistæ; quorum testimonio tam septuaginta duorum, quam xii prædicatio firmaretur, et scriptis generaliter publicaretur. Isti quatuor in Ezechiele et in Apocalypsi Joannis per quatuor animalia designati sunt. Matthæus præfiguratus est per hominem, quia ejus intentio in Evangelio est circa Christi humanitatem: unde et

A ab ejus temporali generatione assumit evangelice narrationis initium. Marcus leoni assimilatur, quia a circa Christi resurrectionem specialiter versatur. Unde in die Resurrectionis Evangelium ejus in Ecclesia recitatur. Lucas significatur in vitulo, quia circa narrationem Passionis specialiter intendit. Vitula enim hostia sacerdotalis est, unde et a sacrificio incipit. Joannes designatur per aquilam, quia divinam generationem quasi tuba incomprehensibilis theologicæ intonat. Cæteris gradientibus in terra cum Christo; ipse tanquam aquila, imo plus quam aquila omnibus cæteris altius volat. Et licet singuli speciales et proprias intentiones habeant circa Christum, quadripertita tamen est singularum intentio; dum de Christi Nativitate, Passione, Resurrectione et Ascensione loquuntur. Ideoque et hæc animalia quatuor facies habere videntur. *Erant, inquit, quatuor facies uni*²⁸. Vcl ideo dicuntur habere quatuor facies, quia de illo tractant, illum prædicant, qui quatuor illas facies in se ipso complevit. Ipse namque est homo nascendo, vitulus patiendo, leo resurgendo, aquila ascendendo.

C *Conturbata est ergo sponsa pro quadrigis Aminadab*. Non est qui faciat verbum evangelistæ, non est qui annuntiet pacem populo, qui evangelizeat bona, qui verbo et exemplo instituat ad æterna²⁹. O quam speciosi sunt peles evangelizantium pacem, evangelizantium bona, sed non omnes obediunt Evangelio: imo vel pauci vel nulli. Cum enim Evangelium doceat mundum contemnere, paupertatem diligere, vitam præsentem odio habere, cœlestia et æterna tantum querere; nos Evangelium postponentes, et derelictis quadrigis Aminadab quæ ducunt ad vitam, currimus in curribus Pharaonis ad mortem. Currus Pharaonis multiplices sunt; quos in bac regione nostra sèpius invenire possumus, et videre. Est currus malitiæ, currus luxuriæ, currus avaritiae, currus superbiae, currus invidiæ. De aliquibus dicimus, ut in eorum forma aliorum formentur exempla. Currus malitiæ habet quatuor rotas, sævitiam, impatientiam, audaciam, impudentiam. Veloce sunt rotæ istæ in malum, velox est currus iste ad effundendum sanguinem. Currus luxuriæ quatuor habet rotas: ventris ingluviem, immunditiae libidinem, vestis mollitatem, soporis et otii resolutionem. Rotæ quibus avaritia trahitur, sunt tenacitas et rapacitas, sollicitudo habendi et timor perdendi. In omnibus istis curribus temones sunt Dei contemptus, et oblivio mortis. Alios currus de exercitu Pharaonis sibi potest formare ad libitum diligentia singulorum. Isaías³⁰: *Multiplices sunt ejus equi et innumerabiles quadrigæ ejus*. Verumtamen quia scriptum est: *Hi in curribus et hi in equis; nos autem in nomine Domini Dei nostri*³¹. Omissis curribus Pharaonis in quibus est animarum perditio, revertamur ad qua-

²¹ Matth. 11. ²² Hebr. 2. ²³ Psal. 111. ²⁴ Cant. 6. ²⁵ Isa. 53. ²⁶ Thren. 4. ²⁷ Cap. 10. ²⁸ Cap. 1.

²⁹ Rom. 1. ³⁰ Cap. 2. ³¹ Psal. 19.

drigas Aminadab, in quibus est salus, sicut propheta dicit : *Quis ascendet super equos tuos, et quadrigae tuae salvatio?*²³ Sicut habet Pharaon currus suos, sic suos equos suasque quadrigas habet vester Amiadab. Nonne quadrigam faciunt justitia, prudentia, temperantia, fortitudo? Nonne hic est currus et quadriga Eliæ? Istam quadrigam trahunt non solum quatuor evangelistæ, sed quatuor status religiosorum, incipientium, proficientium, currentium, pervenientium. Vultis videre quadrigas nostri Aminadab, eentes ad vitam æternam adeo multiplices sicut sunt quadrigæ in nundinis. Una quadriga est devotione, oratio, lectio, meditatio. Alia quadriga est cordis contritio, oris confessio, peccati satisfactio, delicti evitatio. Est et alia quadriga odium mundi, contemptus sui, compassio Christi, amor Dei. Sed et fides Incarnationis, Passionis, Resurrectionis et Ascensionis unam quadrigam amplissime tibi faciunt. Est alia forte augustinior, puritas conscientiae, asperitas vitae, humilitas obedientiae, austeras disciplinae. Si sacrae Scripturæ volumina circa inquisitionem talium diligenter revolvantur, prius deficeret lingua quam verba. Sed quid est quod dicitur, quia Spiritus vitae erat in rotis, nisi quia vita æterna est in evangelistarum Scripturis? Ideo animalia ibant et non revertebantur; quia spretis temporibus ad cœlestia suspirantes, nequaquam iterum ad terrena revertuntur. Nam qui semel ad aratrum manum misit, si retro respiciat, indignum se judicat regno Dei.²⁴ Ideo eorum quæ retro sunt oblitus, dicit Apostolus²⁵, ad anteriora me extendeo. Hoc hodie nos erudit et informat exemplo currus et quadriga veri Israel beatus Mattheus, qui semel vocatus a Domino, et de teloneo assumptus, non iterum ad vectigalia et ad opera mundana reversus est.²⁶ Et si Petrus post conversionem ad usum piscatoriarum artis redierit; iste tamen ad mundanæ occupationis angustias, et ad vomitum prioris vitae non rediens, nobis conversionis exemplum et formam exhibuit in perseverantia sanctitatis. *Ibant*, inquit, *animalia, et non revertebantur*.²⁷ Certe partem cum ipsis animalibus non habetis, si postquam existivitis de Ægypto hujus sæculi, iterum affectatis allia et penones Ægypti. Porro multi sunt qui cum sint mundo mortui, tracti affectione parentum, et si non pedibus, tamen affectibus ad sæculum revertuntur. Seductrix illa pessima et blandissima adulatrix parentum affectio, multos in æternæ perditionis foveam trahit, dum amor qui in eis mortificatus erat, occasione parentelæ iterum reviviscit. Sic ergo primum fidem irritam facientes amant in aliis, quod in se odio habent; et amorem carnis obumbratæ charitatis imagine palliantes pro amicis et domesticis suis ponunt stulte et creduliter animas suas. Amicis et domesticis suis dico; sed inimici hominis domestici

A ejus.²⁸ Velle enim amicus et domesticus ille, quod ab ipsis sustentationem usurpare tibi aliquid proprium, suo tantum desiderio satisfacere volens, et æternum tuæ animæ dispendium non attendens. Unum tibi dico: si quid proprium habes, jam non habes aliquid commune cum Christo. Recordare quia mortuus es mundo, et parentibus tuis et complantatus similitudini mortis Christi. Tuam ergo vitam, quæ abscondita est cum Christo, in Deo noli perdere pro eis, quia de tua perditione non curant, dummodo a te qualitercumque quod volunt obtineant. Vocavit vos Dominus de Ægypto hujus sæculi, de mari hujus mundi, de medio pravæ ac perversæ nationis. Nolite ad eam recurrere; nam recursus iste, recursus ad inferos. Vocavit vos Dominus de medio Babylonis, de Ur Chaldaeorum, de teloneo Matthei. Agnoscite vocationem vestram et persevereate in ea: non Mattheus ad teloneum, nec vos redieatis, fratres, vel facto, vel desiderio in Ægyptum. Scio quia de partibus illis frequenter veniunt scrophules et ranæ et musca Ægypti gravissima. Non ista, quæso, non ille esus carnium vos subvertant: sitis memores vocationis vestræ. Veni, inquit Dominus, vocare peccatores ad paenitentiam.²⁹ Mattheus hunc dicto aut edicto potius causam dedit. Omnes siquidem peccavimus, et egemus gratia Dei.³⁰ Si enim dixerimus quod peccatum in nobis non est, nosmetipsos seducimus, et veritas in nobis non est.³¹ Et quis confidat se habere mundum cor? Cum omnia bene fecerimus, dicit apostolus, dicere debemus quia servi inutiles sumus.³² Nam, juxta prophetam, omnes justitiae nostræ quasi pannus menstruæ.³³ Quid autem dicam de nobis secularibus, qui sanctorum conversionem audimus et videmus assidue, et in nullo conterimus aut movemus? *Hodie*, dicit Dominus, si vocem meam audieritis, nolite obdurare corda vestra.³⁴ Nos vero more aspidia surdae et obturantis aures suas ad vocem Christi obsurdescimus,³⁵ et obturamus aures nostras, ne audiamus bonum. Non possumus causari quod Dei gratia nobis desit; sed ipse causari potest quod ejus gratiae nos desumus, et quoties vocat nos ad salutem, claudimus cordis oculos, et ei vertimus humerum receudentes. Desidero tamen frequenter omnia reliquise pro Christo, omnia fecisse vellem, et affecto frenum obedientiae et jugum voluntariæ paupertatis. In voto habeo quod ex toto convertar; sed hinc socia pusillanimitas, hinc amica carnis affectio, hinc divina ambitione me distrahit, et a proposito conversionis et sanctæ conversationis avertendo pervertunt. Scienter itaque despicio, et prudenter pereo, nam pravi est differre salutis propositum et paenitentiam prolongare usque in extremæ vitae articulum, et mortis æternæ periculum.

Scio quia *terribilis est Dominus in iudiciis super*

²³ Hab. 3. ²⁴ Luc. 9. ²⁵ Phil. 3. ²⁶ Matth. 9. ²⁷ Ezech. 1. ²⁸ Matth. 10. ²⁹ Matth. 9. ³⁰ Rom. 3. ³¹ I Joan. 1. ³² Luc. 17. ³³ Isai. 64. ³⁴ Psal. 94. ³⁵ Psal. 57.

*filios hominum*⁴⁶, et tamen ejus iudicia districta, et subita vel non timeo, vel timere dissimulo. Nonne dissimulat qui vulneratus ad mortem, salutarem respuit medicinam? Medicina peccatorum pœnitentia est. De hoc Salomon dicit: *Medicinam creavit Altissimus, et stulti despiciunt eam*⁴⁷. Nonne cognati et amici nostri singulis fere diebus subito casu rapiuntur ad mortem? *Tendit in eos Dominus arcum suum, et in eo parvit vasa mortis*⁴⁸, dans nobis significacionem ut fugiamus a facie arcus. Nos autem nibilominus sequentes vanitates et insanias falsas, litigamus, ædificamus, congregamus, non attenientes vocem illam tonitru terribilis, et tubæ judicialis: *Stulte, hac nocte repetent animam tuam a te. Que præparasti cuius erunt*⁴⁹? O fons misericordiæ, o misericordia, o bonitas, o benignitas, Deus, ne derelinquas me, trah me post te; pedem mouere non possum, quia *infixus sum in lino profundi*⁵⁰; oneratus etiam sum, quia *iniquitates meæ supergressæ sunt caput meum*⁵¹, confido tamen quia si me traxeris, *currat in odorem unguentorum tuorum*⁵². Si ad nupicias quæ paratæ sunt intrare aut nolo, aut nequeo, tu me, benignissime Jesu, *compelle intrare*⁵³, quia si per te non intravero, intrare non possum. Qui vivis et regnas Deus, per omnia sæcula sæculorum. Amen.

SERMO LII.

IN DEDICATIONE ECCLESIE.

*Jerusalem quæ ædificatur ut civitas, cuius participatio ejus in id ipsum*⁵⁴.

Triplicer accipitur Jerusalem, civitas illa sanguinaria, quæ occidit prophetas, de qua dicitur: *Non capili perire prophetam extra Jerusalem*⁵⁵; quam posuit Dominus in signum et portentum omnibus civitatibus, in argumentum iræ et indignationis suæ, lapidem oneris, lapidem offensionis in gentibus. Est et Jerusalem Ecclesia militans, quæ habet tabernaculum suum sub sole, et militat in terris. De ista dicitur: *Surge, illuminare, Jerusalem*⁵⁶. Est et Jerusalem triumphans Ecclesia congregata ex angelis et spiritibus beatorum. De ista dicit: *Jerusalem quæ sursum est, libera est, quæ est mater nostra*⁵⁷. Est etiam et Jerusalem quarta, modica et exilis, quæ, licet non sit civitas, tamen est ut civitas. Ideoque et illam intelligo, quando scriptum est: *Jerusalem, quæ ædificatur ut civitas*. Nec enim vere est: civitas, quæ est ut civitas, nec vero castrorum acies, quæ est ut castrorum acies ordinata⁵⁸. Potius est dominus quam civitas, et vere donus, quia *domus Dei et porta cœli*⁵⁹. Si autem dominus Dei est, videte ne per eam transeat incircumcisus et immundus. *Domum tuam, Domine, decet sanctitudo*⁶⁰. Dominus ista, locus iste ad hoc Deo dedicatus et sanctificatus est, ut in ipsa placabiles hostiæ offerantur Deo. In tempore placationis factus est locus iste custo-

A dia gratiæ, et devotionis accepta oblatio, et in tempore iracundiae factus est reconciliatio⁶¹. Locus iste volentibus commorari in eo, domus est orationis, domus refectionis, domus requietionis. Orationis sicut scriptum est: *Domus mea domus orationis vocabitur*⁶²; domus refectionis: unde dicitur: *Sicut adipe et pinguedine repleatur anima mea*⁶³. Habitantes resciuntur non ex solo pane, sed ex omni verbo quod procedit ex ore Dei⁶⁴.

B Locus requietionis est; nam super habitatores ejus loci Spiritus Domini requiescit. Super quem, inquit, requiescat Spiritus meus, nisi super humilem et mansuetum et trementem ad verba mea⁶⁵? Ille est locus requietionis Jacob. Legitur in Genesi, quia cum Jacob egressus de Bersabee, pergeret in Harran, volens in nocte quiescere, supposuit lapidem capiti suo, et vidi scalam in somnis et angelos ascendentibus et descendebus, et Dominum innixum scalæ. Cumque evigilasset, ait: *Vere Dominus est in loco isto*⁶⁶. Jacob supplantor; Bersabee puteus abyssi et desperationis. Profectus Bersabee pergebat in Harran, quod interpretatur sublimis; sed iterum quiescit et dormit in loco, qui dicitur Bethel, id est *domus Dei*. Ille est forma viæ et vitæ nostræ; qui egressi suinus de puto interitus, de puto iniquitatis et desperationis, de quo justus orat ut non urgeat super eum putens os suum⁶⁷. Sic et Abraham quandoque egressus est de Ur Chaldæorum⁶⁸, de potestate dæmonum, et incendio vitiorum. Dormit in transitu hujus vitæ, inter medios cleros⁶⁹, inter duas sortes, inter mundanam vitam quam fugitis, et supernam quam queritis. Est inter vos qui dormit et quiescit. Sed terrena sapientia æternæ retributionis præmia non attendit. De quiete istius dictum est: *Viderunt eum hostes, et deriserunt Sabbathum ejus*⁷⁰. Angelos autem aspicit qui non in terra, sed in lapide adjutorii caput ponit. Qui in terra dormit, qui in terrenis sepultus est, neque corde, neque oculo vidit. Qui autem in lapide Christo quiescit, oculis quidem dormiens corde vigilat, et angelos videre meretur. *Ego, inquit, dormio, et cor meum vigilat*⁷¹. Qui autem in terra dormit, quia terrenis occupatus est, oculos clausos habet, sicut in Ezechiele scriptum est: *Terra autem sit ad fenestras, et fenestræ clausæ*⁷². Vos, dilectissimi fratres, qui exivistis de Bersabee, de puto mundanæ malitiæ ut veniatis in Harran, id est in excelsum, in loco estis in quo luctatus est Jacob. Vos autem pugnare et luctari oportet, non solum adversus aerias potestates nequitiaæ in cœlestibus, sed etiam adversus angelum Dei. De Jacob siquidem, cuius imitatores estis, scriptum est quia contra Deum fortis fuit; Deum siquidem luctando tenebat, dicens: *Non dimittam te, nisi benedixeris*

⁴⁶ Psal. 65. ⁴⁷ Eccli. 38. ⁴⁸ Psal. 7. ⁴⁹ Luc. 42. ⁵⁰ Psal. 68. ⁵¹ Psal. 37. ⁵² Cant. 4. ⁵³ Luc. 44. ⁵⁴ Psal. 121. ⁵⁵ Luc. 13. ⁵⁶ Isai. 60. ⁵⁷ Gal. 4. ⁵⁸ Cant. 6. ⁵⁹ Gen. 28. ⁶⁰ Psal. 92. ⁶¹ Eccli. 44. ⁶² Matth. 21. ⁶³ Psal. 62. ⁶⁴ Matth. 4. ⁶⁵ Isai. 66. ⁶⁶ Gen. 28. ⁶⁷ Psal. 68. ⁶⁸ Gen. 11. ⁶⁹ Psal. 67. ⁷⁰ Thren. 1. ⁷¹ Cant. 5. ⁷² Ezech. 41.

*mihi*⁷¹. Quod autem cum Domino, et non cum an-
gelo luctatus sit, ex verbis Domini patet. *Cur, in-*
quit, quæris nomen meum, quod est mirabile? Et
Jacob: *Vidi Dominum facie ad faciem*⁷². *O felix*
lucta! O desiderabilis pugna, quæ fructum bene-
dictionis extorsit! Si nervus femoris langitur, non
est curandum. Utinam non solum nervus femoris,
unde propago generationis erumpit; sed totum cor-
pus adeo desicetur et mortificetur, ut moles cor-
poreæ sensum multa cogitante non deprimat, sed
spiritus a terrenis et carnalibus liber in Haran, id
est, in sublime ascendat! Gloriatur Deus in lucta
hominis. Non est lucta, quando quis orat et effundit
quasi aquam cor suum, et tamen Deus orationem
suam repellit ad tempus, ut ille fortius compunga-
tur. Ille iterum importune invadit Dominum, et
fortius apprehendens dicit: *Non dimittam te donec*
benedixeris mihi. Stetit Moyses in confractione
adversus Dominum, et tenuit manum ejus ne dele-
ret Israel⁷³. Ideo Jeremias deplorans non esse si-
milem Moysi: *Fortior, inquit, Domine, tu fuisti et*
*invaluisti*⁷⁴. Et alibi: *Aporiatus est Dominus, quia*
*non est vir; et non est qui occurrat ei*⁷⁵. Sed et Do-
minus per Ezechiem: *Quæsivi, inquit, virum*
qui interponeret sepem, et staret oppositus contra me
*pro terra ne dissiparem eam, et non inveni*⁷⁶. Et
alibi: *Non est qui exsurget et teneat me*⁷⁷. Accin-
gimini ergo virtute, et estote filii fortitudinis; rapite
per violentiam regnum cœlorum: nam a tempore
Joannis regnum cœlorum vim patitur⁷⁸. Vos igitur
si fortiter in incepto agone contenditis, non solum
rapietis regnum cœlorum, sed ipsum regem cœlo-
rum. Tot vulneribus confossum est, tot flagellis af-
flictus, tantum sanguinis per sudorem, per verba,
per lanceam, per clavos emisit, quia cum esset
speciosus forma præ filii hominum⁷⁹, jam non est
in eo species neque decor. Sed et illa charitas
ad huc durat, quæ illum vicit et exinanivit usque ad
mortem. Non poterit vobis resistere, si imitatores
fueritis illius charitatis. Si diligitis Christum sicut
dilexit vos, permettit se vinci, et gaudebit se et
regnum suum capi. Gaudebitis et vos, sicut qui
lætantur in messe, sicut victores, *cupta præda, quando*
*dividunt spolia*⁸⁰, recipientes mercedem laborum
vestrorum in cœlesti Jerusalem, visionem supernæ
pacis, visionem, apprehensionem et benedictionem
illius, qui est vita æterna Jesus Christus, qui est
benedictus in sæcula sæculorum. Amen

SERMO LIII.

DE SAPIENTIA MULTIPLICI

Beatus vir, qui in sapientia sua morabitur, et qui
in justitia meditabitur, et in sensu cogitabit circum-
*spectionem Dei*⁸¹.

Multi quæsierunt sapientiam et non invenerunt;

A multi invenerunt et non tenuerunt. *Beatus autem*
qui in sapientia morabitur. Salomon invenit sapien-
tiæ, sed non est moratus in ea, qui per feminas
alienigenas alienatus a sapientia insipiens factus
est. Sed ei philosophi sapientiam invenerunt; nec
in sensu cogitaverunt circumspectionem Dei. *Qui*
cum Deum gloriae cognovissent, non sicut Dominum
glorificaverunt, sed evanuerunt in cogitationibus
suis, et obscuratum est insipiens cor eorum, et datus
sunt in sensum reprobum, servientes potius creature
*quam Creatori*⁸². Summa sapientia est quam inun-
dus iste stultitiam reputat, sapientiam Christi, imo
sapientia Christus est: *qui, juxta Apostolum, factus*
est nobis a Deo non solum sapientia, sed justitia, et
*sancificationis, et redemptio*⁸³. Ideo Paulus sapientiae
hujus scholis addictus: *Nihil, inquit, arbitratus*
sum me scire, nisi Christum Jesum et hunc cruci-
*fixum*⁸⁴. Bonum est inquirere et tenere hanc sa-
pientiam, quæ est sanctificatio et redemptio. Cum
omnis alia sapientia sit inflatio et perditio, hujus
scholæ discipulus esse non potes. Qui non renun-
ciat omnibus quæ possidet, non potest esse meus
discipulus: imo qui non odit patrem et matrem et
animam suam, non est me dignus⁸⁵. Bone Jesu!
quid fecisti nobis sic⁸⁶? Moyses attulerat onus,
quod neque nos, neque patres nostri portare potue-
runt⁸⁷. Sperabamus quia veniens alleviaret onera
nostra, et nunc aggravas manum tuam. Nonne sa-
tis erant graves manus Moysi? Venisti ut scorpio-
nibus nos cædas? Quæris materiam irascendi no-
bis, et perdendi nos. Nonne tu es Jesus Salvator,
et non perditio? Quare præcipis quod non possum,
patrem videlicet et matrem, et animam meam odio
habere et diligere inimicum? *Durus est hic sermo,*
*et quis potest ipsum audire*⁸⁸? Ad alias scholas
irem, et alium magistrum mihi eligerem: sed au-
dio Petrum respondentem, et pro se et pro aliis:
Domine, ad quem ibimus? Verba vitæ æternæ ha-
*betis*⁸⁹. Si flingis laborem in præcepto, et duritiam
in sermone, tamen scio quia magna est multitudine
dulcedinis tuæ, quam abscondisti timentibus te⁹⁰.

Ergo sperabo in te, cuius non potest sapientia
falli, potentia vinci, benevolentia fatigari, charitas
minui. Si flagellaveris, si combusseris, si securis,
si occideris me, sperabo in te, Domine: dummodo
adjuves me et doceas facere voluntatem tuam, fac-
tantum, Domine, signum in bonum, ut queram te,
et sperem in te. Bonus enim es sperantibus in te,
animæ querenti te⁹¹. Scio quia qui tibi serviant
non sunt onerati, imo honorati, quia nimis hono-
rati sunt amici tui, Deus. Scio quia omne jugum
servitutis acceptum est in memoria dulcedinis luxæ,
juxta verbum Isaiae dicentis: *Computrescat jugum*
*a facie olei*⁹². Fratres, sanctus iste cuius, hodie

⁷¹ Gen. 32. ⁷² Ibid. ⁷³ Psal. 103. ⁷⁴ Jer. 20. ⁷⁵ Isai. 59. ⁷⁶ Ezech. 22. ⁷⁷ Isai. 64. ⁷⁸ Matth.
11. ⁷⁹ Psal. 44. ⁸⁰ Isai. 9. ⁸¹ Eccli. 14. ⁸² Rom. 4. ⁸³ I Cor. 2. ⁸⁴ Cor. 2. ⁸⁵ Luc. 14. ⁸⁶ Luc. 2.
⁸⁷ Act. 15. ⁸⁸ Joan. 6. ⁸⁹ Ibid. ⁹⁰ Psal. 50. ⁹¹ Thren. 5. ⁹² Isai. 10.

memoria in benedictione est, nec in schola philosophorum, nec in libaria Justiniani sapientiam quæsivit, eam tamen invenit, et in sapientia mora us, eam verbo et exemplo docuit, et quasi stella in firmamento cœli præ cunctis doctoribus nostri temporis gloria et honore fulsit. Ita, Domine, promiseras per Daniëlem, et sic implevisti in isto: *Qui docti, inquit, fuerint, fulgebunt sicut splendor firmamenti, et qui ad justitiam erudiunt multos, quasi stellæ in perpetuas æternitates*⁹³. Sermo siquidem ejus *vicus, et efficax, et penetrabilior omni gladio anticipi*⁹⁴, tanto lepore dulcedinis, tanta gratia urbanitatis et suavitatis enituit, ut eo loquente, non videretur homo, sed angelus loqui. Omnia etiam ejus scripta facultatem humanae inventionis excedunt, et potius digito Dei quam humano i genio dictata et scripta fuisse credenda sunt. Iste a pueritia sapientiam quæsivit, et affluens prudentia circumspetionibus et miraculis coruscavit. Ipse tanquam Dominicæ vineæ strenuus cultor, in sanctitate et justitia coram ipso, omnibus diebus vitaæ suæ⁹⁵, nullam diei horam ducens vacuam, de virtute in virtutem, de gradu in gradum perfectionis ascendens, diem sanctificationis in se plenissime consummavit. Sicut de eo et consimilibus scribit Salomon in Proverbiis: *Justi semita quasi lux splendescens procedit, et crescit usque ad perfectum diem*⁹⁶. Laxemus itaque, fratres, et resolvamus linguis nostras in laudem Domini, qui mirificavit hodie sanctum suum. Scimus quia braviuum sui cursus assecutus est; et ad portum navigans feliciter introivit in potentias Domini, in alyssos lucis æternæ. Ideoque nos ei congaudere oportet, qui de labore ad præmium, de morte hujsæ sæculi ad gaudium transiit angelorum. Licet anima ejus, dum sapientiam quærebatur, soleret in hujsæ peregrinationis exsilio devota meditatione penetrare cœlos, supernas mansiones intrare, diversitas amicitatum circumspicere, salutare patres, prophetis, apostolis, martyrum choris, et confessorum contemplationis vehiculo interesse, omnia tamen per speculum, et in ænigmate tunc videbat. Nunc autem revelata facie in splendoribus sanctorum, videt eum quem angeli concupiscunt, et in sapientia quam quæsierat, quam affectaverat in hujsæ corporis ergastulo positus, solitus vinculis earnis, juxta desiderium animæ suæ contemplando moratur. *Beatus, inquit, qui in sapientia morabitur*⁹⁷. Nunc eum secure beatum dicere possumus, qui dum peregrinaretur a Domino, dubium erat quem exitum esset habiturus. Et quis in hac terra dissimilitudinis de prænio vitaæ æternæ potest esse securus? Quis scit si est dignus amore an odio? Quis scit quid crastina pariat dies? Mirabili enim arte et mirabiliori charitate ita gratiam suam di-

A spesneat Altissimus, ut quos diligit dubios de dilectione sua semper efficiat, ut quanto sunt incertiores, tanto sint humiliores. *Beatus enim qui semper est parvus*⁹⁸. Nunc multit dura et aspera; nunc indulget blanda et prospera, visitat diluculo et subito probat, nunc mortificat, nunc deducit ad inferos, nunc relucit, nunc pauperem facit, nunc ditat, nunc humiliat, nunc sublevat. Et in his omnibus suæ proventum gratiae operatur. Dicit tamen Paulus: *Bonum certamen certavi, cursum consummavi, fidem servavi. Reposita est mihi corona justitiae, quam reddit mihi Dominus in illa die justus iudex*⁹⁹. Ideo etiam dicit: *Certus sum quia nihil me separabit a charitate Dei*¹⁰⁰. Sed certe Paulus erat, et ad tertium cœlum raptus fuerat, qui sic confidenter loquebatur, ipsi licebat dicere: *Vivo ego jam non ego, vivit vero in me Christus*¹⁰¹. Ita Christo adhæserat, ut esset unus Spiritus cum eo: ipse tamen quasi reprobari timere a Domino, alibi dicit: *Castigo corpus meum, et in servitutem redigo, ne cum aliis prædicaverim, ipse reprobus efficiar*¹⁰². Job quem non reprehenderat cor suum in vita sua, de vita æterna securus, et de hac incertitudine loquens, *Scio, inquit, quia in carne mea videbo Deum Salvatorem meum*¹⁰³. Idem etiam dicit: *Quantus ego sum qui respondeam Deo*¹⁰⁴? Si habuero quidpiam justum non respondebo, sed mecum Judicem deprecabor. Et cum invocantem me exaudierit, non credo quia audierit vocem meam. In turbine enim conteret me, et sine causa non concedet requiescere spiritum meum. Manifeste videtis quia certitudo illa, quæ in Paulo et Job convalescit ac tempus, in eisdem ad tempus evanescit. Qui ergo stat, videat ne præsumat et cadas. Et quis præsumeret habere mundum cor? Omnes justitiae nostræ quasi pannus menstruæ¹⁰⁵. Cum omnia bene lecerimus, dicere debemus quia servi inutiles sumus¹⁰⁶. Breves dies hominis sunt; paucitas dierum meorum finietur brevi? Et novit solus Dominus qui sunt ejus; sed in proximo veniet dies, et illuminabuntur abscondita cordium, et videbit unusquisque utrum sit dignus amore an odio. Videre quod vos Dominus inveniat in sapientia commorantes. Summa sapientia est non Platonem legere, non Aristotelis veritatis inversare, sed Christum diligere, Christo servire, et in hac servitute gratissima et fructuosa libenter, efficaciter, fideliter ac finaliter permanere. Sic fecit et docuit Paulus; sic fecit et docuit Bernardus: quorum sitis imitatores, si beatitudinis eorum vultis esse particeps! Quod nobis præstare dignetur Jesus Christus, qui est benedictus in sæcula sæculorum. Amen.

SERMO LIV.

DE SACRIFICIO ALTARIS.

Teste Apostolo, qui secundum legem offerunt

⁹³ Dan. 12. ⁹⁴ Hebr. 4. ⁹⁵ Luc. 1. ⁹⁶ Prov. 4. ⁹⁷ Eccli. 14. ⁹⁸ Prov. 28. ⁹⁹ II Tim. 4. ¹⁰⁰ Rom. 8.

¹⁰¹ Gal. 2. ¹⁰² I Cor. 9. ¹⁰³ Job. 19. ¹⁰⁴ Job. 9. ¹⁰⁵ I Cor. 10. ¹⁰⁶ Isai. 4. ¹⁰⁷ Luc. 17. ¹⁰⁸ II Tim. 2.

munera, exemplari et umbræ cœlestium offerunt⁸. Christus autem melioris testamenti mediator est, melioris dico sicut ab eodem Apostolo sumpto de Jeremias propheta testimonio demonstratur. Ecce dies veniunt, dicit Dominus, et consummabo super domum Israel, et super domum Juda testamentum novum, non secundum testamentum quod feci patribus eorum in die qua apprehendi manum illorum, ut ea uicerem illos de terra Egypti⁹. Testamentum diversis modis accipitur in sacro eloquio, voluntas, et ordinatio testatoris. Unde Apostolus: *Hominis testamentum nemo spernit, aut superordinat*¹⁰. Et alibi: *Testamentum in morte confirmatur*¹¹. Dicitur etiam testamentum colligatio impiorum, juxta illud: *Adversus te testamentum disponuerunt tabernacula Idumæorum et Ismaelitarum*¹². Dicitur etiam testamentum promissio Dei, juxta illud: *Disposui testamentum electis meis, etc.*¹³ Et illud: *Memor fuit in sæculum testamenti sui, quod mandarit in mille generationes*¹⁴. Et testamentum morsæterna, sicut scriptum est in Ecclesiastico: *Memor esto quoniam non tardabit mors*¹⁵. Et testamentum inferiorum quod demonstratum est tibi. Christus autem statuit testamentum pacis in sanguine suo, et per hoc testamentum delevit testamentum inferorum. Sicut per Isaiam dicitur: *Delebitur fædus vestrum cum morte, et puctum vestrum cum inferno non stabit*¹⁶. In Veteri Testamento quatuor principalia erant: promissa, judicia, præcepta, sacramenta. Hæc omnia mutata sunt. Promissa mutata sunt: Ibi promittebatur abundantia frumenti, vini et olei, sicut scriptum est: *Dedit, inquit, possessiones gentium, et labores populorum possederunt*¹⁷. Illic non terrena substantia vel gloria promittitur, sed æterna hæreditas. A Christo enim paupere pauperes evangelizantur: *Beati, inquit, pauperes spiritu, quoniam ipsorum est regnum cœlorum*¹⁸; et: *Vox vobis, divites, qui habetis hic consolationem vestram*¹⁹. Quibus dictis sunt promissiones, defuncti sunt, non acceptis repromotionibus, sed a longe eas aspicientes et salutantes super terram, et confidentes quia peregrini sunt et hospites²⁰. Mutata sunt judicia: in Veteri namque Testamento temporales pœnæ transgressoribus intentabantur. Nunc autem dicitur: *Qui mala egerunt, ibunt in ignem æternum*²¹. Mutata sunt et præcepta, quia cum lex neminem adduceret ad perfectum, remanentibus moralibus præceptis, ut Honora patrem tuum, etc., cérémonia quæ solam figuram veritatis habebant observata, spiritualiter ad litteram sunt deleta. Facta est in sacramentis mutatio, quia, teste Apostolo, non poterant, juxta conscientiam, perfectum facere servientem in cibis, et potibus, et variis baptismatibus²², significante Spiritu sancto, nondum propalatam

A esse sanctorum viam. Talia ergo oportuit esse sacramenta, in quibus esset significatio veritatis et veritas significationis. In promissis amor suggeritur, in iudiciis timor incurritur, in præceptis vita geritur, in sacramentis Christi gratia figuratur et datur. *Lex quidem per Moysen data est; veritas autem per Jesum Christum*²³. Si ergo Christus veritas, in quo ipse est veritas; si in Christum credimus, credamus et Christo. Ipse enim est qui dicit: *Ego sum panis vivus qui de cœlo descendit*²⁴; ipse est manna reliciens, ipse est agnus qui immolabatur et manducabatur in lege: ipse enim se nobis obtulit in cibum et pretium, qui patres nostros reficit in manna; in pane nos reficit, et impletur in eo quod scriptum est: *Novis supervenientibus vetera projicietis, et vetustissima veterum comedetis*²⁵. Vetera sunt sacrificia veteris legis, quæ offerebant Aaron, et filii ejus jugulantes filios arietum, effundentes sanguinem vitulorum et hircorum. Vetustissima autem veterum fuerunt panis et vinum oblata a Melchisedech figurantia sacramentum Christi, de quo juravit Pater: *Tu es sacerdos in æternum, secundum ordinem Melchisedech*²⁶. Novis ergo supervenientibus praecienda erant legalia, et vetustissima veterum contendenda, ut panem angelorum manducavit homo, sicut a diebus antiquis paravit in dulcedine sua pauperi Deus. Naturæ nostræ susceptio panis est quo pascimur. Christus enim nostræ carnis fenum convertit in frumentum, ut nos cibaret ex adipe frumenti. Factus est nobis panis, quia cor hominis in corde bono seminandum et multiplicandum, factus est nobis granum frumenti, confirmat panis ad hujus miserae vitæ consolationem, ad laboris viae sustentationem: panis in verbo doctrinæ, panis in exemplo vitæ, panis spiritualis gratiæ, panis interminabilis gloriæ. *Hoc est, inquit, novum testamentum in sanguine meo*²⁷. Hoc testamentum nobis in morte Christi confirmatum est, ut et nos complantemur, similitudini mortis ejus, ut mundo moriamur, et vita nostra abscondatur cum Christo in Deo meo. Super hoc testamento ordinanda sunt sacrificia, ut totus bonus hostian viventem, et Deo placentem se offerens, imprimis offerat sacrificium pœnitentiae. *Sacrificium, inquit, Deo spiritus contributatus, cor contritum et humiliatum, Deus, non despicies*²⁸. Secundum sacrificium est exhibitio misericordiæ, quod propter præminentem sui elegantiam non sacrificium, sed justitia vocatur a Domino. *Misericordiam, inquit, volo, et non sacrificium*²⁹. Quod enim hoc sacrificium sit justitia, habes ex eo quod dicitur: *Dispersionis dedit pauperibus, justitia ejus manet in sæculum sæculi*³⁰. Et cum de eleemosynarum sacrificio loqueretur: *Vide te, inquit, ne justitiam vestram facias coram hominibus*³¹. De hoc sacrificio scriptum

⁸ Hebr. 8. ⁹ Ibid. ¹⁰ Gal. 3. ¹¹ Hebr. 9. ¹² Psalm. 82. ¹³ Psal. 88. ¹⁴ Psal. 104. ¹⁵ Eccli. 14. ¹⁶ Isa. 28. ¹⁷ Psal. 104. ¹⁸ Matth. 3. ¹⁹ Luc. 6. ²⁰ Hebr. 11. ²¹ Joan. 5. ²² Hebr. 9. ²³ Joan. 1. ²⁴ Joan. 6. ²⁵ Levit. 26. ²⁶ Psalm. 109. ²⁷ Luc. 22. ²⁸ Psalm. 50. ²⁹ Matth. 9. ³⁰ Psal. 112. ³¹ Matth. 6.

est : *Sacrificate sacrificium justitiae*²¹. Est tertium quod totum est in adipe et pinguedine, quod de medullis animæ, et de interioribus cordis omnino procedit. Hoc est sacrificium laudis, honorificum lunæ. Propheta hoc ferre sacrificium desiderans, de pinguedine cordis, et de affluentia charitatis : *Sicut adipe, inquit, et pinguedine repleatur anima mea*²². Primum refertur ad me, secundum ad proximum, tertium ad Deum. Omnia tamen ad Deum refero, et offero propter Deum. Si tamen volumus super testamentum Christi offerre sacrificia, una est ordinatio et nuntius, in ea est ordo, scilicet ut sicut præcipimus cogitatus nostros jactare in eo, sic et fidem sacrificiorum jactemus in ejus verbo. Credat homo potius Christo quam sibi, ut sit cum Deo creditus spiritus ejus, abneget ipsum et sequatur Christianum spe, fide; nam ipse est via, veritas et vita²³. Scio, dicit Apostolus, cui credidi, et certus sum²⁴. Et ejusdem verba hæc sunt : *Quicumque comedenter panem hunc, et sumpserit calicem hunc indigne, iudicium sibi manducat et babit, non dijudicans corpus Christi*²⁵, tam in verbis magistri quam in verbis discipuli audis et intelligis corpus Christi. Nihil ergo in hoc, aut in aliis sacramentis haesites; sed firma eorū et fidem tuam in verbo illius, cuius verbo cœli firmati sunt, cui sit honor et gloria in sæcula sæculorum. Amen.

SERMO LV.

AD SACERDOTES.

*Qui ex Deo est, verba Dei audit*²⁶.

Verba accipienda sunt cum effectu. Non enim sufficit audire, et non facere. Nam qui audit et non facit, surdus auditor est. Qui audit me, dicit Sapientia, non confundetur²⁷. Et Jacobus : *Estote, inquit, factores verbi, et non auditores tantum*²⁸. Audire enim et non intelligere; vel intelligere et non facere, negligere est. *Intellectus enim bonus omnibus facientibus ea*²⁹. Nec enim aut intellectus, aut memoria quidquam prodest, nisi sit ad faciendum. *Et memores, inquit, fuerint mandatorum ejus ad faciendum ea*³⁰. Melior est operis auditio quam auris. Verbum quidem audiiri oportet, ut fides vel aliud opus virtutis veniat ex auditu. *Fides autem ex auditu; auditus autem per verbum Dei*³¹. Quidam autem habent aures et non audiunt³²; non enim habent aures audiendi, sed negligendi.

Ideo frequenter Dominus in Evangelio dicit : *Qui habet aures audiendi, audit*³³. Qui ex Deo est, etc. Consulat unusquisque vestrum conscientiam suam, si ex Deo est; nam si ex Deo non est, verba Dei audire non potest. Quidam sunt ex Deo, quidam ex mundo, quidam ex diabolo. *Ego ex Deo exivi; et veni in mundum*, dicit Dominus³⁴. Et ad discipulos : *Si de mundo suissetis, mundus utique quod suum est,*

A diligenter³⁵. Et ad Iudeos : *Vos ex patre diabolo estis*³⁶. Ex Deo est qui Deo adhæret. Qui adhæret, inquit, *Deo, unus spiritus est cum illo*³⁷. Quia vero mundus et diabolus societatem iniverunt, quicunque est de mundo, ipse est ex patre diabolo. Isti duo aures animæ aggravant, ita ut audire non possit. Unde et Propheta ad animam loquens, quæ jam aliquantulum obscuruerat : *Audi, inquit, filia, et vide, et inclina aures tuas, et obliviscere populum tuum et domum patris tui*³⁸. Nam qui terrena sapiunt, aures aggravatas habent, et verbum Dei audire non possunt. Vos ergo qui jam non estis de mundo, qui jam renuntiasti diabolo, et pompis ejus, et quia ex Deo estis, verba ejus auditis; si tamen verba Dei operibus adimplitis. Videte tamen quia Deus non irridetur³⁹, recolite quid in vestra conversatione promiseritis Deo. Cavete ne ædificetis excelsa Topheth et Jerusalem in sanguinibus⁴⁰. Qui semel egresus est de Ægypto, si appetit alia et pepones Ægypti; si ad mundum quem evomuit, revertitur; reædificat suam Jericho, et moritur suus primogenitus, quia meritum suæ primæ conversionis exstinguitur. De talibus dicit Dominus : *Non permanebit Spiritus mens in homine in æternum*⁴¹. Vertitur ergo spiritus in carnem, cœlum in terram, aurum in scoriam, oleum in amurcam. Qui erat angelus, et cœlestis, factus est terrenus, carnalis et animalis. Ecce Iesus noster pessimus, noster impugnator, homo interior, terrenus, animalis, carnalis. Terrenus est

B qui de terra est et de terra loquitur: terram sapit, terram lingit, nec a terrenis divelli poterit, donec fodiat peccatori sovea⁴²; donec qui terra est, revertatur ad terram⁴³. De hoc homine terreno dicit Apostolus : *Primus homo de terra, terrenus; secundus de cælo, cœlestis*⁴⁴. Et iterum : *Sicut ergo portavimus imaginem terreni hominis, ita portemus imaginem cœlestis*⁴⁵. Imago terreni hominis est prævaricatio Adæ, per quem vanitati similes facti sumus, quærentes vanitates et insanias falsas⁴⁶. Sic homo vanitati similis factus est⁴⁷; sic in imagine pertransit homo, sed et frustra conturbatur⁴⁸. Stultus est terrenus iste, qui cœlum videre non potest. Oculi enim sapientis in capite ejus semper⁴⁹, oculi stulti in finibus terræ⁵⁰. Iste Dei sui oblitus se totum ad terrena

C qui de terra est et de terra loquitur: terram sapit, terram lingit, nec a terrenis divelli poterit, donec fodiat peccatori sovea⁴²; donec qui terra est, revertatur ad terram⁴³. De hoc homine terreno dicit Apostolus : *Primus homo de terra, terrenus; secundus de cælo, cœlestis*⁴⁴. Et iterum : *Sicut ergo portavimus imaginem terreni hominis, ita portemus imaginem cœlestis*⁴⁵. Imago terreni hominis est prævaricatio Adæ, per quem vanitati similes facti sumus, quærentes vanitates et insanias falsas⁴⁶. Sic homo vanitati similis factus est⁴⁷; sic in imagine pertransit homo, sed et frustra conturbatur⁴⁸. Stultus est terrenus iste, qui cœlum videre non potest. Oculi enim sapientis in capite ejus semper⁴⁹, oculi stulti in finibus terræ⁵⁰. Iste Dei sui oblitus se totum ad terrena

²¹ Psal. 4. ²² Psal. 62. ²³ Joan. 14. ²⁴ I Tim. 2. ²⁵ I Cor. 11. ²⁶ Joan. 8. ²⁷ Prov. 24. ²⁸ Jac. 8. ²⁹ Psal. 110. ³⁰ Psal. 102. ³¹ Rom. 10. ³² Psal. 134. ³³ Matth. 11. ³⁴ Joan. 16. ³⁵ Joan. 15. ³⁶ Joan. 8. ³⁷ I Cor. 6. ³⁸ Psal. 41. ³⁹ Psal. 6. ⁴⁰ Psal. 93. ⁴¹ Eccle. 12. ⁴² I Cor. 15. ⁴³ Ibid. ⁴⁴ Psal. 39. ⁴⁵ Psal. 143. ⁴⁶ Psal. 38. ⁴⁷ Eccle. 2. ⁴⁸ Prov. 17. ⁴⁹ Thren. 2. ⁵⁰ Rom. 7.

autem noctifer sive tenebrifer. Qui si arsisset, A nullo unquam tempore cecidisset. Hujus vestigia sequuntur qui potius eligunt lucere quam ardere; religiosi apparere quam esse; sed ardebunt igne illo qui *præparatus est diabolo et angelis ejus*⁶⁶; cuius flamma non extinguetur, cuius sebor occidit, cuius ardor mortificat; mori tamen eum qui patitur, non permittit; a quo nos avertat Sanctus ille sanctorum qui hodie mirificavit et magnificavit in terris sanctum⁶⁷ Jesus Christus miserationes ejus. Quidam socarias habent, quidam alienis uxoribus abutuntur; sic...

*Trahit sua quemque voluptas*⁶⁸.

Sed illud pessimum est quod suam malitiam non occidunt; imo incontinentiam suam publicis potationibus et commensationibus prædicant et ostentant. Cum scriptum sit: *Ne ascendatis in Galgula et in Bethaven ne ingrediamini*⁶⁹, id est peccati vestri turpitudinem ne reveletis. Corpus Christi est preium animæ, thesaurus indeficiens, inestimabilis, impollitus, inconsumentus, incorruptus. Illoc thesauro emuntur cœlestes divitiae, possessio gloriae, regnum infinitum, pax interminabilis, inconcessa securitas et æternitas vitæ. Hic est *panis vivus qui de caelo descendit*⁷⁰, et dat vitam mundo. *De hoc non habent edere potestatem, qui tabernaculo deserviunt*, sicut dicit Apostolus ad Hebreos⁷¹, id est qui deserviunt corpori et curam carnis in desideriis agunt. Væ igitur illis, quibus corporis Christi dispensatio credita est, si non est præcisis umbilicus eorum, si non dijudicant corpus Christi, si non honorant Testamenti Novi mediatorem Jesum, et sanguinis aspersionem melius loquentem quam Abel. *Judex vivorum et mortuorum Christus Jesus patienter non sustinebit, quia tam irreverenter et ignominiose tractatur*. Sed quia Pater unicum Filium inestimabili et ineffabili charitate diligit, unigeniti sui contumeliam et injuriam indignatione et zelo terribili vindicabit. Ecce duo fermenta: fermentum avaritiae et luxuriae; alterum quo malitiose agitur contra proximum, alterum quo nequiter agitur contra Deum: et hoc fermentum est malitia et nequitia. Sequitur de melle, quod in sacrificio reprobatur. Est autem mel in sacrificio, prælatorum nimis blanda et dissoluta remissio. Est autem remissio cœta et circumspecta, et est remissio stulta et dissoluta. Remissio cœta fructuosa est, qua prudenter desertur potestatis hujus mundi, et maxime regi tanquam præcellenti. Nam omnis potestas a Domino Deo est⁷². Hæc pacem Ecclesia sovet. Hæc regnum et sacerdotium unum facit. Hæc sua benignitate et lenitatem obtinet quod nec per minas, nec per sententias extorqueret. Hæc est remissio sive lenitas, in qua nec Deus nec homo offenditur, et in qua fides debita Deo et homini exhibetur. De hac fide et de hac le-

A nitate scriptum est: *In fide et lenitate sanctum fecit illum*⁷³. In hac remissione aut potius in hoc melle fel correctionis absconditum est. Nam hæc remissio in sua lenitate zelum, et in blanditiis suis aculeum habet. Eo tempore opportuno ex adverso ascendit, et opponit se murum pro domo Israel; et ubi verius diligit, ibi severius corrigit eos qui ignorant et errant⁷⁴. Hæc est quæ dicit regi apostola, vocat duces impios, et non accipit personas principum; nec cognoscit tyrannum, cum decertaverit contra pauperem. Vos itaque, fratres, quorum officium est placabiles hostias offerre Altissimo, longe faciatis a vobis fermentum malitia et nequitia. Abjecite mel adulatio[n]is aut dissolutæ remissionis, mel mundanæ dilectionis et deceptoræ voluptatis. C B studiat unusquisque vas suum in sanctificatione et honore, ut non vituperetur ministerium vestrum, ut verbo et exemplo redditatis commissum vobis populum acceptabilem Domino, sectatorem bonorum operum⁷⁵. De animabus enim populi reddituri estis rationem in die tremendi judicii, pro perditione illorum, confusionis et mortis æternæ sententiam subituri; pro salute vero illorum coronam immarscibilem, et æternam alque ineffabilem gloriam adepturi. Quam vobis præstare dignetur, qui vivit et regnat, per omnia sacula sæculorum. Amen.

SERMO LVI.

AD EOSDEM.

*Ignis semper ardebit in altari; quem sacerdos nutrit per singulos dies, subjiciens ligna*⁷⁶.

Inter universa servitutis obsequia, quæ Deo potest impendere humana devotio, nihil est quod Deo acceptius esse possit quam ut diligatur a nobis ipse qui est veritas, et in veritate nos diligit. Bene, et secundum misericordiam et mansuetudinem suam magnam in veritate vult diligi, qui et in suis dilectionibus et benedictionibus nos prævenit, sicut Joannes evangelista commemorat: *Non quia, inquit, dileximus eum; sed quia prior d. lexit nos*⁷⁷. Hoc est, quod inter primitias legalis observantie primum, et summum mandatum dilectionis instituit: *Diliges Dominum Deum tuum ex toto corde tuo, et ex totis viribus tuis*⁷⁸. Hanc dilectionem tenuit, monuit, exhibuit, qui pro nobis animam suam posuit⁷⁹. *Majorem hac, inquit, dilectionem nemo habet, ut animam suam ponat quis pro amicis suis*⁷⁹. Hanc dilectionem conservavit et finaliter observavit: *Cum enim dilexisset suos, usque in finem dillexit eos*⁸⁰. Vedit Dominus quia ignis hujus dilectionis, qui accensus fuerat in parentibus antiquis, et in nobis extinctus fuerat, nec remanserant nisi carbones desolatorii, venit ut ignem hunc accenderet in altario cordis nostri. Carbones itaque succensi sunt ab eo qui dicit: *Ignem reni mittere in terram; et quid rolo, nisi ut ardeat?*⁸¹ In altari

⁶⁶ Matth. 25. ⁶⁷ Psal. 4. ⁶⁸ Virgil. ⁶⁹ Ose. 4. ⁷⁰ Joan. 6. ⁷¹ Job 34. ⁷² Tit. 2. ⁷³ Lev. 6. ⁷⁴ I Joan. 4. ⁷⁵ 15. ⁷⁶ Luc. 13.

⁷⁷ Joan. 6. ⁷⁸ Cap. 13. ⁷⁹ Rom. 13. ⁸⁰ Eccl. 7. ⁸¹ Matth. 22. ⁸² Joan. 10. ⁸³ Joan. 15. ⁸⁴ Joan.

cordis immolatur spiritus contritus, juxta illud : Sacrificium Deo spiritus contribulatus; cor contritum et humiliatum Deus non despicit ⁶⁰. Hic est ignis qui in altari cordis nutrientis est a sacerdote jugiter; hic est ignis de quo propheta dicit : *Ignis ejus in Sion, et caminus in Jerusalem* ⁶¹. Et Jeremias : *De celo misit Dominus ignem in ossibus meis, et erudit me* ⁶². Hunc ignem effodit Nehemias, quem Jeremias infuderat. Legitur in libro Regum ⁶³ quod cum populus Israel in captivitatem Babylonicam transmigrasset, et remansissent paucæ reliquie sub Gondolia, remansit et Jeremias, qui in valle Josaphat in puto ignem abscondit, quem post longa temporum curricula Nehemias inquisivit et effodit; sed non invenit, nisi stipites combustos, sicut legitur, et aquam crassam ⁶⁴. Aquam illam super altare effudit, et successus est ignis : hæc est aqua dilectionis, quæ ignem suscitat de carbonibus desolatoriis, et adeo crassa, ut sacerdotis sacrificium pingue fiat, et vocatus est dies Nephah, id est purificatio : hunc ignem ad purificationem animarum tenentur sacerdotes accedere et nutrire; verumtamen ad nutrimentum hujus tria necessaria sunt ligna quæ cum aqua crassæ dilectionis, de puto bonæ conscientiæ producuntur. Sunt itaque tria ligna exemplum sancte conversationis : verbum sollicitæ prædicationis, officium devotæ administrationis. Oportet & quidem quod sacerdos sit in conversatione sanctus, in prædicatione sollicitus, in administratione devotus; sanctus, scriptum est enim : *Sancti estote quia ego sanctus sum* ⁶⁵. Quomodo enim nisi esset sanctus, aliorum immunditas emundaret? necesse est, dicit Apostolus, ut munda sit manus quæ diluere sordes curat. Videmus hodie sacerdotes cum filiis Ieli tenentes fuscinulas carnium ⁶⁶, et cum mulieribus in atrio tabernaculi excubantes, et facti sunt equi emissarii, sicut dicit propheta ⁶⁷, unusquisque ad uxorem proximi hinniebat. Videmus hodie sacerdotes sedentes cum Balthasar in conviviis cum uxoriibus et concubinis, abundantes vasis Domino Deo consecratis; sed certe prope est manus illa ultima, et Scriptura terribilis Mane, Thecel, Phares, numeratum, appensum, diricum ⁶⁸; numerat enim dies sacerdotis, sed et omnia ejus facta in unum sunt, et quasi in sacculo consignata; appendit gratiam quam contulit; et spem, atque fiduciam quam habet, in vitam prolixiorem dissipat et confundit. Cum enim dixerint, pax et securitas, tunc repentinus superveniet interitus, et dolor sicut in utero habentis, et non effugient ⁶⁹, quia juxta Salomonem, prosperitas stultorum perdet eos ⁷⁰. Qui ignem Jeremias debuerant subjecere cum filiis Aaron, ignem alienum subjiciunt; ignem illum de quo Psalmista dicit : *Supercedeit ignis, et non viderunt solem justi-*

tæ ⁷¹, oculos habent ad munera: pupillo et viduæ non intendunt, non attendunt sententiam maledictionis illius : *Vox qui justificatis impium pro munib[us], et justitiam justi auferitis ab eo* ⁷²? Mulierculas enim, et alias miserabiles personas sine causa in causam trahunt; eas quæ famæ integræ sunt diffamantes, judicantes purgatas, absolventes impias, innoxias condemnantes: *Penetrantes, inquit, viduarum domos, captivas ducentes mulierculas oneratas peccatis* ⁷³. Certe isti solem justitiae non vident; solum enim oculum sinistrum habent, per quem solem justitiae videre non possunt. Duo sane sunt oculi hominis, sinister et dexter; sinister temporalibus impenditur, dexter æternis. Sinister est sensualitas, dexter est consideratio æternorum. Sinistro oculo acutissime videmus, prudentes et astuti in acquisitione temporalium, non habentes prudentiam æternorum. Sapientes autem, inquit, sunt ut faciant malum, bona autem facere nesciunt. Iste sunt quibus Naas Ammonites dextrum oculum eruebat, sicut legitur in libro Regum ⁷⁴. Naas interpretatur serpens, inimicus scilicet, humani generis, qui sic sacerdotum animas execusat, et ut exei sint duces cæorum. Sinistro oculo avaritia tantum vident. Nam de avaritia dicit propheta : *Hic est oculus eorum in universa terra* ⁷⁵. In capitulis vestris, ubi corrupti muneribus justitiam justi subvertitis, absolvitis, sicut diximus, impios, innoxios diffamatis, non videntes solem justitiae. *Convenientibus vobis sic in unum, jam non est Dominicam canam manducare* ⁷⁶. Ad sacratissimum enim corpus Christi nimis accedit periculose, qui in judicio solem justitiae non attendit; qui proximum suum aut injuste judicat, aut diffamat inique. Quoties ergo, fratres, convenientis in conventiculis vestris ut alios judicetis, recogitate quia dicitur, judicium vos expectat. Attendite, quia vita hæc transitoria est et brevis: villicatio vestra vobis onerosa et gravis, administratione ejus difficultis, exitus horribilis, poena insinabilis. Non dicimus hæc, fratres charissimi, propter vos. Nam inter vos multi sunt qui sanctitatis merito et honesta conversatione præcellunt; sed tamen *inter vos*, sicut Apostolus dicit, *sunt multi imbecilles, et dormiunt multi* ⁷⁷. Nondum enim ventilata est area Domini: adhuc est lily inter spinas, zizania inter spicas. Hæc de primo ligno quod sacerdos igni subjicit in fomentum. Lignum secundum est verbum sacre prædicationis, quod maxime pertinet ad officium sacerdotis, *ut sit potens in doctrina sana*, dicit Apostolus ad Titum ⁷⁸, et malis possit contradicere, perversos arguere, et errantibus non consentire. Satis autem bene verna hic consensus, Apostolus certissimam hujus rei asignal philosophiam. Propterea vos non arguitis,

⁶⁰ Psal. 50. ⁶¹ Isa. 31. ⁶² Thren. 4. ⁶³ IV Reg. 25. ⁶⁴ II Mach. 1, 2. ⁶⁵ Lev. 11, 19. ⁶⁶ I Reg. 2. ⁶⁷ Jer. 5. ⁶⁸ Dan. 5. ⁶⁹ I Thess. 5. ⁷⁰ Prov. 1. ⁷¹ Psal. 57. ⁷² Isai. 5. ⁷³ I Tim. 3. ⁷⁴ I Reg. 11. ⁷⁵ Zach. 3. ⁷⁶ I Cor. 11. ⁷⁷ II Cor. 11. ⁷⁸ Cap. 1.

qui eadem serpius agitis. Cum labia sacerdotum sint Evangelio consecrata, vacant tota die sermonibus otiosis, et fidelibus Christi esurientibus subtrahunt panem vitae. Nunquam pigrandum, nunquam cessandum est ab exhortatione salubri. Ideo et merito per singulos dies, id est assidue, incessanter. Dies in sacro eloquio sunt virtutes. *Per singulos dies*, dicit Propheta, *benedic tibi*⁹⁹. Et in Job : *Ab omnipotente non sunt abscondita tempora; qui autem neverunt eum, ignorant dies ejus*¹⁰⁰. Sicut per contrarium peccata sunt noctes, ut in Psalmo : *Lavabo per singulas noctes*, id est per singula peccata confitendo illa, lavabo *lectum*, id est conscientiam meam¹⁰¹. Sacerdos itaque per singulos dies igni ligna subjicit, qui exemplo sanctae conversationis, et verbo sacrae prædicationis subjectos, ad singulas virtutes exhortatur, siveque in cordibus fidelium charitatis ignem accendit. Sequitur lignum tertium, dovitæ scilicet administrationis officium. Administratio siquidem sacerdotum, licet exercetur in multis, in confessionibus, baptismatibus, inunctionibus, in exorcismis; specialiter tamen consistit in duabus, in psalmodia et celebrazione missarum. In his autem semper exigitur humilis, et prompta devotio. Quid prodest psalmus nisi devotione comitemur; psallere sine devotione, est quasi *œs sonans, et cymbalum tinniens*¹. *Exsultent et levientur omnes qui querunt te, et diligunt salutare tuum*²; sed ipsi non diligunt salutare tuum, cum inordinatae sunt tales apocope et syncopæ, nec Deo acceptæ sunt hujusmodi synalymphæ. Hieronymus de psalmodia monet, ut ad verbum fiat oratio. Ideoque duo necessaria sunt in psalmodia, intellectus, et cordis immaculatus devotio, et tunc non solum angeli, sed Dominus angelorum venit, ac se libentissime interponit, et evenit quod dicitur per Prophetam : *Psallam, et intelligam in via immaculata: quando venies ad me*³. Volo, dicit Apostolus, *quinque verba loqui sensu meo, quam decem millia verborum in lingua*⁴. In sacrificiis altaris. Ibi magnus ignis devotionis et dilectionis exigitur, quia ibi est tota nostra salus. Certe inde votissimus est sacerdos, qui ibi non conteritur, ubi Filius Altissimi ante Patris oculos immolatur. Sane sacerdos devotus et prudens, dum mensæ divinæ assistit, nihil cogitat, nisi Christum Jesum et hunc crucifixum. Ponit ante oculos cordis sui Christi humiliatem et patientiam Christi, angustias et dolores; Christi opprobria, spuma, flagella, lanceam, crucem, mortem devote et sollicite recolit, et se in ipsa memoria passionis Dominicæ crucifigit. Si ergo ei, et pro eo specialiter immolatur, qui se pro nobis corporaliter immolavit: o quam grave, quam periculosum est, fratres mei, administrationis officium, quia non solum de vestris, sed de animabus vobis commissis in die tremendi judicij respondere tenemini! Et quomodo custodiet conscientiam alie-

A nam, qui suam custodire non potest? Conscientia siquidem abyssus inscrutabilis est, nox obscurissima, et tamen misero sacerdoti, qui hanc noctem suscepit, et in cura reclamatur: *Custos quid de die, custos quid de nocte?*⁵ Quid facturus est sacerdos miserrimus, qui sentit se peccatis oneratum, curis implicitum, carnalium desideriorum face infectum, cæcum, curvum, infirmum, mille difficultatibus coaretum, mille necessitatibus anxiū, mille turbationibus ærumnosum proclivem ad vitia, invalidum ad virtutes? Quid faciet, filius doloris, Alius plorationis æternæ, qui nec in se, nec in aliis ignem charitatis accedit? Certe paratus est in cibum, et consumptionem ignis. *Ignis succensus est in furore Domini, et ardebit usque ad inferni novissima*⁶. B deputatus est ei locus cum ardoribus semipiternis, paratus est vermis qui non morietur, fumus, vapor, et spiritus procellarum, horror, et caligo tenebrosa, onera catenarum penitentium, strigentium, urentium, et non consumentium. A quibus nos liberet ignis ille non consumens, sed consumans; non devorans, sed illuminans omnem hominem venientem in hunc mundum; ipse nos illuminet ad dandam scientiam salutis plebi ejus: quod nobis præstare dignetur, qui cum Patre et Spiritu sancto, vivit et regnat Deus, per omnia secula sæculorum. Amen.

SERMO LVII.

AD EOSDEM.

In Levitico scriptum est⁷: *Omnis oblatio quæ offeritur Domino, absque fermento erit: nec quidquam fermenti, aut mellis adolebitur in sacrificio Domini; quidquid autem sacrificii obtuleris, sale condies: in omni oblatione offeres sal.*

Domini mei, de sacrificio vobis loquimur, quia sacrificiorum, de quibus loquimur, vobis cura a Deo commissa est, qui sacra datis et sacrificia offertis: ideo nomen et officium sacerdotum obtinetis. Verumtamen quia munditia evangelica hodie sordes carnifici legalis amovit, spiritualia tamen bodie sacrificia offerunt, qui se et sua simul toto corde Christo impendunt; pacifica offerunt, qui solliciti sunt, ut pacem cum Deo habeant, ut Christum criminali aliquo non offendant. Bovem offert, qui opera perfectionis aggreditur; ovem, qui in sua simplicitate Deo placere intendunt; capram, qui viam penitentis arripit: aves vero qui viam charitatis, aut speculam contemplationis ascendit. Ab his omnibus, et aliis sacrificiis quæ multa sunt, longe sunt, et damnabiliter relegantur fermentum et mel. Sal autem ubique favorabiliter admittitur; fermentum, cuius admistione tota massa corruptitur, avaritia est, et incontinentia ecclesiasticorum, quæ subditos perversa imitatione corruptit. Quid enim faciet laicus simplex, nisi quod patrem suum spiritualem viderit facientem? In multis notabilis est avaritia sacerdotum, præsertim dum pro quæstu temporali

⁹⁹ Psal. 114. ¹⁰⁰ Job 24. ¹⁰¹ Psal. 6. ¹ I Cor. 13. ² Deut. 32. ³ Cap. 2. ⁴ Psal. 39. ⁵ Psal. 103. ⁶ I Cor. 14. ⁷ Isai. 21.

faciunt se ordinari, dum in spe vilissimæ oblationis sacramenta consciunt, de cadaveribus litigant, sepulturam et baptismum vendunt, nihil gratis impendentes, sed in universis suam sequentes avaritiam, sicut dicitur per Malachiam : *Quis est in vobis qui claudat ostia mea, et ponat incensum super altare meum gratuitum. Non est mihi voluntas in vobis, et munus non recipiam de manu vestra, ait Dominus.*⁸ Et hæc est, juxta Zachariam, *amphora egrediens; ipsa est oculos eorum in universa terra*⁹. Isaias etiam de illis dicit : *Ipsi pastores declinaverunt unusquisque ad avaritiam suam*¹⁰. Et Jeremias : *A minori usque ad maiorem omnes avaritiae student, et a propheta usque ad sacerdotem cuncti faciunt dolum*¹¹. De lana igitur ovium, et non de salute solliciti : quod iñstrum est, non consolidant; quod ægrotum, non sanant; quod fractum, non alligant; quod periit, non quaerunt; quod aliectum est, non reducent¹², sed suæ avaritiae consulentes, peccata populi comedunt, et eos pravæ conversationis exemplo ad deteriora invitant. Sicut Osee dicit : *Peccata populi comedunt, et ad iniquitatem sublevant vias eorum*¹³. Isti, jux a verbum Job, *terra fructus absque pecunia comedunt*¹⁴, qui percipientes temporalia spiritualia impen- dunt. Hi qui nihil nisi ecclæste sapere debuerunt, terrena tamen sapiunt, querentes non que sarsum sunt, sed quæ super terram. Qui cum essent a Deo constituti, testimonio Apostoli loquentis ad Philip- penenses, *sicut luminaria in mundo, verbum vi. a.*¹⁵ contemnentes obstricti sunt terræ domibus iniquitatum, quorum spirituales oculi terrenorum face turbati, et obtenebrati sunt, sicut per visionem Ezechielis¹⁶ dicitur : *Terra, inquit, usque ad fenestras et senestrae clausæ.*

Jeremias in persona istorum deplorans hominem interiorem terrenorum concupiscentia dissolutum : *Effusa sunt, inquit, in terram viscera mea*¹⁷; sed quantum sacerdotibus obest avaritia? De avaritia clericorum loquens Apostolus ad Hebreos¹⁸, ait : *Sunt mores vestri sine avaritia contenti presentibus. Clericorum avaritiae ascribitur quod quotidie fere capitula, sive consilia sua tenent; querentes non morum correctionem, sed nummorum extorsionem. Non sit anima mea in judiciis quorumdam, apud quos dissipatur æquitas, et justitia, et judicium non convertitur, sicut Habacuc dicit : Lacerata est lex, et non pervenit usque ad finem judicium*¹⁹. Sed si de exhibitione justitiae aut pacis reformatione loquantur; non erit sine novalitate negotium, ab utraque parte exigitur aliquid, et vœ parti quæ aliquid non dederit! De talibus dicit Micheas²⁰ : *Mordent dentibus, et prædicant pacem; et si quis non dederit in ore ipsorum quidpiam, suscitant super eum prælium*²¹; primum aliquid recipit archidiaconus, et deinde officialis aliquid. Sed et decanus, et cæteri causam in

A aliquo sibi faciunt lucrativam; ut possimus dicere, quia residuum erucæ comedit locus a, residuum lacustre comedit brucus, residuum bruci comedit rubigo²². Isti manifestissime ædificant excelsa Tophet²³, vianique sibi præparant ad gehennam. Nam testimonio Job²⁴: *Ignis corpora eorum comburet qui munera libenter accipiunt, et maxime ubi justitia venalis exponitur, quæ gratis debetur universis et singulis. Vœ prælatis Ecclesiæ, si ista non corrugunt!* Unde Amos²⁵ : *Vœ qui opulenti estis, optimates Samariae!* Capita populorum qui debuerant esse rectitudinis et humilitatis exemplum, in superbia et abusione judicant, imperantes cum austeritate, dominantes in clero, non forma facti gregis in populo. Hæc de avaritia clericorum. Sequitur de altera parte fermenti quod a sacramento prohibetur, id est incontinentia : hæc inter omnes pestes vitiorum primipilaria est, quæ fortius nos impingat; contra hanc præcincte lumbos nostros, et spiritualibus armis indu nos oportet, ut unusquisque castiget et in servitatem redigat corpus suum²⁶, sicut Apostolus ad Corinthios scribit : *Arma militia nostræ non carnalia sunt, sed potentia Deo, ad destructionem munitionum, in captitatem redientes omnem intellectum in obsequium Christi*²⁷. Mundi sacerdotes, quidquid aliis faciant, sibi sacramenta non faciunt, sed se ipsis excæcant; non se sanctificant, sed maledictioni se subjiciunt. Videamus opera nostra et iniquitates, quibus misericordiam Domini frequenter offendimus, ut cum Jeremiah dicere possimus : *Misericordiae Domini multæ, quia non sumus consumpti, et quia non defecerunt miserations ejus*²⁸. Quidam vocarias habent, etc. Verbotenus ut in sermone LV usque ad finem.

SERMO LVIII.

AD EOSDEM.

Dilectus Deo et hominibus N. cuius memoria in benedictione est; si fructum dictæ dilectionis attendimus, fructus æternæ salutis est, et lignum vitæ apprehendentibus eam. Hæc enim charitas dicitur, de cuius radice bona universa procedunt; inter cuius fructus computatur gaudium, et pax in Spiritu sancto. Ubertimus est hic ardor; unde si aliquid ei D impenditur ad culturam, id ipsum multiplicato senore fructuum recompensat, et jam si Dominum diligimus, plus ab eo diligimur; mensuram enim bonam et conserbam, et cogitatam, et supereffuentem dabit in sinum vestrum²⁹. Dilectio siquidem vestra quasi scintillula ad comparationem illius effusæ et abundantissimæ charitatis divinæ. Si ad dilectionem Christi pervenire volumus, ipse anticipat vias desideriorum nostrorum et dilectionis suæ gratia nos præcurrat. Nam ab eo est si ipsum diligimus, et ut eum diligamus, sua nos dilectione prævenit; non

⁸ Malach. 4. ⁹ Zach. 5. ¹⁰ Isaï. 56. ¹¹ Jer. 6. ¹² Ezech. 34. ¹³ Osee. 4. ¹⁴ Job 31. ¹⁵ Phil. 2. ¹⁶ Cap. 41. ¹⁷ Thren. 2. ¹⁸ Cap. 13. ¹⁹ Habac. 1. ²⁰ Cap. 5. ²¹ Mich. 3. ²² Joel. 1. ²³ Jer. 7. ²⁴ Cap. 15. ²⁵ Cap. 6. ²⁶ I Cor. 9. ²⁷ II Cor. 10

²⁸ Thren. 3. ²⁹ Luc. 6.

quia primo dilexerimus eum, dicit Joannes, sed quia prior dilexit nos²⁰. Ipse diligit nos, qui in benedictionibus suis ubique nos prævenit. Sed si dictæ divinæ dilectionis irrefragabile quærimus argumentum, Deus Dei Filius animam suam pro nobis posuit; cum majorem dilectionem nemo habeat, ut animam suam ponat quis pro amicis suis²¹. Haec dilectio fortior fuit quam vita, quia vitam abstulit; fortior fuit quam mors, quia eam destruxit qui mortis habebat imperium et mortem omnino absorbuit et delavit. Præter hanc generalem et communem dilectionem, in qua ei per quam vult Dominus omnes salvos fieri, et ad agnitionem sui nominis venire²²: est alia dilectio, infusio scilicet gratiae et infusæ conservatio. Hæc est quæ hominem dilectum Deo facit. Certissime autem constat eum a Deo diligi qui Dominum diligit, et qui Filium suum revelat in nobis. De hac revelatione dicit Paulus: Qui me segregavit ab utero matris meæ, et vocavit per gratiam suam, ut revelaret Filium suum in me²³. De hac ipsa revelatione loquens ad Petrum Dominus ait: Beatus es Simon Barjona, quia caro et sanguis non revelavit tibi, sed Pater meus qui est in cælis²⁴. Dat testimonium Pater cum, Jesu baptizato et ascendeunte de aqua, aperti sunt cœli, et vox de cœli audita est, dicens: His est Filius meus dilectus, in quo mihi bene complacuit²⁵. De hac voce Petrus in Canonica sua dicit: Voce delapsa ad eum hujuscemodi a magnificencia gloria: Hic est Filius meus dilectus, in quo mihi complacui, ipsum audite: et hanc vocem ipsis nos audivimus de cœlo allatam, cum essemus cum ipso in monte sancto²⁶. In Evangelio Joannis de Patris testimonio Christus dicit: Qui me misit Pater, ipse testimonium perhibebit de me²⁷. Et Joannes in Canonica Epistola dicit: Si testimonium, inquit, hominum accepimus, testimonium Dei majus est²⁸. Et hoc est testimonium Dei quod majus est, quoniam testificatus est de Filio suo. Perhibet Filius testimonium, dum sanguine et operibus quis esset ostendit, ut cum dicaret: Ego sum lux mundi, dicentibus Pharisæis: Tu de te testimonium perhibes, testimonium tuum non est rerum. Respondit, et dixit: Et si ego testimonium perhibeo de me ipso, testimonium meum verum est, quia scio unde veni, et quo vado²⁹. Et item: In lege vestra scriptum est, quia diuorum testimonium verum est: ego sum qui testimonium perhibeo de me ipso, et testimonium perhibet de me qui me misit Pater³⁰. Item: Est Pater meus, qui glorificat me, quem vos dicitis, quia Deus vester est, et non cognovistis eum³¹. Cum autem dicit: Si ego testimonium perhibeo de me, testimonium meum non est verum, subintellige sine testimonio Patris; unde statim subiungit: Et aliis est qui testimonium perhibet de me³². Testimonium dat Filius in monte,

A veritatem non negando; unde Paulus in prima Epistola ad Timotheum³³: Præcipio tibi coram Deo qui vivificat omnia, et Christo qui testimonium reddidit sub Pontio Pilato bonam confessionem, ut seruos mandatum sine macula irreprehensibile. Dat testimonium Filius resurgendo, et post resurrectionem se multis argumentis manifestando; perhibuit testimonium ascendendo in conspectu eorum, cum quibus erat conversatus, sicut scriptum est: Videntibus illis, elevatus est³⁴; reddidit testimonium suum Spiritus sanctus a diebus antiquis, quando serebatur super aquas³⁵; eas tunc sanctificans, ut nos postea sanctificaret. In eis testimonium red lebat prophetas inspirans, futura prænuntians, viamque sanctorum quæ nondum fuerat propalata, demonstrans; sed et tempore visitationis nostræ dedit testimonium, cum beatam Virginem supervenientis visitat et secundat³⁶; dum linguas igneas dispergit³⁷; dum in unitate fidei, et in unius Dei præconium linguas unit. Dant ergo testimonium Pater, Verbum, et Spiritus sanctus, et hi tres unum sunt, unum unitate essentiæ, natura uniuscuiusque contestationis concordia. Tres autem sunt qui testimonium dant in terra: Spiritus, aqua, et sanguis³⁸. Juxta opinionem acutius videntium omnis qui spiritualiter vivit spiritus appellatur; sicut Paulus in prima Epistola ad Corinthios³⁹, inquit: Qui adhæret Deo unus spiritus est cum illo. Et Joannes in Epistola sua: Nolite omni spiritui credere, sed probate spiritus si ex Deo sint, quoniam multi pseudoprophetæ exierunt in mundum: in hoc autem agnoscitur Spiritus Dei: Omnis qui confitetur Jesum venisse in carne, ex Deo est, et omnis spiritus qui solvit Jesum, ex Deo non est⁴⁰. Ille autem solvit Jesum, qui verbis confitetur et operibus negat Christum. Aqua perhibet testimonium, cum quis post baptismum laudes aqua penitentiali se abluit. Iste testatur et sanctificatur, quoniam Christus est veritas. Sed et Christum sanguis martyrum publice confitetur. Sic ergo spiritus justorum, aqua penitentiali, sanguis martyrum testimonium dant Jesum Christum esse veritatem, una voce et una confessione clamantia. Ipsi etiam daemones, velint, nolint, testimonium reddunt Christo, clamant enim in Mattheo⁴¹, et dicunt: Quid nobis et tibi, Jesu Fili Dei? venisti ante tempus torquere nos. Et in Marco⁴² clamat immundus spiritus: Quid nobis et tibi Jesu Nazarene, venisti perdere nos? Scio quis sis sanctus Dei, et vehementer comminabatur eis ne manifestarent eum. Et item in eodem aliis daemone: Quid mihi et tibi, Fili Dei summi? adjuro te per Dominum summum ne me torqueas⁴³. Et in Luca⁴⁴: Exibant daemonia a multis

²⁰ I Joan. 4. ²¹ Joan. 15. ²² I Tim. 2. ²³ Gal. 4. ²⁴ Matth. 16. ²⁵ Matth. 3. ²⁶ II Petr. 1. ²⁷ Joan. 5. ²⁸ I Joan. 5. ²⁹ Cap. 6. ³⁰ Act. 1. ³¹ Gen. 1. ³² Luc. 1. ³³ Act. 1. ³⁴ I Joan. 5. ³⁵ II Cor. 6. ³⁶ I Joan. 4. ³⁷ Cap. 8. ³⁸ Cap. 1. ³⁹ Marc. 5. ⁴⁰ Cap. 4.

clamantia, et dicentia : Quia tu es Filius Dei, et increpans non sinebat ea loqui, quia sciebant ipsum esse Christum. In Actibus etiam apostolorum⁵⁵ cum quidam Iudei tentando nomen Jesu super dæmoniacos invocarent, et dicerent singuli : *Adjuro vos per Iesum quem Paulus prædicat; immundus spiritus dixit eis : Jesum novi, et Paulum scio; vos autem qui estis?* Ecce dæmones reddentes testimonium Christo non solum Paulum, sed Christum se scire profiteruntur. Nos autem Christiani nominis professores fidem quam profiteamur verbis, operibus distingui. Qui per idem mundum vincere debebamus, per infidelitatem a mundo vincimur, et quid putas facturus est judex ille terribilis in die tremendi judicii, cum viderit nos qui per baptismum ex Deo nati sumus, degenerantes a Patre nostro? Nonne dicturus est : *Vos ex patre diabolo estis*⁵⁶? Nonne dicturus est : *Ite, maledicti, in ignem æternum, qui paratus est diabolo et filiis ejus*⁵⁷? Caveamus ergo, fratres, ab hac auditione mala. Vincamus mundum, ne vincamur ab eo. Redeamus ad Christum per pœnitentiam in fide et veritate, ut quos sibi adoptavit in filios, faciat participes et hæredes viæ æternæ Jesus Christus, cui est honor et gloria in sœcula sœculorum. Amen.

SERMO LIX.

AD EOSDEM.

*Audite hæc, sacerdos: attendite, domus Juda; dominus regis, auscultate, quia judicium vobis est. Facti enim estis laqueus speculationi, et quasi rete quod extenditur in monte Thabor, et declinastis vestras viciimas in profundum*⁵⁸.

Verba sunt, dilectissimi fratres : Osee propheta, qui sacerdotalis ordinis dignitatem mirabiliter magnificat et extollit. *Audite hæc sacerdos, domus Juda, dominus regis.* At si diceret : Audite, gens sancta, populus acquisitionis, genus electum, regale sacerdotium. Scilicet quia quanto dignior est eminentia sacerdotum, tanto gravior est lapsus et periculosior ruina ipsorum. Subiungit idem propheta : *Quia vobis judicium est; vos qui universis hominibus dignitate ordinis pœminetis, attendite quia judicium vobis.* Et hoc est quod alibi scriptum est : *A domo Domini incipiet judicium*⁵⁹. Et Dominus ad angelos suos loquens, ait : *Ite, et incipite a sanctuario meo*⁶⁰. Cum vobis in apostolis sit promissum sedere super sedes duodecim et judicare duodecim tribus Israel; ignominiosum est si a vobis judicium incipit, et si prius judicamini qui iudicare alios debuistis. Ignominiosum est si pastores cum hædis numerandi sunt ad sinistram, si pescatores cum malis piscibus ejiciendi sunt foras; si operatores vineæ Domini Sabaoth, cum sarmenatis et infructuosis palmitibus succenduntur. Prope est

A ut a vobis incipiat judicium Domini, et veniat super vos dies Domini magnus et terribilis : *Facti enim estis laqueus speculationi, et sicut rete, etc.* Scitis quia laici et simplices populi conversationem sacerdotum contemplantur et vitam, ut eorum moribus se conformat, sicut in Job legitur : *Eoves arabant, et asinæ pascebantur juxta illos*⁶¹. B. ves sunt doctores Ecclesiæ, quorum interest in agro Dominicæ messis assidue laborare. Asinæ sunt simplices, qui in doctrina prælatorum spem et salutem suam constituant. Fit ergo sacerdos laqueus speculationi humilium, dum pravæ conversationis exemplo subditum sibi populum trahit in laqueum et ruinam. Sicut enim in Salomone legitur : *Ruina populi sacerdos nequam.* Et in Levitico⁶² legitur : *Sacerdos qui unctus est, si deliquerit, delinquere faciet populum suum;* sicut etiam B. Gregorius attestatur : *Scire prælati debent, quod si perversa perpetrant, tot mortibus digni sunt, quot ad subditos suæ pœditionis exempla transmittunt.* Sint ergo lucernæ bonorum operum in manibus vestris, ut luceant opera vestra bona coram hominibus, et glorificent *Patrem nostrum qui in celis est*⁶³. Sicut enim præcelit dignitate, sic decet vos sanctitate operum pœminere. Ideo etiam in Levitico⁶⁴ præcipitur armum dextrum et separatum de sacrificiis accipere, ut operatio ejus non solum sit u illis et honesta, sed singularis et præcipua; ut quos vincit dignitatis et ordinis prærogativa, virtutum operatione transcendat. Verum hodie, juxta verbum Isaiae : *sicut dominus, sic servus; sicut populus, sic sacerdos*⁶⁵. Unde et idem propheta ex indignatione alibi conclamans : *Erubesce, inquit, Sidon, uit mare*⁶⁶. Eruescant sacerdotes, si sacroris vita inveniuntur laici, qui hujus mundi fluctibus sunt immersi. Revera bobus aratrum antefertur, et capite dorsum supereminet, et in ruinam vergit dominus, cum subditus prælato æqualis, aut melior inveniatur.

Vocaverat vos Dominus ad dandam scientiam plebi ejus, ut pasceretis gregem Domini, ut essetis forma gregis in populo; sed vereor ne illud Isaiae compleatur in vobis : *Isti pastores ignoraverunt intelligentiam*⁶⁷; et illud evangelicum : *Cæci sunt duces eorum*⁶⁸. Debueratis esse duces populorum ad vitam : videte ne vos et illos ducatis ad mortem. Estote duces eorum ad pœnitentiam, ad continentiam, ad orationem, sicut Psalmista commemorat : *Principes, inquit, Iuda duces eorum. Principes Zabulon, principes Nephthalim*⁶⁹. Judas interpretatur confessio, quæ ad pœnitentiam spectat; Zabulon fortitudo, quæ ad continentiam pertinet; Nephthalim cervus emissarius, in quo notatur velocitas orationis, quæ a corde progrediens devoto cœlos penetrat. Agnoscat ergo unusquisque vestrum, fratres charissimi, onus suæ vocationis. *Pascite qui in vobis est*

⁵⁵ Cap. 19. ⁵⁶ Jan. 8. ⁵⁷ Matth. 25. ⁵⁸ Ose. 5. ⁵⁹ I Petr. 4. ⁶⁰ Ezech. 9. ⁶¹ Job 1. ⁶² Cap. 4. ⁶³ Matth. 5. ⁶⁴ Cap. 7. ⁶⁵ Isa. 24. ⁶⁶ Isa. 23. ⁶⁷ Isa. 36. ⁶⁸ Matth. 15. ⁶⁹ Psal. 67.

gregem Domini ¹⁰, ut non vituperetur ministerium vestrum ¹¹. Ministerium vestrum continetur in paucis: in psallendo, in offerendo, in docendo. Si psallitis, psallite sapienter. *Psallamus*, inquit Apostolus, *ore, psallamus et mente* ¹². Offeratis Domino cum apostolis favum mellis. Quid est favus nisi mel in cera? Et quid est mel in cera, nisi devotione in littera? Quidam sunt qui ex quo versum incipiunt, videtur eis longissimum quo ad finem veniant, et singula verba ita currendo præcipitant, ut in favo Domini non remaneat mel aut cera. Versum unum sub clausa una glutiunt, et canticum Domini decurrunt, et perfunctoriis synalunphis dimidiant. Quandoque dum psallimus, facimus castella in animo, et imaginamur vanitates et insanias falsas. Labia sunt in canticis, animus in patinis. Quid restat nisi quod Dominus dicat: *Populus hic labiis me honorat, cor autem eorum longe est a me* ¹³. Non est hic *psalmus jucunda decoraque laudatio* ¹⁴. Psalmodie angeli libenter intersunt, sicut Psalmista commemorat: *Prævenerunt, inquit, conjunc.i psallentibus in medio juvencularum tympanistiarum* ¹⁵. Et alii: *In conspectu angelorum psallam tibi, Deus meus* ¹⁶. Ille de psallendo. Nunc restat qualem offerre deceat, aut docere. Ille cuius corpus et sanguinem Deo Patri offertis, Filius ejus est. Videto ne offendatis Patrem in Filio, ne sanguinem Filii pollutum ducatis. *Sanctus enim, et innocens, impollitus, excelsior cælis est factus* ¹⁷. Si immunde acceditis, non cibum salutis, sed æternæ damnationis judicium accipitis. Doctrina vestra consistit in verbis et factis. Verba sacerdotis sine operibus vana et infructuosa sunt. Sed *lucent*, queso, *vestra opera bona coram hominibus* ¹⁸, et habebunt verba exhortationis vestre in cordibus subjectorum efficiaciam saluberrimæ medicinæ. Sic in die tremendi judicii pro sollicitudine gregis vobis commissi dabitur vobis aureola, et quia docuistis *ad justitiam multos, eritis quasi stellæ in perpetuas æternitates* ¹⁹: quod nobis præstare dignetur, qui cum Patre vivit et regnat Deus, per omnia sæcula sæculorum. Amen.

SERMO LX.

AD EOSDEM IN SYNODO.

Audite huc, sacerdotes: attendite, domus Domini, domus regis, auscultate, quia judicium vobis est ²⁰.

Facti enim estis laqueus speculationi, et quasi rete quod extenditur in monte Thabor. Magna et multiplex est, fratres charissimi, in sacro eloquio commendatio sacerdotum. Nam et verba Domini cæteris præferuntur: *Vos, inquit, estis lux mundi, vos estis sal terræ* ²¹, *vos estis angeli, vos estis dii. Angeli, sicut scriptum est: Labia sacerdotum custodiunt scientiam* ²². Dil estis, sicut Propheta com-

A memorat: *Deus stetit in synagoga deorum, in medio autem deos dijudicat* ²³. Et Moyses præcepit leprosum applicari ad deos, id est sacerdotibus adhiberi, et, ut eleganti atque urbano utamur compendio, sacerdotes habet primatum Abel, patriarchatum Abrahæ, gubernaculum Noe, ordinem Melchisedechi, dignitatem Aaron, auctoritatem Moysi, virtutem Samuelis, paupertatem Petri,unctionem Christi. Vos estis, reges, etc. Ille qui dicit: *Data est mihi omnis potestas in caelo et in terra* ²⁴, ligandi et solvendi vobis potestate dedit. Vobis a Deo datum est sedere super sedes, et duodecim tribus Israel judicare ²⁵. Vereor tamen ut res in contrarium cedat, et ne de vobis aliquando dicatur: *Desecisti eos dum allevarentur* ²⁶. Sera quarela est, quia elevans allisisti me ²⁷. Verbum est Zacharie: *Super pastores iratus est furor meus* ²⁸. Irascitur Dominus, quia indisciplinati estis, quia legem et mandatum Domini non tenetis sicut Jeremias conqueritur: *Hæc est gens quæ non audivit vocem Domini, nec recepit disciplinam* ²⁹. Et ibidem: *Sacerdotes dixerunt: Ubi est Dominus? Tonentes legem, dicit idem Propheta, nescierunt, et pastores prævaricati sunt in me* ³⁰. Propter peccata nostra est in conculationem et opprobrium sancta Ecclesia Christi. Rubigine propter peccata nostra vilis est hodie et obductus gladius Petri. Ubique hodie propter hæc impune nomen Domini in vanum accipitur, sententia Petri contemnitur, hodie impune Phassur in Jeremiam, Malchus in Christum, Jason in oblationes sacras, Balthasar in vasa Domini manus extendit sacrilegas. Vilitatem et abjectionem hanc sacerdotum lamentatur ille propheta, et conqueritur, et deplorat dicens: *Filii Sion incliti et amicti auro primo, quomodo reputati sunt in vasa teste, et in opus figuli* ³¹? Qui debuerant esse vasa contemplationis et fortitudinis, facti sunt vasa teste. Sunt enim carne fragiles, spiritu debiles, in peccatum labiles, et ad virtutem difficiles, ad excelsa graves, ad ima præcipites. Offensus est nobis Dominus. Ideo, sicut Apostolus loquitur ad Corinthios: *Pro Christo legatione fungimur tanquam Deo exhortante per nos. Obsecramus pro Christo reconciliamini Deo* ³². Iniquitas nostra a Deo nos dividit, et peccati nubes nostræ impedit orationem, ne ascendat ad Deum. *Interposuisti*, inquit propheta, *Domine, nubem ne transire oratio* ³³. Non est tamen, dicit Isaías, abbreviata manus Domini, ut salvare nequeat; nec auris ejus aggravata, ut non exaudiatur: sed peccata nostra dividunt inter nos et Deum ³⁴. Desistite a peccatis, et reconciliabitur Deus. Quis est hodie qui gratis beneficium ecclesiasticum consequatur? Quis est qui gratis in eo ministret? Nonne omnia Ecclesiae sacramenta redacta sunt in mercimonium et in que-

¹⁰ I Petr. 5. ¹¹ II Cor. 6. ¹² I Cor. 14. ¹³ Matth. 15. ¹⁴ Psal. 146. ¹⁵ Psal. 67. ¹⁶ Psal. 137. ¹⁷ Hebr. 7. ¹⁸ Matth. 5. ¹⁹ Dan. 12. ²⁰ Ose. 5. ²¹ Matth. 5. ²² Malach. 2. ²³ Psal. 81. ²⁴ Matth. 28. ²⁵ Matth. 19. ²⁶ Psal. 72. ²⁷ Psal. 101. ²⁸ Zach. 10. ²⁹ Jer. 7. ³⁰ Jer. 2. ³¹ Thren. 4. ³² II Cor. 5. ³³ Thren. 3. ³⁴ Isa. 59.

stum? Magnum illud sacramentum pietatis, illud inestimabile et ineffabile pretium mundi sine pretio, pretium impreiabile hodie sub vilis oboli taxatione venditur et offertur. Adam prius se vendidit; Esau pro edulio lenti primogenita dedit. Multi sunt filii Esau; multi sunt filii Adæ, qui vendunt hæreditatem cœlestem, et æternam pro modica voluptate. Præter cetera peccata, et præ ceteris sceleribus pestis luxuriæ ignominiose hodie sacerdotium dehonesta. Sive iterum in delicato gestu, sive in pretioso habitu, sive in mundano actu luxuria exerceatur, totum cecidit in cleri opprobrium, et mortis æternæ periculum. Hæc est Athalia quæ totum fere genus regium extirpavit⁹⁸; hæc est illa quæ unam de virtutibus interfecit; hæc est bestia salutis quæ occidit exercitum Absalon. Apostolus ad Hebreos scribens ait: *Terribilis autem quædam exspectatio iudicii, et ignis æmulatio quæ consumptura est adversarios; irritam quis faciens legem Moysi sine ulla miseratione duobus aut tribus testibus moritur. Quanto magis putatis deteriora mereri supplicia eum qui filium Dei conculcaverit, et sanguinem testamenti pollutum duxerit, in quo sanctificatus est, et Spiritui gratiæ contumeliam fecerit*⁹⁹. Verbum prophetæ est: *Si incantator percussus fuerit a serpente, quis medebitur ei*¹⁰⁰. *Medice, cura te ipsum*¹⁰¹. Talem siquidem decet esse sacerdotem, qui suorum operum imitatorem reddidit populo in Deo acceptabili, sectatorem bonorum operum¹⁰². Frequenter autem contingit ut sacerdos in universitate populi sui deterior habeatur, ut merito sacerdotibus conveniat verbum illud Michæ: *Qui optimus in eis est, quasi paliurus, et qui rectus, quasi spina de sepe*¹⁰³. Qui debuerant esse luminaria cœli, et splendor unctionis, facti sunt obscenitas et macula in luna: obscuratus est sol, et aer de sumo putei. Sal terræ infatuatum est, et lux mundi conversa est in tenebras. Ideo, juxta verbum Jeremiac, repulit Dominus altare suum; maledixit sanctificationi suæ¹⁰⁴. Quid, dicit Dominus per Jeremiam: *Quid est quod dilectus meus fecit sclera multa in domo mea? Nunquid carnes sanctas auferunt malitias ejus in quibus gloriatus est?*¹⁰⁵ Et in Malachia: *Tu qui credis mundari per hostias, scito quod non mundaberis, sed amplius pollueris*¹⁰⁶. Et sequuntur verba ejusdem prophetæ dicentis: *Et nunc ad vos mandatum hoc est, o sacerdotes. Si nolueritis audire, et si nolueritis ponere super cor, ut deis gloriam nomini meo, ait Dominus exercituum, mittam in vos egestatem, et maledicam benedictionibus vestris*¹⁰⁷. Utrumque istorum evenisse videmus. Vos enim, quos constituit Dominus super familiam suam, ut detis illi cibum in tempore, fame et inedia eam afficitis: *Parvuli petierunt panem, et non erat qui frangeret eis*¹⁰⁸. Alligatum est verbum Domini in ore

A vestro, nec ministrare vultis esurientibus panem vitæ, cum scriptum sit: *Maledictus qui abscondit frumenta in populis*¹⁰⁹. *Deus non irridetur*¹¹⁰: signavit quasi in sacculo delicta vestra¹¹¹. Gedeon, cum persequeretur Zebee et Salmana, transiens per Socoth, petiit panem a senioribus civitatis sibi et viris qui cum eo erant: qui cum ei et suis alimenta negassent, reversus de prælio cum victoria, spinis et tribulis attrivit eos¹¹². Spinæ et tribuli tormenta sunt, et tribulationes æternæ. Propter negligentiam sacerdotum hodie hæreses pullulaverunt innumeræ et perniciose, atque damnabiliter sentiunt hodie quidam de sacramento altaris, de matrimonio, et de cæteris Ecclesiæ sacramentis. Unde sancta Ecclesia fere ubique terrarum gravissime vulnerata est, nec est resina in Galaad, et medicus non est ibi¹¹³. Sane sicut Apostolus ad Thessalonicenses scribens ait: *Non posuit vos Deus in iram, sed in acquisitionem salutis*¹¹⁴. Et ad Corinthios: *Posuit in vobis Dominus verbum et ministerium reconciliationis*¹¹⁵, deditque vobis potestatem in ædificationem, et non in destructionem. Vos autem Ecclesiam Dei contemnitis, et adulteratis, ut jam non confidat in ea cor viri sui. Ideoque repulit Dominus altare suum, et hæreditatem suam sprevit¹¹⁶. Et cum de angustia et tribulazione clamatur, avertit aurem suam, et non respicit in faciem testamenti sui. Hæc sunt opera vestra, hoc est obsequium Christo a vobis exhibitum. Video quod pepigitis fœdus cum inferno, et responsum mortis habetis in vobis. Quid restat, nisi requirat Dominus de manu vestra sanguinem eorum¹¹⁷ quos debuistis ducere verbo et opere in viam vitæ, et vos deduxistis eos prava conversationis exemplo in viam mortis æternæ? Si quis constitutus esset primipilarius et dux belli, quid deberet fieri de ipso si populum sibi commissum traderet in manus inimici? Populum Dei quem pretioso sanguine Christus de diaboli potestate redemerat, vos evacuantes beneficium passionis Christi, iterum in potestatem diaboli rejecistis. Attendite, quæso, fratres, ministerium vestrum, et vestrum periculum; quodque negligenter hactenus fecistis, vigilantius et studiosius de cætero procurare. Cogitate, quia terribilis est super filios hominum, cui reddituri estis rationem animarum vobis commissarum. Quas si in improperium custoditis, ignis et vermis æternus exspectatio et retributio vestra erit. Si autem eos prudenter instruxeritis, et rexeritis, non solum coronam, sed aureolam æternæ jucunditatis habebitis, quæ promittitur his qui ad justitiam eruditum multos¹¹⁸. Et hic est duplex honor quem promittit Paulus presbyteris ad Timotheum scribens: *Duplici, inquit, digni honore habebuntur, qui bene præsunt presbyteri*¹¹⁹ præcipue eminentiæ singularis gloriam sempiternam: quam nobis præstare dignetur, qui

⁹⁸ Reg. 11. ⁹⁹ Hebr. 10. ¹⁰⁰ Eccl. 12. ¹⁰¹ Luc. 4. ¹⁰² Tit. 2. ¹⁰³ Mich. 7. ¹⁰⁴ Thren. 2. ¹⁰⁵ Jer. 15. ¹⁰⁶ Mal. 2. ¹⁰⁷ Malac. 2. ¹⁰⁸ Tren. 3. ¹⁰⁹ Prov. 11. ¹¹⁰ Gal. 6. ¹¹¹ Job. 14. ¹¹² Judic. 8. ¹¹³ Jer. 8. ¹¹⁴ I Thess. 5. ¹¹⁵ II Cor. 5. ¹¹⁶ Psal. 77. ¹¹⁷ Ezech. 3. ¹¹⁸ Dan. 12. ¹¹⁹ I Tim. 5.

vivit et regnat per omnia sæcula sæculorum. A sumitis ¹⁵. Aquam vino miscere, et facies peccatorum sumere, est peccatorum erroribus consentire.

SERMO LXI.

AD EOSDEM.

Sic nos existimet homo ut ministros Christi, et dispensatores mysteriorum Dei ¹⁶.

Fratres, verba Pauli sunt quæ ad nos diriguntur. Si nobis a Deo ministerium creditum est, facite, sicut ipse nos exhortatur et docet, ut non vituperetur ministerium nostrum. Videate, fratres, vocacionem vestram, eminentiam et dignitatem ordinis vestri, quibus dispensatio corporis et sanguinis Domini tradita est. Videate ne in oculis Patris Filius conculetur. Nam in honore Patris est honor Filii, et in honore Filii est honor Patris. Non ignoratis de corpore et sanguine Domini, cum quanta reverentia confici, cum quanto timore percipi, cum quanta cuncta beat dispensari. Magnum est hoc sacramentum super omnem estimationem, super omnem eminentiam, super omnem intelligentiam: quod scilicet sub specie visibili Christus percipitur. Angeli siquidem satiantur ex adipe frumenti ¹⁷, et sedent in mensa divitis, et pascuntur in deliciis domus Dei; nos autem in speculo et ænigmate veritatem percipimus ¹⁸. Sienim videremus Christum, et frueremur eo sicuti est, jam non esset meritoria fides nostra, nee jam esset fides, sed scientia; veniet, et non silebit vocatus terram, et judicaturus eam in spiritu judicii et spiritu ardoris. Deus deorum, inquit Propheta, locutus est, et vocavit terram. Advocavit cælum desursum, et terram discernere populum suum ¹⁹. Et quid loquitur? Congregate illi sanctos ejus, qui ordinaverunt testamentum ejus super sacrificia ²⁰. Vos respicit sermo iste, quibus injunctum est ordinare testamentum Domini super sacrificia. Vos congregandi estis qui, cum essetis lapides vivi, dati estis in dispersionem, distracti ad vitia, et passim abeuntes post concupiscentias carnis vestræ: Dispersi sunt lapides sanctuarii in capite omnium platearum ²¹. Congregate, inquit, illi sanctos suos ²². Qui sunt sancti? Sacerdotes, de quibus dictum est: Sacerdotes tui induantur justitiam, et sancti tui exultent ²³. Eos sanctos esse oportet, qui Sancto sanctorum serviunt et ministrant. Sancti, inquit, estote, quia ego sanctus sum ²⁴. D. Et propheta dicit: Vos sancti Domini vocabimini ministri Dei ²⁵. Dicetur vobis hodie: Sacerdotum conversatio est populi subversio. Egressa est etiam iniquitas a senioribus populi ²⁶. Nau qui errata corrigere debuerant ad emendationem vitæ, ipsi vinum aquæ commiscendo admiscent et facies peccatorum assumunt. Sicut Dominus per prophetam dicit: Caupones mei aquam vino miscent ²⁷; et per alium: Usquequo iudicatis iniquitates, et facies peccatorum

B quos publicanos aut patinuos nominant. Hi sunt qui nec in parvulis baptismum admittunt, nec in altari corporis et sanguinis veritatem, nec in sacerdotibus gratiam Spiritus sancti, nec in laicis fidibus consortium copule conjugalis. Isti hodie multiplicati sunt super numerum ²⁸. Et si haec heresis alicubi extinguitur, alibi sicut capita hydræ multiplicius recidivat. Totum hoc malum de vestra taciturnitate procedit. Nonne nobis in Timotheo præceptum est: Insta opportune, importune ²⁹? Nonne in Levitico præcipitur ut a sacerdote ingrediente et egrediente tabernaculum sonitus audiat ³⁰? Nonne per prophetam dicitur: Clama, ne cesses; exalta vocem tuam ³¹? Super muros tuos, Jerusalem, constitui custodes, tota die et tota nocte non tacebunt ³². Quantum tempus est elapsum, ex quo vos voto continentiae alligastis? Nonne publice est decretum et edictum solemniter, et a sede apostolica confirmatum, ut amoveantur a vobis fornicationes vestræ, et præcideretur in vobis materia turpis vite? Quam utilitatem habetis nunc in omnibus voluptatibus et immunditiis vestris, quas haec tenus exerceristis, sicut Apostolus dicit: Quem fructum habuimus in quibus nunc erubescimus ³³? In opere libidinis cito præterit quod delectat, et permanet sine fine quod cruciat. Nihil de voluptate illa pessima remanet, nisi erubescientia confusionis et aculeus formidinis, foeda et fetida conscientia in testimonium delicti et tormentum animi. Summa insania est, gaudium quod non defleit, dare promodica et transitoria voluptate. Finis omnis luxuriae cumulus est mortis et æternæ miseriae. Apostolus dicit: Abstinete vos a carnalibus desideriis, quæ militant adversus animam ³⁴. Si enim secundum carnem vixeritis, morte moriemini ³⁵. Morte scilicet quæ nec moritur, nec finitur. Si velletis recurrere ad innocentiae arma, destrueret Dominus omnem altitudinem extollentem se adversus Ecclesiam Dei, et esset, teste propheta, sicut somnium visionis no-

¹⁵ I Cor. 4. ¹⁶ Psal. 147. ¹⁷ I Cor. 13. ¹⁸ Psal. 49. ¹⁹ Ibid. ²⁰ Thren. 4. ²¹ Psal. 49. ²² Psal. 131. ²³ Lev. 11. ²⁴ Isa. 61. ²⁵ Dan. 13. ²⁶ Isa. 4. ²⁷ Psal. 31. ²⁸ Isa. 56. ²⁹ Matth. 25. ³⁰ I Reg. 43. ³¹ Psal. 39. ³² II Tim. 4. ³³ Exod. 28. ³⁴ Isa. 58. ³⁵ Isa. 62. ³⁶ Rom. 6. ³⁷ Petr. 2. ³⁸ Rom. 8.

eternæ omnis multitudo gentium quæ dimicaverunt contra Ariel ²⁶. Et quidquid attentatur contra vos, totum ad nihilum devenerit, *tanguam aqua decurrentem* ²⁷. Abjiciatis ergo, fratres, opera tenebrarum et opera carnis ²⁸, et non regnet peccatum in vestro mortali corpore ²⁹. Et notate, *Non regnet*: regnat peccatum eum pervenit ad consensum vel actum. Ut ergo nou regnet circa primitivos actus, abscindenda est voluntas peccandi. *Confige timore tuo carnes meas* ³⁰. Et hoc est quod Simeon, qui interpretatur adducens *tristitiam*, quod est cordis contritio, et Judas, qui interpretatur *confessio*, ille duæ tribus invaserunt Bezem, et cuperunt Adonibezem, id est dominum civitatis, et abscederunt ei extremitates manuum ³¹, quod fit quoties pro contritione et confessione abscindimus malarum primitias actionum. Emendate igitur et corrigite, fratres dilectissimi, actus vestros, nec exspectetis correctionem alienam. Unusquisque vestrum plenius se novit; discutiat semetipsum et extollat conscientiam suam, ut in ea colligat fructum vitæ. Qui adhaeret, inquit, meretrici, unum corpus efficitur cum ea. Tollens, inquit, membrum Christi, faciam membrum meretricis ³²? Quid erat sacerdos nisi membrum Christi? Quid factus est sacerdos nisi membrum meretricis? Ille a quo et in quo recipitur corpus Christi, in eo et ab eo factus est membrum meretricis: ergo per immunditiam nostram, pro membro meretricis accipitur et recipitur corpus Christi. Vide te ubi collocaveritis corpus unigeniti Filii Dei. Vide te quid feceritis. Maledictionem Apostoli post aliarum imprecationum maledicta incurritis. *Quicunque, inquit, violaverit templum hoc, destruet eum Dominus* ³³. Ab hac maledictione nos liberet et suam benedictionem nobis conferat qui est benedictus in sæcula sæculorum. Amen.

SERMO LXII.

AD CLAUSTRALES.

Maledictus qui reædificabit Jericho ³⁴.

Interpretatio est Josue. Hi qui vitæ sæcularis defectum et inconstantiam relinquentes postea ad amorem sæcularium revertuntur, isti primam quem irritam facientes, vinculum suæ professionis habentes ludibrio luxuriantur in Christo. Certe Achaz filius Charmi, quia tulit de anathemate Jericho, lapidatus est ³⁵: cuius expressam similitudinem gerunt hi qui sæcularia abdicantes, etsi non opere, tamen affectu et desiderio sæcularibus se immergunt. Isti siquidem jam judicati et condemnati sunt lapide illo, qui positus est in fundamento Sion ³⁶, et lapide illo, de quo dicitur, *quia qui ceciderit super illum, collidetur; super quem vero ceciderit, conteret eum* ³⁷. Ex quo semel induit monachus novum lumen, qui secundum Deum creatus est ³⁸, nulla superesse debent vestigia vetustatis. Evellenda om-

A nino sunt plantaria conversationis antiquæ ut non sint illi quibus Hanon inimicus David rasit barbas dimidiis; et sic eos cum opprobrio et confusione dimisit ³⁹. Hanon barbam dimidiā religioso radit, cum religiosus renuntians sæculo, sicut Ananias et Saphira ⁴⁰ sæculares concupiscentias penitus non reliquit. Legitur quia Israel, qui Chanan eum interficeret noluit, datus est in manus Chuzan Ragathaim, et ei longo tempore et in afflictione servivit ⁴¹. Quantumcumque officiaris religiosus in claustrō, totum perdis si aliquid retinuisti de sæculo. *Modicum fermenti totam massam corrumpit* ⁴²; atque virtutum multitudinem unum peccatum obruit et subvertit. Sic enim Abimelech filius Gedeonis de uxoris natos necat, quia virtutes quas religiosus B acquirit in claustrō, concupiscentia sæcularis evanescat. *Maledictus*, inquit, *qui reædificabit Jericho*. Hiel de Bethel legitur reædificasse Jericho; sed in constructione primæ portæ mortuus est primogenitus, et in porta novissima mortuus est filiorum suorum novissimus ⁴³, quia ex quo quis ad mundanos affectus regreditur, si quid boni vel in sæculo fecerat, vel in claustrō, deperit et cassatur. De illis portis dicit propheta: *A prima porta erit clamor, et a secunda ululatus* ⁴⁴. Semel existis de Jericho, fratres mei, ascendistis de Jericho in Jerusalem, de Babylone in Sion, de Ægypto in terram promissionis, de tenebris ad lucem, de loco dissimilitudinis, de loco horroris ad domum letitiae et salutis. Venisis de terra salsuginis ad terram habitabilem, de Ur Chaldaeorum ad refrigerium, de fame spirituali ad refectionem, de prævaricatione ad gratiam, de mundanis anxietatibus ad quietem. Vere castra Dei sunt hæc: quæ non est aliud, nisi domus Dei et porta cœli ⁴⁵. Verumtamen gloria et suavitatem hujus domus non omnes intelligunt. *Lignum vitæ est his qui apprehendunt eam* ⁴⁶. *Multi siquidem sunt vocati, pauci vero electi* ⁴⁷. Multiplicasti, inquit, gentem, non magnificasti latitudinem ⁴⁸: non omnibus portabile est jugum Domini; non omnibus suave est onus ejus. Adhuc vero inter vos habitat Iesus qui exterminari non potest. Adhuc est lilium inter spinas, et zizania inter spicas. In horto patris familias sunt simul saliunca et abies, urtica et myrtus. Adhuc sunt in ovili Jacob animalia alba et nigra, agni et hædi; in rete Petri pisces boni et mali; in templo Salomonis Satan; a dextris Jesu sacerdotes magni; in area Noe animalia munda et immunda; in cella Domini vina et acina, oleum et amurca. O quam odibile est et horrendum claustralem iterum fieri sæcularem, et eum qui mundum evomuit redire ad mundum. Vereor, dicit Apostolus, ne cum spiritu cœperitis, carne consummenimi ⁴⁹. Nonne claustralibus efficitur sæcularis, si ea quæ sæculi sunt, vel cogi-

²⁶ Isa. 29. ²⁷ Psal. 57. ²⁸ Rom. 13. ²⁹ Rom. 6. ³⁰ Psal. 118. ³¹ Judic. 4. ³² I Cor. 6. ³³ I Cor. 5. ³⁴ Josue 6. ³⁵ Josue 7. ³⁶ Isa. 28. ³⁷ Matth. 21. ³⁸ Coloss. 3. ³⁹ II Reg. 10. ⁴⁰ Act. 5. ⁴¹ Judic. 3. ⁴² Gal. 5. ⁴³ III Reg. 16. ⁴⁴ Sophon. 10. ⁴⁵ Gen. 28. ⁴⁶ Prov. 3. ⁴⁷ Matth. 22. ⁴⁸ Isa. 9. ⁴⁹ Gal. 3.

tat vel attendit? *Sæcularia*, inquit, *negotia si ha-
bueritis, eos qui contemptibiores sunt inter vos
constituite ad judicandum*⁵⁶. *Sæcularia sive tem-
poralia diffinit Apostolus*, dicens: *Quæ videntur, in-
quit, temporalia sunt; quæ autem non videntur
æterna*⁵⁷. Cum omnium malorum radix sit cupiditas⁵⁸, dolemus, nec possumus non dolere, si in domo ista quæ nominatissima est in observatione religionis et ordinis, vel etiam unum pedem ausa est ponere illa transgressionis mater, illa magistra nocendi, primipilaria iniquitatis et auriga malitiae. Non sibi blandiatur monachus, qui rebus inhiat alienis, dicens: *Occasio peccandi est sæcularibus;* quidquid habent, si eis aufero, si rapio, si aliquid ad usum Ecclesie nostræ violentia principum vel venalitate acquiro, meum non ago negotium, sed commune. Infelix, si te accusat cupiditas circa propria, non accusat circa communia. Nam cum unusquisque vitæ nostræ sibi sit proximus, damnabilior est qui pro alio, quam qui pro seipso se dignum gehenna constituit, et, sicut auctoritas claimat, non minus ardebit, qui pro multis aut cum multis ardebit. Amantissimi fratres, ut quid opus est vobis divitiis, qui pro Christo paupere paupertatem gratuitam elegistis? Vultis iterum fieri divites, et ad mundana reverti quæ reliquistis; in quibus, sicut publice notum est, caduca consolatio est, usus brevis, fallax gaudium, finis incognitus, judicium grave, et pro temporalium rerum acquisitione transitoria, miseria sine fine. Si sufficientia vestra a Deo⁵⁹, Cimo Deus in quo dives eget, pauper abundat.

Sufficientiam a Deo habebat qui dicebat: *Ha-
bentes alimenta et quibus tegamur, his contenti simus.* Nam qui volunt dirites fieri, incident in laqueum, et tentationes diaboli⁶⁰. Vobis cum Deo nil deficit; sine Deo nil sufficit. O vœ filii Adæ, qui adhuc divitiias temporales quæreris, cum paupertas divinitus commendetur! Divitiæ durabiles sunt paratae vobis, et ad manum appositæ, necessaria in promptu sunt, et ad supervacua laboratis. Angelus apostata per divitiarum suarum multitudinem regnum cœlorum perdidit. Vestra professio est per paupertatem regnum acquirere quod amisisti. Certe vobis consutus est esurire, quod tamen per Dei gratiam non oportet, quam aliquid agere, unde vel modica nota cupiditatis emergat. Scio, inquit Apostolus, *saturari et esurire, abundare et penuriam pati*⁶¹. Si labore manuum vobis victualia quæreris, non estis majores Apostolo. Apostolus hoc fecit. Si laboratis ut resiliatis pauperes Christi, pauperes non possunt evanescere testimonio Scripturarum: *Reddet Deus mercedem laborum sanctorum suorum*⁶². Sanctum et pium est et meritorium pascere pauperes; sed occasione pauperum vobis ditescere non est bonum. Summa veræ professionis est meritum voluntarie paupertatis: qui hanc deserit, sicut mihi videtur,

A sua prorsus professione discedit. Bonum est, inquit aliquis, relicere pauperes. Bonum est, respondeo, eos reficere, sed sic, ne deficias a salutari proposito. Cautelam consulere, misericordiam non abscede. Spretis divitiis, in quibus multos poteras pauperes sustentare, locum elegisti ubi posses inter multos pauperes unus esse. Magnum reputo, si in ea paupertate quam prosteris, non egeas; majus, si frequenter egeas. Certe si abundas necessariis, non es pauper, aut si erogas pauperibus de his quæ tibi abundant. Forte æqualis es divitibus, qui miserunt in gazophylacium de eo quod eis superabundavit sed te usque ad meritum pauperis viduæ non extendis. Si alia excusatione quam sustentatione pauperum tuas potes divitiis collocare, libenter audio. Unum scio, quia quanto quis pauperior est, tanto copiosius et affluentius habet unde possit placere Altissimo. Noli, quæso, de refectione pauperum loqui: nam de talibus loquens, le extra gregem pauperum facis. Non reliquistis, fratres, aut possessionem, aut spem divitiarum, ut pauperibus ministretis, sed ut vobis tanquam pauperibus ministretur. Hæc moneo, et hæc dico, fratres charissimi, ut perseveretis in proposito paupertatis. Ilæc est corona nostra: per hanc regnum cœlorum vestrum est; sed et Dominus et dominator regni cœlorum dicit: *Quod superest, date eleemosynam*⁶³, innuens illud esse superfluum, quod non claudit necessitas inter augustias paupertatis. Duo rogo et consulere, amantissimi fratres. Minus, quæso, sitis solliciti in acquisitione terrarum, quia portio nostra est in terra viventium, et consuletis tam animæ quam opinioni vestræ. Magis Deo placere studeatis in vestra quam in aliena paupertate, et acquireatis in regno cœlorum divitiias sine fine. Quod vobis præstare dignetur qui pro nobis pauper factus est Jesus Christus, cui est honor et gloria in sæcula sæculorum. Amen.

SERMO LXIII.

AD MONIALES.

Moyses legitur⁶⁴ fecisse mare æneum, ut ingredientes tabernaculum lavarentur, fecit autem illud de speculis mulierum, quæ ad ostium tabernaculi excubabant. Credo quod hæ sunt prudentes virgines, quæ, accensis lampadibus, bonorum operum adventum sponsi lælanter exspectant⁶⁵. Scriptum est enim quia *exspectio justorum lætitia*⁶⁶. De speculis istarum sit alijs lavacrum, dum ab illarum conversatione trahitur munditiæ, et sanctificationis exemplum. Mulieres quæ in sæculo de carne sua fructum posteritatis exspectant deserviunt carni suæ; quæ, dum curam carnis in desideriis agunt, vitam perdunt æternam pro momentanea voluptate. Claustralibus quæ bellum indixerunt carni suæ inæstimabilis corona debetur. Contendunt enim non esse quod sunt, et recuperant fortiter quod in prima

⁵⁶ I Cor. 6. ⁵⁷ II Cor. 4. ⁵⁸ I Tim. 6. ⁵⁹ II Cor. 3. ⁶⁰ I Tim. 6. ⁶¹ Philipp. 4. ⁶² Sap. 10. ⁶³ Luc. 11. ⁶⁴ Exod. 30. ⁶⁵ Matth. 25. ⁶⁶ Prov. 10.

origine perdiderunt. *Quis enim potest facere mundum de immundo conceptum semine?*⁶⁴ Istae autem, dum imperant sue carni, non solum mundantur, sed conformantur angelicæ puritati. Virginitas tamen juxta estimationem multorum fortior est sinceritate angelica, cum virgo virtute munda sit, et angelus solum ex natura. Plus quam angelicum est haec vasa corruptibilia servare in justitia et sanctificatione; experiri in carne gloriam cœlestis Jerusa'lem, ubi neque nubent, neque nubentur⁶⁵. Quidam enim cœlestis eminentiae fructus est pudicitiae usus in terris. De virginico siquidem flore immarcescibilis corona contexitur et acquiritur sponsus immortalis in cœlo, dum terrena sponsalia contemnuntur. Istae enim sunt quibus Apostolus loquitur, dicens: *Despondi vos uni viro virginem castam exhibere Christo*⁶⁶. Vide quantus fuerit virginitatis effectus. Virginitas ultra nubes, ultra cœlos, ultra et supra angelos penetrans Verbum, in quo omnia facta sunt, quæsivit et invenit in sinu Patris: inde per virginitatem descendit ad nos auctor ille salutis. Adhuc ambularemus in tenebris, nisi lumen vite nobis de lampade beatæ Virginis illuxisset. Virginitas est balsamum quo coniduntur cadavera ne putrescant. Sensus enim et artus homin's a corruptione custodit; cætera quasi jumenta in suo stercore computrescant; sole virgines, et continentes vasa corruptionis hujus in incorruptione custodiunt. Sed est quod Sapientia in persona virginum dicat: *Ego quasi Libanus non incisus, et quasi balsamum non mistum odor meus, quasi terebinthus extendens ramos gratie et salutis*⁶⁷. Omnium eminentiam virtutum castitas transcendent, si tamen sociam habet charitatem; nam sine charitate castitas est sine oleo lampas. Lampas sine olei beneficio non lucet; castitas etiam Deo sine charitate non placet. Ideo Sapientia dicit: *O quam pulchra est casta generatio cum charitate*⁶⁸! Illud autem detestabile est, quod absit a nobis! si aliqua superbia macula admista est castitati; nam longe melior est devota et vilis humilitas, quam superba virginitas. Castitas si per se censetur, elegantior est quam humilitas; humilitas tamen per omnia melior. Illa res est consilii, ista præcepti. Nam Apostolus dicit: *De virginitate quidem præceptum non habeo; consilium autem do*⁶⁹. Et Dominus de virginitate in Evangelio loquens: *Qui potest, inquit, capere, capiat*⁷⁰. De humilitate vero: *Discite, inquit, a me quia mitis sum et humili corde*⁷¹; et: *Nisi efficiunmini sicut parvulos iste, non intrabitis in regnum cœlorum*⁷². Cum Spiritus sanctus non requiescat nisi super humilem et mansuetum, vides quod acceptior est apud Deum virginitate humilitas; cum sine hac nemo salvari possit, sine altera vero multi. Verbum beatæ Virginis est: *Respxit humilitatem*

A *ancillæ suæ*⁷³; humilitatem, inquit, non virginitatem, innuens quod nec sua virginitas sine humilitate Deo placuisset.

B Si ergo virgo superbiat, inter fatuas computanda est. Quid est enim superbìa in virginitate, nisi venenum in lacte? Nihil est quod abominabilius detur, quod et omnino magis denigret lilyum castitatis quam superbìa. Contra superbiam virginum invehit Isaías: *Elevatæ sunt, inquit, filiæ Sion, et ambulaverunt collo extento, et nutibus oculorum ibant*⁷⁴. Et sequitur in eodem capitulo: *Declinabit Dominus verticem filiarum Sion, eaurumque crinem nudabit*⁷⁵. Et Dominus in eodem: *Dabo eis pro crispanti crine calvitium*⁷⁶. Et unde superbis, miserrima caro, cum sis et cinis et pulvis⁷⁷? Superbis de tua nobili parentela; scias quia mundanam nobilitatem non natura fecit, sed ambitio finxit. Verbum Sapientiæ est: *Nemo ex regibus habuit aliud quam pauper natitatis initium. Unus est hominum introitus ad vitam, et exitus unus*⁷⁸. Nunquid sordidius generatur pauper quam dives? David plangit se in peccatis conceptum⁷⁹; sed et ipse, cum esset rex, suos genuit filios in peccatis. Si virtutem regenerationis inspicias; omnes tam divites quam pauperes magnificat natitatis, omnesque pacificat adoptiva nobilitas. Gloriosus titulus nobilitatis est cum generositate virginitas. Sicut Sapientia dicit: *Generositatem glorificat contubernium habens Dei; quia Dominus omnium dilexit eam*⁸⁰. Juxta verbum Apostoli: *Prudens virgo cogitat quæ Domini sunt, ut sit sancta corpore, et spiritu*⁸¹: Corpore, ut sit casta; spiritu, ut humiliter sentiat, nec extollatur de pudicitio: laude. Scriptum est enim: *Qui gloriatur, in Domino gloriatur: non enim qui se ipsum commendat, ille probatus est; sed quem Deus commendat*⁸². Miserrimum est suæ virginitatis, aut continentia: meritum pro vana gloria venale exponere. Adveniente siquidem sponso in die judicii, fatuis virginibus oleum peccatoris, id est adulatio aliena, non prodiderit. Fatuae virgines tunc dicent: *Lampades nostræ extinguuntur*⁸³, prudens virgo inextinguibile lumen feret. Sicut Sapientia de ea dicit: *Non extinguetur de nocte lucerna ejus*⁸⁴. Gloriaris de pulchritudine tua; fallax gloria et vana est pulchritudo. De pulchritudine superba dicit Job⁸⁵: *Devoret pulchritudinem ejus primogenita mors, id est superbìa, quæ est primum mortale peccatum. Quid est vana pulchritudo, nisi pulchra putredo? Putredini dixi: Pater meus; Mater mea et soror mea, vermbus*⁸⁶. Et quidem fallax gratia, nisi grata fallacia; dum specie falsa decipimur, sub tenui cute latent occulta dedecoris, quæ si inspici possent, horrendo essent aspectu, et nunc indigna sunt cogitatu. *Omnis caro fenum, et omnis gloria ejus sicut flos seni*⁸⁷. Sicut fenum cito arescit, sic

⁶⁴ Job 14. ⁶⁵ Matth. 22. ⁶⁶ II Cor. 11. ⁶⁷ Eccli. 24. ⁶⁸ Sap. 4. ⁶⁹ I Cor. 7. ⁷⁰ Matth. 19. ⁷¹ Matth. 41. ⁷² Matth. 18. ⁷³ Luc. 1. ⁷⁴ Isa. 3. ⁷⁵ Ibid. ⁷⁶ Ibid. ⁷⁷ Gen. 18. ⁷⁸ Sap. 7. ⁷⁹ Psal. 50. ⁸⁰ Sap. 8. ⁸¹ I Cor. ⁸² II Cor. 10. ⁸³ Matth. 23. ⁸⁴ Prov. 31. ⁸⁵ Cap. 18. ⁸⁶ Job 17. ⁸⁷ Isa. 40.

pulchra facies, febre superveniente, deficit; morte vero irruente, putrescendo sordescit. Porro virtus, quæ est pulchritudo animæ, florebit in æternum sicut lilium ante Dominum, sicut palma, sicut cedrus Libani in domo Domini ¹⁷. Ideo ille qui est speciosus forma præ filiis hominum ¹⁸, flos campi et lily convallium ¹⁹, de justo loquens: *Super ipsum, inquit, effloredit sanctificatio mea* ²⁰. Non exterior facies, sed interior conscientia pulchram te faciet. *Omnis gloria filia regis ab intus in fimbriis aureis* ²¹. Hæc est enim gloria nostra testimonium conscientiae nostræ ²²; hanc speciem, hunc decorum sponsus concupiscit in sposa. O virgo, concupivit rex decorum tuum ²³; ideoque si vis auferri a te omnem animi fœditatem, et in humilitate Christum diligere, speciosa facta es et suavis; teque sibi Dominus exhibebit non habentem maculam, neque rugam ²⁴. Auditura es vocem letitiae et exultationis: *Tota pulchra es, amica mea, et macula non est in te* ²⁵. Veni, electa mea, ponam in te thronum meum, ut requiescat in te Dominus, et tu requiescas in eo; ut gaudeat sponsus super sponsam, et gaudeat super te Deus tuus. Propone ante tue mentis oculos in exemplum moniale illam quæ, cum præ nimia vilitate et abjectione sui corporis putaretur a sororibus suis fatua et immunda, per revelationem Spiritus sancti ab episcopo provinciæ tota congregatione sanctior et Christo acceptior est inventa. Sape si superbis, si sæculum appetis, si carni tue consentis, si murinuras, si invides sororibus tuis, si detrahis, si detrectas obedientiæ jugum, iam non es filia Sion, sed filia Babylonis; exclusa es a cœtu virginum, quæ cum Domino accensis lampadibus ingrediuntur ad gaudium nuptiale. Poteris inutiliter plangere cum filia Jephite virginitatem tuam, nec enim Dominus te acceptat in sacrificium sibi. Videbis publicanos et meretrices quæ præcedent te in regnum Dei; tuam enim virginitatem, quæ elegantissimum donum Dei erat, in contumeliam et injuriam convertisti. Vide quo te præcipitavit superbia, de cœlo in coenum, de paradiſo in infernum, de angelica puritate in æterni horroris et ardoris abyssum. Quid ergo faciendum est tibi? Reverttere ad cor tuum, recogita dies tuos in amaritudine animæ tue. Arripe fortiter pœnitentiæ arma, nec differas pœnitentiæ fructum. Nescis enim quid ventura pariat dies:

Qui non est hodie, cras minus aptus erit ²⁶.

Qui non facit quando potest, non poterit agere pœnitentiam quando volet, *Horrendum est autem incidere in manus Dei vivenis* ²⁷. Horrendum est venire in locum tormentorum, ubi nec ignis extinguitur, nec vermis moritur ²⁸, nec fetori, nec ardori, nec dolori finis aut mensura imponitur. A quibus nos liberare dignetur sponsus sanctarum

A virginum Christus Jesus, cui sit honor et gloria in secula sæculorum. Amen.

SERMO LXIV.

AD EASDEM.

Audi, filia, et vide, et inclina aurem tuam, et obli-viscere populum tuum, et domum patris tui ²⁹.

Charissimæ sorores, vos estis quibus apostolus Paulus loquitur, dicens: *Despondi vos uni viro virginem castam exhibere Christo* ³⁰. Testimonio siquidem Veritatis: *Beati sunt qui se castraverunt propter regnum cœlorum* ³¹. Apostolus dicit: *In carne ambulantes, non secundum carnem militamus* ³², et qui matrimonio jungit virginem suam bene facit, et qui non jungit melius facit ³³. Et de virginitate propria loquens: *Volo, inquit, vos omnes esse sicut me ipsum* ³⁴. Et ultimam permaneat unusquisque secundum consilium meum! *De virginibus enim præceptum non habeo; consilium autem do* ³⁵. Magna est prærogativa virginum. Solis virginibus a Deo datum est cantare canticum novum, quod nemo alias cantat, et sequi Agnum quoconque ierit ³⁶. Scriptum est: *Gratia super gratiam mulier pudorata et sancta* ³⁷. Deus nascitur in mundo; ut inuidum redimeret, virginem sibi elegit in matrem; nec enim alia mater decebat Deum, nisi virgo; nec alias filius decebat virginem, nisi Deus. Sunt aliquæ inter vos apud quas vel bono conjugali, vel lubrico, et facilitate consiliï violata est integritas virginalis. Iste sequuntur Agnum, sed claudicant uno pede. Pedem humilitatis habent, sed non virginitatis. Illeque non sequuntur Agnum quoconque ierit. Virgines enim non sunt aliquæ, et si virginitatem perdidérunt, per humilitatem tamen Domino placere intendunt. Fregerunt virginitatis sigillum, sed student reformare quod fractum est. Nam, sicut exhibuerunt membra sua servire immunditiæ ad immunditiam, iniquitati ad iniquitatem, ita exhibent membra sua servire justitiæ in sanctificationem. Illa quæ fuerat ancilla carnis ad delicias sæculi in contumeliam Christi, facta est ancilla spiritus in contemptum et odium mundi, in amorem et gloriam Dei. Filia Edom, filia Babylonis inebriata Spiritu sancto, facta est filia et sponsa, soror et amica regis Altissimi. Et hoc est forte quod Jeremias dicit: *Gaude et lactare, filia Edom, ad te quoque veniet calix inebrians* ³⁸; hic est calix amoris, poculum amatorium, quo ebria erat illa quæ intraverat cellam vinariam, et dicebat: *Nuntiate dilecto meo, quia amore languo* ³⁹. Sic, mediante charitate, recompensat jacturam virginitatis, et reformat per pœnitentiam dispendium corruptæ carnis. Hæc cum Rachele idola patris sui sub simo, et cum Jacob fragmenta idolorum Laban sub terebintho abscondit; dum per humilitatem pœnitentiæ et Dominicæ Passionis memoriam suas iniquitates a facie summi exactor is

¹⁷ Psal. 91. ¹⁸ Psal. 34. ¹⁹ Cant. 2. ²⁰ Psal. 43. ²¹ Psal. 44. ²² II Cor. 1. ²³ Psal. 44. ²⁴ Ephes. 5. ²⁵ Cant. 4. ²⁶ Ovid. ²⁷ Hebr. 10. ²⁸ Isa. 66. ²⁹ Psal. 44. ³⁰ I Cor. 11. ³¹ Matth. 19. ³² II Cor. 10. ³³ I Cor. 7. ³⁴ Ibid. ³⁵ Ibid. ³⁶ Apoc. 14. ³⁷ Eccli. 26. ³⁸ Thren. 4. ³⁹ Cant. 5.

avertit. Tam viduæ quam virgines habent fiduciam repremissionis in Christo, non enim est acceptor personarum Deus⁸. Virgo humilis angelorum sociæ est. Si vero muliebria passa est, aut cum Maria selet ad pedes Jesu, aut cum Martha piis operibus se exercet⁹. Tam virginem quam corruptam monet ad perseverantiam sanctitatis Propheta, cum dicit : Audi, filia, et vide, et inclina, etc. Existis de hoc sæculo nequam, exivisti de Ægypto, et venisti in hanc solitudinem sacrificare Domino Deo vestro. Nolite reverti ad alia et pepones Ægypti, ad sanguineas dapes; sufficiat vobis manna cœlestis et panis angelorum. Mors enim est in olla Ægypti; reliquias hydriam inundanæ cupiditatis enim Samariæ, utramque spiritualem Jericho destruxistis; Josue¹⁰ maledictionem incurrit qui reædificat Jericho. Scio quia Ægypti musica vobis frequenter insibilat, et occulta inimici tentatio redire ad sæculum vos invitat. Revoca te ad populum tuum quem reliquisti, et ad domum patris tui Amorræi.

Audi, filia, et vide, et inclina aurem tuam, et obliiscere populum tuum et domum patris tut. Quid enim tibi et parentelæ tuæ? Nonne mortua es et parentibus tuis et complantata similitudini mortis Christi? Sed dicas : Unus de intimis parentibus meis infirmatur, aut moritur, ad eum me exire oportet. Audi, filia, et vide, ne ex eas : Sine mortuos sepelire mortuos suos¹¹. Vide ne tu sepeliaris in inferno pro eis. Frequenter legimus in libro experientiæ, quia multos traxit in infirium affectio parentelæ. Quo'ies egredere claustrum, præponis animam tuam, ponis quasi sub jactu alesæ, majusque est omni thesauro quod certo exponis periculo. Sentias ergo cum Propheta et dicas : Anima mea in manibus meis semper¹². Noli, quo'eso, cum sæcularibus aliquod habere commercium : qui enim tangit picem inquinabitur ab ea¹³, bonosque mores corrumpunt colloquia prava¹⁴. Ignis in sinu, serpens in gremio, mus in pera, male suos remunerant hospites. Noli esse de numero illorum de quibus scriptum est : Commisi sunt inter gentes et didicerunt opera illorum¹⁵. Noli, filia, exire in publicum; mundus enim plenus est laqueis, plenus periculis, plenus mortibus.

Desponsata est Christo; si caro et sanguis, si amor parentum et aliud revelaverit aut suggesterit tibi, intende ad Christum, et dic : Non recedam a justorum consilio, a congregatione sanctorum. Docet te Propheta et dicit : Confitebor tibi, Domine, in toto corde meo, in consilio justorum et congregatiōne¹⁶. Si aliquis de parentela tua te vocaverit, aut pro te miserit, Satanæ tentatio est. Noli retro aspicere cum uxore Lot¹⁷: vaccæ feræ quæ deferebant arcam Domini in Bethsames, colla sua non refle-

A ctebant ad vitulos¹⁸; nec tu collum aut pecces reflectas ad consanguineos tuos. Dedisti obedientiam tuum, et imposuisti tuo vertici jugum ejus. Audi ejus sapientiam quæ dicit : Injice, inquit, pedem tuum in compedes illius, et ne acedieris a vinculis ejus¹⁹. Si claustrum egredieris, transgrederis. Dina filia Jacob egressa est ut videret Iudeos alienigenarum, et oppressa est a Sichem filio Emor²⁰. Non est enim pudicitia ubi est sæculum, et ideo non est pudicitia extra claustrum. Sara filia Raguel uxor minoris Tobie dicebat : Tu scis, Domine, quoniam nunquam cum ludentibus memiscui, neque cum mulieribus quæ in levitate ambulant²¹. Jeremias etiam dicit : Non sedi in consilio ludentium : sedebam solus quoniam amaritudine replesti me²². Sit Sara tibi in exemplo; sit et Jacob qui domi habitans benedictionem hereditavit²³. Esau vero foris vagans primogenita sua cum paterna benedictione amisit. Prope est ut retribuat Dominus unicuique secundum opera sua²⁴; præcedet Regina virginum; proximæ ejus afferentur, et cum ea adducentur in templum regis²⁵. Tunc erit Jerusalem colestis quasi sponsa ornata viro suo. Gaudet tunc sponsus super sponsam, et dicet : Veni, electa mea, et ponam in te thronum meum, ut in te sedeam, et quiescam, ut sis sedes mea in sæculum sæculi²⁶, et apparebunt ea die gloriosa quæ dicta sunt de te, quando erit sicut latentium omnium habitat in te²⁷, quando intrabit in delicias claritatis, et voluptatis æternæ beata Virgo cum virginitate sua, Sara cum nuptis, Anna cum viduis, Magdalena cum pœnitentibus suis, et eveniet quod per Isaiam promiserat Deus : Ecce ego creo Jerusalem exultationem, et populum ejus gaudium, et exultabo in Jerusalem, et gaudebo cum populo meo, et non audietur in ea ultra vox clamoris et fletus : eritque mensis ex mense, et Sabbatum ex Sabbato²⁸. Ibi satiabimur in bonis domus Domini, et potabimur a torrente voluptatis illius²⁹. Ibi videbimus Filium in Patre, et Patrem in Filio, et Spiritum sanctum in utroque : quod est vita æterna et gloria consummata. Quam nobis præstare dignetur, qui cum Patre et Spiritu sancto vivit et regnat, per omnia sæculorum. Amen.

D

SERMO LXV.

AD POPULUM.

De duobus versibus psalmi xciii : *Quis consurget mihi adversus malignantes, aut quis stabit tecum aduersus operantes iniquitatem;* et : *Nisi quia Dominus adiuvit me, etc.*

Petis a me, charissime frater, ut habitum sermonem ad populum scribendi officio tibi communicem : et quæ laicis satis crude et insipide (sicut eorum capacitatibus erat) proposui, in Latinum sermonem studeam transferre. Speras profecto, non solum dicensi celebritate, sed Latinæ locutionis volubilitate

⁸ Act. 10. ⁹ Luc. 10. ¹⁰ Cap. 6. ¹¹ Matth. 8. ¹² 101. ¹³ Psal. 110. ¹⁴ Gen. 19. ¹⁵ I Reg. 6. ¹⁶ Gen. 27. ¹⁷ Apoc. 22. ¹⁸ Psal. 44. ¹⁹ Ibid.

²⁰ Psal. 118. ²¹ Eccli. 13. ²² I Cor. 15. ²³ Psal. Eccli. 6. ²⁴ Gen. 34. ²⁵ Tob. 5. ²⁶ Jer. 15. ²⁷ Psal. 83. ²⁸ Isa. 65. ²⁹ Psal. 35.

nitescere posse materiam, quia quadam idiomatis A hujus prærogativa, sententiae plurimum honoris et efficacæ ex verbis accedit, et ad finem suum sic commodius sermio decurrit. Verum si materiam ullius putas esse momenti, quid est quod prosecutorem me petis, quin potius inextricabiles curas, quibus implicor totus, aut insipientiam meam contratuæ instantiam petitionis excusas? Hæc autem a me importunus non tam impetas quam extorques; mutuum quod rependas officium, si hoc tibi opusculum aut habeas solus, aut lectum semel atque neglectum vel igne destruas, vel minutissima decisione dilaceres et disrumpas. Nec mireris si quotidiani sermonis exceditur brevitas, quia ipsa poscit Latini eloqui dignitas, sensus quoq; vulgari sub brevitate transcurri, uberiori aliquatenus gratia cumulari. Sermonis igitur illius hoc initium fuit: *Quis consurget, etc. ut supra.*

Nisi quia Dominus adjuvit me paulominus habuisset in inferno anima mea. Verba sunt Psalmistæ, fratres mei, considerantis in persona eujusque fragilitatem status nostri, astutiam impellantis inimici, ac virtutem denique resistendi. *Quis consurget, inquit, mihi?* mihi, inquam mortali peccatori et fragili, *adversus malignantes*, hostem scilicet triplicem, carnem, mundum et dæmonem? Quia quasi per fortitudinem non sufficient ad impellendum, addunt et calliditatem ad evertendum. Quid igitur miser ego homo, quid faciam, impulsus per inimici fortitudinem, per calliditatem etiam eversus ut cadam, nisi Dominus suscipiat me, nisi consurgat adversus malignantes, nisi apprehendat arma et scutum, et exsurgat in auxiliorum mihi²⁶? Meditabatur justus iste nocte cum corde suo, et exercitabatur et scopebat spiritum suum. Exercitabatur, inquam, in lege Dei sui, in timore judicis sui, in amore liberatoris sui. Non est hæc exercitatio ad modicum utilis, quia ad pietatem inducit, quæ valet ad omnia. Unde dicit, *exercitabar*, et per exercitationem vidit; *scopebam spiritum meum*²⁷. Quo enim melius ordine mundari spiritus potest, quam per salutarem exercitationem comprehenso quod lex præcipiat, inspecto etiam quantum legi vita nostra contradicit, quod timorem inculit judicis, tandem in amorem respiremus liberatoris. Considerare siquidem debemus cautius quid lex dicat: *Os Domini interrogate*²⁸, id est sacram Scripturam investigate: unde peccaverunt filii Israel, quia os Domini non interrogaverunt. Ille est quod in Deuteronomio præcipitur: *Non recedat volumen legis hujus de corde tuo, et de ore tuo, ut dirigas viam tuam, et intelligas universa quæ agis*²⁹. Dehinc vitæ nostræ seriem divinis debemus coaptare præceptis, et actus præteritos tenaci sæpius reficare memoria, ut vel testimonium conscientiæ pariat gloriam, vel salutaris confusionis erubescientiam introducat, de qua dicitur: *Imple*

²⁶ Psal. 54. ²⁷ Psal. 76. ²⁸ Josue 9. ²⁹ Josue 7.
³⁰ Isa. 12. ³¹ Psal. 35. ³² Psal. 79.

*facies eorum ignominia, et querent nomen tuum, Domine*³⁰. Sic juxta Salomonis sapientiam, vita nostra erit quasi pendens ante nos³¹, ut de bonis proveniat gratiarum actio, vel de malis penitentiæ salubre lamentum. Applicata igitur vita nostra Scripturis, quis est, queso, ex nobis, qui vel unum impletat mandatorum legis, cuius nec unum iota peribit quin impleatur³²? Hæc igitur applicatio timorem inculit judicis, qui ne forte deprimatur plus justo, et per acediam in foveam desperationis consequenter decidat homo, ab isto utiliter timore in misericordia pii Patris, in amore respiratur liberatoris qui, cum iratus fuerit, consuevit misericordiæ recordari.

Sic profecto per timorem charitas et per exercitationem introducitur pietas. Verum nobis sæcularibus, qui non solum in sæculo, sed ex sæculo sumus, qui constituti sumus in medio nationis pravae et perverse, pravi pariter et perversi, qui de calice Babylonis sæpius inebriamur ad nauseam; nobis, inquam, utilem plurimum credo et fructuosam exercitationem illam, quæ timorem inculit judicis, qui judicaturus est sæculum per ignem, per quem judicabunt nationes sancti, per quem filie Babylonis miseræ retribuetur retributio sua³³, id est retributio misera, retributio æterna. O felices sanctorum animæ, qui adhuc in carne positi extra carnem vivunt, et in homine vitam exhibent angelicam! O vere felices, quibus datur suavissimos contemplationis carpere fructus, quibus in hoc mari magno et spatio quasi quidam tranquillitatis datus est portus; quos nec pavore concutit e regione irruens ventus, nec procellosi maris potest labefaciare tumultus! O ter quaterque beati, quibus ante oculos semper amor est liberatoris, amor patris et patriæ, et quasi e longissima prospiciuntur regione timor judicis et gehenua! Hi profecto priorum oblii in anteriora se extendunt, qui jam timere non solum despiciunt sed nesciunt, et introductivo charitatis timore expulso, jam quodammodo nec amare non possunt, ex quo semel per amorem suaviter arserunt. Ungantur hi licet oleo Samaritani, nos vino compunctionis utamur; hauriant illi aquas in gaudio de fontibus Salvatoris³⁴, et inebrientur ab ubertate domus ejus³⁵, potentur aqua sapientiæ salutaris, nos potum nostrum cum fletu temperemus, cibemur pane lacrymarum, potum quem dat Dominus in lacrymis, accipiamus in mensura³⁶. Illi semper epulum ad Patrem habeant, ad misericordem et misericordiam, ad largitatem munerationum cum benedictionibus: nos oculos sæpius convertamus ad judicem, ad severum et zelotem, ad districturn examinatorem non solum operis, sed otiosi eujusque sermonis. Non est nobis ad eorum statum felicem via parvior, non ingressus aptior, non progressus utilior. Ardua est hæc via in ingressu,

³⁰ Psal. 82. ³¹ Deut. 28. ³² Matth. 5. ³³ Psal. 136.

tolerabilior in progressu, fructuosior in egressu. Hæc est prima ad patriam via : *Initium enim sapientiae timor Domini*³⁴.

Ardua prima via est, et eget moderamine certo. Vere certo, ut non convertamur ad dexteram de misericordia dulcedine nimis præsumendo, vel ad sinistram de misericordia desperando. Timor pons est angustior, per quem nisi cum maxima diligentia et cautela transieris, ad contemplationis amœna pervenire non poteris. Per hunc pontem angustum fit introitus ad latitudinem charitatis, in transitu hujus pontis et a dextera et a sinistra præcipitum æqualiter cave. Ut igitur redeamus ad id quod cœpimus, nos præcipue qui de hoc mundo sumus, in quibus et diligit mundus quod suum est, quoties redimus ad cor, primo loco timor occurrat, timor, inquam, judicis, timor tremendi illius examinis, in quo recipiet unusquisque prout gessit in corpore³⁵, sive in quo positurus est magnus ille pater familias qui peregre profectus erat, rationem cum servis suis³⁶, quando scilicet omnes libri aperti erunt, et erit sibi quisque consiliarius, advocatus et Index; libri enim omnes aperti erunt omnibus. Tres autem in judicio libros attendo, librum viæ, librum conscientiæ et librum vitæ. Librum viæ dico librum datum in via, et ad viam; et hic triplex liber, scilicet institutionis Mosaice, prædicationis propheticæ et prædicationis evangelicæ. Librum autem conscientiæ quis nesciat cognitionem bonorum operum ad gloriam, vel malorum ad confusionem et ignominiam? Liber vitæ liber est prædestinationis æternæ. Duo ex his libris nobis particulariter aperti sunt; tertius universaliter signatus et clausus. Librum disciplinæ legalis jam nobis aperuit *Agnus qui occisus est*, qui solus dignus inventus est a erire librum, et solvere signacula ejus; librum enim legis clausum prius tam scienti litteras Judeo quam nescienti philosopho aperuit nobis *Leo de tribu Juda qui vici*³⁷, *clavis David*, qui aperit et nemo claudit³⁸. Facta est autem hujus libri apertio, quando verbum abbreviatum fecit Dominus super terram, et in verbo uno omnia conclusit atque complevit, in Christo scilicet suo, qui totius Veteris Instrumenti glossa est et expositio. Unde in passione petræ scissæ sunt, et velum templi a summo usque deorsum; tunc monumenta aperta sunt et multæ sanctorum quæ dormierant in sepulcro litteræ surrexerunt³⁹. Tunc factum est cor Dei tanquam cera liquecens⁴⁰; tunc tenebrosam aquam in nubibus aeris declaratio sermonum Domini illuminavit, et intellectum dedit parvulis⁴¹. Illic Philippus accurrens adjungitur currui, et dicit : *Putasne intelligis quæ legis*⁴²? Et ascendens currum ostendit clausum in littera librum, aperit legenti et non intelligenti, nomineque Christi pro-

A lato de prophetia Evangelium facit. *Omnis est*, inquit, *quia voluit*, etc.⁴³ Apertus igitur nobis etiam in præsenti est liber viæ, quantum ad duas sui partitiones; *tertia etiam partitio*, quæ ex Novo consistit Testamento, aperta nobis per fidem est, in futuro aperienda per speciem. Inde Hieronymus dicit quod in apostolis et evangelistis positum est velamen ex parte; in judicio autem aperiuntur oculi cœcorum et aures surdorum patet⁴⁴, et videt omnis caro quod os Domini locutum est⁴⁵: et ita liber viæ tunc erit apertus ex toto. Liber etiam conscientiæ nunc clausus; unde : *Profoundum est cor hominis et inscrutabile, et quis cognoscet illud?*⁴⁶ Et alibi : *Quis enim hominum novit quæ sunt hominis, nisi spiritus hominis, qui in ipso est?*⁴⁷ Liber, inquam, ille tunc aperietur, quando scilicet manifesta erunt abscondita cordis nostri; tunc apparebit homo nude portans fasciculum operum suorum, cum dicetur : *Ecce homo et opera ejus cum eo.* Librum etiam vitæ Dominus in judicio aperiet, cum oves a dextris, *hædos statuet a sinistris*⁴⁸, cum exhibent angeli et separabunt malos de medio iustorum⁴⁹, cum introducentur ad gloriam quoquot præordinati sunt ad vitam æternam⁵⁰, et tunc salvis erit omnis qui inventus fuerit scriptus in libro vitæ⁵¹. Addet forte aliquis librum experientiæ, in quo scilicet legent amarissimas historias, qui negligenter in libro vitæ legerunt, qui noluerunt intelligere et bene agerent⁵². Tunc intelligent spinæ suæ thamnum⁵³, et qui periti noluerunt esse in poena, sicut sapientes in poena. Fructuosum igitur nobis valde esset et utile, ut judicii illius modum et formam ante oculos poneremus, in quo quotidie quasi quoddam judicium novum in animo teneremus, et arguentem nos Dominum ac statuente contra faciem nostram et nos ex operibus nostris judicantem attenderemus. Nam, ut ait Apostolus : *Si nos metipos dijudicaremus, non utique judicaremur.*⁵⁴ Utinam sustineretis modicum quid insipientiæ meæ⁵⁵, et quotidiani hujus judicij formam, quam concipio, patienter audientes, ad morum informationem ac Dei timorem prudenter converteretis auditæ. Posset quidem pater ille familias quotidie ponere nobiscum rationem, et sicut de totius vitæ curricula ultima judicaturus est die, ita nobiscum quotidie de quotidianis actibus disputare et dicere : *Quod hodie uni ex minimis meis fecisti vel non fecisti, mihi fecisti vel non fecisti?*⁵⁶ Statuamus igitur Dominum sedentem pro judice, diabolum pro accusatore, hominem quamvis ex nobis pro causa, et ad consuetam judicij formam.... redigamus.

Nec miretur quis si diabolum dixerim coram Deo, ut hominem accuset, astare, cum legatur in Job manifeste⁵⁷ : *Quadam die cum assisterent, etc.*

³⁴ Psal. 110; Eccli. 4. ³⁵ I Cor. 5. ³⁶ Matth. 21. ³⁷ Apoc. 5. ³⁸ Apoc. 5. ³⁹ Matth. 27. ⁴⁰ Isai. 35. ⁴¹ Isai. 40. ⁴² Jer. 17. ⁴³ I Cor. 2. ⁴⁴ Psal. 35. ⁴⁵ Psal. 57. ⁴⁶ I Cor. 11. ⁴⁷ II Cor. 11. ⁴⁸ Matth. 25. ⁴⁹ Cap. 1.

adfuit inter eos etiam Satan. Quod autem sanctum Job accusaverit, nec solum sequens demonstrat littera, sed et ipsius multiplex plaga. In Apocalypsi ⁴⁶ *etiam fratrum accusator dicitur, qui nunc tempore gratiae eo callidius accusare intendit, quo contra jacula ejus ignita homo cautius fidei suae sponsonem ad defensionem suam, et ecclesiasticorum sacramentorum munimenta prætendit. Venditus enim homo diabolo in servum per culpam primi parentis ante tempus gratiae, non tam callidos tentatoris sustinebat assultus; sed erat ei sicut equus et mulus, quibus non est intellectus* ⁴⁷; *et inde non erat in homines debacchandi tanta immanitas, cum resistendi non daretur hominibus ulla facultas. Verum, cum fortior Christus superveniens domum diaboli fortis intravit, et tulit vasa ejus* ⁴⁸, *acrius diabolus persequi cœpit alacrius resistentes, et eo callidores prætendit laqueorum insidias, quo plures vidit erectionis hominum vias, et tunc cœpit juxta beatum Job* ⁴⁹, *concupiscere escas electas; unde ad cribrandos etiam apostolos expetiit potestatem. Verum redeamus nunc ad id quod cœpimus, et accusatores quodammodo verbis utentes, apud patremfamilias sedentem pro judice, hominem in medio constitutum dissimilare studeamus, quasi dissipaverit bona illius. Astat, inquit, Domine, homo iste totus homo, totus hunus, totus caro, cuius in propatulo culpæ, cuius infinitæ contra majestatem tuam offensiones, cuius non levis culpa promeretur veniam, sed immanium pertinacia peccatorum iram provocat et vindictam. Si pertinaci de cætero parcere perseveras; si ad pœnitentiam toties oblatam, toties repudiataam adhuc tam obstinatum et ingratum expectas, jam non judicis agis officium, sed negligentis et remissi. Recordare, quæso, justorum judiciorum, et his qui oderunt te, retribue: non habet misericordia tua, Domine, quod objiciat, si jam nunc justitia puniat, quem incorrigibilem prorsus operum pernicies et series continuata declarat. Si nunc tandem dederis ei secundum opera manuum ejus, si secundum nequitiam adiunctionum ejus retribueris ei* ⁵⁰, *misericordia tamen tuæ non diceris oblitus* ⁵¹; *quia, me licet invito, damnatum citra meritorum exigentiam es puniturus. Hic misericordia superexaltabitur judicio, dum longe citra meritorum exigentiam deserviet pœnalis afflictio. At ne generalibus tantum methodis videar inhærere, et speciale crimen ei nullum objicere, ut cætera prætermittam, quæ et modum excedunt et numerum; super trium specialiter criminum culpa cum aggredior, et de transgressione triplicis adversus eum constanter intendo. Primo quidem eum plane pronuntio mendacem atque perjurum, secundo proditorem duplum et perversum, tertio raptoris ei impono crimen et vitium. Responsio in his omnibus sufficiens in evidenti est, et inductio manifestæ probationis in*

A promptu. Quis enim mendacem neget atque perjurum, qui factum celebriter, et sub legitimorum testium astipulatione promissum peccati chirographum mecum conscribendo delevit, et baptismi pactum tam solemniter habitum, tot testibus approbatum cum fidei suæ transgressione disrupt? Ibi, bone judex, tecum agebatur in dolo, ubi remissionem culpæ originalis impetravit fallax et verborum nubilo palliata promissio. Verum, ni fallor, Deus sic promissionem aut juramentum intelligit, sicut ille, cui promittitur aut juratur, intendit. Intendebasne, bone judex, ibi tecum agi in dolo, et silebas aut non intendebas; decipiebaris cui omne cor patet et omnis voluntas loquitur, et quem nullum latet secretum? At vero cum dolum perciperes, cur remissionem indulsist? aut certe cur non remisisti in dolo, ars ut artein falleret, et in soveam, quam fecerat, falsus promissor et compertus deceptor incideret ⁵²? Verum ne misericordiam tuam importune nimis videar increpare, qui judicium peto, quæ quidem, velim nolim, comes erit judicio; fueris licet in baptismo misericors aut remissus, et ætatem forte promittentis excuses; quis mihi de secunda et tertia aut certe pluries repetita promissione respondebit? non judicem cum reo in justa traho, sed judici offero judicandum; vel certe jam, si juste agitur, judicatum. Instituisti, Domine, tabulam secundam post naufragium, erectionem post casum, pœnitentiam post lapsum. Taceo et pretereo C quod in fraudem meam facta fuerit hæc institutio, et quia eam destruere non valeo, esto, sit rata sustineo.

Abrenuntiavit in baptismo reus hic Satanæ et omnibus operibus ejus, et omnibus pompis ejus, immemorque promissi, quam cito potuit abrenuntiatio se tradidit, et operibus ejus se implicuit, et pompis immiscerit. Verum cognito quod egerat, sententiam immutavit in melius. Esto, rediit ad cor conversus ut odiret populum suum et domum patris sui; esto, dereliquit *impius viam suam, et vir iniquis cogitationes suas*, et reversus est ad Dominum, et misertus est ejus ⁵³. Esto, dum tamen et id pariter constet quod sententiam iterum mutavit in pejus, et facta sunt novissima hominis illius pejora prioribus ⁵⁴: quod paucis ostendo.

D Memento, quæso, quod coram vicario tibi promiserit, coram Christo tuo, coram sacerdote videbilem tuo innovavit pactum baptismi, et debito renatae promissionis astrinxit. Nec est certe quod ibi excuset ætatem, quod causetur violentiam, quod prætendat insufficientiam. Venit ante sacerdotem tuum adulstus et discretus, promisit voluntarie et non coactus, et non impar humeris onus suscepit sponte intrepidus. Quid plura? uno eodemque momento et a sacerdote recessit, et a proposito resilivit: sefellit sacerdotem, sefellit te, sefellit se; abjecit jugum suave et onus leve, ac sub

⁴⁶ Cap. 12. ⁴⁷ Psal. 31. ⁴⁸ Matth. 12. ⁴⁹ Cap. 20. ⁵⁰ Psal. 27. ⁵¹ Psal. 97. ⁵² Psal. 7. ⁵³ Isa. 55.

⁵⁰ Matth. 12.

peccati jugo vetustam amplexus est servitutein abjecit vestem innocentiae et induit vestem concretam sanguine; abjecit breve pallium, quod utrumque operire non potest, et pallium, quod dominæ Ægyptiæ reliquerat, iterum apprehendit, et, ut brevius inferam, eo licentius ad perpetrata rediit, et nondum attentata aggressus est, quo majorum ante confessionem fuerat criminum reus, ut traheret restem longam, et quasi vinculum plaustri peccatum. Quasi igitur ad damnationem non sufficeret præteriorum fasciculus peccatorum, addidit promissionis transgressionem et fidei. Nec semel ad sacerdotem accessit in dolo, sed tempore determinato confitendi potius consuetudinem sequens quam conscientiae puritatem, semel in anno præcedentibus peccatis hoc addidit, ut in conspectu Christi tui mentiretur tibi et remissionem umbratilem a sacerdote reportaret in dolo. Quod si ordines sacros assumpsit, quibus est continentiae connexa promissio, et in ordinibus sacris ita inordinate se habuit, ut esset novissimus error peior priore⁵¹. Deficiet me tempus, si promissionum, quas tibi fecit, transgressiones, si votorum frustrationes numero: taceo de mendaciis, quibus semper quotidianus ejus sermo respersus est. Taceo de frequentibus et interlocutoriis juramentis atque perjurii, quibus tibi fragilitatem pro eo assumptam multipliciter objecit; quibus mortem, crucem, passionem, et cætera humanitatis impropria turpiter exprobavit, imo quodammodo Judaicæ rabiem crudelitatis excedens os ex te comminuit, imo ossa tua dinumeravit, et te quodammodo per minutissima ossa distraxit. Si hæc, Domine, levia putas, multum derogas beneficio humanitatis assumptæ, nec tua fateris in veritate membra vel vulnera, quæ tantiam faciliter sustines opprobriis, lacerari. Itaque aut injurias membrorum tuorum vindica et contumelias vulnerum, aut phantasma suis concede, sicut tui discipuli putaverunt. Igitur, judex bone, si principium verborum tuorum veritas⁵², imo si ipse veritas es, ex quo ablatum est ab ore rei hujus verbum veritatis usquequeaque⁵³, in veritate, quæso, judica et pro veritate animam occide, cuius os tam sœpe mentitum est, et ab oculis veritatis exclude perjurum. Satis super primo articulo disputatum esse crediderim; præsentim in conspectu tuo, cui nec verborum argutiae, nec rhetorice institutionis industria fidem dictorum facit; sed de vultu tuo, id est de cognitione tua, judicium proponit. Possent igitur ad propositum dicta sufficere, sed ut enumerationem elocutio consequatur, proditor evidenter ostendature et raptor. Proditorem primo manifeste demonstro. Numquid proditorem esse concedis, bone judex, eum qui manducat panes tuos, et magnificat adversus te supplantationem⁵⁴? Nunquid manus tradentis te tecum est in mensa,

A cum panem angelorum manducat homo⁵⁵, panem qui de cælo descendit et dat vitam mundo⁵⁶? nihilominus tamen communicat inimicis tuis, abit in consilio impiorum, in via peccatorum stat, et quod scelerius est, imo quod sceleratissimum est, in cathedra pestilentie sedere gloriatur⁵⁷. Aut traditorem talen esse concede, aut Augustinum tuum repelle plane dicentem, tantum peccat quis Christiani tradendo peccatoribus membris, quantum qui tradiderit eum crucifixoribus Judæis. Dispicuit tibi in discipulo tuo proditio, quæ non solam temporali punta est laqueo, sed igne irremediabiliter expiatetur aeterno. Consimilis igitur cur cessat ultio et retributio? cur tardatur, cum in hoc Jude successore crimen appareat proditoris. Communicaesti ei, Domine, de mensa tua, de altari sancto tuo, non quemlibet panem, sed panem angelorum: non quemlibet potum, sed sanguinem tuum pretiosum. Vero eum cibo saginasti, verum ei potum propinasti. Unde et dixisti: *Caro mea vere est cibus, et sanguis meus vere est potus*⁵⁸. Sedit ad mensam magnam, et cum similia preparare deberet, scilicet potius tibi propinare proposuit et acetum, rursum crucifigens sibimetipsi Filium Dei, et ostentui habens⁵⁹. Quid si eum tanquam fidem servum atque prudentem constitueris super familiam tuam, ut dares illi in tempore tritici, mensuram⁶⁰? Quid si de pane angelorum conficiendo eum ipsis angelis præfecisti, consecrationem Dominicæ corporis et sanguinis tui concedens, ad quam angelicæ naturæ puritas non accedit? Prospicere panem illum angelum cui cum treuore exsultant, sed confidere non attinent; non enim angelis mundissimis datum quod hominibus peccatoribus concessisti. In angelis tuis reperiisti pravitatem⁶¹, hominum peccata dissimulas; perditum hominem et cum quadam violentia et difficultate redemptum magis honorare videris atque diligere, quam angelum tuum nunquam perditum, ac proinde nunquam redimendum. Speciosum te forma facis præ filiis hominum appellari⁶², quasi homines præcellere tibi sit gloriosum, qui claritate visionis tuæ puritatem pascis et vegetas angelorum. Vere deliciæ tuæ esse cum filiis hominum⁶³, quibus non solum angelicam deputasti custodiari, sed et supra angelos humanam sustinuisti exaltare naturam.

Hinc quasi extra hominem positus homo Paulus audet se quasi angelorum judicem angelis gloriando præferre: *Nescitis, inquit, quia angelos judicabimus*⁶⁴? verum hæc tibi relinquo, judex bone, et sileo. Videant æquitatem oculi tui, an scilicet humana natura debeat angelos judicatura concendere, non digna sit potius nobiscum judicata descendere. Humilis quantumlibet angelos tuos, inclines quantumvis cœlos tuos, hominem subleves et sublimes, inveniat filius prodigus gratiam in conspectu patris

⁵¹ Matth. 27. ⁵² Psal. 118. ⁵³ Ibid. ⁵⁴ Psal. 40. ⁵⁵ Psal. 77. ⁵⁶ Joan. 6. ⁵⁷ Psal. 1. ⁵⁸ Joan. 6.
⁵⁹ Hebr. 6. ⁶⁰ Matth. 24. ⁶¹ Job 4. ⁶² Psal. 44. ⁶³ Prov. 8. ⁶⁴ I Cor. 6.

sui, et novem drachmis drachma decima perdita ac reperta præpollcat, ovisque centesima nonaginta novem relicis in deserto sit charior⁵⁹; sustin- ecce et tacco, dolere possum, invidere possum, impedire non possum; verum vellem sic te diligere hominem, ut odires proditorem; naturam te persequi nolo, sed vitium. Habet sibi humana natura titulos suos, habeat sibi prærogativam d'guitaris suæ, dum tamen inveniat culpa quod meruit, non eat in vacuum culpa, et homo quantumvis de dignitate status sui glorietur in pœna, hominem suscipe, si placet, sed despice proditorem.

Si mendacis hujus atque perjuri proditionem dissimulas, et occasiones more tuo queris ut parcas, justitia tua jam nunc injurias facis, quæ ultiōnem ex eo et me tacente reposcit. In evidenti enim est proditio quam propono, quam commensalis hic tuus inimicis tuis communicavit, pulsantibus aperuit, intrantibus obviā venit, grataanter suscepit, hospitio imo quanta potuit diligentia et sollicitudine eis est familiariter obsecutus, dereliquit novus Judas consilium pacis, et cum inquis consiliatus est. Nonne sunt quæ odisti, Domine, superbia, cupiditas, gastrimargia, luxuria, et hujusmodi? Quantam his familiaritatē ostenderit, quam devotum se in eorum obsequium dederit, si placet, paucis adverte. Quis natione coelestem superbiam in arce cordis sui sublimius collocavit? Quis ad serviendam mammonæ diligentiore curam impendit? Quis gulæ magis illectus ingluvie? Quis inquinatus magis sorde luxuriae? Quem, queso, magis inflammat, cupiditas, avaritia stimulavit, inflavit superbia, suspendit ambitio, effeminavit lascivia, luxuria sordidavit? in promptu demonstrare est quod aperuit diabolo et clausit Christo. Qui enim superbiam recipit, non solum humilitatem sed et humilitatis magistrum Christum excludit, qui et dicit: *Discite a me quia misericordia sum et humilitas corde*⁶⁰. Qui cupiditatem introducit non solum largitatem exterminat, sed et munera largitatem, qui ad astreundam liberalitatem largitatis suæ prohibet de crastino cogitare. Qui gastrimargia peritus non solum salutare jejunium aspernatur, sed et jejunatori claudit, qui *cum quadraginta diebus jejunasset, postea esurit*⁶¹. Qui in cubiculo suo luxuriam collocat, non solum sanctimoniam expellit, *sine qua nemo videbit Dominum*⁶², sed et pariter cum repellit, qui virginitatis gloriam dedicavit in matre, et cœlos cœpit virginitatis secunditate replere. Alias mihi sanguisugæ mea (sic) filias parit, sed prædictas quatuor specialiter perelegi, quæ optata mihi sæpius tropæa reportant et majora frequentius afferunt luxuria. Ut de primogenita igitur primo agatur, quæ mihi triumphum de homine isto reportaverit superbia paucis expono. Primo siquidem si quod unquam opus de genere bonorum fecit, verbi gra-

tia, si eleemosynam dedit, jejunavit vel oravit, si in lege Domini meditando aliquid quod dignum memoria crederet potuit scriptitare, aut consulte quid egit, superbia, quæ vult esse comes virtutum, pulsavit, intravit, accubuit, ac denique totum opus sibi ipsa possedit. Pulsavit, inquam, per operis considerationem, intravit per approbationem, accubuit per quamdam operis extollentiam et admirationem. Possedit per quasitam humani favoris et gloriæ laudem. Pulsavit, inquam, quasi prudens et discreta, intravit palpans et subdola, accubuit sublimis et gloriosa, possedit laudibus humanis præmiata. Pulsavit igitur caute, intravit obscure, acenbuit manifeste, possedit secure. Igitur qui cum Aioth ambidexter esse debuerat, cum diabolo facilius ambisinister, de dextera sinistram fecit, dum opus bonum sinistram informationis infectione pervertit. Sic ad sinistram declinavit et dexteram, imo sic sinistram confudit et dextram, ut et crucifigi tecum bonum operando noluerit, et a sinistris crucifigi bonum ipsum sinistre informando maluerit. Verum si hominem ex operibus judicas, a sinistris erit in iudicio, qui a sinistris fuerit crucifixus in mundo. Repleta erat dextera ejus muneribus⁶³, et diabolus stetit a dextris ejus⁶⁴, dum etiam bonum quod fecit pro munere fecit laudis humanæ; sic aquam egredientem de templo a latere dextro in sinistrum latus se dando sibi fecit inutilem, et Dominici cruoris a latere dextro fluente manantia ob copiosam quæ apud Dominum est redemptions, sibi prodesse non pertulit. Nec solum operibus ejus bonis bonitatem superbia vietrix invidit; sed et ut mala ipsa superbe fierent, et cum contemnen- tis vultuositate providit. Gloriari ausus est in malitia potens iniquitate⁶⁵, nec sub Deo et facie ejus fugiendo peccavit, sed contra Dominum et in faciem ei resistendo furoris Dominici ausus est provocare vindictam. Nihil enim tantum Deo legitur displicere, sicut post peccatum cervix erecta. Confringe igitur, Domine, cervicem peccatoris; elide pertinaciam tibi in faciem resistantis, qui de offensione tua erectus est in superbiam, et de mandatorum tuorum, imo tui ipsius contemptu in oculorum extollentiam et elationem. Quasi enim victoria de se habita exsultavit cor suum, et, tuo penitus timore sublate, dissimulare jam visus est aut nescire quod qui dormit adjicere habeat ut resurgat⁶⁶. Sic igitur superbia et bona ejus infecit, et mala perfecit, bonis abstulit condimentum, malis attulit complementum. Quæ divina esse videbantur, humana fecit, quæ humanæ erant fragilitatis diabolica esse perfecit, dum et bonis retributionem exspectavit ab homine, et de malis diabolica exemplum exhibuit elationis in homine. Gloriose igitur coronata superbia ad me est reversa de prælio dupli, ut dictum est, de hoste potita triumpho. Per superbiam

⁵⁹ Luc. 15. ⁶⁰ Matth. 11. ⁶¹ Matth. 4. ⁶² Hebr. 12. ⁶³ Psal. 25. ⁶⁴ Psal. 108. ⁶⁵ Psal. 51. ⁶⁶ Psal. 40.

itaque aperuit diabolo, et clausit Christo; quod tam etiam in eo cupiditas magistra persecit, quod tam pauperis status quam divitiae luxus ostendit. Si enim data est ei a Deo paupertas, data pio munere, non pauperem Christum sequi voluit, sed divitem munendum; sed nec portum secundum aureæ mediocritatis eligit, sed in incerto divitiarum speravit, et in auro spem posuit, in quo confidunt homines. Ad pauperis igitur cordis ostiolum cupiditas damnata pulsavit, intravit, accubuit et possedit. Pulsavit opum gloriam explicando, intravit promittendo, accubuit spem in eis firmando, possedit finem in eis beatitudinis statuendo. Pulsavit ostendens promittenda, intravit promittens ostensa, accubuit spem stabiliens in promissis, possedit finem constituenta in speratis. Pulsavit, cum ostendit omnia regna mundi, intravit quasi dicens: *Hac omnia dabo tibi, si cadens adoraveris me*⁶⁶; accubuit, cum sperare docuit in thesauris pecuniae; possedit cum, altero dominorum excluso, soli manumone fecit ex quieto, placito et certa deliberatione servire. Sic igitur itum est in viscera terræ, per fas et nefas divitiae conquisitæ, et thesauri latere volentes extrahuntur inviti; extracti iterum in alias tenebras retruduntur, ne liberalitas gratiosa disperget quod iniqua cupiditas aggregavit. Felicem igitur paupertatis statum sitibunda cupiditatis scabies inquinavit, medicinam convertit in morbum, et per anfractus desideriorum varios compendia ad patriam inducta distorsit.

De divitiae autem statu quid referam, quem sibi totum idolorum servitus vindicavit, qui necessario, vel iniquam facit, vel iniquitatis hæredem? Omnis enim dives iniquus aut hæres iniqui. Cum enim ad pauperem cupiditas ingeniosa pedentem introeat, vires sibi continuas ex divitiarum incremento multiplicat, quia quanto plura conquerit, tanto majora concupiscere avarus addiscit:

Crescit amor nummi quantum ipsa pecunia cre-
[scit⁶⁷.]

Sicut in morbo hydropici:

*Quo plus sunt potæ, plus sitiuntur aque*⁶⁸.

Cupiditas igitur, quæ pauperem allicioendo demulcit, divitias conquirentem cruciat et extorquet, divitem vero jam factum omnino sibi vindicat et absorbet. Ille est quæ oculus sapientium excœbat, et vires auctoritatis inclinat. Ille est quæ in severam tyrannidem reges impingit, quæ legum statuta pervertit, quæ prælatos Ecclesie Judæ proditori conciliat, et decretorum sanctiones enervat. Ille est quæ veritati patrocinium subtrahit, pauperibus justitiam, judiciis æquitatem. Igitur, ut ostensum est, aperuit diabolo reus iste per cupiditatem, clausit Christo: quod et illa potenter effecit, quæ per pomum veitii gustum primum hominem de paradiſo ejecit⁶⁹. Ille est gastrimargia, quæ et ipsa pulsavit, cum coquince

A labores et cibos obtulit delicatos; intravit, cum ventrem non fame, sed pretio invitavit; accubuit, cum docuit epulari quotidie splendide; possedit, cum pro Christo Dens esse venter incepit. Pulsavit per appetitus dulcedinem, intravit per gustus suavitatem, accubuit per consuetudinis absorptionem, possedit per illicitam ventris dominationem. Hinc imaginem et similitudinem Dei, quæ resulget in homine, cœca deformavit ebrietas, et in animal brutum insensata hominem sensualitas declinavit. Proditur deinde in affectum cordis, ex adipe prodit iniquitas, et a Nabuzardan principe coquorum captivatur Jerusalem⁷⁰. Sic super talentum plumbi sedens iniquitas a ventris ingluvie ad ignobilia membra et ventris amica descendit. Saginato enim ventre atque sarcito, furiata totum hominem libidinum pompa deambulat, et fremitu quodam effrenato ac concussione horribili, ad consensum genitalium cœterâ etiam membra potenter inclinat. Irrigatus siquidem corporis humor spinas germinat voluptatum, et quasi ratione sopita sensualitas sola humani corporis habet imperium. Et comessationibus profecto et ebrietatis humanæ compositionis organa cuncta delirant, et in vitium faciliter omnium membrorum natura degenerat. Lascivus in conviviis oculus luxuriantem frangit aspectum, unde legitur: *In conviviis luxuriantes, oculos habentes plenos adulteriis et incessabilis delicti*⁷¹. In conviviis litiis lingua balbutit, et garritu superfluo verba semiplena confundit: unde et linguae refrigerium specialiter dives in gehenna requirit. In conviviis dextra percussionibus sævit, et a verbis frequenter proditur ad verbera; unde et legitur: *Cui rixa? cui soveo? cui sine causa vulnera? cui suffusio oculorum? nonne his qui commorantur in vino et student calicibus epotandis*⁷²? Quid insuper, judex bone? Quid de christo tuo dices? de sacerdote sancto tuo? Imo si recte agitur modo qui pepones et alia et ollas cari ium sectatur Ægypti, et hesternam sæpius crapulam eructat in calice, quia licet tota nocte dormiendo transmissa et matutinis vigiliis, aut omnino præternassis, aut multipliciter syncopando transcursis, ex vino hesterno ructus inter sancta dedit ex indigestione convulsos. Prædixerat apostolus Paulus: *Habemus altare, de quo edere non habent potes: ateni qui tabernaculo deser- viunt*⁷³, id est corporum voluptati, et ciborum affluentie. Beatus Augustinus: « Si vinolentia, inquit, te ingurgites, quantaslibet lingua tua Dei landes sonet, vita blasphemat. » His ita transcursis breviter, restat ostendere quomodo per luxuriam aperuit iste reus diabolo, et clausit Christo, quoniam et ipsa pulsavit, intravit, accubuit et possedit. Pulsavit, cum per primos motus consensum expetiit; intravit, cum dulci medullarum calore consentientis membra perfudit; accubuit, cum ad operis illiciti patrationem victimum inclinavit. Possedit, cum incli-

⁶⁶ Matth. 4. ⁶⁷ Juven. sat. 14, v. 159. ⁶⁸ Ovid. Fast. I. I., v. 215. ⁶⁹ Gen. 3. ⁷⁰ IV Reg 25.

⁷¹ II Petr. 2. ⁷² Prov. 23. ⁷³ Hebr. 13.

natum sub loplide consuetudinis pressit. Pulsavit igitur per appetitum, intravit per consensum, accubuit per opus completum, possedit per consuetudinis vinculum. Pulsavit prætendendo naturam, intravit concipiendo culpam, accubuit patrando concepcionem, possedit repetendo de more patratam. Igitur si libido titillavit sensum, si ad illicita desideria naturæ languor allexit, non elisit reus iste nequitiam vi scientiae, nec parvulos allisit ad petram⁷¹, nec vulpes parvulas cepit, quæ demoluntur vineam Domini Sabaoth⁷²; sed statim libens ad consensum usque prorupit, et ad opus illicitum declinavit, in soveam turpitudinis sese præcipitem dedit, et consuetudinis lapide pressus et sepultus, contra Dominum obdormivit: clausit super eum puteus os suum, et *intraverunt aquæ usque in animam ejus*⁷³: hic solum tentationi ingruenti non restitit, sed eam ræpe prævenit, et concupiscentiam propriam irritando vicem nequissimorum spirituum gessit, quorum interest in tentationem inducere, et sotios sounitis igniculos congestis undique spinis et stipula suscitare, donec exardescat sicut ignis in spinis⁷⁴. Aperit igitur diabolo per luxuriam, et clausit Christo, quia non solum pulsantem suscepit hospitio, sed quasi renitentem traxit et allexit invitum. Quod si aream Domini statuit juxta Dagon, sicut plurimos est nunc temporis sacerdotum, qui Filium Virginis statuunt juxta filium Veneris, qui nec renibus præcinctis, nec corde præusto sacramenta mundissima præsumunt tractare immundi, et sacratissimum illud corpus non sindone munda involvunt, sed conscientia cruenta suscipiunt, non in monumento novo et exciso in petra suscipiunt⁷⁵, sed in sepulcro dealbato, pleno intus omni spurcitia et ossibus mortuorum⁷⁶. Plura ex his quam hic dicantur intellige, Domine, ne cause pariant compendia captata dispendium, et adducat brevitas circumcisus jacturam. In immensum enim protenderetur oratio, si per numeros, tempora et modos velim exponere quod cum inimicis tuis habuit commensalis iste tuus commercium, quod proditoris proposita notam babere constat et vitium. Non est diutius immorandum ut raptor ostendatur, qui proditor non dubitatur atque perjurus, ne poenam promeritam, quam deposco, oratio in longum protensa retardet. Raptorem ergo paucis adverte. Quis enim manifestam neget esse rapinam, cum res aliena invito domino contrectatur, et ad alterius dominium res proprio domino subtracta distrahitur. Hoc autem reus iste fecisse convincitur, qui animam a Deo non dataam ei, sed præstam, ab ipsis alienavit servitio, et meæ potius ditioni subjecit: de ancilla deitatis ancillam fecit iniquitatis. *Qui enir facit peccatum, servus est peccati*⁷⁷. Si raptor esse denegatur, raptoris nomen pariter evitet, et crimen, qui mutuari solet, et non solvere, debitor ingratus in mutuo, in deposito infidelis. Porro si talenti illius

⁷¹ Psal. 136. ⁷² Cant. 2. ⁷³ Psal. 68. ⁷⁴ Psal. 117. ⁷⁵ Matth. 27. ⁷⁶ Matth. 23. ⁷⁷ Matth. 25.

A evangelici, custos fidelis argultur, qui pecuniam domini sui abscondit, paratus reddere, propter usuræ incrementa commissum⁷⁸, quis impunitum abire permittat eum qui talenta commissa gratis et credita non multiplicavit ad gratiam, sed distorsit ad culpam? Propter enim lucrum divina ad usuram talenta est partitus, dum naturæ dotes et dona gratuita non ad auctorem naturæ retulit et gratiae largitorem, sed ad passiones ignominiae, ex bonis tuis occasionem sibi sumens et materiam delinquendi. Factus enim eo ad culpam pronier, quo naturæ dotibus et gratiarum largitate sublimior. Sic animam tuam, sic munera tua tibi, index bone, subtraxit, et preter beneplacitum tuum meo dominio subjugavit, de tuo inili te invito lucrum fecit, sorteque quam ad usuram propter mea lucra donavit. Taceo de rapinis manifestis, quibus non solum proximorum sarcinæ violentia auferuntur, sed res etiam pauperum indebet detinentur. Raptorem enim plane scriptura tua pronuntiat, qui pauperibus credita non dispensat, nec multum interesse commemorat, an sua non det quis, an diripiat aliena. Ut igitur quæ dicta sunt brevi concludam epilogi, finem suum mala videtur oratio consecuta, quæ et perjurum apertissime demonstravit, et proditorem irrefragabili argumento convicit, et raptorem manifesta ratione conclusit. Poenas igitur deposco, judex bone, quas meruit, justitiam nunc tuam de jure compilans, ne misericordiam de cætero negligentem aut remissam esse promittat; sed rem nominis impleat, manifesteque convicto retribuens secundum opera sua districta videlicet severitate quod justum est. Audistis, charissimi, quantis contra hominem hunc utitur argutiis humani generis inimicus, quantis persuasionibus utitur, quantis rationibus et iram judicis incitat, et peccatori poenam exposcit. Quis, quæso, ex nobis quibus specialiter sermo iste conscribitur, actus relegens vitæ præterit, in hujus accusationis distinctione non timeat? Quis sermonum istorum jacula ignita sustineat? Quis diffinitivum calculum in hujus causæ discrimine totis visceribus non contremiscat? Denique quis se ab injectis facinoribus sufficienter excusat? aut quis veritatem in hac disquisitione abscondat et deneget, D præsertim cum in conspectu agatur judicis cuncta cernentis. Cæterum non tantum præmissæ accusationis species contexta deterret, quantum accusatoris subtilitas, quæ non solum ex naturæ suæ perspicacitate, sed et longissimo rerum et temporum usu comparata dignoscitur; eo enim accusationi suæ fortiora ingerere argumenta credendum est, quo tenacioris scitur esse memoriae, quo perspicacioris malitiae, quo truenientioris invidiae. Præterea quos hominis sensus formido injecta non hebet? Quæ viscera horribilis non concutiat timor, quod in conspectu judicis veri pariter ac severi pro veritate cause videtur inesse, et non tam accusando iniqui-

tatis suæ venena diffundere, quam pro veritatis injuria declinare? Fateor, cum recogito annos meos in amaritudine animæ meæ⁷⁸, cum facinorum meorum seriem ad hujus accusationis justitiam oculis judicis antepono, irruunt in me formido et pavor, veniunt super me timor et tremor, et quasi quædam tenebræ cor meum caliginosa quodammodo involutione contexerunt. *Contristatus sum in exercitatione mea, et conturbatus sum a voce inimici, et a tribulatione peccatoris*⁷⁹: paululum tamen ab hac formidine respiremus, et ad respondendum objectis aliquatenus insistamus. Bene utique provisum est, si quadam levi exceptione quæ videntur occurtere, hujus accusationis posseimus molimina excusare.

Dicamus igitur sine præjudicio melioris consilii, imo dicat rens in judicio constitutus: Inevitanda, Domine, legum æquitate sancitum est, ne inimicus in accusationem inimici recipiat, quoniam sic pateretur persæpe veritas affectata calumniam, dum labore mordaci non culpam, sed personam persequeretur intendens. Patet autem quod hostis non solum meus sed humani generis inimicus antiquus accusationem in me contexuit istam, a qua, judex bone, dictam ob causam absolvi humiliiter peto, ne nocere mihi valeant maledicta, quæ in me ex antiquo labore congressit. Nil, inquit, accusator, nil tibi, proderit hoc commentum, quoniam quidquid subterfugiendo excipias, accusationis contextæ argumenta verissima non evitas. Esto, inquam, inimicus tuus esse concedar, et ideo in accusationem tui non admittar, dum tamen illa non sileat qua judge nemo nocens absolvitur, quam nocens quisque compellitur

Nocte dieque suo gestare in pectore testem.

Loquere, inquit conscientia, loquere quæ de more nocentes accusas, quæ mordacibus aculeis pungis et crucias, et ante poenas infernales misericordum animos iminisericorditer extorques et laceras. Loquere, quæso, loquere conscientia, secretorum abscondita profer ad lumen, et quæ in tenebris facta sunt prædicta super tecta. Clama, quæso, ne cesses⁸⁰. Quid, inquit conscientia, quid clamabo? unde incipiam? Quo gesta hujus hominis sermone describam? visne ut longissimæ iterum accusationis argumenta contexam? Porro cujus aures ad audita non tinniant, si quæ mihi implicite reservavi explicare contendam? Ceterum ut paucis me licet expedire, orationi tuge plane consentio, et quæcunque intulisti vera esse propono. Imo veritati plurima ad digne memoranda oratio circumcisa subtraxit, reique seriem minus evidenter brevitas affectata disseruit. Ad enarrandas siquidem et enumerandas punctiones meas, et mordaces repercussionum mearum aculeos, quibus ad excessus singulos hominem miserum ultrix insatiata rodebam, sermo nimurum mihi de-

A sicut, quia non sufficit, quoniam in his nec modum sermo rebus inferior æquat, nec numerum arena compensat. Ex paucis autem novit judex tuus multa colligere, cui præter Simonis officia omne cor patet, et omnis voluntas loquitur, et ad quem etiam facendo clamatur. Quid nunc, inquit accusator, quid miser homo ad ista respondes? Quia nunc exceptione poteris cavillari? Quia poenam promeritam interpositione niteris remorari? An et hanc inimicam tuam dices, quia testimonium perhabet veritati⁸¹? Usque adeone veritas tibi odium parit, ut præter verum nihil in hac causa formides? conscientiam tibi conscientiam tuam veritatis occasione hostem familiarem, et ad nocendum efficaciem esse proponis? Si et hanc inimicam tuam judicas, B ipsos veritatis assecras angelos pro veritate testes invoco et induco, si tamen voluerint loqui quod sciunt, et testari quod viderunt. Quinimo loquantur de te, ut volunt, testificantur, ut libet, mentiantur, si licet, et per mendaciorum angelos falsitatisque diffugia veritatis, si possunt, plana declinet. Loquatur, quæso, Domine, angelus ille potissimum, qui ei ad custodiæ inutiliter deputatus angelo Satanae victimæ toties cessit, et in omnibus consiliis suis repulsus et spretus, quasi subtristior sæpius et confusus abscessit. Unum, judex bone, unum finaliter peto, ut patrocinium causæ meæ veritas præstet, et invitum pro veritate discrimen soror veritatis justitia judicium accelerando difficiat. Utinam, fratres mei, in hujus etiam coangustationis articulo excongitaret locum exceptio, quæ conscientiam ab hujus accusationis importunitate repellere, et hominem hunc ab imminentis diffinitionis calculo liberaret! Excipiendumne est quod mulier in accusatione non recipitur, nisi de sua vel suorum injurya agatur? Conscientiam nomine feminino censeri manifestum est, quare ipsam ab accusationis jure figura dictionis videtur excludere, ipsaque rei proprietas nomine feminino signanter expressa.

At manifeste, inquit conscientia, de mea agitur injurya, quoniam munda a Deo creata sum, munda tibi, miser homo, a Deo data sum, munda custodiri jussa sum, et ne quid in me spurcitæ originalis malicie surculus reliquisset, ab ejus traductione in baptismō fidei, aut sacramentorum instructio non rationis a Deo insitæ mihi, aut Intelæ profecit, quominus renitentem me ad illicita desideria traxeris remordentem, quominus renitentem me pollueris et invitam, quominus in conspectu Creatoris nostri, et sanctorum angelorum fetere me feceris inexstincta semper rationis scintilla repugnantem. Mea igitur, mea est injurya, mea agitur causa, mea est specialiter accusatio et querela. Quid nunc, charissimi, quid contra hujus responsionis argutias ingrendendum? An adhuc inutilibus exceptionibus insi-

⁷⁸ Isa. 15. ⁷⁹ Psal. 54. ⁸⁰ Isa. 58. ⁸¹ Joan. 5.

stendum ? Accusationem profecto declinare non possumus, veritatem negare in conspectu tanti iudicis non audemus. Nihil, ut dictum est, exceptiōnibus agimus, quoniam si inimicum ab accusationis iure repellis, conscientia prosiliens suas proclamat injurias. Quod si et hanc repudias, verissimi testes angeli invocantur. Quid igitur quis nobis advocabitur in curia hac tam justa, tam vera tamque severa patronus ? Si enim vel judicem ipsum, vel aliquem quantumlibet humilem de assessoribus ejus offendimus, omnes pariter nos offendisse necesse est, quoniam omnium eadem voluntas est, fraternus in alterutruim amor, mutua inter omnes affectio, compar et sincera connexio charitatis. Quoniam igitur nobis ipsi non sufficiimus, sed sufficientia nostra de Deo est ⁸⁰, queramus advocationem ab eo necesse est in causa nostra atque consilium, et dicamus : *Quis consurget mihi adversus malignantes, aut quis* ⁸¹, etc.? A quo enim aptius querimus advocationem quam ab eo qui et ipse advocatus noster est apud Dominum et Patrem ? A quo autem consilium utilius querimus, quam ab eo cuius nomine est *consiliarius*, ab Angelo magni consilii, a quo recta consilia ? Astant autem in curia ista regali tres filiae regis, penes quas totius curiae non ex minima parte pendet auctoritas ; per quas tantummodo et peccatores ad veniam et justi propinquant ad palam.

Astant vero, ut tanti regis decet filias, in habitu honorato, in vestitu deaurato, circumaniectae varietate ⁸²; in auro sapientiam accipio, eam quidem quæ stultam fecit sapientiam hujus mundi, de qua dicitur : *Perdam sapientiam sapientium, et prudentiam prudenter reprobabo* ⁸³. Varietas autem in donorum diversitate consistit, unde et apparuerunt apostolis dispergitæ lingue ⁸⁴. Sunt autem hæc tres regis summi filiae, tres virtutes catholicæ, fides, inquam, spes et charitas, in horum varietate gratiosa delectatur sapientia, ludens coram Deo in orbe terrarum. Quis enim in terra ludus acceptabilior ? quæ varietas delectabilior ? quæ delectatio sapidior, quam in earum affectibus cum vita æternæ prægustatione dulcissima meditari, et earum suavissimos motus alternis permutationibus sentire ? Nunc enim ordine naturali a fidei motu surgimus ad sperandum, et hinc ad charitatis sublimati fastigia in eis latitudine delectamur. Nunc artificiali potius ordine delectati charitatem proponimus, quæ alias informationis dignitate præcedit, et affectus sui prærogativa facit ut virtutes sint ceteræ.

Primus ordo, quem naturalem diximus, denotatur cum dicitur :

*Prima petit campum dubia sub sorte duelli
Pugnatura fides.*

Secundus autem exponitur cum dicitur : *Major autem horum est charitas* ⁸⁵. Habent et singulæ aurum

A snum, habent singulæ varietates suas, de quibus nunc dicere præsentis negotii non est. Sed nec virgines istas, tam venerabiles, tam grato-as tamque decoras introducere potuimus, quin eorum aliquatenus laudibus assurgentess, quasi quas tam interponeremus breviter amatorias cantiones. Illarum igitur patrocinium a judice postulemus, sine quarum ductu prævio non est nobis ad misericordiam pii Patris accessus, sine quarum administratione judicem nullum mortalia poterit videre securum. Accedant igitur, quæso, tres sorores, vel ex auctuanti potius misericordia qua præcellunt, sese ingerant non rogatae. Ne, quæso, exspectent ut reus in judicio constitutus in tanto discrimine tremebundus et pallens, vel meritis eas præcedentibus B advocate, vel precibus compositæ interjectionis alliciat. Vitæ siquidem præterita tenor et series eorum manifeste patrocinia demeretur, congelatique magnitudo timoris loquendi excludit audaciam, et vocis quodammodo stringens arte:is, sonos vix exire permittit inter alta suspiria crebris singulibus syncopatos. Prosiliens igitur in medium :

*Ut improba semper et audax.
Prima petit campum dubia sub sorte duelli
Pugnatura fides.*

Et ut homini tam multipliciter aggravato cum sororibus suis prædolente licenter possit auxilio, et adesse consilio, mansuetudinem pii genitoris reverenter implorat. At inimicus atrox pium opus, ut ei semper est moris, nititur impedire, et in ipsam livoris etiam aut qui venena contorque. Quid igitur, o alma fides, quid tuæ detrahis puritati ? Quid notitia tuam, aut dissimulas aut excæcas ? nescis me pro tuis hoc discrimen inisse injuriis, quæ, si tacuissem, eamdem debueras querimoniam texuisse ? nunc autem i a rerum ordinem invertendo pervertis, ut athletæ tuo nocuum entum præpareres, adversario patronatum. Quod si jam tuos inimicos et odientes te diligas, soveas persequentes, inimicantes enutrias, quid de cætero clamitas in plateis, prædictas in ecclesiis et miracula tua cum præmiorum promissione annuntias et proponis ? Jam enim, ut video, te despiceré gratum est, te persequi uile, te mortificare securum. At vero si consueta te impellit improbitas, ut te mibi pro te tu que sororibus laboranti constanter opponas, tuis nunquam incœptis assentiet soror tua spes, quæ nimirum consilio maturior est, proposito firmior, et ita, ut decet, severitate districtior. Tuque licet dissimiles verba apostoli dicentis : *Fides sine operibus mortua est* ⁸⁶, et mortificationem tuam surda licet aure pertransens, illa tamen suas ulcisci potest injurias, quæ transgressionibus suis pœnas sub maledictionis promulgavit edicto. Maledictus homo qui peccat in spe. Ad tuæ vero improbitatis propositum sese

⁸⁰ II Cor. 3. ⁸¹ Psal. 94. ⁸² Psal. 44. ⁸³ I Cor. 1. ⁸⁴ Act. 3. ⁸⁵ I Cor. 13. ⁸⁶ Jac. 2.

longe difficultius inclinaret ea quæ dignitate sublimior, constantia permanentior, et aliis asseritur major, quo summae justitiae et aequitati scitur esse vicinior. Hæc est charitas, quæ omnium injurias virtutum suas esse pronuntiat, et in una sui transgressione omnes pariter virtutes læsas esse asserit atque proscriptas. Ut igitur breviter inferam, vestrum pariter patrocinium reus iste demeruit, qui te sapient, o fides, mortificavit per opus illicitum, et in spe peccando frequentius maledictionem induit sicut vestimentum, et in uno, hoc est in charitate crebrius delinquendo, reum sese constituit omnium. Ad hæc fides, o serpens antique, o virtutum omnium persecutor et æmule, meone calcaneo ponis insidias, sororumque mearum rectitudinem sermonum versutiis labefactare pertentas? Nihil agis, nequissime, exhortationibus tuis, nil sermonibus proficiens venenatis, quia nec tuas ignoramus astutas, nec a piissimi Patris nostri cognita voluntate, nec ab insitæ mansuetudinis intemerato trahite declinamus. Scimus, perditissime, scimus quid divinæ voluntati complaceat, quid justitiae conveniat, quid competit aequitati; quippe quæ divino conspectui semper astamus, et quæ apud eum diuinitatis arcana vidimus et audivimus, pro salute hominum loquimur hominibus et testamur. Institutionis itaque nostræ est et non tuis exhortationibus credere, non argutiis et persuasionibus cedere; sed contra tua venena nequitiae salutiferæ curationis antidotum propinare. Assumis autem Testamentum Dci per os tuum, et ad perversitatis tuæ propositum astruenJum, renitente Scripturæ rectitudinem niteris retorquere. Mortificatum me operibus esse proponis, peccatum in spe pronuntias, et in uno, hoc est charitate, delictum accusas.

Verum, nequissime serpens, eo in conspectu Altissimi viridior apparo, quo nequissimorum hominum operum mortificatione fuero ad tempus ari-dior; et quod mihi gloriosior erit in resurgendo triumphus, quo fuerit in hominis delicto casus dejectior; ubi enim superabundavit delictum, superabundavit et gratia⁸³. Soror autem mea spes, quæ non confundit, quæ semper delectatur in bonis, et quantumlibet sæpe perversos a via sua mala præmiorum promissione avocat et reducit, tuas respuit in te calumnias quæ finaliter tantum delinquentibus in eam, et obdormientibus in morte maledictum intentat, et de nullo desperandum esse pronuntiat, quandiu positus fuerit in vita mortali. Cæterum excellentissimam sororem nostram divini singulariter vultus insignitam lumine et impressione signatam; charitatem, inquam, arguendo competere quæ te impulit impudentia frontis attritæ, cum ei proprium esse non ambigas inimicos diligere, pro consequentibus exorare et vincere in bono

A malum? Quæ cum omnia sustineat patienter, et faciat id solum cum pia quadam violentia, facit quod violenter indulget. Non hæc pro te characterem suum, non morem deseret usitatum, sed læsa quantumlibet, quantumlibet spreta ad lapsorum se humiliiter inclinabit auxilium, et ad afflictorum se ingeret patronatum. Denique filiæ regis sumus, cui proprium est misereri semper et parcere, qui omnipotentiam suam parcendo maxime manifestat, cuius misericordiae sunt in omnia opera, eum nobis imitari libet, refragari non licet. Misericordiam itaque non relinquimus quam a pio Patre didicimus nec condemnamus miseriam, ne miserendi gratiam præscribere videamur; sed nec multum movemur si oculus tuus nequam est, quia bona sumus.

B Impetrata igitur a Patre misericordiarum licentia, tres præfatæ sorores, reclamante adhuc dæmone aut confuso, ad hominis patrocinium accinguntur in parte, eum secreto trahunt, et ut ad consilii rectitudinem dirigatur intendunt, sicque hominem fides aggreditur. Vides, inquit, homo, in quantis te accusant? Audis quanta adversum te dicunt testimonia? Quid igitur respondes ad ea quæ isti adversum te testificantur? omnis tibi via negandi præcluditur, et consisteri necesse est, aut tacendo convinci, quoniam non judici solum, sed et assessoribus ejus, sed et sanctæ astantium multitudo, sed et nobis ipsis quæ concilio astamus præsentes nuda patet veritas conversationis tuæ, nude cognita est series vitæ tuæ, nude manifesta opera miseriae tuæ. Ast non consideras pro quanta re periculum hujus causæ subiisti, quanta debeat pœna exspectare convictum.

C Scisne si a causa cecideris, præparari tibi ignem æternum, qui paratus est diabolo et angelis ejus⁸⁴? Scisne lectulum tibi in exterioribus tenebris sterni, ubi erit fletus et stridor dentium⁸⁵? Non hæc profecto super pecunia modica quoquomodo ventilatur, sed tanto severius super talentis a Domino commissis exigitur. Non super hæreditate temporali et contemptibili disceptatur. Non super vestimento quod atteritur, non super esca quæ mittitur in secessum, sed super decore domus Domini, aut horrore carceris ipsius quasi hæreditario jure in perpetuum possidendi ab anima, quæ est plus quam esca, et a corpore, quod plus est quam vestimentum. Si in tantæ necessitatis articulo, si in tantæ disceptionis periculo, consilium tibi est, edissere, quæso, festina, et dic: judicium nos vocat, non est mora libera nobis, dum responsum tuum chorus tam reverens exspectat. At vero trementem te videmus, et pallidum, et præ horroris magnitudine omnem consilii viam menti attionitæ cernimus esse præclusam. Ne vero totum te absorbeat timor, et in odibilem Deo desperationis foveam horribili ni-

⁸³ Rom. 5. ⁸⁴ Matth. 25. ⁸⁵ Matth. 8.

mis concusione dejiciat ; jam nec ingerimus du-
riora, nec aspera comminamur ; sed liberationis
via tibi facilem et utilem aperimus ; siquidem si consiliis nostris inniteris, si cogitatum tuum
jactas in nobis, et mouitis salutaribus acquiescere
non abborres, adsumus ecce tibi paratum auxilium
et patrocinium prestituræ, quoniam et præterito-
rum tibi criminum veniam, et a judice sustinen-
tiam, ut ad meliora te præpares impertimur. Pos-
sumus quidem imminens protelare judicium, sed
omnino frustrare non possumus, quia qua nescis
hora ante tribunal judicis astare oportebit, ut re-
cipias prout in corpore gesseris, sive bonum, sive
malum. Verum nisi consilio nostro te substrabis, et
ab imminentibus te periculis liberamus, et ut ju-
dicii diem abhorrere non debeas edocemus, ut vi-
delicet et hinc liber abeas, et de hinc judicis faciem
possis videre securior.

Assentimus, inquit sorores, et quod tibi pro
nobis soror nostra promittit, nosque tibi firmiter
pollicemur. Euge, inquit fides, aut consilio nostro
cedere et liberari, aut a nobis recedere et tuo me-
rito judicari. Quis in tanto, fratres, discrimine li-
berationem non eligat ? Quis consilium utile negli-
git et repellat ? Imo quis tam inconsultæ mentis
esse potest, ut consulentem tam salubriter non ad-
mittat ? Credo igitur, inquit peccator, credo tibi,
domina fides ; adjuva incredulitatem meam, et in-
sufficientiam meam quæ ex me est perfice in semi-
tis tuis ; illumina, quæso, tenebras meas et do-
ctrinæ salutaris me luce perfunde, ac splendore
tuæ claritatis illustra. Non deerit, domina, qui im-
pleat, non desit qui jubeat, nec aliud unquam leges
in facto, quam nunc me proponere conspicis in pro-
misso. Ad votum, inquit fides, cuncta proveniunt,
securus ad judicium redi, et peccatorum veniam et
a judice sustinentiam relatus. Verum oportet ut
prius onus leve ac jugum suave suscipias, et sic
nobiscum ad judicem securus accedas. Expedit ita-
que ut deinceps in fide recta, spe firma et chari-
tate non flecta jugem circumferas peccatorum me-
moriæ, contritionem continuam et poenitentiam
fructuosam ; et præterea ne recidivum ullenus
patiaris, Christianæ discretionis te convenit adhi-
bere cautelam. Satisfactionem enim temporalem,
quæ tibi post confessionem ad arbitrium fuerit sa-
cerdotis injuncta, pro minimo reputa, vel certe jo-
cosam potius dico, quia non solum a morte libera-
bit æterna, sed et a pena illa purgatoria, cui nullum
Siculus potuit tyrannus æquare, imo cuius
respectu omnis pena mundialis mellita potest appella-
ri suavitas, glacies æstimari pro balneo, caminus
pro refrigerio.

Mi domina, inquit, videtur leve quod dicas, suave
quod præcipis, tantummodo ab imminentis me ju-
dicii horrore per dilationem quantilibet liberare
festina. Festinemus, inquit sorores, causam refera-

A mus ad judicem, et pro dilationis commodo breviter
peroremus. Sic igitur consolatum aliquatenus homi-
nem, et jam de sua liberatione sperantem ante tri-
bunal judicis iterum statuunt, et, ut regales virgines
debet, vultibus verecundis a judice pariter audienciam
postulare videntur, et a vulgo silentium. Prima
autem fides, ut coepit, auctoritatem sibi patronatus
assumit, et accusationis longissimam seriem brevis-
simæ oratione retundit. Satis, inquit, judex bone,
superque quam satis est, interni venena livoris ex-
pliavit serpens atrox, invidus, et, ut diabolicum de-
cebat ingenium, accusationis suæ callidius argu-
menta contexuit. Quippe quoniam ab antiquo serpens
callidior cunctis animantibus quæ sunt in terra ^{et}.
Verumtamen non singula ejus jacula singulari de-
fensione repellimus, nec singula argumenta singu-
laris responsione dignamur; sed ratione promptissi-
ma, brevi atque dilucida, omnia simul objecta di-
luimus. Angustissima siquidem curia hujus sacra-
tissimæ lex est, et duobus tantum conclusa sermo-
nibus : peccasti, quiesce. Huic legi, Pater miseri-
cordissime, adhæremus firmiter, et dilationem ju-
dicii legis hujus auctoritate requiriimus, quanam sola
poterit edocere dilatio utrum deinceps a peccato
quiescere debeat, qui se peccasse non negat. Age
enim, ut partem adversam aliquatenus sovere videa-
mur, peccavit super numerum arenae maris et mul-
tiplicata sunt peccata ejus. Esto, sed major non est
iniquitas ejus quam ut veniam mercatur; quoniam
autem excedit misericordia divina miseriam, omni-
um iniquitatum ejus, Domine, non recordaberis,
si tamen quieverit agere perverse, et didicerit bene
facere. Denique non de novo imbuendus accedit,
non nunc primo instruendus doctrinæ salutaris ru-
dimenta depositit, sed fidei Christianæ mysteriis et
sacramentorum munimento suffultus, ad conversa-
tionis sacra monumenta expeditius se vertit. Ut igi-
tur de cætero arctiori tibi debeat teneri promisso,
audi, Domine, si placet ab ore ipsius qualiter in fide
fundatus, roboratus in spe, radicari nunc incipit in
charitate; et quidquid vitiorum, fallente diabolo,
contraxit, qualiter et quæ ignoranter peccavit emen-
dere proponat in melius. Dic igitur : O homo, cre-
dis in Deum Patrem omnipotentem ? Credis et in
C filium ejus natum et passum ? Credis et in Spiritum
sanctum ? Denique ut breviter inferam : Credis
omnia quæ ab orthodoxis Patribus, tam salutaria
esse dicuntur, ut sine illorum fide salus esse non
possit ? Credo, inquit, domina, credo firmissime;
quippe qui sacro ab infantia baptismate lotus, in
Catholica semper nutritus fide, et ab ejus firmitu-
dine nulla unquam hæsitatione nutavi, nullis un-
quam peccatis ingruentibus deviavi. Prävaluit, fateor,
inimicus adversum me, dum fidei meæ virtutis abs-
tulit formam, sed non potuit fidei labefactare sub-
stantiam, ut non esset in me fides omnino non potuit,
sed ut virtutis characterem non gustarem effecit.

Audis, inquit fides, judex bone, quid ore confiteatur, nec minus quid credit corde consideras. Fundamentum immobile domui sue substravit, et firmissimo sibi stationem habitaculo collocavit. Fundamentum siquidem positum est, praeter quod aliud nein ponere potest, homo Christus Jesus. O spes alina, o soror charissima, cur quid in isto homine habeas non declaras? ut vel interrogatus manifeste respondeat quid de resurrectione corporum sentiat, quid de sanctorum gloria in utraque stola et immortalitate cum Christo? Manifeste, inquit homo, coram hoc sacro conventu confiteor, quidquid de fide Catholica in ecclesiis prædicatur, quidquid de spei sacræ securitate asseritur, quidquid de charitatis efficacia præcellenti a doctoribus sacris astruitur, sed nec discussionem de his fieri oportet, nisi virtutum mihi gratiam et efficaciam salutarein patrata frequentius iniquitas subtraxisset.

At vero, inquit fides, quidquid usque in hanc horam contra Dominum deliqueristi, polliceris deinceps in fide recta, in spe firma, in charitate non ficta, et de præteritis peccatis pœnitentiam, et de futuris habere cautelam; polliceor, inquam, domina, nec aliud unquam me velle aut sensualitatis vigens appetitus, aut sæculi pertransiens luxus, aut diabolici faciet furoris incursum.

Quid igitur, inquit fides, judex bone, quid restat nisi ut liber hinc abeat, qui tam Christianas in præsentia tua promissiones inculcat? Jam enim indigere non videtur advocato qui sic allegat pro se ipso, qui sic et peccatis renuntiat, et mandatis tuis inhibere proponit. Superest igitur ut operi manuum tuarum porrigas dexteram, et principe hujus mundi ejecto, creaturæ tuæ tibi retineas solus imperium. Nec enim de facili relinquendus est Satanæ filius adoptionis tuæ, nec servus immisericorditer est repellendus, pro quo filium tradidisti. Assurgit fidei sacræ sic oranti sacer assidentium chorus, et ut a judice judicij dilationem, et reo veniam impetrat, quam depositit, non tam clamore vocali quam vultibus humiliter inclinati reverenter implorant. Hic gloria mediatoris Dei et hominum mater eo efficiens intervenire credenda est, quo judicis familiarius throno participat, et ad dexteram majestatis in excelsis sublimis coronata tripudiat et triumphat. Quid autem quod ei inde negare possit aut debeat? Si ipsi ubera quæ lactaris ostendas; si sacræ infirmitatem infantiae, quam materna sedulitate supportavit et foviit, supplicando commemoret; si hanc ipsam peccatoribus occasionaliter attribuat dignitatem, quod virgo simul et mater est, unde et eorum specialiter debeat supportare miserias. Specialiter etiam hic pro peccatoribus interserit preces. Si quis sanctorum ab eo speciali fuerit honoratus obsequio, et inter alios cultu frequentiori et oratione ferven-

Atiore præventus. Nec enim sanctorum alii alios cultu frequentiori, meritis et præmiis antecellant, plurimum tamen maiores deferrre minoribus, et eos honore prævenire creduntur, ut minorum sæpius intercessio largiatur hominibus quod sublimiorum gratia major et gloria postposuit impertiri. Quod quidem, nisi verum esset, nunquam B. apostolus et apostolorum princeps Petrus cæcum illuminandum Chrodebertæ virginis reliquisset; nam hoc in legenda ejusdem virginis plenius declaratur. Igitur flexus multiplicatis intercessoribus index, et reo conferre veniam, et differrre videtur sub hoc tenore sententiam: Vade, inquit, o homo, et ostende te sacerdoti tuo, medico detegi vulnera tua, si vis a vulnerum sorde detergi. Alioquin non consequuntur vulnera sanitatem, sed, ebulliente sanie magis ac magis in fetore suo, ad internectionem usque putrescant. **C**onfide, fili, remittuntur tibi peccata⁸⁸, si tamen et confusione salutarem et pœnitentiam amplecti desideras fructuosam; vade igitur, et amplius noli pecare, difficiliora pericula judicij subiturus, si terrore jam tremendæ hujus discussionis abjecto pati malueris recidivum, et reverti tanquam canis ad vomitum⁸⁹. Nec longius te nunc sermonibus edocere, nec præceptorum ordinem longiori expedit oratione revolvere. Habes Moysen et prophetas, imo habes apostolos et evangelistas, habes doctores et pastores in ministerium fidei missos: Qui hos audit, me audit⁹⁰. Habes etiam verbum abbreviatum, si te tamen brevitas gratiosa delectat. Ilabe charitatem, et fac quidquid vis.

DSuper hæc omnia habes et gratiam meam, nisi gratiæ desis, quæ nisi eam turpiter, et quasi importunitate violenta repuleris, semper erit tibi in promptu tuos suppletura defectus, et salutares præstituta profectus. In his itaque hortor te vivere, ista ineditari, sicutque meditando et vivendo modicum adhuc semper exspectare, donec superveniat inexcusabilis tibi dies judicij, in qua non verbis, sed operibus allegabis, non cavillationibus argues, non dilatoris exceptionibus ages, sed in momento, in ictu oculi⁹¹ de fructu manuum tuarum dabitur tibi, et prout in corpore gesseris bonum malumque recipies. Ea tibi dies eo certius timeatur, quo ventura scitur incertius, semperque judex credatur esse in januis, de quo præcise provisum est quod veniet improvisus. Dies enim Domini sicut fur ita veniet⁹²; nescis an sero, an media nocte, an galli cantu, an mane⁹³; judicis autem, tam improvisi toties citationem accipies, damna, pericula, infirmitates, hominum mortes, et cætera omnia providebis, quæ temporalium dulcedineum multiplicitate amaritudinis interrumpt, et mortiferas carnis illecebras multo sale confiant, ne dulcescant.

⁸⁸ Matth. 9. ⁸⁹ Prov. 26. ⁹⁰ Luc. 10. ⁹¹ I Cor. 15. ⁹² Luc. 12. ⁹³ Marc. 13.

Hæc omnia per præambulos judicis nuntios esse perpende, omnesque perelevatorias citationes existima; quæ quidem tam frequentes tibi erunt, ut nec sollicitudinem tuam ulla tibi delectatio temporalis extorqueat, nec diligentiam tuam somnolentia damnosa corrumpat. *Hoc fac et vives*⁹¹. Alioquin cumulus tibi damnationis erit impetrata dilatio, quia quo in peccatis fuerit pertinacia longior, eo in tormentis erit afflictio major; nec tamen tibi si cederis, resurgendi via pœcluditur, quoniam usque septuagies septies dimittendi forma tradita infrustratur. Igitur, ut dictum est, impetrata dilatione judicii, reum judex libertati reddidit arbitrii, suspensa securi altius et sublimius elevata, ut fortius feriat, si continuata fuerit iniquitas; mirabilius eripiat, si justitia eligatur et æquitas; coronet gloriosius, si perseverantiae longanimitas consequatur. Sic ergo ab imminentis periculo damnationis eruptus homo dicat: *Nisi quia Dominus adjur me, paulo minus habitat in inferno anima mea*⁹². Sicut autem ab initio hujus opusculi pœlibatum est

A nobis in sæculo constitutis, quorum necessario sunt actus in tumultu, qui quia quotidie necesse habemus aut perire aut vincere, qui in medio lagaeorum ambulamus, qui quoconque nos vertimus, insultante cernimus inimicum; nobis, inquit, ut æstimo, non erit inutile, si discussionem hanc sepius aut mente volvamus, aut de nobis jam factam, aut præteritam esse credamus, et ad actus singulos dilationis indeterminatæ spatium nobis a judice attendamus indultum, et sub imminentis nos judicii semper periculo moveri, vivere et esse. Sic declinare a malo incipientes faciet timor, ac deinceps progredientes per Dei gratiam, et ut bonum facimus faciet amor, donec in virum perfectum evadamus, in mensuram plenitudinis Christi. Deus autem pacis, qui eduxit de mortuis pastorem magnum in sanguine testamenti æterni Dominum nostrum Jesum Christum, aperte nos in omni bono, ut faciat in nobis quod placeat coram se, per Jesum Christum, cui est honor et gloria in sæculorum. Amen.

FRAGMENTUM⁽⁷⁾

..... dicebat: *Qui enim facit peccatum, servus est peccati*⁹³; qui autem servus est, non omnino liber est. Unde et malum quod non vult illud facit, et bonum quod vult illud non facit⁹⁴. Ideo et Paulus abstractus, et illectus a concupiscentia sua dicebat: *Carnalis ego homo, et venundatus sub peccato*⁹⁵. Iste carnis homo non sapit nisi carnem. Unde et carnalibus desideriis se involvit, sequi effundit ad omnem impetum voluptatis. Sed hæc voluptas in nauseam convertetur, et cumulus deliciarum convertetur in cumulum tormentorum. Sicut Dominus de Babylone dicit: *Quantum, inquit, exaltavit se in deliciis, tantum date ei tormenta et luctum*⁹⁶. De animali dicit Apostolus: *Animalis homo non percipit ea quæ sunt Spiritus Dei. Stultitia enim est illi, et non potest intelligere, quia spiritualiter examinatur. Spiritualis autem dijudicat omnia, et ipse a nemine dijudicatur*⁹⁷; terrenus terram sapit, carnis carnis desideria. Animalis autem in tenebris ambulat; scientiam viarum Dei stultitiam reputat; dicit bonum malum, et malum bonum, et ponit lucem tenebras, et tenebras lucem⁹⁸. Circa divinum officium piger est; exercitium spiritualis militiae odit, negligit et fastidit. Alii verbum ædificationis libenter audiunt; iste quia *ex Deo non est*,

C verba Dei non audit⁹⁹. Iste triplex homo quem assignavimus, terrenus, carnalis, animalis. Vetus noster homo simul crucifixus est, ait Apostolus: *Vetus homo noster simul crucifixus est, ut destruantur corpus peccati, ut ultra non serriamus peccato*¹⁰⁰. Crucifigatur terrenus in contemptu terreorum, et voluntaria paupertate. Crucifigatur carnalis in cruce obedientiæ, et exercitio disciplinæ. Crucifigatur animalis in contritione cordis, et Christi dilectione. Si hunc Iesusum crucifigere, aut omnino delere non possumus; saltem eum sub tributo servire cogamus, in captivitatem redigentes omnem intellectum, in obsequium Christi. *Castigo*, inquit Apostolus, *corpus meum, et in servitutem redigo*¹⁰¹. Si hanc generationem, si hunc triplicem hominem in servitutem redegerimus, non jam ex patre diabolo, jam non de mundo, sed ex Deo erimus, et ab auditione mala securi, verbum misericordiae, verbum gratiæ, verbum gloriæ audiemus: *Venite, benedicti Patris mei, percipite regnum quod vobis paratum est ab origine mundi*¹⁰². Quod vobis præstare dignetur, qui cum Patre et Spiritu sancto vivit et regnat Deus, per omnia sæculorum. Amen.

(7) Fragmentum hoc in edit. Paris. male et ineptissime ad finem homiliæ 62 locatum, ubi locari debeat, equidein nescio. GILES.

⁹¹ Luc. 10. ⁹² Psal. 93. ⁹³ Joan. 8. ⁹⁴ Rom. 7. ⁹⁵ Ibid. ⁹⁶ Apoc. 18. ⁹⁷ I Cor. 2. ⁹⁸ Isa. 5. ⁹⁹ I Joan. 4. ¹⁰⁰ Rom. 6. ¹⁰¹ I Cor. 9. ¹⁰² Matth. 25.